



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

28

p-79


July

531

№ 47.

19

Въ лазаревскій
Институтъ отъ
Его превосходительства
Христофора Ежишо-
вича Лазарева
приношение. 1854г.
изъ Парижа.



2

111

Լայ

պ -

238

531 V 238.

238

Թ Ո Վ Մ Ա Յ Ի

Գ Ե Մ Բ Ա Յ Ի Ո Յ

4.

ՅԱՂԱԳՍ ՆՄԱՆՈՂ

ԼԻՆԵԼՈՅ ՔՐԻՍՏՈՍԻ

2

ԹԱՐԳՄԱՆԵՑՑ

Հ. ՎՐԹԱՆԷՍՎ. ԱՍԿԵՐԵԱՆ

ՄԻԻԹԱՐԵԱՆ

Երկրորդ տպագրության

1010
40803



Ի ՎԵՆԵՏԻԿ

Ի ՍՈՒՐԲԵ ՂԱԶԱՐ

1855



2000-102


Ա. 2 Գ

Խնդիր է առ գիտնաւորս զչորեցունց
գրոց որ ՅԱԼԱԳՍ ՆՄԱՆՈՂ ՔՐԻՍՏՈՍԻ ԼԷ
ՆԵԼՈՅ՝ Թէ յուսմէ ումեքէ արդեօք իցեն
գրեալ, որովհետև առանց անուան մա-
տենագրին աւանդեն գրչագիրք զայն :

Կէսք համարին Գերսոնի միանձին ի-
տալացւոյ գրեալ զայն, այլք Գերսոնի
կանոնիկոսի գաղղիացւոյ. բայց առա-
ւելագոյնք այնոքիկ են, որք Թովմայի
Գեմբացւոյ օգոստինեան կրօնաւորի ըն-
ծայեն զայն : Քանզի գրչագիրք մատե-
նիս բազումք յայսոսիկ ամս գտան յԻ-
տալիա ՚ի Գաղղիա և ՚ի Գերմանիա Թա-
ղեալք ՚ի խորչս մատենագարանաց. և ոչ
միոյ ուրուք յայնցանէ ոճ և ձև գրուա-
ծոյն և այլ նշանակք հնուԹեանն գտա-
նին երկցագոյնք քան զհնգետասանե-
րորդ գար, յորում եկաց Գեմբացին :

Զսոյն կարծիս առաւելապէս հաս-
տատէ և գիւտ այլոյ գրչագրի միոջ ՚ի


մատենադարանի կէստոնք քաղաքի 'ի
Վեոդ-Ֆալիա, գրեալ 'ի 1425, որ 'ի ճա-
կատ գրոցն բերէ զանուն թովմայի Գեմ-
բացւոյ, բառնալով 'ի բաց զամենայն
երկբայութիւն: Վասն որոյ և մէք որ-
պէս զառաջին տպագիրս մեր, նոյնպէս
և զառաջիկայս յանուն նորին 'ի գէտ
վարկաք մակագրել:



ՀՈԳԵՍԷՐ ԸՆԹԵՐՑՈՂՍ

Բագու՛մ է յոյժ յարգ գրոյս 'ի մէջ
հոգեորակիսն գրոց, վասն իշրոց ազ-
դո՛ւ և ոգեշահի բանից . Որո՛ւմ իբրև
ընտրակիսնի իմիք անձկացեալ ազգք
բագու՛մք, յիշրեանց բարբառ շրջեցին.
Թարգմանեցաւ վաղո՛ւ ևս՝ և 'ի մեր
բարբառ, և տպեցաւ իսկ բագու՛մ ան-
գամ . բայց յանընտել շարանանոշրե-
նէ բառից 'ի թարգմանոշրեանս անո՛յ՝
բագու՛մ ուրեք բաղեալ երևեիև ինա-
ցուածք բանիցն . Վասն այսորիկ իբ-
րև հարկ եղև զսա նորոգ տպագրո՛ւ-
րեանք 'ի յոյս ընծայել, պատշաճ բռնե-

ցաւ՝ զայն ըստ ռանյ մերուսն շեզուի
բարգմանողօրէն դիւրիւնաց գործել .
Չի ողեշան խրատք մատենիս վերծա-
նողաց դիւրաշուշը շիցին . և փափա-
քօղք բանից սորս մտադիւրագոյն ըն-
րերցցին յօգուտ .





Յ Ա Ղ Ա Գ Ս

Ն Մ Ա Ն Ո Ղ Լ Ի Ն Ե Լ Ո Յ

Ք Ր Ի Ս Տ Ո Ս Ի

Գ Ի Ր Ք Ա Ռ Ա Ջ Ի Ն

Խ Ր Ա Տ Ք Ա Ռ Տ Ո Գ Ե Ե Կ Ե Ա Ն Ս

Պ Ի Տ Ա Ն Ի Ք

Գ Լ Ո Ի Խ Ա

*Յաղագս Եմանող լիկերոյ Քրիստոսի,
և արևաւարիկի զամենայն ունայ-
նուքիչնս աշխարհի.*

*Ա. Ո՞ր դայ զկնի իմ, ընդ խաւար
մի զնասցէ. ասէ տէր: Այս բանք
են Քրիստոսի, որովք խրատիմք
կինաց նորա և վարուց լինել նմա.*

նողք, եթէ կամիմք ճշմարտապէս լուսաւորել, և յամենայն կուրութենէ սրտի լինել զերծ: Ապա մեծ փոյթ մեր լիցի՝ խոկալ զվարս Յիսուսի Քրիստոսի:

Բ. Արդապետութիւն Քրիստոսի՝ ՚ի վեր է քան զամենայն վարդապետութիւնս սրբոց, և որ զհոգին ունի՝ զծածկեալն ՚ի նմա գտանէ զմանանայ: Բայց բազումք ՚ի ստէպ լրոյ աւետարանին չառնուն ինչ եռանդն. զի չունին զհոգին Քրիստոսի: Այլ որ կամի լիով և քաղցրութեամբ զբանս Քրիստոսի առնուլ ՚ի միտ, զամենայն զվարս իւր փոյթ կալցի առնել նմին նմանող:

Գ. Չինչ օգուտ է քեզ՝ խորախորհուրդ վիճել զերրորդութենէ, եթէ չիք քո խոնարհութիւն, որով երրորդութեանն լինիս անհաճոյ: Խորին բանք ոչ առնեն սուրբ և արդար, այլ առաքինի վարք սիրելի առնեն Աստուծոյ: Առաւել ըզձանամ յանձին զգալ զղջութիւն, քան զիտել զնորին սահման: Եթէ

զիտէիր զամենայն աստուածաշունչ զիրս 'ի բերան, և զամենայն իմաստասիրաց բանս, զինչ օգուտ էր այն ամենայն՝ առանց սիրոյն Աստուծոյ և շնորհաց: Ունայնութիւն ունայնութեանց, ամենայն ինչ ընդունայն է, բաց 'ի սիրոյն Աստուծոյ և 'ի ծառայութենէ նորա: Այս է կատար իմաստութեան. արհամարհութեամբ աշխարհի՝ զի մեղ յարքայութիւնն երկնից:

Գ. Ապա ունայնութիւն է կորչատական մեծութեան 'ի խնդիր լինել, և յայն հաստատել զյոյս: Ունայնութիւն է և պատուասիրել, և զաւագութեան թեկն ածել: Ունայնութիւն է մարմնոյ ցանկութեանց զհետ երթալ, և ցանկալ այնմ՝ ոյր վասն յետ սակաւ միոյ զայ 'ի վերայ ծանր սբատուհաս: Ունայնութիւն է երկար կեանս խնդրել, և զբարի վարուց անփոյթ լինել: Ունայնութիւն է աստի կենաց միայն միտ զնել, և զհանդերձելոց ինչ ոչ հոգալ: Ունայնութիւն է սիրել զայն՝ որ վաղ անցանէ, և չփու-

Թալ յայն՝ ուր մշտնջենաւոր խընդութիւնն է :

Ե. Յուշ լիցի քեզ ստէպ առական, թէ ոչ յազեսցի ական տեսանելով, և ոչ լցցի ունկն լսելով : Ապա փութա 'ի սիրոյ երևելեաց զսիրտ քո 'ի բաց դարձուցանել, և յաներևոյթս զքեզ փոխաբերել : Ձի որք զզգայութեան իւրեանց զհետ երթան, զխիղճ մտաց արատեն, և զԱստուծոյ շնորհս կորուսանեն :

Գ Լ Ո Ի Խ Բ

Յադագս ևոռատ համարելոյ զանձն .

Ա. Ամենայն մարդ բնաւորապէս զիտել ցանկայ, այլ զիտութիւն առանց երկիւղին Աստուծոյ զինչ օգուտ իցէ : Այո՛ լաւ է խոնարհ զեղջուկ՝ որ Աստուծոյ ծառայէ, քան զհպարտ փիլիսոփայ՝ որ անփոյթ լեալ զանձնէ, զընթացս երկնից զննէ : Որ քաջ զանձն ճանաչէ, անձին նանրանայ, և ընդ

գովեստ մարդկան ոչ խնդայ: Եթէ
զիտէի զամենայն որ ինչ է յաշ-
խարհի, և ոչ կայի 'ի սէր, զինչ
օգուտ էր ինձ առաջի Աստուծոյ,
որ դատելոցն է զիս ըստ գործոց:

Բ. Կասիր 'ի կարի իմն ըղձանա-
լոյ զիտութեան. զի մեծ է որ 'ի
նմայն զբաղումն և սպատրանք: Քի-
տունք՝ մտադիւր կամին երևել, և
խմաստունք կոչիլ: Բազում ինչ է,
որոց զիտութիւն նուազ կամ ոչինչ
օգտէ հոգոյ: Եւ յոյժ անմիտ է,
որ 'ի չպիտոյս յիրկութեան իւրոյ
սպատաղի: Բանք բազումք ոչ յա-
ղեցուցանեն զհոգի. այլ վարք բա-
րիք հանգուցանեն զմիտս, և մա-
քուր խիղճ մտաց մեծապէս վստա-
հացուցանէ յԱստուած:

Գ. Արչափ առաւելուս 'ի զիտու-
թիւն, այնչափ ծանրագոյն համար
ունիս տալ, թէ ոչ սրբագոյն կեանս
վարես: Ասլա մի մեծամտիր ընդ
արուեստ ինչ կամ ընդ զիտութիւն.
այլ երկիր վասն քանքարոյն, որ
տուալ քեզ: Եթէ թուի քեզ բա-
զում ինչ զիտել և քաջահմուտ գոլ,

և զայն զհտասջիր, թէ կայ ևս բազում ինչ, զոր ոչ գիտես: Մի հըպարտանար. այլ զտգիտութիւն քո խոստովան լեր: Չիարդ լաւ համարիս զքեզ քան զայլս, ուր բազումք կան քան զքեզ գիտունք և օրէնսգէտք: Թէ կամիս գիտել ինչ կամ ուսանել յօգուտ, սիրեա անձանօթ լինել, և առ ոչինչ համարել:

Դ. Այս է բարձրակատար և օգտակարագոյն ուսումն. անձին ճշմարիտ ճանաչումն և արհամարհութիւն: Զանձն չնչին համարել, և զայլս յամենայնի լաւ և արդոյ վարկանել, մեծ իմաստութիւն է և կատարելութիւն: Թէպէտ և տեսցես զոք յայտնապէս մեղուցեալ, կամ ծանունս յանցուցեալ, սակայն չէ արժան քեզ լաւ քան զնա զանձն համարել. զի ոչ գիտես ցոր վայր կացցես մնացես ՚ի բարին: Ամենեքին տկար եմք, այլ դու մի՛ զոք քան զքեզ տկար համարիր:

Գ Լ Ո Ւ Խ Գ

Յադագս փարդասկտոտրեան
ձշմարտոտրեան .

Ա . Երանի՛ , որում ճշմարտութիւնն ինքնին ուսուցանէ ոչ օրինակօք և ոչ անցաւոր բարբառովք , այլ որպէս և էն : Կարծիք մեր և միտք բազում այն է զի խարեն դմեզ , և ընդ աղօտ տեսանեն : Զինչ օգուտ է կարի իմն հետազօտութիւն գաղտնի և մթին իրաց , վասն որոց ոչ յանդիմանիցիմք 'ի դատաստանի՝ թէ՛ զմէ՛ ոչ զիտացար : Մեծ անմտութիւն է , զի զանց զսլիտանեօք արարեալ և զկարևորօք , կամակար ձգիմք յընդվայրաքնինս և 'ի մնասակարս : Աչս ունիմք , և ոչ տեսանեմք :

Բ . Եւ զինչ փոյթ է մեզ զսեռից և զտեսակաց : Ընդ որում յաւտենական Բանն խօսի , նա 'ի բազում խնդրոց զերծ գտանի : Ի միայ-

նոյ Բանէ անտի է ամենայն, և զնոյն պատմէ ամենայն ինչ. և այն է սկիզբըն որ և խօսի ընդ մեզ: Առանց նորա ոչ որ իմանայ կամ դատի ուղիղ: Որում ամենայն ինչ 'ի միումն է, և զամենայն 'ի մի ձգէ, և զամենայն 'ի միում տեսանէ, մարթ է սրտի նորա լինել յանդորրու, և խաղաղական անձամբ կալ մնալ յԱստուած: Աստուած ճշմարտութեան, յօղեալ զիս ընդ քեզ մշտնջենաւոր սիրով: Տաղտկալի է ինձ յաճախ բազումս ընթեռնուլ և լսել. 'ի քեզ է ամենայն զոր խնդրեմ, և որում անձկամ: Լուեսցեն ամենայն վարդապետք. կարկեսցին ամենայն արարածք առաջի քո. դու միայն խօսեաց ընդ իս:

Գ. Որչափ որ ներանձնացեալ է, և ներքուստ պարզեալ, այնչափ բազումս և վսեմականս անաշխատ առնու 'ի միտ. զի 'ի վերուստ անտի ընդունի զլոյս հանձարոյ: Ջինջ և պարզ և անդրդուելի հոգի՝ 'ի յաճախել զործոց ոչ զբաղնու. զի զամենայն 'ի փառս Աստուծոյ զործէ,

և 'ի խնդրելոյ զիւրն յամենայնի
 ջանայ լինել անձնապահ : Չինչ է ,
 որ խափանէ զքեզ և նեղէ , բայց
 քո անմեռ իղձ սրտի : Այլ բարի
 և փոյթեռանդն զգործս իւր , զոր
 արտաքոյ առնել ունի , նախ 'ի ներ-
 քոյ կարգադրէ : Եւ ոչ այնք ձգեն
 զնա 'ի ցանկութիւն ախտաւոր յօ-
 ժարութեան . այլ ինքն չրջէ զնոսա
 ըստ հաճոյից ուղիղ բանի : Ո՞ւմ
 այնպէս սաստիկ պատերազմ առա-
 ջի կայցէ , որպէս այնմ՝ որ ջանայ
 յաղթել անձին : Այսմ՝ սլարտ էր
 փոյթ ունել մեզ . անձանց յաղթել ,
 և օր ըստ օրէ 'ի մեր վերայ դօրանալ ,
 և 'ի լաւ անդր յառաջադէմ լինել :

Գ . Ամենայն կատարելութիւն
 յաստի կեանս՝ թերութիւն ինչ ու-
 նի ընդ իւր լծորդ , որպէս և ամե-
 նայն տեսութիւն մեր չէ ամենեին
 անմռայլ : Խոնարհ ճանաչումն ան-
 ձին՝ ստուգագոյն ճանապարհ է առ
 Աստուած , քան զխորազնին զի-
 տութիւն : Չէ ինչ ստգտանելի զի-
 տութիւն , կամ զինչ և իցէ իրաց
 սլարդ ծանօթութիւն , որ յիւրմէ

բարի է, և առ յԱստուծոյ կարգեալ . բայց նախադասել պարտ է յամենայնի դբարիոք խիղճ մտաց և դառաքինի վարս : Եւ քանզի բազումք առաւել ջանան զիտել, քան բարւոք կեալ . վասն այսորիկ ստէպ մոլորին, և ոչինչ կամ սակաւս պտղաբերեն :

Ե. Եթէ այնչափ փոյթ 'ի մէջ առնուին 'ի խել զմոլութիւնս և 'ի տնկել զառաքինութիւնս, որչափ 'ի յուզել զխնդիրս, ոչ արդեօք 'ի վեր երևէին այսչափ չարիք և գայթակղութիւնք 'ի ժողովրդեան, և ոչ այսչափ թուլութիւն 'ի վանականս : Ի դալ աւուրն դատաստանի ոչ լինի առ մեզ հարցփորձ, թէ զինչ ընթերցաք, այլ թէ զինչ գործեցաք . և ոչ, թէ քանի՞ ճարտար խօսեցաք, այլ թէ քանի՞ կրօնասիրութեամբ քաղաքավարեցաք : Աստի՛ ինձ . ո՛ր են արդ այն ամենայն տեսարք և վարդապետք՝ զորս քաջ ճանաչէիր, մինչ դեռ կենդանի էին և զիտութեամբք ծաղկէին : Այժմ 'ի հասս նոցա այլք վայելեն, և չգի-

տեմ՝ թէ խորհիցին ինչ զնոցանէ :
 Ի կենդանութեան իւրեանց համարէին լինել ինչ . բայց արդ լուծութիւն է զնոցանէ :

Զ. Ո՛վ, որպէս վազվազակի անցանեն փառք աշխարհի : Երանի՛ թէ վարք նոցա ընդ զխտութիւն իւրեանց միաբանէին : Յայնժամ քաջազէպ յաջողեալ էր նոցա ուսումնս և զպրութիւն : Քանի՛ք կորնչին սնտի զխտութեամբ յաշխարհի , ոչք անիոյթ են զԱստուծոյ ծառայութենէ : Եւ զի առաւել ընտրեն մեծարդի լինել քան խոնարհ , վասն այնորիկ նանրանան ՚ի խորհուրդս իւրեանց : Նա է ճշմարտապէս մեծ , որոյ մեծ է սէր : Նա է ճշմարտապէս մեծ , որ յաչս անձին փոքր է , և զամենայն բարձրութիւն պատուոյ ոչ համարի ինչ : Նա է ճշմարտապէս խոհեմ , որ զերկրաւորս ամենայն համարի կղկղանս , զի զՔրիստոս շահեսցի : Եւ նա է քաջ ուսեալ , որ զկամս Աստուծոյ առնէ , յիւրոց կամաց հրաժարեալ :

Գ Լ Ո Ի Խ Գ

Յաղագս յառաջատեսութեան
'ի գործս .

Ա . Մի հաւատար ամենայն բանի և զրգոութեան . այլ զգուշութեամբ և երկայնմտութեամբ ըստ Աստուծոյ կշռեալ զամենայն : Աւանդ , զի բազում անգամ մտադիր բազոյն հաւատամբ և խօսիմբ զայլմէ զչար քան զբարի . այսպէս տրկար եմբ : Բայց արք կատարեալք ոչ զիրաւ հաւատան ամենայնի՞ զոր բերէ զրոյց . քանզի զիտեն զմարդկան տկարութիւն , զի զիրամէտ է 'ի չարն , և 'ի բանս իւր սայթաք :

Բ . Մեծ իմաստութիւն է չլինել վաղվաղակ 'ի գործս , և ոչ յամառ յիւր կարծիս : Յայս հայի ևս՝ ոչ ամենայն մարդոյ խօսից հաւատալ . և զոր լուաւ որ կամ հաւատաց՝ ոչ իսկ և իսկ յայլոց ականջս հեղուլ :

Ընդ առն իմաստնոյ և երկխոյզածի մուտ 'ի խորհուրդ . և խնդրեա՛ ուսանել 'ի լաւէ անտի , քան զհետ երթալ խորհրդոց քոց : Վարք բարիք առնեն զմարդ իմաստուն ըստ Աստուծոյ , և փորձ 'ի բազումս : Որչափ առաւել որ խոնարհ է յաչս անձին , և Աստուծոյ հնազանդ , այնչափ յամենայնի իմաստնագոյն լինի և խաղաղագոյն :

531-2009
 1010 / 40803

Գ Լ Ո Ւ Խ Ե

Յադագս ընկերցման սուրբ գրոց .

1. Զճշմարտութիւն խնդրել պարտ է 'ի սուրբ գիրս , և ոչ ճարտարխօսութիւն : Զամենայն սուրբ գիրս այնու հողւով պարտ է ընթեռնուլ , որով և գրեցան : Առաւել պարտ է 'ի սուրբ գիրս՝ 'ի խընդիր լինել օգտի , քան նրբութեան բանից : Այնպէս մտաղիւր պարտ է մեզ ընթեռնուլ զՉեղբոսանդն և զգիրխմաց գիրս , որպէս գրար-



2*

ձունս և դիտորինս : Մի գայթակղեցուսցէ զքեզ մատենագրին անուն, թէ շատ կամ սակաւ իցէ նորա գրագիտութիւն . այլ սէր լոկոյ ճըմարտութեան ձգեսցէ զքեզ յընթերցումն : Մի խնդրեր , թէ ոյր դայս ինչ իցէ ասացեալ , այլ միադիր , թէ զինչ ասէ :

Բ . Մարդիկ անցանեն , այլ ճըմարտութիւն տեսուն մնայ յատեան : Առանց ակնառութեան բազմօրինակ խօսի ընդ մեզ Աստուած : Ընդվայրաքննութիւն մեր յոլովակի խոչ լինի մեզ յընթերցմունս զրոց . զի կամիմք խելամուտ լինել , և մանր կրկտել , ուր պարտէր հարեանցի անցանել : Եթէ կամիա օգտիլ , ընթերցիր խոնարհութեամբ , պարզմտութեամբ , և հաւատարմութեամբ . և մի յօժարիր երբէք կոչիլ դիտնաւոր : Հարց մտադիր , և լուր լռիկ զբանս սրբոց . և մի արհամարհեր զառակս ձերոց , զի չասացին վայրապար :

Գ Լ Ո Ւ Խ Զ

Յաղագս անկարգ ախորժակաց .

Ա. Յորժամ անկարգ ըղձիւ բերի որ առ իմն , անդէն վաղվաղակի նեղի յանձն : Ամբարտաւանն և արձաթասէր ոչ երբէք հանգչին . աղքատն և խոնարհ հոգւով՝ վայելեն 'ի բազում խաղաղութեան : Այր՝ որ դեռ անմեռ է յինքեան , վաղվաղակի փորձի և յաղթի 'ի փոքունս և 'ի ճնշինս : Տկարն հոգւով , և որ դեռ ըստ իրաց ինչ մարմնաւոր է և յօժարամիտ 'ի զգալիս , զբժուարին է նմա յերկրաւոր ցանկութեանց 'ի բաց կալ խազառ : Ասան այսորիկ բազում անգամ տրամութիւն ունի զնա , յորժամ 'ի բաց հրաժարէ . և դիւրաչարժ է 'ի ցասումն , թէ որ նմա ընդդէմ գառնայ :

Բ. Ապա եթէ զհետ երթայ , որում ցանկայ , անդէն 'ի խղճէ մը

տայ ծանրանայ . զի զիւրոյ կրից
չորաւ զհետ , որ ոչինչ օգտեն խա-
ղաղութեանն՝ զոր խնդրէ : Ապա
զիմամարտ լինելով կրից՝ գտանի
ճշմարիտ խաղաղութիւն սրտի , և
ոչ թէ ծառայելով նոցա : Ապա չիք
խաղաղութիւն 'ի սիրտ առն մար-
մնասիրի , և ոչ 'ի մարդ՝ որ անձնա-
տուր է յարտաքինս , այլ յայն՝ որ
եռանդնոտ է և հոգեսէր :

Գ Լ Ո Ի Խ Է

Յաղագս խորշերոյ 'ի սնտախ յուսոյ ,
և 'ի մեծամտութեան .

Ա . Մնտախ է , որ դնէ զյոյս իւր
'ի մարդիկ կամ յարարածս : Մի
ամօթ համարիր այլում ծառայել
'ի սէր Յիսուսի Քրիստոսի , և յաչ-
խարհի աստ աղքատ համարիլ :
Մի սպաւինիր յանձն . այլ յԱ.ս.
տուած հաստատեա զյոյս քո : Ա-
րա որ ինչ անկ է քեզ . և Աստուած
յաջողեսցէ կամաց քոյ 'ի բարին :

Մի ապաւինիր 'ի քո գիտութիւն ,
կամ 'ի հանճար մտեղեաց , այլ 'ի
չնորհս Աստուծոյ , որ ձեռնտու է
խոնարհաց , և խոնարհ առնէ ըզ-
յանձնապաստանս :

Բ . Մի պարծիր յինչս , թէ ու-
նիս . և մի 'ի բարեկամս , թէ հզօր
են . այլ յԱստուած , որ ամենայնի
է պարգևատու , և քան զամենայն
ինչ զանձն տալ կամի : Մի հպար-
տանար ընդ մեծութիւն , կամ ընդ
զեզ մարմնոյ՝ որ դոյզն հիւանդու-
թեամբ ապակհանեալ տղեղանայ :
Մի լինիր անձնահաճ , վասն լինե-
լոյ քոյ աջողաձեռն և զգօնամիտ .
զի մի անհաճոյ լիցիս յաչս Աստու-
ծոյ , որոյ է ամենայն՝ որ ինչ ձիրք
բնութեան են 'ի քեզ :

Գ . Մի համարիր զանձն լաւ քան
զայլս . զուցէ յաչս Աստուծոյ յո-
ռեզոյն իցես , որ գիտէ թէ զինչ
կայ 'ի մարդ : Մի հպարտանար ընդ
զործս բարեաց , զի այլազգ են դա-
տաստանք Աստուծոյ քան զմարդ-
կան , որոյ առաջի անհաճոյ են յա-
ճախ հաճոյք մարդկան : Թէ ունիս

Գ Լ Ո Ի Խ Թ

Յաղագս հնազանդորչեալսն և
հպատակորչեալսն .

Ա. Մեծ է յոյժ կալ 'ի հնազանդութեան ընդ ձեռամբ առաջնորդի, և չլինել ինքնազուլս : Ապահովագոյն է կալ 'ի հպատակութեան՝ քան յառաջնորդութեան : Բազումք կան ընդ հնազանդութեամբ առ հարկի, և ոչ 'ի սիրոյ : Եւ այսպիսիք տանջին, և ընդ գոյզն իրաց տրտնջեն : Եւ չստանան զազատութիւն մտաց, թէ ոչ 'ի բոլոր սրտէ վասն Աստուծոյ հնազանդեն զանձինս : Ընթա՛յ յայսկոյս յայնկոյս, և ոչ զտցես հանգիստ, բայց 'ի խոնարհ հպատակութեան ընդ հովուութեամբ առաջնորդի : Յնորք տեղափոխութեան զբազումս արկին 'ի պատրանս :

Բ. Ճշմարիտ է թէ ամենայն ոք մտադիր գործէ ըստ միտս իւր, և

առաւել միտէ 'ի համախոհս իւր :
 Բայց եթէ Աստուած է 'ի միջի մե-
 րում, հարկ է թողուլ երբեմն և ըզ-
 մեր կարծիս՝ վասն օգտի խաղա-
 դութեան : Ո՞վ այնպէս իմաստուն
 իցէ, որ զամենայն լիով զիտիցէ :
 Ապա մի կարի իմն ասլաստան լի-
 նիր 'ի քո կարծիս, այլ մտադիր և
 կարծեաց այլոց լեր ունկնդիր : Ե-
 թէ քաջ են քո կարծիք, և դու
 վասն Աստուծոյ զքոյն թողեալ՝ այ-
 լում անսաս, բազումս օգտեսցիս :

Գ . Բազում անգամ լուեալ է
 իմ. ապահովագոյն է լսել և առնուլ
 խորհուրդ՝ քան տալ : Մարթ իսկ
 է, թէ իւրաքանչիւրոց կարծիք ի-
 ցեն բարի . այլ չանսալն այլոց 'ի
 պահանջել բանին, նշան է հպար-
 տութեան և յամառութեան :

Գ Լ Ո Ւ Խ Ժ

Յաղագս խորշերոյ 'ի դատարկ բանից .

Ա. Զգոյշ լեր յամբոխէ մարդկան ըստ կարի . զի յոյժ խափանեն զրոյցք աշխարհային իրաց , թէպէտ և պարզմտութեամբ ասացեալ : Քանզի անդէն յունայնութիւն շաղախիմք , և 'ի գերութիւն մատնիմք : Ո՞ տայր , թէ յոլովակի լուէի , և չլինէի 'ի մէջ մարդկան : Այլ զի է մեզ այդպէս յօժարամիտ բերիլ 'ի խօսս և 'ի զրոյցս , որ դուն ուրեք անխիղճ դառնամք 'ի լուութիւն : Յայն սակս յօժարամիտ բերիմք 'ի զրոյցս , զի ընդ միմեանս խօսակցութեամբ 'ի միմեանց մխիթարել խնդրեմք . և զսիրտ մեր 'ի պէսպէս խորհրդոց վաստակաւոր սփոփել կամիմք : Եւ առ որս կարի իմն սէր և անձուկ ունիմք , կամ զորս հակառակ մեզ կարծեմք , զայնց մտաղխրագոյն ևս կամ է մեզ խօսել և խորհել :

Բ . Բայց աւանդ , զի բազում ան-
 դամ զուր տարապարտուց զայս
 առնեմք : Քանզի արտաքինս այս
 մխիթարութիւն՝ ներքին և աստուա-
 ծային մխիթարութեան ոչ փոքր
 վնաս գործէ : Վասն այսորիկ հըս-
 կել պարտ է և կալ յաղօթս , զի մի
 դատարկ անցցէ ժամանակն : Աթէ
 արժան և օգուտ իցէ խօսել , որ ինչ
 'ի շինութիւն է՝ զայն խօսեաց : Ի
 չար սովորութենէ , և 'ի հեղգութե-
 նէ յառաջադիմութեան մերոյ է բա-
 զում անգամ բերանոյ մերոյ ան-
 պահպանութիւն : Բայց զհոգևոր
 իրաց խօսս առնել՝ ոչ սակաւ օգուտ
 է հոգևոր զարգացման , մանաւանդ՝
 ուր համամիտք և համաշունչք յա-
 նուն տեսուն միարանեալ իցեն :

Գ Լ Ո Ւ Խ Ժ Ա.

Յադագս առանևարոյ զխաղաղոշրիւն ,
և յադագս ևսխանձոշ յառաջադի-
մոշրեան .

Ա . Ի բազում խաղաղութեան
վայելէաք , եթէ ոչ պատաղէաք
յայլոց բանս և 'ի գործս , և յորս
ոչ են անկ հոգաբարձութեան մե-
րոյ : Զխմրդ հնար է ընդ երկար 'ի
խաղաղութեան լինել այնմ , որ յօ-
տարի հոգս խառնի , որ արտաքոյ
դբաղանս խնդրէ , և որում չէ ինչ
փոյթ ներանձնանալ : Երանի այնո-
ցիկ , որք միամիտքն են . զի բա-
զում խաղաղութիւն գտցեն :

Բ . Զխմրդ ոմանք 'ի սրբոց յա-
ռաջադէմ գտան 'ի կատարելու-
թիւնս և 'ի վերնական խոկմունս :
Վասն զի գլխովին զանձինս մե-
ռուցանել ջանացան յամենայն երկ-
րաւոր ցանկութեանց : Վասն այ-
սորիկ սրտի մտօք ընդ Աստուծոյ

միացան, և անխափան կարօղ եղեն զանձամբք պատաղիլ: Մեր կարի խնն դբաղիմք 'ի մեր կիրս, և զանցաւորաց յոյժ խնամ ունիմք: Գժուարահաս եմք գէթ միում 'ի մուլութեանց յաղթել, և առ օրըստօրէ յառաջադիմութիւն չունիմք ինչ եռանդն. վասն այսորիկ կամք մընամք ցուրտք և գաղջք:

Գ. Նթէ էաք կատարելապէս մեռեալք յանձինս, և ներքոյ 'ի դբազանաց զերծք, կարող լինէաք զատուածայինս խորհիլ, և զերկնային խոկմանց առնուլ ինչ ճաշակ: Մեծ խոչ խափանարար այն է, զի չեմք 'ի կրից և 'ի ցանկութեանց զերծք, և ոչ ընդ սրբոց շաւիղ գնալ կամիմք անվրէպ: Նթէ դոյզն վիշտ ընդ առաջ լինի, անգէն վաղվազակի լքանիմք, և 'ի մարդկային մխիթարութիւնս բերիմք:

Դ. Նթէ ջանայաք որպէս քաջք՝ պինդ կալ 'ի մարտի, տեսանէաք արդեօք զտեսառն օգնութիւն յերկնից 'ի մեզ հասեալ: Ձի նա ինքն քաջամարտից և 'ի շնորհս իւր յու-

սացելոց՝ պատրաստ է օգնել . որ առաջի առնէ մեզ ասպարէզ մարտի , զի յաղթեսցուք : Եթէ միայն յարտաքին պահպանութիւնս կանոնաց զնեմք զյառաջադիմութիւն կրօնաւորութեան , փութով շիջցի մեր եռանդն : Այլ գտապարն ասարմին զիցուք , զի մաքրեալք ՚ի կրից՝ խաղաղական միտս ստացուք :

Ե . Եթէ ամ յամէ զմի ՚ի մուրթեանց խլէաք , վաղվաղակի լեալ էաք արք կատարեալք : Քայց արդ բազում անգամ զհակառակն սեռանեմք . զի լաւագոյնս և մաքրագոյնս գտանեմք զմեզ ՚ի սկզբան դարձի , քան յետ բազմամեայ ուխտադրութեան : Պարտ էր եռանդանն և յառաջադիմութեան օր ըստ օրէ առաւելուլ . այլ այժմ մեծ իմն համարի , եթէ դք զառաջնոց եռանդան զմասն ինչ յանձին ունիցի : Եթէ առ փոքր մի բռնադատէաք զանձինս ՚ի սկզբան , ասպս զանձնայն կարող էաք առնել հեշտեաւ և խնդութեամբ :

Զ. Մանր է դստվորականս թուղուլ . այլ ծանրագոյնս ևս՝ ընդդէմ կամաց անձինս գնալ : Արդ թէ չես յաղթօղ 'ի փոքունս և 'ի թեթևս , զիա՛րդ յաղթեսցես 'ի դժուարինս : Ի սկզբան անդ լեր զիմակալ քում յօժարութեան , և կասիր 'ի չար սուփորութենէ . զի մի սուփորք փորք արկցէ զքեզ յառաւել դժուարութիւն : Եթէ զիտէիր թէ քանի խաղաղութիւն գործէր քեզ և այլոց խնդութիւն՝ անձինդ բարեկրութիւն , ժրագոյն արդեօք լինէիր 'ի փոյթ հողևոր յառաջադիմութեան :

ՔԼՈՒԽ ԺԲ

Յաղագս օգտի վշտաց .

Ա. Բարի է մեզ ունել երբեմն ծանրութիւնս ինչ և ընդդիմութիւնս . քանզի բազում անգամ յիշեցուցանեն մարդոց ճանաչել՝ թէ յաքսորս է , և չգնել զյոյս իւր յաշխարհայինս : Բարի է մեզ կրել երբեմն հակառակութիւնս , և զի խոր-

հիցին զմէնջ չարիս և անկատարութիւնս . թէպէտ և բարի իցեն մեր զործք և խորհուրդք : Օգնեն սոքա յոլովակի խոնարհութեան , և 'ի սնափառութենէ պահեն զմեզ : Զի յայնժամ լաւ ևս ապաստան լինիմք 'ի ներքին մեր վկայ յԱստուած , յորժամ արտաքոյ 'ի մարդկանէ անարգիմք , և չեն զմէնջ 'ի բարի կարծիս :

Բ. Վասն այսորիկ պարտ էր մարդոյ քաջայոյս լինել յԱստուած , մինչ ոչ կարօտել 'ի խնդիր լինելոյ մարդկային մխիթարութեանց : Սյր բարեսէր յորժամ նեղի կամ փորձի , կամ 'ի չար խորհրդոց տառապի , յայնժամ առաւել իմանայ թէ պէտս ունի Աստուծոյ օգնականութեան . առանց որոյ տկարանայ առ ամենայն բարի : Յայնժամ տրրամի , հեծէ , և յաղօթս կանխէ վասն թշուառութեանց՝ զորս կրէ : Յայնժամ տաղտկալի լինին նմա երկար կեանք , և անձկայ մահու . զի լուծեալ 'ի մարմնոյ՝ ընդ Քրիստոսի լիցի : Եւ յայնժամ խելամուտ լինի

Թէ կատարեալ ապահովութիւնն և լիութի խաղաղութիւնն չիք ուրեք յաշխարհի :

Գ Լ ՈՒ Խ Ժ Գ

Յաղագս հակառակ կարոյ
փորձուքեանց .

Ա. Յորչափ յաշխարհի եմք , առանց նեղութեան և փորձութեան լինել ոչ կարեմք : Ուստի ասէ Յոր . Ո՛չ ապաքէն փորձութիւն են վարք մարդոյ 'ի վերայ երկրի : Ասան այսորիկ ամենայն որ զգուշաւոր լիցի 'ի փորձութիւնս իւր , և տքնեսցի յաղօթս , զի մի պատրոզութեան տեղի գտցէ սատանայ . որ ոչ երբէք ննջէ , այլ շրջի և խնդրէ թէ զո՞ կլանիցէ : Չիք որ այնպէս կատարեալ և սուրբ , որ ոչ կրիցէ երբեմն փորձութիւնս . և բոլորովին զերծ լինել յայնցանէ անհնար է մեզ :

Բ. Բայց փորձութիւնք բազում անգամ օգուտ են յոյժ մարդոյ ,

Թէպէտ և տաղտկալիք իցեն և ծանր-
զի նորօք խոնարհի մարդ և մաքրի և
խրատի : Ամենայն սուրբք ընդ բա-
զում նեղութիւնս և փորձութիւնս
անցին , և օգտեցան : Եւ որք փոր-
ձութեանց համբերել ոչ կարացին ,
անարգեցան և յետնեալ դտան : Չիք
կրօն այնպէս սուրբ , և ոչ տեղի
այնպէս անքոյթ , ուր ոչ իցեն փոր-
ձութիւնք կամ վիշտք :

Գ . Չէ մարդ բոլորովին աներ-
կեան 'ի փորձութեանց՝ ցորչափ
կենդանի է . զի 'ի ներքս 'ի մեզ է՝
ուստի փորձիմք , որովհետև ցան-
կութեամբ ծնօք : Բնդ մեկնել միոյ
փորձութեան կամ նեղութեան՝
միւս 'ի վերայ դայ . և միշտ ունիմք
կրել ինչ , զի զբարին երջանկու-
թեան մերոյ կորուսաք : Բազումք
խնդրեն փախչել 'ի փորձութեանց ,
և ծանրագոյնս անկանին 'ի նոյնս :
Փախստեամբ լսկով յաղթել ոչ զօ-
րեմք . այլ համբերութեամբ և ճրչ-
մարիտ խոնարհութեամբ առ ամե-
նայն թշնամիս արիանամք :

Գ . Որ որ միայն վերիվերոյ խոր-

չի, և ոչ խլէ դշարն արմատաքի, ոչինչ օգտի. նա՛ վաղագոյն ևս դառնան ՚ի նա փորձութիւնք, և չար ևս լինի: Առ փոքր փոքր և երկայնամիտ համբերութեամբ, (յաջողելով տեսան) լաւագոյն յաղթես, քան քոյին խստութեամբ և ապաժոյժ նեղսրտութեամբ: Խնդրեա ստէպ խորհուրդ ՚ի փորձութեան. և ընդ փորձանաւորի մի խստիւ դնար, այլ քաջալերեա դնա, որպէս կամէիր թէ առնէին ընդ քեզ:

Ե. Սկիզբն ամենայն փորձութեանց չարաց՝ է յողողողութիւն մտաց, և թերայոյս լինել յԱստուած: Չի որպէս նաւ անդեակ յայսկոյս յայնկոյս յալեաց ծփի, նոյնպէս այր թոյլ և յառաջադրութիւնս իւր մեղկ՝ բազմօրինակ փորձի: Հուր փորձէ զերկաթ, և փորձութիւն զայր արդար: Բազում անգամ ոչ ճանաչեմք զկար մեր, այլ փորձութիւնն յայտնէ թէ զինչ եմք: Սակայն արթուն կալ սրտտ է՝ մանաւանդ ՚ի սկզբան անդ փորձութեան. զի յայնժամ զիւրագոյն յաղթի թըշ-

նամին , յորժամ մտանել անգամ
ընդ դուռն մտաց չներեմք . այլ ան-
դէն առ սեամս 'ի բաղխել զդուրս ,
ընդդէմ ելանեմք : Վասն որոյ ա-
սաց ոմն * :

Կաց հակառակ դու 'ի սկզբան .
Զի պատրաստին դեղք անադան ,
Այն ինչ յերկար դանդաղութեամբ ,
Ախաբ 'ի հնարից գոն ապրստամբ :

Քանզի զառաջինն ընդ առաջ լի-
նի մտաց սոսկ մտածութիւն . ապա
սաստիկ երեակայութիւն . ապա
բերկրութիւն , և անկարդ շարժումն ,
և հաւանութիւն : Եւ այնպէս փոքր
փոքր զլխովին 'ի ներքս մտանէ շար-
թչնամին , յորժամ ոչ 'ի դիմի հար-
կանիմք նմա 'ի սկզբան : Եւ որչափ
յերկարագոյն դանդաղի որ զդէմ
ունել , այնչափ օր ըստ օրէ յինքեան
տկարանայ , և թչնամին 'ի վերայ
նորա զօրանայ :

Զ . Ոմանք 'ի սկզբան դարձի իւր-
եանց՝ ծանունս կրեն փորձութիւնս ,

* Ովիդիոս :

և ոմանք 'ի կատարածի: Իսկ ոմանք գրեթէ յամենայն կեանս իւրեանց տառապին . և ոմանք մեղմ' փորձին . իւրաքանչիւր ըստ իմաստութեան և ըստ ուղղութեան աստուածային կարգաւորութեան , որ ըզպայման և զկար մարդկան կշռէ , և զամենայն 'ի փրկութիւն ընտրելոց իւրոց նախակարգէ :

Է . Վասն այսորիկ ոչ է պարտ մեզ վհատել 'ի փորձութեան . այլ ջերմազոյն ևս աղաչել զՍտուած , զի օղնական մեզ լիցի յամենայն նեղութիւնս . որ ըստ ասելոյն Պօղոսի՝ արասցէ ընդ փորձութեան և զելս , զի համբերել կարասցուք : Ապա խոնարհեցուցուք զանձինս մեր ընդ ձեռամբ Ստուծոյ յամենայն փորձութիւնս և 'ի վիշտս . զի զխոնարհս հոգւով կեցուցանէ , և բարձր առնէ :

Ը . Ի փորձութիւնս և 'ի վիշտս փորձի մարդ , թէ որչափ ինչ օգտեցաւ . և յայնս առաւելուն վաստակք , և լաւ ևս երևին առաքինութիւնք : Չէ ինչ մեծ ջերմ' լինել մար-

դոյ և եռանդնոտ, յորժամ չզգայ ինչ
 ծանրութիւն. այլ եթէ 'ի ժամանա-
 կի վշտաց համբերութեամբ տանի,
 կայ յոյս մեծի օգտի: Ոմանք 'ի մե-
 ծամեծ փորձութեանց սլահին, և 'ի
 փոքունս հանապազօրեայս ստէպ
 յաղթին. զի խոնարհեալք՝ մի եր-
 քէք 'ի մեծամեծս յանձնապաստան
 լիցին, որ 'ի փոքունս տկարանան:

Գ Լ Ո Ի Խ Ժ Գ

Յաղագս խորշերոյ 'ի յակողոզգև
 դատողոշքևևե.

Ա. Զաչսդ 'ի քեզ դարձո. և զայ-
 լոց գործս զգոյշ լեր չդատել: Ի դա-
 տել զայլս՝ մարդ զուր ջանայ, յոլո-
 վակի սխալէ, և դիւրաւ մեղանչէ:
 Իսկ 'ի դատել և 'ի քննել զանձն՝
 միշտ ջանք իւր են յօգուտ: Որպէս
 զիարդ են իրք 'ի սիրտ մեր, ըստ
 այնմ սովոր եմք դատել զնոցանէ,
 զի զուղիղ դատաստան՝ առ առանձ-
 նական սիրոյ՝ դիւրաւ կորուսա-
 նեմք: Եթէ առ Աստուած էր յա-

մենայնի բերումն ըղծից մերոց , ոչ այդպէս վաղվաղակի խռովէաք ընդ դիմադարձութիւն կարծեաց մերոց :

Բ . Բայց բազում անդամ զօղեալ կայ ինչ ներքոյ , կամ ընթացակցի ինչ և արտաքոյ , որ և զմեզ միահաղոյն ձգէ զկնի : Բազումք 'ի ծածուկ զանձինս խնդրեն յամենայնի զոր առնեն , և ոչ իմանան : Թուին և 'ի բարուք խաղաղութեան կալ , յորժամ յաջողեն իրք ըստ կամս նոցա և ըստ հաճոյս . ապա եթէ այլ ազգ ինչ քան զհաճոյս նոցա պատահէ , անդէն վաղվաղակի խռովին և տխրին : Առ պէսպէս մտածութեան և կարծեաց յուրկակի ծագին երկպառակութիւնք 'ի մէջ բարեկամաց և քաղաքացեաց , 'ի մէջ կրօնաւորաց և առաքիներաց :

Գ . Զսովորութիւն հնացեալ ոչ վաղվաղակի է թողուլ . և քան զիւր տեսութիւն և անդր՝ ոչ որ մտադիւր բերի : Եթէ կարի իմն ապաստանես 'ի տրամաբանութիւն քո կամ 'ի հանճար , քան 'ի հնազանդական առաքիներութիւն Յիսուսի Քրիստոս .

սի, հազիւ երբէք և անազան լիցիս այր լուսաւորեալ: Ձի Աստուծոյ կամք այս են. հնազանդ լինել մեզ նմա յամենայնի, և բորբոքեալ սիրով զանցանել զամենայն տրամաբանութեամբ:

Գ Լ Ո Ի Խ Ժ Ե

Յաղագս որ 'ի սիրոյ արարեալ գործք.

Ա. Վասն աշխարհի իրողութեանց և վասն սիրոյ մարդկան չէ արժան առնել ինչ չար. բայց վասն օգտի՝ որոց պէտս ունին, երբեմն զբարի ինչ գործ կամաւ թողուլ կամ 'ի լաւ ևս փոխել՝ արժան է: Ձի 'ի լինել այսմ այսպէս, գործն բարի ոչ եթէ խանգարի, այլ 'ի լաւագոյն փոխարկի: Առանց սիրոյ արտաքին գործք ոչինչ օգտեն. իսկ որինչ 'ի սիրոյ արարեալ, որչափ և փոքր իցէ, և խոտան, զլխովին լինի շահեկան: Ձի առաւել հայի Աստուած 'ի սէրն՝ որով որ գործէ, քան 'ի գործն՝ զոր առնէ:

Բ . Բազում ինչ գործէ , որ շատ սիրէ : Բազում ինչ գործէ , որ ըզգործն բարւոք առնէ : Բարւոք գործէ , որ առաւել հասնւրակաց քան իւրոց կամաց ծառայէ : Բազում անգամ երեւի թէ է սէր , և է առաւել մարմնասիրութիւն . զի բնաւոր յօժարութիւն , սեպհական կամք , յոյս հատուցման , և ակորթակ անձրնգիրութեան՝ դուն ուրեք լինին ՚ի բացէ :

Գ . Որ ունի զճշմարիտ և զկատարեալ սէր , ոչ յիմիք խնդրէ զանձն . այլ միայն փառացն Աստուծոյ յամենայնի ըզձանայ : Ոչ ումեք և նախանձի , զի ոչինչ առանձնաւոր խնդութիւն սիրէ . և ոչ խնդայ յանձրն , այլ յԱստուած ըզձանայ երանելի լինել քան յամենայն բարութիւնս : Ոչ ումեք ընծայէ ինչ բարի , այլ զամենայն յԱստուած վերաբերէ . յորմէ որպէս յազբերէ յառաջ զայ ամենայն , և յոր ամենայն սուրբք որպէս ՚ի վախճան ըզմայլմամբ հանդչին : Թէ որ կայ՞ մի ունէր զճշմարիտ սիրոյ , իմանայր

արդեօք թէ երկրաւորքս, ամենայն
լի են ունայնութեամբք :

Գ Լ Ո Ւ Խ Ժ Զ

Յաղագս համբերերոյ պակասութեանց
այլոց .

Ա. Զոր ինչ որ յինքն կամ յայլս
ուղղել տկարանայ, պարտի համ-
բերել երկայնամտութեամբ մինչև
Աստուած այլազգ ինչ տնօրինեսցէ:
Խորհեաց, գուցէ այնպէս լաւ ևս
իցէ 'ի հանդէս համբերութեան քոյ-
առանց որոյ չեն ինչ արդոյ ար-
դիւնք մեր: Բայց յայդպիսի ոտնա-
ռու խոջս աղաչեա զԱստուած՝ օգ-
նական լինել քեզ, առ 'ի կարօղ լի-
նելոյ տանել քաղցրութեամբ:

Բ. Եթէ որ միանգամ կամ եր-
կիցս խրատեալ՝ ոչ անսայ, մի կա-
զեր ընդ նմա. այլ զամենայն Աս-
տուծոյ յանձն արա. զի եղիցին
կամք նորա և սլատիւ յամենայն ծա-

ուայս իւր . որ քաջ զիտէ զչարիս
յեղափոխել 'ի բարին : Չանա եր-
կայնամիտ լինել 'ի տանել պակա-
սութեանց այլոց և որպիսի և իցէ
տկարութեանց . զի և քոյ կայ բա-
զում ինչ , որոց այլք համբերել ու-
նին : Եթէ չես ձեռնհաս առնել ըզ-
քեզ որպէս կամիս , զիարդ կարող
լիցիս խոնարհել զայլս 'ի հաճոյս
քո : Մտադիր կամիմք , թէ այլք
իցեն կատարեալք . բայց զմեր ան-
կատարութիւնս ոչ ուղղեմք :

Գ . Կամիմք թէ այլք խստիւ յան-
դիմանեացին . և մեք յանդիմանիլ
ոչ կամիմք : Անհաճոյ է յաչս մեր
այլոց համարձակութիւն . բայց ոչ
կամիմք թէ զլացցին մեր խըն-
դիրք : Կամիմք թէ յայլս պահես-
ցի խստութիւն կանոնի . և մեք չառ-
նումք յանձն՝ ընդ լծով լինել կա-
նոնի : Ապա յայտ է թէ դուն ու-
րեմն խորհիմք զընկերէն՝ որպէս
զանձանց : Եթէ ամենեքին էին կա-
տարեալք , զինչ մնայր մեզ յայն-
ժամ կրել յայլոց վասն Աստուծոյ :

Դ . Այլ արդ Աստուած այսպէս

տնօրինեաց, զի ուսցուք զմիմեանց
բեռն բառնալ. վասն զի չիք որ ա-
նարատ, չիք որ անբեռն, չիք որ
ինքնաբաւ, չիք որ անձին լիով ի-
մաստուն. այլ պարտ է մեզ տանել
միմեանց, միմեամբք մխիթարիլ,
միմեանց օգնել, զմիմեանս ուսու-
ցանել և խրատել: Եւ թէ քանի յա-
ռաջագէմ է որ յառաքինութեան,
լաւ ևս երեւի ՚ի դէպս վշտաց: Քան-
զի դէպք զմարդ ոչ տկարացուցա-
նեն, այլ յայտ առնեն թէ որպիսի
որ է:

Ք Լ Ո Ւ Խ Ժ Է

Յարագս միակնակիակ վարուց .

Ա. Ուսիր զկամս քո ՚ի բազումս
խորտակել, եթէ կամիս խաղաղու-
թիւն և միաբանութիւն ընդ այլս
ունել: Չէ ինչ փոքր ՚ի մենաստանս
կամ ՚ի ժողովս եղբարց բնակել, և
անդ անտրտունջ գնալ, և մինչև ՚ի
մահ հաւատարիմ մնալ: Երանի

այնմ՝ որ անտանօր բարուք քաղաքավարի, և բարեաւ զընթացսն կատարէ: Եթէ կամիս ըստ արժանեաց կեալ և զարգանալ, կալ զքեզ որպէս վտարանդի պանդուխտ՝ ի վերայ երկրի: Լեր յիմար վասն Քրիստոսի, եթէ կամիս կեանս վարել կրօնաւորի:

Բ. Սքեմ և հերակտրութիւն ինչ ոչ օգտեն. այլ փոփոխութիւն վարուց և կատարեալ մեռելութիւն ակտից առնեն ճշմարիտ կրօնաւոր: Ար այլ ինչ խնդրէ, և ոչ զԱստուած միայն և զհօգւոյ իւրոյ փրկութիւն, ոչ ինչ գտանէ, բայց նեղութիւնս և վիշտս: Չէ հնար և ընդերկար կալ ՚ի խաղաղութեան այնմ՝ որ ոչ ջանայ լինել կրտսեր և տրուալ քան զամենեւեան:

Գ. Ի ծառայութիւն եկիր, և ոչ յառաջնորդութիւն, ՚ի համբերութիւն և յաշխատութիւն կոչեցար, և ոչ ՚ի դատարկութիւն և ՚ի շատխօսութիւն: Ապա աստ փորձին մարդիկ, որպէս ոսկի՝ ի բովս: Աստ ոչ զք կարօղ է կալ, եթէ ոչ յամե-

նայն սրտէ յօժարեսցի խոնարհել
զանձն վասն Սասունոյ :

Գ Լ Ո Ւ Խ Ժ Ը

Յաղագս օրինակաց սրբոց հարց .

Ա . Հայեսաց 'ի կենդանի օրինակս
սրբոց հարց , յորս վայլեցին ճշ-
մարիտ կատարելութիւն և կրօնա-
ւորութիւն . և տեսցես որպէս դուզ-
նաքեայ իմն է և չնչին , զոր մեքն
առնեմք : Բարէ , զինչ են վարք մեր
առ վարուք նոցա : Սուրբք և սիրե-
լիք Քրիստոսի ծառայեցին տեսուն
'ի քաղց և 'ի ծարաւ , 'ի ցուրտ և 'ի
մերկութեան , 'ի վաստակս և յաշ-
խատութիւնս , 'ի խոկմունս և 'ի պա-
հըս , յաղօթս և 'ի սուրբ խոկմունս ,
'ի հալածանս և 'ի նախատինս բա-
զումս :

Բ . Ո՛վ , որպէս բազմաց և ծա-
նունց նեղութեանց համբերեցին ա-
ռաքեալք , մարտիրոսք , խոստո-
վանողք , կուսանք , և այլք ամենե-

քին՝ որք զՔրիստոսի շաւղաց յօ-
 ժարեցին երթալ զհետ: Քանզի զան-
 ձինս իւրեանց յաշխարհի աստ ա-
 տեցին, զի՛ի յաւիտենական կեանս
 ժառանգեցեն զնոսա: Ո՛վ, որպէս
 խիստ և հրաժարական կեանս վա-
 րեցին սուրբ հարք յանապատի .
 քանի՛ երկար և ծանր փորձութեանց
 տարան. ս՛րպէս յոլովակի՛ի թըշ-
 նամւոյն տանջեցան. ս՛րպէս ստէպ
 և ջերմեռանդն աղօթս առ Աստուած
 մատուցին. որպիսի՛ խստամբեր ճը-
 դանց տարան. որպիսի՛ մեծ նա-
 խանձ և եռանդն առ հոգևոր յա-
 ուաջադիմութիւն ստացան. ս՛րպէս
 սաստիկ պատերազմաւ դախտս նը-
 ւածեցին. ս՛րպէս սուրբ և ուղիղ
 դիտաւորութիւն առ Աստուած կա-
 լան յանձինս: Ի տուէ՛ի ձեռա-
 գործս վաստակէին, և ՚ի զիշերի
 ընդ երկար յաղօթս պարապէին .
 թէպէտ և՛ի ձեռագործել իսկ՛ ՚ի մը-
 տաւոր աղօթից ոչ դադարէին:

Գ. Զամենայն ժամանակս ծա-
 խէին յօգուտ. ամենայն ժամ պա-
 րապելոյ յԱստուած՝ թուէր նոցա

սուղ: Եւ առ մեծի քաղցրութեան խոկման՝ մոռանային և զպէտս մարմնաւոր կերակրոյ: Յամենայն մեծութենէ՛ ՚ի փառաց և ՚ի սլատուոյ, ՚ի բարեկամաց և յազգայնոց հրաժարեալ կային. ոչ ինչ յաշխարհէ ըղձանային ունել. հաղիւ թէ ըզպէտս կենաց առնուին. իսկ մարմնոյ ծառայել և ՚ի կարեորս՝ ծանր էր նոցա: Ապա աղքատք էին յերկրաւոր ինչս, այլ մեծատունք յոյժ ՚ի շնորհս և յառաքինութիւնս: Արտաքոյ չքաւորք էին այլ ներքոյ աստուածային շնորհօք և մխիթարութեամբ յղփացեալք:

Դ. Օտարք էին յաշխարհէ, այլ Աստուծոյ մօտաւոր և մտերիմ բարեկամք: Յաչս անձանց թուէին ոչ ինչ, և յաչս աշխարհի արհամարհք. այլ յաչս Աստուծոյ էին սլատուականք և սիրելիք: Ի ճշմարիտ խոնարհութեան կային. միամիտ հնազանդութեամբ վարէին. սիրով և համբերութեամբ զնային: Վասն այսորիկ օրըստօրէ հոգւով զարգանային, և մեծամեծ շնորհս առ յԱս.

տուժոյ ընդունէին : Տուան յօրինակ
ամենայն կրօնաւորաց . որք առա-
ւել պարտին յորդորել զվեզ առ
բարւոք յառաջադիմութիւն , քան
զաղջացելոց բազմութիւնք 'ի ցո-
փութիւն :

Ե . Ո՛վ , քանի՛ եռանդն էր ամե-
նայն կրօնաւորաց 'ի սկիզբն սուրբ
կարգաց իւրեանց : Քանի՛ իղձ աղօ-
թից . քանի՛ նախանձ առաքինու-
թեան . ո՛րպէս առաւելոյր բարե-
կարգութիւն . քանի՛ յարգ և հնա-
զանդութիւն ընդ կանոնաւ վարժա-
պետի ծաղկեաց յամենեսին : Ա՛ր-
կայ են արդ ևս հետք շաւղաց նոցա ,
թէ արդարեւ սուրբք էին և կատա-
րեալք , որք այնպէս արիաբար պա-
տերազմեալ՝ յաղթեցին աշխարհի :
Եւ այժմ մեծ ոմն համարի , թէ որ
չեղև օրինազանց , թէ որ վշտաց ե-
կելոց՝ համբերութեամբ ժուժել կա-
րաց :

Զ . Ո՛վ զաղջութեան և հեղդու-
թեան վիճակի մերոյ . որ այդպէս
վաղվաղակի հովանամք 'ի նախնի
եռանդնէ , և տաղականամք 'ի կե-

նաց առ մեղկութեան և զաղջութեան : Երանի՛ թէ ոչ ննջէր երբէք 'ի քեզ յառաջադիմութիւն առաքինութեանց , որ բազումս բազում անգամ տեսեր օրինակս առաքինաց :

Գ Լ Ո Ի Խ Ժ Թ

Յադագս կրքոչրեանց բարայ
կրօնաւորի .

Ա . Պարտ է վարուց բարւոյ կրօնաւորի ամենայն առաքինութեամբ լինել զարդարեալ . մինչև այնպիսի զոյ ներքոյ , որպիսի երևի մարդկան արտաքոյ : Նա՛ առաւել պարտ է լինել ներքոյ , քան զերևեալն արտաքոյ . զի սրտատես մեր Աստուած է , յորմէ մեծապէս պարտիմք պատկառել ուր և իցեմք . և որպէս զհրեշտակս առաջի նորա գնալ սրբութեամբ : Օրբստօրէ նորոգել պարտ է մեզ զառաջադրութիւն մեր , և յեռանդն զմեզ զարթուցանել , որպէս թէ այն օր իցէ սկիզբն դարձի մե-

րոյ , և ասել : Յղնեա՛ ինձ տէր 'ի բարւոք առաջադրութեանս և 'ի սուրբ ծառայութեան քում , և տուր ինձ յայսմ օրէ կատարելապէս ըսկիզբն առնել . զի զոր մինչև ցարդ զործեցի , չէ ինչ :

Բ . Ըստ առաջադրութեան մերոյ են ընթացք յառաջադիմութեան մերոյ . և բազում փութոյ պէտք են այնմ , որ քաջ զարգանալ կամիցի : Զի թէ որ արիաբար առաջադրէ , բազում անգամ կասի , զինչ այնմ լինիցի , որ հազիւ երբէք կամ հարեւանցի առաջադրէ ինչ : Քայց բազմօրինակ պատահէ մեզ կասել 'ի մերմէ առաջադրութենէ . և դոյզն զանցառութիւն կրթութեանց չանցանէ առանց ինչ վնասու : Արդարոց առաջադրութիւն առաւել հաստատեալ է 'ի շնորհս Աստուծոյ , քան յիւրեանց իմաստութիւն . յոր և ապաւինին միշտ , յինչ և ձեռնարկեն : Քանզի մարդ առաջադրէ , այլ Աստուած է որ տնօրինէ . և չեն ըստ մարդկան ճանապարհընորա :

Գ. Եթէ վասն բարեալաշտութեան
և ՚ի սակս օգաի եղբօրն՝ դանց ա-
րասցէ որ երբեմն զսովորական կրք-
թութեամբ, զիւրին է զկնի լնույ
զթերին: Բայց եթէ առ տաղտկու-
թեան սրտի և առ հեղգութեան թող-
ցէ ինչ որ զիւրաւ, ըստգիւտ մեծ
է, և մնաս գործի: Ի ջանալ իսկ յա-
մենայն գորութենէ, դեռ զիւրաւ ՚ի
բազումս գտանիմք յետնեալ: Բայց
և այնպէս յամենայն ժամ պարտ է
մեզ առաջադրել ինչ, մանաւանդ
ընդդէմ այնց՝ որք առաւել խոչ են
մեզ: Զարտաքինս մեր, միանգա-
մայն և զներքինս, քննեսցուք և
կարգեսցուք. զի երկաքանչիւրն օ-
գուտ են առ յառաջադիմութիւն:

Դ. Թէ չես ձեռնհաս անգաղար
զքեզ ժողովել, զէթ երբեմն, զէթ
միանգամ յաւուրն՝ ընդ առաւօտս
կամ ընդ երեկս: Առաւօտուն ա-
ռաջադրեա. ընդ երեկս քննեա ըզ-
վարս քո, թէ զիա՞րդ անցուցեր դայն
օր ՚ի բանս ՚ի գործս և ՚ի խորհուրդս,
գուցէ բազում անգամ յանցեար
յայնս յԱստուած և յընկերդ: Պըն-

դեա զմէջս քո որպէս այր զօրութեան ընդդէմ բանասարկուին պատրանաց . սանձեա զորկորդ , և զամենայն մարմնական յօժարութիւն դիւրաւ սանձեցես : Մի երբէք կացցես բնաւ դատարկ . այլ կամ ընթերցիր , կամ դրեա , կամ աղօթեա , կամ խոկա , կամ զործեա ինչ առ հասարակաց օգուտ : Բայց զմարմնաւոր աշխատութիւնս ընտրողութեամբ պարտ է առնել . և չէ արժան ամենեցուն միօրինակ յայնս ձեռնարկել :

Ե . Որ ինչ ոչ է հասարակաց , մի ցուցաներ արտաքոյ . զի առանձնականք 'ի ծածուկ առաւել աներկեան զործին : Բայց զգոյշ լեր չլինել հեղզ առ հասարակացն և փոյթ առ առանձնականս . այլ իբրև կատարեսցես լիով և հաւատարմութեամբ ըզպարտս և որ ինչ անկ է քեզ , եթէ դեռ կայցէ ժամանակ պարապոյ , յաւել և զքոյդ ըստ ըղձից եռանդեան քոյ : Ոչ ամենեցուն է պատշաճ մի և նոյն կրթութիւն . այլ ոմն այսմ և ոմն այնմ է առաւել ճահո

զական : Այլ և ըստ պատշաճի ժամանակին կրթութիւն քան զկրթութիւն ընտրելագոյն թուի . զի են՝ որք 'ի տօնս , և են՝ որք յաւուրս արդոյ յաւէտ քաղցրանան : Են՝ որք պիտին 'ի ժամանակի փորձութեան , և են՝ որք 'ի խաղաղութեան և 'ի հանգըստեան : Են՝ զորս մտադիւր խորհիմք յորժամ եմք 'ի տրտմութեան , և են՝ զորս յորժամ ուրախ եմք 'ի տէր :

2. Յերևելի տօնս նորոգել պարտ է զբարիօք կրթութիւնս , և զսրբոց օգնականութիւնս ջերմագոյն մաղթել : Տօնէ 'ի տօն պարտ է մեզ առաջադրել ինչ , որպէս թէ յայնժամ հանդերձեալ իցեմք յաշխարհէ աստի փոխել , և յանանց տօնախրմբութիւն ժամանել : Վասն այսորիկ փութոյ պնդութեամբ պարտաստել պարտիմք զանձինս 'ի հանդիսի աւուրս , և առաքինագոյն վարս յանձին բերել , և զամենայն պահպանութիւնս զգուշագոյն պահել . որպէս թէ ակն ունելով ընդ հուպ զվարճս վաստակոց մերոց առ յԱստուծոյ ընդունել :

Է . Եւ թէ յապաղեսցէ , համարեսցուք զանձինս դեռ անպատրաստս և անարժանս մեծի փառացն , որք յայտնելոց են 'ի մեզ 'ի դէս ժամանակի . և ջանասցուք լաւս սպատրաստել զմեզ յելս : Երանի իցէ ծառայիցն այնոցիկ , ասէ տէր յաւետարանն Ղ ուկասու , զորս եկեալ տէրն գտցէ արթունս . ամէն ասեմ՝ ձեզ , զի 'ի վերայ ամենայն ընչից իւրոց կացուսցէ զնոսս :

Գ Լ Ո Ւ Խ Ի

Յաղագս սիրոյ առանձնուշքեան
և շռչքեան .

Ա . Խնդրեա դէս ժամանակ միտ գնելոյ անձին . և զԱստուծոյ առքեզ երախտիս ստէս խոկա : Թող զընդվայրաքննինս , և ընթերցիր զայնպիսի գիրս , որ ապաշա 'ի քեզ բերեն և ոչ զբօսանս : Թէ անձնապահ լինիս յաւելորդ գրուցաց և յունայն շրջազնացութենէ և 'ի նորա-

նոր լրոց, դոցես բաւական պա-
րապ'ի բարի խորհուրդս պատաղե-
լոյ: Մեծամեծք'ի սրբոց խորչէին
ըստ կարի'ի մարդկան կենցաղա-
վարութենէ, և ընտրէին ծառայել
Աստուծոյ'ի ծածուկ:

Բ. Ասաց ոմն. քանիցս անգամ
եղէ'ի մէջ մարդկան, դարձայ ան-
տի նուազեալ: Զսորա յոլովակի
առնումք զչափ, յորժամ յերկար
դբանիք անկանիւք: Դիւրին է ա-
մեննին լուել, քան չափաւոր խօսել:
Դիւրին է առտնին դադարել, քան
արտաքոյ ըստ արժանեաց անձնա-
պահ լինել: Ապա որ կամի'ի ներ-
քինս և'ի հոգևորականս ժամանել,
պարտ է նմա ընդ Յիսուսի խոյս
տալ յամբոխէ: Ոչ որ անքոյթ ե-
րևի, բայց որ մտաղիւր թաքչի: Ոչ
որ անքոյթ խօսի, բայց որ մտա-
ղիւր լուէ: Ոչ որ անքոյթ իշխէ,
բայց որ մտաղիւր հպատակի: Ոչ
որ անքոյթ հրամայէ, բայց որ զի-
տաց բարւոք հնազանդել:

Գ. Ոչ որ աներկեան խնդայ, բայց
որ զբարւոք խղճի մտաց վկայու-

թիւն յանձին ունիցի : Բայց սրբոցն աներկեանութիւն՝ լի եղև միշտ երկիւղիւ Աստուծոյ : Եւ ոչ նուազեաց նոցա փոյթ և խոնարհութիւն, վասն մեծամեծ առաքինութեանցն և շքնորհաց որ ՚ի նոսա : Իսկ թիւրելոց աներկեանութիւն ՚ի հպարտութենէ և ՚ի յանդգնութենէ զայ յառաջ, և յանգի ՚ի պատրանս անձին : Մի երբէք խոստանար քեզ աներկեանութիւն յաստի կեանս, թէպէտ և թուիցիս յաչս անձին բարեկիր վանական, կամ փոյթեռանդն աւնապատաւոր :

Գ . Բազում անգամ ընտիրքն յաչս մարդկան ծանրագոյն վտանկեցան վասն կարի իմն յանձնապատանութեան : Ասն այսորիկ լաւ է բազմաց՝ չլինել ամենեկին զերծ ՚ի փորձութեանց, այլ լինել ՚ի ստէպ ճգունս մարտք, զի մի կարի իմն անհոգացին . զուցէ ամբարտաւանութեամբ փրացին, կամ յարտաքին մխիթարութիւնս համարձակ խտորեացին : Ա՛վ, քանի՛ բարիոր խիղճ մտաց յանձին հաստատիցէ, որ ոչ

երբէք անցաւոր ուրախութեան լինի 'ի խնդիր, և ոչ երբէք յաշխարհայինս սլատաղի: Քանի՛ խաղաղութիւն և հանգիստ ժառանգիցէ, որ զամենայն սնոտի հոգս 'ի բաց հատանէ, և զփրկականս և զաստուածայինս միայն խորհի, և զամենայն յոյս իւր դնէ յԱստուած:

Ե. Ոչոք արժանի է երկնային մը խիթարութեան, եթէ ոչ 'ի սուրբ զղջութիւն տացէ զանձն: Եթէ կամիս զեղջ 'ի սրտի ունել, մնւտ 'ի սենեակ քո, և փակեա զգուրս առ աշխարհային աղմուկս. որպէս և գրեալ է, յանկողինս ձեր զղջացարուք: Ի սենեկի դտցես, զոր ինչ արտաքոյ յոլովակի կորուսեր: Ի սենեկի դադարել քաղցր է, և արտաքոյ նորա զեզերանք՝ բերեն տաղտկութիւն: Եթէ 'ի սկզբան դարձի քո սերտ բնականաս և սլատըս պարիս 'ի նմա, լինի քեզ յայնմ հետէ մտերիմ սիրելի, և սփոփումն հաճոյական:

Զ. Ի լուութեան և 'ի հանգստի զարգանայ փոյթեռանդն ողի, և յու-

սանի զխորհուրդս սուրբ զրոյց : Անդ
 գտանէ աղբիւրս արտասուաց , ու
 բովբ զամենայն զիշեր լուանայ զան-
 ճըն և մաքրէ . և արարչի իւրում
 այնչափ ընտանենայ , որչափ առա-
 ւել յամենայն աշխարհական աղմկէ
 օտարանայ : Ապա որ 'ի բաց կայ 'ի
 ծանօթից և 'ի բարեկամաց , առ այն-
 պիսին մերձի Աստուած ընդ սրբոց
 հրեշտակաց : Լաւ է մենանալ , և
 վասն անձին հոգալ , քան զանձնէ
 անսխոյթ լեալ , նշանս զործել : Գո-
 վելի է կրօնաւորի սակաւ ուրեք
 արտաքս ելանել , խորշել յերևելոյ
 մարդկան , և չկամել իսկ տեսանել
 զմարդիկ :

Է . Զի է քեզ տեսանել , զոր չէ
 արժան ստանալ : Անցանէ աշխարհ ,
 և ցանկութիւն նորա : Չզեն զգայա-
 կան իղձք 'ի դբօսանս . այլ յանցա-
 նել ժամուն զինչ մնայ քեզ , բայց
 ծանրութիւն խղճի և ցրումն մտաց :
 Ուրախ ելք բազում այն է՝ զի տը-
 խուր դարձ զործեն . և խնդամիտ
 հսկումն երեկոյի , տխուր առաւօտ
 բերէ : Այսպէս ամենայն մարմնա-

ւոր խնդութիւն անոյշ մտանէ, այլ
 'ի վախճանի խայթէ և սպանանէ :
 Ձինչ այլուր կարօղ ես տեսանել,
 զոր չտեսանես 'ի սենեկի: Ահա եր-
 կինք և երկիր, և ամենայն տարերք,
 զի 'ի սոցանէ եղև ամենայն :

Ը. Ձինչ ուրեք տեսանիցես յեր-
 կարատև ընդ արեգակամբ: Կարծի-
 ցես թերևս յազենալ. այլ չիք .քեզ
 այդմ ժամանել: Եթէ դամենայն
 զաստիս տեսանէիր, զինչ էր՝ թէ
 ոչ տեսիլ սնտաի: Ամբարձ դաչս քո
 'ի բարձունս առ Աստուած, և կաց
 յաղօթս վասն մեղաց քոց, և հեղ-
 գութեանց: Թո՛ղ զսնտաիս սնտուոց.
 և զու միտ զիր ամենայնի, զոր հրա-
 մայէ քեզ Աստուած: Փակեա 'ի վե-
 րայ քոյ զզուրս քո, և կարդա զսի-
 րելիղ քո զՅիսուս: Լեր ընդ նմա 'ի
 սենեկի. զի չիք գտանել այլուր խա-
 ղաղութիւն այդպիսի: Թէ չէիր ե-
 լեալ արտաքս, և լուեալ շփոթս,
 լաւ ևս վայելէիր 'ի խաղաղութեան:
 Յորչափ ախորժես լսել նորալուրս,
 մնայ քեզ վասն այդր կրել մտաց
 ամբոխմունս :

ԳԼՈՒԽ ԻԱ.

Յաղագս զղջուքեան սրտի .

Ա. Եթէ կամիս օգտել ինչ, կալ
զքեզ յերկիրդ տեառն : Եւ մի լինիր
կարի իմն համարձակ, այլ ըստ կա-
նոնաց զուսպ կալ զամենայն զքո
զգայարանս . և մի տար զանձն յու-
րախութիւն՝ որ ոչ վայելէ : Տուր
զքեզ ՚ի զղջութիւն սրտի, և գտցես
եռանդն : Զղջութիւն յայտնէ բա-
րութիւն բազումս, զորս ցոփութիւն
վաղ կորուսանէ : Զարմանք են, թէ
զիւրդ հնար է մարդոյ խնդալից լի-
նել յաստի կեանս, որ զմտաւ ամէ
զիւր աքսորանս և զհոգւոյ իւրոյ
բազմապատիկ վտանգս :

Բ. Առ թեթևութեան սրտի, և
առ անիոյթ լինելոյ զպակասու-
թեանց մերոց, չիմանամք զաղէտս
հոգւոյ մերոյ . այլ բազում անգամ
ծիծաղիմք վայրապար, ուր յիրաւի
էր մեզ լալ : Զիք ճշմարիտ ազատու-

թիւն , և ոչ գեղեցիկ ուրախութիւն , բայց յերկիրդի տեսուն և 'ի բարւոք խիղճ մտաց : Երանի՛ , որ մերժէ յանձնէ զամենայն խոչ զբաղական , և միտ դնէ սուրբ զղջութեան : Երանի՛ , որ հրաժարէ յամենայնէ՛ որ զխիղճ իւր արատէ կամ ծանրաբեռնէ : Մարտիր քաջութեամբ , զի սովորութիւն սովորութեամբ յաղթի : Եթէ թողուս դու զմարդիկ , և նոքա թողացուցեն քեզ անսալ գործոց քոց :

Գ . Մի առարկաներ 'ի քեզ զայլոց իրողութիւնս , և միմիցեր զանձն 'ի դատս մեծամեծաց : Կալ յամենայնի զաչս 'ի վերայ քո , և լեր յաւէտ խրատտու անձին՝ քան սիրելեաց քոց : Եթէ չես 'ի շնորհս մարդկան , մի տրտմիր վասն այդրայլ այն եղիցի քեզ ծանր , եթէ չիցես բարեկիր և զգաստ 'ի դնացս , որպէս վայելէ Աստուծոյ ծառայի , և փոյթեռանդն կրօնաւորի : Լաւ է և ապահովագոյն՝ չունել մարդոյ մը խիթարութիւնս բազումս յաստի կեանս , մանաւանդ զմարմնականս :

Բայց թէ վրէպ եմք յաստուածայնոցն, կամ՝ դուն ուրեք առնումք զնոցին ճաշակ, մեր են յանցանք. փոխանակ զի զգիղջ սրտի ոչ խնդրեմք, և զանոտիս և զարտաքինս ոչ իսպառ մերժեմք՝ ՚ի բաց:

Դ. Մի համարիր զանձն արժանաւոր աստուածային միսիթարութեան, այլ յաւէտ արժանի բազում նեղութեան: Առն զղջականի ծանր և դառն է ամենայն աշխարհ: Այր բարի շատ նիւթ գտանէ ցաւոց և լալոյ: Զի եթէ յանձն հայի, և եթէ յընկերն, ՚ի միտ առնու թէ չկայ որ յաշխարհի աստ առանց նեղութեան. և ըստ զգուշագոյն քննութեան անձին, առաւելուն ՚ի նա ցաւք: Նիւթ արդար ցաւոց և ներքին զղջութեան՝ են մեզք և յոռութիւնք մեր. յորս այնպէս շաղեալ զնիմք, մինչև հազիւ նկատել մեզ զերկնաւորս:

Ե. Թէ ստէպ խորհէիր զմահուանէ քումմէ, քան զերկարութենէ կենաց, ժրագոյնս արդեօք ուղղէիր զքեզ: Եւ թէ զհանդերձեալ պատ-

ժոց դժոխոց կամ քաւարանի մտա-
խորհ լինէիր, մտազիւրազոյն ար-
դեօք տանէիր վաստակոց և ցաւոց,
և ոչ 'ի խստութենէ ինչ զանգիտէիր:
Բայց քանզի ոչ ընդ մտանեն սո-
քա 'ի սիրտ մեր, և դեռ սիրեմք ըզ-
հրապոյրս, վասն այնորիկ կամք
մնամք ցուրտք և հեղգացեալք:

Զ. Բազում անգամ 'ի կարճմը-
տութենէ է այն, զի ընդ փոյթ տա-
ռապեալ մարմինն տրանջէ: Այլ դու
խոնարհութեամբ խնդրեա 'ի տեառ-
նէ, զի տացէ քեզ ողի զղջութեան,
և ասա ընդ մարգարէին. Չամբեա
ինձ տէր հաց արտասուաց, և արբո
ինձ արտասուս չափով:

Ք Լ Ո Ի Խ Ի Բ

Յաղագս խոկման մարդկային
քշռառռոքեան.

Ա. Յոր վայր և իցես, յոր կողմն
և դարձցիս, թշուառական ես, եթէ
ոչ առ Աստուած դառնաս: Զի խոռ-

վիս , յորժամ ոչ յաջողէ քեզ որ-
պէս կամիս և ցանկաս : Ո՞վ է , որ
զամենայն ունիցի ըստ իւրոց կա-
մաց : Ոչ ես , ոչ դու , և ոչ ամե-
նայն մարդ որ 'ի վերայ երկրի : Ոչ
դք է յաշխարհի առանց ինչ նեղու-
թեան կամ անձկութեան , թէպէտ
և թագաւոր իցէ թէպէտ և քահա-
նայապետ : Ո՞ր սլայման լաւ իցէ ,
բայց այնորիկ՝ որ վասն Աստուծոյ
կրէ ինչ :

Բ . Ասեն բազում խօթամիտք և
տկարք : Ահա քանի՛ բարեկեցիկ է
այն որ , քանի՛ ճոխ և մեծատուն ,
քանի՛ հզօր և արդոյ : Այլ դու հայ-
եաց յերկնային բարիս , և տեսցես՝
զի առօրեայքս ամենայն ոչինչ են
և անստոյգք և նեղիչք յոյժ . զի ոչ
երբէք հնար է ժառանգել զնոսա
անհոգ և աներկիւղ : Չէ մարդոյ եր-
ջանկութիւն՝ առօրէիցս յղվութիւն .
այլ շատ է նմա միջասահման կեն-
ցաղ : Ապաքէն թշուառութիւն է
կեալ 'ի վերայ երկրի : Որչափ ա-
ռաւել լինի որ հողեսէր , այնչափ
աստի կեանք լինին նմա դառնա-

զոյն . զի լաւ եւ զգայ , ե յայտնա-
զոյն տեսանէ զմարդկային ապա-
կանութեան կիրս : Քանզի ուտել ե
լմալել , տքնել ե՛ր քուն լինել , հանդ-
չել ե վաստակել , ե այլոց կարեաց
բնութեան ներքոյ լինել , մեծ տա-
ռապանք են ե վիշտք առն հոգեսի-
րի՝ որում անձկալի է ազատ լինել
ե գերծ յամենայն մեղաց :

Գ . Քանզի յոյժ ծանրաբեռնի ներ-
քին մարդն կարեօք մարմնոյ յաշ-
խարհի աստ : Ա անն այսորիկ մար-
գարէն եռանդեամբ մաղթէ , գերծ
լինել յայսպիսեաց աստի , ե ասէ .
Ի վշտաց իմոց հան դիս : Քայց վայ ,
որոց ոչ ճանաչեն զիւրեանց թշուա-
ռութիւն . ե եւ վայ , որոց սիրեն
զթշուառ ե զապականացու զայս
կենցաղ : Քանզի այնպէս ոմանք
փարին զսովաւ , թէպէտ ե հազիւ
զոգեսպահ պէտս վաստակօք կամ
մուրողութեամբ ՚ի ձեռն բերեն ,
մինչ զի թէ հնար էր միշտ կեալ յաշ-
խարհի , զարքայութենէ երկնից չէր
ինչ նոցա փոյթ :

Ի . Ո՛վ անմտութեան ե անհաս-

տատութեան սրտի նոցա . որք այն պէս զետնաքարչ բերին զերկրաւորօքս , մինչև ոչինչ խորհել նոցա , բայց միայն զմարմնաւորս : Բայց ծանրագոյն ևս 'ի միտ առցեն տառապեալքն 'ի կատարածի , քանի խոտան և չնչին էր՝ զոր սիրեցին : Այլ սուրբք Աստուծոյ և ջերմ՝ բարեկամք Քրիստոսի ոչ հայեցան 'ի հաճոյս մարմնոյ , և ոչ 'ի ծաղկեալսն յայսմ աշխարհի . այլ բովանդակ նոցա յոյս և դիտումն անձկայր անանց բարեաց : Իդձ նոցա բովանդակ բերիւր 'ի վեր 'ի մնայունս և յաներևոյթս , զի մի սիրով երևելեաց ձգեսցին 'ի ստորինս :

Ե . Մի վհատիր , եղբայր , 'ի յառաջադէմն լինելոյ 'ի հոգևորս . զեռկայ քոյ ժամ և ժամանակ : Չի յապաղես զառաջադրութիւնդ . արի , վաղվաղակի սկիզբն արա , և ասա . Արդ ժամ է ձեռն 'ի գործ առնելոյ . արդ ժամանակ է պատերազմի , և դէպ ժամանակ զգաստանալոյ : Ի չարակրութիւնս քո և 'ի վիշտս՝ ժամանակ է առաւելլոյ զարդիւնս :

Պարտ է քեզ անցանել ընդ հուր և ընդ ջուր, մինչև ժամանեսցես 'ի հանգիստ: Թէ ոչ բուռն առնես անձին, ոչ յաղթեսցես ակտից: Յորչափ զտկար զայս մարմին բարձեալ ունիմք, ոչ առանց մեղաց լինել հնար է մեզ, և ոչ անձանձիր և անվիշտ կեանս վարել: Մարթ էր մեզ զերծ լինել յամենայն տառապանաց. բայց քանզի կորուսաք մեզօր զանմեղութիւն, կորուսաք և զճշմարիտ երանութիւն: Վասն որոյ պարտ է մեզ համբերութիւն ունել, և Աստուծոյ ողորմութեանն ակնկալել. մինչև անցցէ անօրէնութիւնս այս, և ընկլցի մահկանացուս 'ի կենաց անտի:

2. Ո՛վ մեծի տկարութեան մարդկան, որ միշտ դիւրամէտ է 'ի յոռութիւնս: Այսօր խոստովանիս զմեղս քո. և վաղիւ դարձեալ ըզնոյնս գործես: Առ ժամն առաջադրես զգուշանալ. և յետ ժամուն գործես, որպէս թէ չէիր ինչ առաջադրեալ: Ապա յիրաւի է մեզ խոնարհել, և ոչ արդոյ ինչ զանձինս

համարել , փոխանակ զի այսչափ տկար եմք և զխրակործան : Թող զի մարթիմք վաղ կորուսանել հեղգութեամբ , զոր բազում վաստակօր հազիւ ստացաք շնորհօր :

Է . Ձինչ լինիցի մեզ առյապապ , որ այսպէս յայգուէ գաղջանամբ : Վայ է մեզ , եթէ միտեմք 'ի հանդիսա՝ իբրև 'ի խաղաղութեան գոլով և յապահովի , մինչդեռ և ոչ հետք երևին ճշմարիտ սրբութեան 'ի զընացս մեր : Ո՛ւր էր թէ անդրէն յուսումն խոնարհէաք քաջ վարուց՝ իբրև զնորընծայս . զի թերևս լինէր մեզ յոյս ապագայ ուղղութեան , և առաւելոյ 'ի հոգևոր յառաջադիմութեան :

Գ Լ Ո Ւ Խ Ի Գ

Յաղագս խոկման մահու .

Ա . Յոյժ վաղվաղակի հասանէ քեզ օր մահու . արդ տես թէ զխարդ կաս . այսօր է դք , և վաղիւ ոչ ևս

երևի: Իսկ յորժամ բարձեալ լինի որ յաչաց, զնայ վաղվաղակի և յիշատակ նորա ՚ի մտաց: Ո՛վ թանձրամտութեան և խստասրտութեան մարդկան. որ միայն զարդիս խորհի, և զհանդերձելոց ինչ ոչ հոգայ: Այնպէս պարտ էր քեզ լինել յամենայն գործս և ՚ի խորհուրդս, որպէս թէ այսօր հանդերձեալ էիր մեռանել: Եթէ կայր ՚ի քեզ բարիօք խիղճ մտաց, ոչ յոյժ երկնչէիր ՚ի մահուանէ: Լաւ է քեզ խորշել ՚ի մեղաց, քան խուսալիել ՚ի մահուանէ: Եթէ այսօր չես պատրաստ, որպէս լինիցիս առ վաղի: Ապուրի օր անստոյգ է, և զի՛ զիտես թէ հասանիցես վաղուի:

Բ. Զի՛նչ օգուտ է մեզ կեալ ընդ երկար, յորժամ չեմք փոյթք ՚ի ըզգաստանալ: Երկար կեանք ոչ միշտ ուղղեն զվարս, այլ յոլովակի յաւելուն զյանցուածս: Ո՞ տայր, թէ օր մի բարւոք քաղաքավարեալ էաք յաշխարհի: Բազումք զամս հաշուեն զդարձի. այլ բազում այն է զի ուղղութեան ինչ պտուղ չերևի: Եթէ

սարսափելի է մահ, թերևս վտանգաւոր ևս իցեն ընդ երկար կեանք: Երանի՛, որ զժամ՝ մահուն իւրոյ հաճապազ առաջի աչաց ունի, և օրըստօրէ՛ ՚ի մահ պատրաստի: Եթէ տեսեր երբէք զմեռանել մարդոյ, յիշեա զի և դու գնալ ունիս ընդ նոյն ճանապարհ:

Գ. Ի լինել առաւօտու դիր ՚ի մըտի, թէ չես հասանելոց յերեկոյն: Եւ ՚ի գալ երեկոյի՝ մի իշխներ խոտտանալ քեզ զժամ՝ առաւօտու: Ապա պատրաստ լեր միշտ. և այնպէս կեցջիր, որ ոչ երբէք անպատրաստ գտցէ դքեզ մահ: Քաղումք ՚ի քրթթել ական և յանկարծ մեռանին. զի ՚ի ժամու, յորում ոչ կարծեմք, գայ որդի մարդոյ: Ի գալ այնր յետին ժամու՝ յոյժ այլազգ թուեսցին քեզ ամենայն անցեալ կեանք քո. և զղջասցիս յոյժ, զի այդպէս հեղզ գտար և թոյլ:

Դ. Քանի՛ երջանիկ է և իմաստուն, որ այժմէն ջանայ այնպիսի լինել ՚ի կեանս, որպիսի կամի թէ գտցի ՚ի մահու: Քանզի մեծ համար

ճակութիւն տայ երջանիկ մահու ,
 կատարեալ արհամարհութիւն աշ-
 խարհի , փոյթեռանդն իղձ զարգա-
 նալոյ յառաքինութիւնս , սէր խրա-
 տու , ճիգն ապաշխարութեան , յօ-
 ժարամտութիւն հնադանդութեան ,
 ուրացութիւն անձին , և համբերու-
 թիւն վշտաց վասն սիրոյն Քրիստո-
 սի : Բազում բարիս կարող ևս զոր-
 ծել յառողջութեան . այլ 'ի հիւան-
 դութեան չգիտեմ թէ կարող ինչ
 իցես : Սակաւք 'ի հիւանդութենէ
 յառաջադէմ լինին 'ի բարին . որ-
 պէս և որք յուխտի տեղիս յածեալ
 չրջին՝ դուն ուրեք ժամանեն 'ի սրբ-
 բութիւն :

Ե . Մի ապաւինիր 'ի բարեկամս
 և 'ի մերձաւորս , և մի ձգեր զփրբ-
 կութիւն քո 'ի վախճան աւուրց . զի
 վաղ քան զոր կարծես՝ մոռացին
 դքեզ մարդիկ : Լաւ է այժմէն յա-
 ռաջատես լինել , և կանխաւ պատ-
 րաստել ինչ բարի , քան յուսալ
 յօգնութիւն այլոց : Թէ ոչ այժմ
 հոգաս վասն անձին , ո՞վ հոգասցի
 վասն քոյ առյապաղ : Այժմ է սլա-

տուական ժամանակ : Ահաւասիկ ժամանակ ընդունելի . ահա օր փրկութեան : Այլ փայ է քեզ , եթէ ոչ ծախես դայն յօգուտ , արժանի լինել նովա յախտենիցն կենաց : Եկեսցէ ժամանակ , զի օր մի կամ ժամ մի ուղղութեան խնդրեսցես , և չզիտեմ թէ գտցես :

Զ . Ապա , սիրելի , 'ի բազում փտանգէ լիցիս ազատ , և յերկիւղէ մեծէ դերծ , եթէ այժմէն յամենայնի երկիւղած իցես , և կասկած մահու իցէ դքե : Չանա արդ այնպէս կեալ , որ 'ի ժամ մահու կարող լիցիս առաւել խնդալ քան երկնչիլ : Ուսիր արդ մեռանիլ աշխարհի , զի յայնժամ սկիզբն արասցես կեալ ընդ Քրիստոսի : Ուսիր արդ դամենայն արհամարհել , զի յայնժամ կարող լիցիս համարձակութեամբ առ Քրիստոս դիմել : Ճնշեա արդ դմարմին քո ապաշխարութեամբ , զի յայնժամ քաջայոյս գտցիս :

Է . Անմիտ , զի խորհիս ապրել ընդերկար , որ և ոչ օր մի ունիս աներկեան : Քանիք խաբեցան , և

յանկարծ ՚ի մարմնոյ յափշտակե-
ցան: Քանիցս անգամ լուար՝ զի
ասէին. այս որ սրով անկաւ, այն
որ ծովակուր եղև, այս որ ՚ի բար-
ձուէ անկեալ՝ ողն նորա բեկաւ,
այն որ յուտել իւրում կարկամե-
ցաւ, և այն որ ՚ի խաղալ իւրում
անչնչացաւ: Ոմն հրով, ոմն սրով,
ոմն տարածամ մահուամբ, և ոմն
հինիւ կորեաւ. և այնպէս ամենե-
ցուն կատարած մահ է. և կեանք
մարդկան որպէս ստուեր վաղ ան-
ցանեն:

Ը. Ո՞վ յիշեսցէ դքեղ յետ մա-
հու. և ո՞վ կացցէ յաղօթս վասն քո:
Աքի, սիրելի, և այժմէն արա զոր
ինչ կարող ես առնել. զի ոչ զիտես
երբ մեռանելոց ես, և ոչ զիտես
զինչ զիպեսցի քեզ յետ մահու:
Մինչդեռ ժամանակս ՚ի ձեռս է,
ժողովեաքեզ զանձանմահութեան:
Բայ ՚ի փրկութենէ քումմէ մի ինչ
խորհիր. միայն զաստուծոյսն հո-
գա: Այա արդ քեզ բարեկամս, ըզ-
սուրբս Աստուծոյ պատուեալ, և
վարուց նոցա նմանեալ. զի յորժամ

սրակասեսցիս 'ի կենաց աստի , ընկալցին նորա գրեզ 'ի յարկնն յափաննականս :

Թ . Կալ գրեզ որպէս սանդուխտ և իջաւոր 'ի վերայ երկրի , որում ոչինչ փոյթ է գաշխարհի իրողութեանց : Պահեա զսիրտդ ազատ , և առ Ստուած ուղերձեալ . զի ոչ ոնիս աստ քաղաք մնայուն : Ի նա ուղղեա զօրքսօրէ աղաչանս քո և զհեծութիւնս արտասուօք . զի հոգիդ քո արժանասցի յետ մահու՝ բարեաւ փոխիլ առ տէր . Ամէն :

Գ Լ Ո Ւ Խ Ի Գ

Յաղագս դատաստանի , և պատճոց վեղաշորաց .

Ա . Յամենայնի հայեաց 'ի կատարածն , և թէ որպէս կալոց ես առաջի անաչառ դատաւորին , յորմէ ոչ ծածկի ինչ . որ ոչ կաշառօք համոզի , և ոչ պատճառանս ընդունի . այլ արդարութեամբ դատի : Ո՛վ

Թշուառական և անմիտ մեղաւոր զինչ տացես պատասխանի Աստուծոյ, որ իրագէտն է ամենայն չարեաց քոց. որ բազում անգամ զարհուրեալ դողաս յերեսաց առն բարկացելոյ: Չիւրդ ոչ պատրաստես զքեզ աւուրն դատաստանի, յորում ոչ կարէ որ ՚ի ձեռն այլոց արդարանալ. զի իւրաքանչիւր որ բաւական բեռն է անձին: Այժմ արդիւնաւոր են քո ճգունք, ընդունելի են լալիք, լսելի են հեծութիւնք, և քաւարար են վիշտք:

Բ. Մեծ և փրկական քաւարան է համբերողի, որ զրկեալ՝ առաւել ցաւ է նմա վասն չարութեան ընկերին՝ քան վասն իւրոյ վնասու: Որ վասն հակառակորդաց իւրոց յօժարամիտ յաղօթս կայ, և սրտի մտօք յանցուածոց նոցա ներէ: Որ թողութիւն յայլոց խնդրել ոչ յապաղէ: Որ երազ է յողորմիլ քան ՚ի բարկանալ: Որ ստէպ բուռն առնէ անձին, և զմարմինն ամենայնիւ ջանայ հնազանդել հոգւոյ: Լաւ է արդ զմեղս քաւել, և զախտս ՚ի բաց հա-

տանել , քան հանդերձեալ քաւութեան պահել : Չանձինս ուրեմն խաբեմք անկարգ սիրով՝ զոր առ մարմին ունիմք :

Գ . Չինչ կերիցէ հուրն այն , բայց դմեղս քո : Արչափ առաւել արդ անձին խնայես , և մարմնոյ անսաս , այնչափ խստիւ առ յապայ տուժիս , և առաւելագոյն նիւթ կիզման ամբարես : Արովք մեղանչէ որ , նոքիմք ծանրագոյնս տանջի : Անդ ծոյք հրացեալ խթանօք տազնապեսցին , և որկորաժէտք անհնարին սովու և ծարաւով տանջեսցին : Անդ բղջախոհք և հեշտասէրք յեռացեալ ձիւթ և 'ի դարչահոտ ծծումք լողեսցին , և նախանձոտք որպէս կատաղի շունք առ ցաւոց կաղկանձեսցեն :

Գ . Չիք ինչ ախտ , որոյ ոչ իցեն իւր տանջանք : Անդ ամբարտաւանք ամօթալից լիցին , և ազահք չարաչար չքաւորութեամբ տուայտեսցին : Անդ ժամ մի պատժոց ծանր եղիցի , քան դաստի հարիւրամեայ ծանր ապաշխարութիւնս : Անդ չիք ինչ հանդիստ , չիք ինչ մխիթարու-

Թիւն դատապարտելոց . այլ աստ
երբեմն դուլ լինի 'ի վաստակոց , և
սփոփութիւն 'ի բարեկամաց : Ար
արդ 'ի հոգս և 'ի ցաւս վասն մեղաց
քոց , զի յօր դատաստանին անհոգ
լիցիս ընդ երանելոց : Ձի յայնժամ
կացցեն արդարք բազում համար
ձակութեամբ հանդէպ նեղչաց իւ
րեանց և հարստահարողաց : Յայն
ժամ նստցի յաթոռ դատողական ,
որ արդ խոնարհութեամբ հնազան
դի դատաստանաց մարդկան : Յայն
ժամ մեծ քաջալերութիւն զգեցցի
աղքատն և խոնարհն , և զարհու
րեալ դողասցի ամբարտաւանն :

Ե . Յայնժամ յայտնեսցի թէ ի
մաստուն էր յայսմ աշխարհի , որ
վասն Քրիստոսի ուսառ յիմար լի
նել և արհամարհ : Յայնժամ քաղցր
եղիցի ամենայն նեղութիւն համբե
րութեամբ յանձն առեալ . և ամե
նայն անօրէնութիւն խցցէ զբերան
իւր : Յայնժամ խնդասցէ ամենայն
առաքինասէր , և տխրեսցի ամե
նայն ամալարիչտ : Յայնժամ առա
ւել ցնծասցէ մարմին վշտահար ,

քան զգրգեալն 'ի փափկութիւնս :
Յայնժամ պայծառասցի աղքատ
ձորձիկ, և խաւարեսցին հանդերձք
բեհեղեայք : Յայնժամ առաւել դո-
վեսցի աղքատին յարկ, քան զոս-
կենկար ապարանս : Յայնժամ ա-
ռաւել օգտեսցէ արիական համբե-
րութիւն, քան զամենայն աշխարհի
իշխանութիւն : Յայնժամ առաւել
բարձր եղիցի միամիտ հնազանդու-
թիւն, քան զամենայն աշխարհա-
կան խորագիտութիւն :

2. Յայնժամ առաւել ուրախ ա-
րասցէ սուրբ և բարի խիղճ մտաց,
քան զներհուն իմաստասիրութիւն :
Յայնժամ առաւել յարգեսցի ար-
համարհութիւն ընչից, քան զամե-
նայն զանձս երկրածնաց : Յայն-
ժամ առաւել մխիթարեսցիս 'ի վե-
րայ ջերմեռանդն աղօթից, քան 'ի
վերայ համեղահամ կերակրոց :
Յայնժամ առաւել ուրախ եղիցիս
'ի վերայ լուակացութեան, քան 'ի
վերայ երկար զրուցաց : Յայնժամ
առաւել զօրեսցեն սուրբ գործք,
քան զբազում գեղեցիկ բանս : Յայն-

ժամ առաւել հաճոյ լիցին անձուկ
կեանք և խստամբեր ճգանք, քան
զամենայն երկրաւոր բերկրութիւն :
Ուսիր արդ սակաւուն համբերել ,
զի յայնժամ 'ի ծանունց ապրեսցիս :
Աստ յառաջագոյն փորձեա , թէ ո-
րոյ իմիր ժուժալ բաւես առ յապայ :
Եթէ այժմ զոյզն չարչարանք դքեզ
նեղասրտեն , զինչ արասցէ յայն-
ժամ գեհեանն : Ահա անհնար է եր-
կուս ունել խնդութիւնս . աստ յաչ-
խարհի 'ի զրդանս վայելել , և անդ
ընդ Քրիստոսի թաղաւորել :

Է . Եթէ մինչև ցայսօր միշտ 'ի
պատուի լեալ էիր և 'ի փափկու-
թիւնս , զինչ օգուտ էր քեզ յայնմ
ամենայնէ , եթէ արդ յանկարծ 'ի
վերայ հաասնէր մահ : Ապա ամե-
նայնն ունայնութիւն է , բաց 'ի սի-
րոյն Աստուծոյ և 'ի ծառայութենէ
նորա : Զի որ զԱստուած յամենայն
սրտէ սիրէ , ոչ 'ի մահուանէ եր-
կընչի , ոչ 'ի տանջանաց , ոչ 'ի դա-
տաատանէ , և ոչ 'ի դժոխոց : Վասն
զի կատարեալ սէրն անհոգ մատչի
առ Աստուած : Իսկ որում գեռ

բաղցր է մեղանչել , չեն ինչ զարմանք թէ երկնչի 'ի մահուանէ և 'ի դատաստանէ : Բայց բարւոք է , զի թէ ոչ սէրն խոտորեցուցանէ զքեզ 'ի չարէ , զէթ երկիրդ զեհենին հրաժարեցուսցէ : Իսկ որ զերկիրդն Աստուծոյ մերժէ , ոչ է կարօղ ընդ երկար կալ մնալ 'ի բարին . այլ վազազոյն անկանի յորոգայթս սատանայի :

ԳԼՈՒԽ Ի Ե

Յաղագս փոյրեռանդն ոչդորեռան
փարոց մերոց .

Ա . Լեր արթուն և փոյթ 'ի ծառայութեանն Աստուծոյ . և խորհեաց ստէպ , թէ յի՞նչ կոչեցար և զի՞որդ թողեր զաշխարհ : Ոչ ապաքէն , զի յԱստուած կեցցես , և լիցիս այր հոգևոր : Ապա լեր փոյթեռանդն 'ի յառաջադիմութիւն , զի զվարձս վաստակոց քոց առցես ընդ հուպ . և յայնժամ ոչ ևս եղիցի եր-

կիւղ կամ ցաւ 'ի սահմանս քո :
Փոքր մի արդ վաստակեսջիր , և
զայցես հանգիստ մեծ և ուրախու-
թիւն յաւերժական : Եթէ կացցես
մնասցես հաւատարիմ և փոյթե-
ռանդն 'ի զործ , և Աստուած եղիցի
հաւատարիմ և առատ 'ի հատու-
ցումն : Լեր քաջայոյս , թէ հասցես
յաղթանակի . այլ չէ սրտա լինել
աներկեան , զուցէ հեղգասցիս կամ
փրասցիս :

Բ . Ծփեալ ուրումն երբեմն 'ի վա-
րանս երկիւղի և յուսոյ՝ այն ինչ
ողուով թախծութեան յեկեղեցւոջ
առաջի սուրբ սեղանոյն անկեալ
կայր յաղօթս , և խորհէր ընդ միտս ,
իցէ թէ ժուժկալիցեմ իսպառ , ան-
դէն առ յԱստուծոյ այսպիսի լուաւ
պատասխանի 'ի սրտի : Եթէ զայդ
զիտէիր , զինչ առնէիր , զնոյն արդ
արա , և եղիցիս քաջ յապահովի :
Որոյ անդէն վաղվաղակի քաջալե-
րեալ և զօրացեալ 'ի կամս Աստու-
ծոյ եղև յանձն , և դադարեցին 'ի
նմանէ յոյզք խորհրդոյ : Եւ այլ ոչ
ընդվայրաքննին հետազօտեաց , ի-

մանալ զինչ անցք անցանելոց իցեն
ընդ նա առ յապայ . այլ յաւէտ ջա-
նացաւ խնդրել , թէ զինչ են կամք
Աստուծոյ հաճոյն և կատարեալն ,
առ սկիզբն առնելոյ և կատարելոյ
դամենայն դործս բարութեան :

Գ . Յուռա 'ի տէր , և արա զբարի ,
ասէ մարդարէն . բնակեաց յերկրի ,
և հովուեսցիս 'ի մեծութեան նորա :
Մի ինչ է , որ զբազումս յետս ըն-
կրրկէ 'ի յառաջադիմութենէ և 'ի
փոյթեռանդն ուղղութենէ վարուց .
ասէ դժուարութեան , կամ ճիզն պա-
տերազմի : Բայց այնք առաւել քան
դայլս յառաջադէմ են յառաքինու-
թիւնս , որք առաւել ծանունց և հա-
կառակաց տրիագոյն ջանան յաղ-
թել : Քանզի անդ առաւել դարգա-
նայ որ , և յոլովադունից արժանի
լինի շնորհաց , ուր առաւել յաղթէ
անձին , և հոգևորապէս զնա մե-
ռուցանէ :

Դ . Աչ ամենեցուն հաւասար են
իրք յաղթութեան և մեռուցման :
Բայց ժրաջան նախանձախնդիր զօ-
բազոյն է 'ի յառաջադիմութիւն , թէ-

պէտ և բազում իցեն նորա կիրք ,
 քան զբարեկիր որ՝ որոյ նուազ իցէ
 եռանդն յառաքինութիւնս : Երկու
 ինչ առաւելապէս յաջողեն զուղ-
 զութիւն վարուց . բունն՝ ՚ի բաց քե-
 ցիլ յամենայնէ , յոր ախտաբար
 միտէ բնութիւնն . և սրտի մտօք
 պինդ ունել զբարին , որում առա-
 ւել կարօտի որ : Յայնց ևս անճնա-
 պահ լեր , և յաղթել ջանա , զորս
 անհաճոյ է քեզ տեսանել յայլոց
 վերայ :

Ե . Յամենայնի միտ զիր քումզ
 յառաջադիմութեան , որպէս զի թէ
 բարի ինչ օրինակ տեսանես կամ
 լսես , վառեսցիս բորբոքեսցիս լի-
 նել նմանող : Ապա թէ ըստզիւտ ինչ
 յայլս տեսանես , զգոյշ լեր չառնել
 զնոյն . և թէ արարեր երբէք , փու-
 թա վաղագոյն ուղղել զքեզ : Որպէս
 աչք քո յայլս հային , նոյնպէս աչք
 այլոց ՚ի քեզ են : Զիւրդ բերկրա-
 կան է և քաղցր՝ տեսանել եռանդ-
 նոտ և առաքինի եղբարս , բարե-
 կիրս և խրատեալս : Զիւրդ տխուր
 է և ծանր՝ տեսանել զխեղաբարոյս ,

որք անգործ են յամենայնէ՝ յոր կոչեցան : Չիարդ վնասակար է հեղալ 'ի դէմ եղեալ նպատակ իւրոյ կոչման , և յօժարամտել յայն՝ որ չէ նմա յանձն :

Զ . Յուշ լիցի քեզ առաջադրութիւնդ՝ յոր ձեռնարկեր . և դիր առաջի աչաց զխաչեցելոյն պատկեր : Հայեցեալ 'ի վարս Յիսուսի Քրիստոսի , յամօթ լեր . դի չև ևս կերպարանակից լինել նմա ջանացար , թէ պէս և ընդ երկար 'ի ճանապարհի Աստուծոյ եղեր : Արօնաւոր՝ որ սըրտի մտօք և եռանդեամբ 'ի սուրբ վարս և 'ի չարչարանս Քրիստոսի կրթէ դանձն , դամենայն պիտանիս և զկարևորս անձին դտանէ անգ առատապէս . և ոչ պիտի նմա արտաքոյ Յիսուսի՝ լաւագունի խմիք լինել 'ի խնդիր : Եթէ խաչելեալն Յիսուս եկաւորէր 'ի սիրտ մեր , ո՞վ թէ զիարդ վաղվաղակի և լիով լինէր մեզ զգօնանալ :

Է . Արօնաւոր փոյթեռանդն բարիօք համբերէ և տանի ամենայնի , որ նմա հրամայի : Արօնաւոր հեղդ

և յոյլ՝ ունի նեղութիւն ՚ի նեղութեան վերայ, և յամենայն կողմանէ անձկութիւն կրէ. զի չունի զներքին մխիթարութիւն, և արտաքնոյն ՚ի խնդիր լինել՝ չէ նմա հրաման: Արօնաւորի որ անկանոն կեանս վարէ, մեծ կործանումն ՚ի վերայ կայ: Ար ցոփութեան և թուլութեան զհետ երթայ, միշտ յանձկութիւնս եղիցի. զի ընդ այս ինչ կամ ընդ այն ոչ հաճեսցի անձն նորա:

Ը. Ձինչ գործեն այսչափ բազմութիւնք կրօնաւորաց, որք ընդ լծով են վանական կարգաց: Հազիւ երբէք արտաքս ելանեն, հրաժարական վարեն կեանս, աղքատօրէն ուտեն, խոշոր զգենուն, բազումս վաստակին, սակաւ խօսին, ընդերկար հսկեն, կանուխ յանեն, զաղօթս երկարեն, ստէպ ընթեռնուն, և յամենայն պահպանութիւնս կանոնաց են զգուշաւորք: Հայեաց ՚ի կարթուսեանս, և ՚ի կիստերսեանս, և ՚ի պէսպէս կրօնից միանձունս և կուսանս, որպէս յա-

մենայն զիչերի յառնեն սաղմոս աւսել տեառն : Ասան այսորիկ ամօթ է քեզ առ այդպիսի սուրբ գործ հեղզանալ 'ի ժամանակի յորժամ այսչափ բաղմութիւն կրօնաւորաց սկիզբն առնեն աղաղակել առ Աստուած :

Թ . Երանի՛ թէ ոչ այլ ինչ մնայր մեզ առնել , բայց զտէր Աստուած մեր յամենայն սրտէ և 'ի բերանոյ օրհնել : Երանի՛ թէ ոչ ինչ պէտք էին քեզ ուտելոյ , կամ ըմպելոյ , կամ ննջելոյ . այլ կարող լինէիր միշտ զԱստուած օրհնել , և միայն հոգևոր փութոյ պարապել . յայնժամ բարեբաստագոյն գտանէիր քան այժմ , որ կարեաց մարմնոյ ծառայես : Երանի՛ թէ չէին 'ի միջի այս կարիք , այլ միայն իմանալի կերակուր . զորոյ , բա՛բէ , զիա՛րդ սակաւ առնումք զճաշակ :

Ե . Յորժամ որ ցայն վայր հասանէ , մինչև չխնդրել ինչ իւր միսի թարութիւն յարարածոց , յայնժամ սկիզբն առնէ զբաղցրութեանն Աստուծոյ լիով առնուլ զճաշակ : Յայն


ժամ դո՛հ գտանի և յամենայն անցս՝
որք անցանեն ընդ նա : Յայնժամ
ոչ ընդ մեծ ինչ ուրախանայ , և ոչ
ընդ խուն ինչ տրտմի . այլ զլխովին
յԱստուած հաստատէ զյոյս իւր ,
որ է նմա ամենայն յամենայնի : Ու
րում ոչ կորնչի ինչ , և ոչ մեռանի .
այլ ամենեքին նմա կենդանիք են ,
և ակնարկման նորա անյապաղ ծա
ռայեն :


ԺԱ. Յուչ լիցի քեզ վախճանն ,
և թէ ժամանակն կորուսեալ այլ ոչ
դառնայ : Առանց փութոյ և ջանից
ոչ երբէք ստասցիս զառաքինու
թիւնս : Թէ սկիզբն առնես զաղջա
նալոյ , սկիզբն առնես և չարաչար
վարուց : Ապա եթէ տացես զանձն
քո յեռանդն , զացես խաղաղու
թիւն մեծ . և զիւր լիցի քեզ ՚ի վաս
տակս , վասն շնորհացն Աստուծոյ ,
և սիրոյ առաքինութեան : Այր և
ռանդնոտ և ժրաջան՝ պատրաստ է
առ ամենայն : Մեծ է վաստակ զի
մամարտութեան ախտից և կրից ;
քան զքրտնաջան լինել ՚ի մարմնա
ւոր վաստակս : Որ ՚ի դոյզն պակա

սութեանց շխորչի, փոքր փոքր 'ի
մեծամեծս սահի: Ուրախ լիցիս հա-
նապազ ընդ երեկս. եթէ զօրն ան-
ցուցեր յօգուտ: Հսկեա 'ի վերայ
.քոյ, զարթո զքեզ, յիշեցո քեզ. և
զիարդ և իցեն այլք, դու զանձնէ
մի հեղգար: Այնչափ զարգասցիս,
որչափ անձին քում բուռն արաս-
ցես: Ամէն:

Կատարեցան խրատք սա հոգևոր
կեանս պիտանիք.









ԳԻՐՔ ԵՐԿՐՈՐԴ

ԽՐԱՏՔ ՈՐՔ ԶԳԵՆՆ ԶՄԵԶ
Ի ՆԵՐՔԻՒՆՍ

Գ Լ Ո Ւ Խ Ա

Յաղագս և երբիև զևացից .

Ա. ԼՐՔԱՅՈՒԹԻՒՆՆ Աստուծոյ 'ի ներքս 'ի ձեզ է, ասէ տէր: Դարձիր յամենայն սրտէ առ տէր, և թող զթշուառ զայս աշխարհ. և դացէ անձն քո հանդիստ: Ուսիր զարտաքինս արհամարհել, և 'ի ներքինս անձնատուր լինել. և տեսցես զարքայութիւնն Աստուծոյ առ քեզ եկեալ: Զի արքայութիւնն Աստու-

ծոյ է խաղաղութիւն և խնդութիւն
 'ի հոգի սուրբ, որ ոչ շնորհի ամ-
 պարշտաց: Եկեսցէ առ քեզ Քրիս-
 տոս, ցուցեալ քեզ զմխիթարու-
 թիւն իւր, եթէ պատրաստեսցես
 նմա 'ի ներքս 'ի քեզ արժանի օ-
 թեւան: Ամենայն փառք նորա և
 վայելչութիւն է 'ի ներքոյ, և անդ
 լինել հաճոյ է նմա: Ընդ ներանձնա-
 ցեալս է նորա ստէպ այցելութիւն,
 քաղցր խօսակցութիւն, բերկրա-
 կան մխիթարութիւն, բազում խա-
 ղաղութիւն, և մեծահրաշ ընտա-
 նութիւն:

Բ. Աղէ, հաւատացեալդ ոգի,
 պատրաստեա այսմ փեսայի զսիրտ-
 քո. զի հաճեսցի առ քեզ եկառ-
 րել, և 'ի քեզ բնակել: Ձի այսպէս
 ասէ նա: Եթէ դք սիրէ զիս, զբանն
 իմ պահեսցէ. և առ նա եկեսցուք,
 և օթեւանս առ նմա արասցուք: Ա-
 պա պատրաստեա Քրիստոսի տեղի,
 և այլում ամենայնի մի տար մուտ:
 Թէ է 'ի քեզ Քրիստոս, մեծատուն
 ես, և շատ է քեզ: Նա եղիցի քո
 հողաբարձու, և հաւատարիմ խնա-

մակալու յամենայնի, որ այլ ոչ պիտի յուսալ 'ի մարդիկ : Ձի մարդիկ վաղվազակի փոխին , և փութով պահասին . Քրիստոս կայ մնայ յափտեան , և զօրավիզն է քո մինչ իսպառ :

Գ . Մի կարի իմն ապաւինիր 'ի մարդ տկար և մահկանացու , թէ պէտ և պիտանի որ իցէ և սիրելի . և մի յոյժ տրտմեսցիս , թէ ուրեք երբէք ընդդէմ դառնայ և հակառակի : Որք այսօր 'ի քո կողմն են , հնար է թէ վաղիս դիմադարձ զըտցին . և զսորին հակառակն՝ բազում անգամ իբրև զհողմ փոփոխին : Գիր բովանդակ զյոյս քո յԱստուած , և նա եղիցի քո երկիրդ և սէր : Նա փոխանակ քո տացէ պատասխանի , և յաջողեսցէ յայն՝ որ լաւ իցէ : Ոչ ունիս աստ քաղաք մնայուն . և ուր և իցես , օտար ես և պանդուխտ . և ոչ երբէք զտցես հանգիստ , թէ ոչ սերտ միանաս ընդ Քրիստոսի :

Գ . Ձի շուրջ հայիս աստ . չէ քոյ այս տեղի հանդատեան : Յերկնաւորս պարտի լինել քո բնակութիւն ,

և հարեանցի հայել պարտիս յամենայն երկրաւորս : Անցանէ ամենայն, և դու ընդ նոսին միահաղոյն : Զգոյշ լեր չյարել 'ի նոսա . գուցէ ըմբռնեսցիս, և կորիցես : Առ բարձրելոյն եղիցին խորհուրդք քո, և ազաչանք քո առ Քրիստոս անդադար ուղղեսցին : Թէ ոչ գիտես խոկալ գբարձունս և զերկնայինս, հանգիր 'ի Քրիստոսի չարչարանս, և 'ի սուրբ վէրս նորա մտաղիւր բնակեաց : Զի թէ 'ի վէրս և 'ի պատուական սպիս Յիսուսի սրտեռանդն լինիս ապաստան, բազում քաջալերութիւն զգեսցցիս 'ի նեղութեան, ոչ մեծ ինչ գրեսցես զմարդկան արհամարհանս, և թշնամանազիր բանից զիւրաւ տարցիս :

Ե . Քրիստոս իսկ յաշխարհի 'ի մարդկանէ անգոսնեցաւ, և յանհրնարին վիշտս 'ի ծանօթից և 'ի բարեկամաց թողաւ 'ի նախատինս : Ամբ եղեն Քրիստոսի չարչարիլ և անարդիլ . և դու իշխեսն բնաւ տրտունջ ունել զումեքէ : Քրիստոսի եղեն հակառակորդք և չարախօսք .

և դու կամիս թէ ամեններին .քո բարեկամք իցեն և բարերարք : Ի՞նչ պսակեսցի .քո համբերութիւն , թէ ոչինչ վիշտ ընդ առաջ լինիցի : Եթէ ոչ կամիս կրել ինչ հակառակութիւն , զհարդ լինիցիս բարեկամ Քրիստոսի : Համբեր ընդ Քրիստոսի և վասն Քրիստոսի , եթէ թաղաւորել կամիս ընդ Քրիստոսի :

2. Եթէ առ անգամ մի մտեալ էր .քո՛ր սիրտ Յիսուսի , և առ փոքր մի զվառեալ սիրոյ նորա առեալ զճաշակ , այնուհետև չլինէր .քեզ փոյթ զգիւրութենէ կամ զվշտաց անձին . այլ ուրախ լինէիր ընդ ընկալեալ նախատինս . զի սէրն Յիսուսի տայ մարդոյ արհամարհել զանձն : Սիրողն Յիսուսի և ճշմարտութեան , և որ ներանձնացեալն է և զերծ յանկարգ ախորժակաց , մարթի համարձակ մուտ ունել առ Աստուած , և հոգւով վերառեալ՝ ի հանդիստ վայելել :

Է . Որ իմանայ զամենայն որպէս և էն , և ոչ ըստ ասից կամ կարծեաց մարդկան , նա է ճշմարտա-

պէս խմաստուն, ուսեալ առ յԱստուծոյ քան 'ի մարդկանէ: Որ ըստ ներքնոյն զիտէ զնալ, և ոչ ըստ արտաքնոյն կշռէ զիրս, ոչ խնդրէ տեղի և ոչ սպասէ ժամանակի' 'ի հոգևոր մարգս ձեռնարկելոյ: Այր ներանձնաւոր փութով յինքն ամփոփի. զի ոչ երբէք բոլորովին առարտաքինս զեղանի: Չէ նմա խափան գործն արտաքին, կամ զբազումն առ ժամն պիտեան. այլ ըստ բերման իրաց պատշաճէ զանձն: Որ կազմ է 'ի ներքոյ և բարեկարգ, ոչինչ հոգայ զմարդկան զարմանաւոր և զթիւր գործոց: Որչափ որ յինքն առարկանէ իրս, այնչափ առաւել խափանի և զբազնու:

Ը. Եթէ ուղիղ էիր և բարեյարդար, ամենայն յաջողէր քեզ 'ի բարի և յօգուտ: Վասն այնորիկ բազում ինչ անհաճոյ է քեզ, և ստէպ խռովէ. զի դեռ չես լիով մեռեալ անձին, և ոչ զատեալ որոշեալ յամենայն երկրաւորաց: Ոչինչ այնպէս արատէ և թակարդէ զսիրտ մարդոյ, որպէս խառնակ սէր ա-

բարածոց : Թէ հրաժարիս յարտա-
քին մխիթարութենէ , կարող լի-
ցիս խոկալ զերկնայինս , և ստէպ
վայելել 'ի ներքին բերկրանս :

Գ Լ Ո Ւ Խ Բ

Յադագս խոնարհ հպատակութեան .

Ա . Մի համարիբ ինչ , թէ որ 'ի
քո կողմն իցէ կամ հակառակ քո .
այլ այն իցէ քո փոյթ , զի Աստուած
ընդ քեզ իցէ յամենայնի դոր առ-
նես : Կալ յանձին զբարիոր խիղճ
մտաց , և Աստուած խնամակալու
լիցի քեզ : Զի որում օգնել կամի
Աստուած , ոչ ուրուք ապիրատու-
թիւն կարողանայ հասուցանել նմա
վնաս : Եթէ գիտիցես լուել և համ-
բերել , տեսցես անտարակոյս ըզ-
տեսառն օգնականութիւն : Նա զի-
տէ զժամանակ և զեղանակ ապրե-
ցուցանելոյ զքեզ . վասն այսորիկ
'ի նա զքեզ յանձն արա : Աստուծոյ
է օգնել , և յամենայն խոովութենէ

ղերծուցանել: Առ առաւելուլ՝ի խոնարհութեան օգուտէ յոյժ բազում անգամ, թէ այլք զմեր պակասութիւնս ծանխցեն և յանդիմանեսցեն:

Բ. Ի խոնարհել առն վասն իւրոց պակասութեանց, զիւրաւ հանդարտէ զայլս, և հեշտեալ ցածուցանէ զցատուցեալն ՚ի վերայ իւր: Զխոնարհն պաշտպանէ Աստուած, և ապրեցուցանէ. զխոնարհն սիրէ և մխիթարէ. խոնարհին զիջանի. խոնարհին առատաձեռնէ շնորհս մեծամեծս, և յետ նեղութեան բարձրացուցանէ զնա ՚ի փառս: Խոնարհին յայտնէ զիւր զաղտնիս, և յինքըն քաղցրութեամբ ձգէ զնա և հրախրէ: Խոնարհն յընդունելն զարհամարհանս, կայ յանխռով խաղաղութեան. զի յԱստուած կեայ, և ոչ յաշխարհի: Մի յառաջադէմ որ կարծեր զքեզ, եթէ ոչ քան զամենեսին ստորին զանձն համարեսցիս:

ԳԼՈՒԽ Գ

Յաղագս առն խաղաղարարի .

Ա . Հաստատեա զքեզ նախ 'ի խաղաղութեան , և ապա կարող լիցիս զայլս խաղաղել : Այր խաղաղարար առաւել օգուտ է քան ըզզիտնաւոր : Այր ախտաւոր և զբարին ձգէ 'ի չար , և զիւրաւ հաւատայ չարի : Այր խաղաղարար զամենայն փոխարկէ 'ի բարի : Որ հաստեալն է 'ի խաղաղութեան , ոչ կասկածէ ինչ զումեքէ . այլ անգոհն և խռովարարն 'ի պէսպէս կասկածանս ծփի . ոչ ինքն հանգչի , և ոչ այլոց տայ հանգչել : Ասէ բազում անգամ , զոր չէր պարտ ասել . և չառնէ , զոր օգուտ էր նմա առնել : Խորհի , թէ զինչ այլոց անկ էր առնել . և չխորհի , թէ զինչ նմա է անկ : Ապա լեր նախանձաւոր նախ 'ի վերայ անձին , և ապա իրաւամբք նախանձաւոր լիցիս և ընկերի քում :

Բ. Քաջ զիտես դու գործոց քոց
 սլատճառանս սլատճառել, և ար-
 դարացուցանել. բայց զայլոց սլատ-
 ճառանս ընդունել չառնուս յանձն :
 Իրաւացի ևս լինէր, թէ զքէն ամ-
 բաստան լինէիր, և զեղբայր քո
 արդարացուցանէիր : Եթէ կամիս
 թէ այլք քեզ տարցին, տա՛ր և դու
 այլոց : Տես, քանի հեռի ևս զեռ 'ի
 ճշմարիտ սիրոյ և 'ի խոնարհութե-
 նէ, որ ոչ ումեք զիտէ բարկանալ
 կամ ցասնուլ, բայց միայն անձին :
 Չէ ինչ մեծ ընդ բարեկիրս և ընդ
 հեղաբարոյս քաղաքավարել. զի
 այդ ամենեցուն բնաւորապէս է հա-
 ճոյ, և ընդ այնպիսիս ամենայն որ
 մտաղիւր խաղաղութեամբ գնայ և
 զհամախոհս իւրառաւել սիրէ. բայց
 ընդ խիստս և ընդ խեղաբարոյս,
 ընդ անխրատս և ընդ հակառա-
 կորդս մեր խաղաղութեամբ կեալ
 մեծ շնորհ է, և գործ գովելի յոյժ և
 արիական :

Գ. Են՝ որք զանձինս 'ի խաղա-
 ղութիւն հաստեն, և ընդ այլս ևս
 զխաղաղութիւն ունին : Եւ են՝ որք

ոչ զխաղաղութիւն ունին , և ոչ այլոց թողուն կալ 'ի խաղաղութեան . այլոց ծանր են , այլ անձանց յամենայնի ծանրագոյն ևս : Եւ են՝ որք զանձինս 'ի խաղաղութեան պահեն , և զայլս 'ի խաղաղութիւն արկանել փութան : Բայց բովանդակ մեր խաղաղութիւն 'ի ցաւալից յայս կեանս՝ առաւել հաստատելի է 'ի խոնարհական համբերութիւն , քան 'ի չզգալ զհակառակս : Որ քաջ զիտէ համբերել , մեծ խաղաղութիւն կալցի : Այնպիսին յազթող է անձին , և տէր աշխարհի . բարեկամ Քրիստոսի , և ժառանգորդ երկնից :

Գ Լ Ո Ւ Խ Գ

Յաղագս մարտը մտաց , և միամիտ դիտաւորութեան .

Ա . Երկոքումբ թեօք վերանայ մարդ յերկրաւորաց . միամտութեամբ , և մաքրութեամբ : Միամտութեանն պարտ է լինել 'ի դիտ-

մունս, մաքրութեանն յախորժակս :
 Միամտութիւնն զիմէ յԱստուած .
 մաքրութիւնն հասանէ և ճաշակէ :
 Ոչինչ գործ բարի խափանեացէ ըզ-
 քեզ , եթէ ներքոյ ազատ լինիցիս
 յանկարգ ախորժակաց : Եթէ ոչ
 այլ ինչ զիտես և խնդրես , բայց
 զհաճոյսն Աստուծոյ և զօգուտ ըն-
 կերին , վայելեսցես 'ի ներքին ա-
 զատութեան : Եթէ ուղիղ էր քո
 սիրտ , ամենայն արարածք լինէին
 քեզ հայելի վարուց , և մատեան ի-
 մաստից սրբութեան : Զիք արարած
 այնպէս փոքր և խոտան , որ ոչ
 յանդիման երևեցուցանէ զԱստու-
 ծոյ բարութիւնն :

Բ. Եթէ 'ի ներքոյ լինէիր բարի և
 մաքուր , զամենայն անխափան տե-
 սանէիր և քաջ առնուիր 'ի միտ :
 Սիրտ մաքուր ընդմտանէ յերկինս
 և 'ի դժոխս : Որպիսի է որ 'ի ներ-
 քոյ , այնպէս դատի արտաքոյ : Ե-
 թէ է խնդութիւն յաշխարհի , ժա-
 ոանդէ զնա այր՝ որոյ սուրբ է սիրտ :
 Եւ թէ է ուրեք նեղութիւն և վիշտ ,
 քաջ զնորա զչափ առնու , որոյ չար

է խիղճ մտաց : Որպէս երկաթ արկեալ 'ի հուր՝ կորուսանէ զժանգ և լինի հրավառ , նոյնպէս այր՝ որ յամենայն սրտէ զառնայ առ Աստուած , 'ի բաց զնէ զթմրութիւն , և 'ի նոր մարդ փոխարկի :

Գ . Յորժամ զաղջանալ սկսանի այր , 'ի գոյզն վաստակոց երկնչի , և մտազիր զարտաքին մխիթարութեամբք յածի : Այլ յորժամ սկիզբն առնէ կատարելապէս յաղթել անձին , և զնալ զճանապարհ Աստուծոյ արիաբար , թեթե իմն թուի նմա , զոր յառաջն կարծէր ծանր :

Գ Լ Ո Ւ Խ Ե

Յաղագս ձանաչելոյ զչափ անձին .

Ա . Անմարթ է մեզ կարի իմն հաւատալ անձանց . զի բազում անգամ չիք մեր շնորհ և իմաստութիւն : Խու՛ն ինչ լոյս է 'ի մեզ . և զայն վազվազակի հեղգութեամբ կորուսանեմք : Յուովակի չհայիմք և 'ի

ներքին մեր կուրութիւն: Բազում անգամ չարաչար գործեմք, և ևս չարաչար պատճառանս պատճառեմք: Է զի 'ի կրից շարժեմք, և նախանձաւորութիւն կարծեմք: Չայլոց մանունս յանդիմանեմք, և զմերովք մեծամեծօք հարեանցիկ առնեմք: Քաջ վազվազակի խորհիմք և կշռեմք, թէ զի՞նչ յայլոց կրեմք. բայց թէ որչափ ինչ այլք 'ի մէնջ կրեն, յայն ինչ ոչ հայիմք: Թէ որ բարիօք և ուղիղ զխրան կշռէր, չգտանէր յայլս ծանր ինչ նիւթ դատողութեան:

Բ. Այր ներանձնաւոր զանձին փոյթ քան զամենեցուն վերադասէ. և որ ժրաջան անձին միտ զնէ, զխրին է նմա զայլոց լուել: Ոչ երբէք լինիս ներանձնացեալ և փոյթեռանդն, թէ ոչ լուես զօտարոտոց, և առաւելապէս 'ի քեզ հայիս: Թէ Աստուծոյ և անձին միտ զնես բոլորովին, սակաւ շարժեն դքեզ, զոր ինչ արտաքոյ տեսանես: Ո՞ր ես, յորժամ ոչ անձին միտ զնես: Եւ յորժամ զանձնէ հեղգացեալ՝

զամենայն հետազօտես , զինչ օգտիս : Եթէ զխաղաղութիւն խընդրէիր և զճշմարիտ միաբանութիւն , սարս էր քեզ՝ զամենայն իսկ ՚ի վերջոյ դասել , և զքեզ միայն առաջի աչաց ունել :

Գ . Վասն այսորիկ բազումս օգտիս , եթէ սարապորդ պահես զանձըն յամենայն առօրեայ հոգոց : Եւ կարի իմն յետնեալ գտանիս , եթէ զառօրեայքս մեծ ինչ զրես : Մի ինչ մեծ թուեսցի քեզ , մի ինչ բարձրր , մի ինչ ըղձալի , և մի ինչ ընդունելի , բայց միայն Աստուած և աստուծոյքն : Չամենայն սնոտի համարեսձիր , զինչ և մխիթարութիւն զիպեսցի քեզ յարարածոց : Անձնոր սիրէ զԱստուած , առ Աստուծով արհամարհ համարի զամենայն : Միայն Աստուած յաւիտենական և անչափ՝ լցուցիչ է ամենայնի , սփութութիւն անձին , և ճշմարիտ ուրախութիւն սրտի :

Գ Լ Ո Ի Խ Զ

Յադագսս ոչրախոշրեան բարշոք
խղճի մտաց .

Ա. Փառք առն բարւոյ՝ վկայութիւն բարիոք խղճի մտաց : Կա՛ղ յանձինն զբարւոք խիղճ մտաց , և եղիցի ՚ի քեզ հանապաղ ուրախութիւն : Բարւոք խիղճ մտաց՝ բազում ինչ բերէ , և յոյժ ուրախ է ՚ի վիշտս : Չար խիղճ մտաց երկչոտ է յամենայնի և անհանգիստ : Քաղցրութեամբ հանգիցես , թէ սիրտ քո ոչ սազտանէ զքեզ : Մի ուրախ լինիր , բայց յորժամ բարիս գործիցես : Չարք ոչ երբէք ունին ըզճմարիտ ուրախութիւն , և ոչ զգան յանձինն զներքին խաղաղութիւն : Չի ոչ զոյ խաղաղութիւն ամպարըչտաց , ասէ տէր : Եւ թէ ասիցեն . ՚ի խաղաղութեան եմք , ոչ եկեսցեն ՚ի վերայ մեր չարիք , և ո՞ իշխեսցէ վնասել մեզ , մի հաւա-

տար նոցա . զի յանկարծակի յարիցէ բարկութիւնն Աստուծոյ , և նանրասցին զործք նոցա , և խորհուրդք նոցա կորիցեն :

Բ . Պարծել 'ի նեղութիւնս՝ չէ ինչ ծանր սիրողին . զի այդպէս պարծել՝ է պարծել 'ի խաչն տեսուն : Սուղ ինչ են փառք , զոր մարդիկ տան և առնուն : Զփառաց աշխարհի միշտ զհետ դայ տրամութիւն : Բարեաց փառք 'ի խիղճ մտաց նոցա են , և ոչ 'ի բերան մարդկան : Արդարոց ուրախութիւն յաղագս Աստուծոյ է , և յԱստուած . և խընդութիւն նոցա յաղագս ճշմարտութեան : Որ ճշմարիտ և յաւիտենական փառաց ցանկայ , զառժամայն փառաց չէ ինչ նմա փոյթ : Եւ որ զառժամայն փառս խնդրէ , կամ 'ի սրտէ ոչ արհամարհէ , յայտ է թէ զերկնաւոր փառս ոչ սիրէ : Մեծ հանդարտութիւն սրտի ունի , որում ոչ զզովութենէ փոյթ ինչ է և ոչ զնախատանաց :

Գ . Դիւրին է գոհ լինել և խաղաղական , որոյ խիղճ մտաց սուրբ

իցէ : Չես ինչ սուրբ , եթէ գովիս .
 և ոչ անարդ , թէ արհամարհիս :
 Որ ինչ ես՝ այն ես . և ոչ մեծ կոչել
 մարթիս , քան զոր Աստուած վը-
 կայէ զքէն : Թէ հայիս , զինչ ՚ի
 ներքս ՚ի քեզ ես , ոչ ինչ հոգաս-
 ցիս թէ զինչ խօսիցին զքէն մար-
 դիկ : Մարդ հայի յերեսս , այլ Աս-
 տուած հայի ՚ի սիրտ : Մարդ հայի
 ՚ի գործս , այլ Աստուած կշռէ ըզ-
 խորհուրդս : Միշտ բարիս գործել
 և զանձն չնչին համարել , ցոյց է
 խոնարհ հոգւոյ : Չառնուլ մխիթա-
 րութիւն ՚ի ստեղծուածոց , մեծի
 մարբութեան և ներքին վստահու-
 թեան է նշանակ :

Դ . Որ ոչինչ արտաքին վկայու-
 թիւն խնդրէ վասն իւր , յայտ է թէ
 բոլորովին վստահ է յԱստուած :
 Չի ոչ որ զանձն ընծայեցուցանէ՝
 նա է ընտրեալ , ասէ երանելին Պօ-
 զոս , այլ զոր տէրն ընծայեցուցա-
 նէ : Հաճոյ լինել Աստուծոյ ներքոյ ,
 և ընդ ոչինչ ախորժակ զբաւիլ ար-
 տաքոյ , ներքին մարդոյ է :

ԳԼՈՒԽ Է

Յաղագս սիրոյն Յիսուսի 'ի վեր քսե
զաւկեալն .

Ա . Երանի՛ , որ 'ի միտ առնու
զինչ իցէ սիրել զՅիսուս , և արհա-
մարհել զամեն վասն Յիսուսի :
Պարտ է թողուլ զսիրելին վասն սի-
րելոյ . զի Յիսուսի կամք այս են ,
սիրելի լինել միայն 'ի վեր քան զա-
մենայն : Սէր ստեղծուածոց խաբե-
րայ է և յողոզող . սէր Յիսուսի հա-
ւատարիմ է և մնայուն : Որ յարի
'ի ստեղծուածս , անցանէ ընդ ան-
ցաւորս . որ փարի զՅիսուսի , հաս-
տատուն մնայ յաւիտեան : Չայն
սիրեա և կալ քեզ բարեկամ , որ 'ի
թողուլ ամենեցուն ոչ թողու զքեզ ,
և ոչ տայ թոյլ չորնչել 'ի սպառ :
Յամենայնէ պարտ է քեզ երբեմն
որոշիլ , եթէ կամայ և եթէ աղա-
մայ :

Բ . Կալ զքեզ առ Յիսուսի , եթէ :

ի կեանս և եթէ ՚ի մահու, և հաւատարմութեան նորա արա զքեզ յանձն, որ ՚ի թողուլ ամենեցուն՝ միայն կարող է օգնել քեզ: Սիրելւոյ քոյ այսպիսի է բնութիւն, որ օտարի ոչ տայ տեղի. այլ միայնակ կամի զբաւականել զսիրտ քո, և որպէս թագաւոր յաթոռ իւր բազմել: Թէ զիտէիր քաջ դատարկել զքեզ յամենայն արարածոց, մտազիւր արդեօք Քրիստոս բնակէր ընդ քեզ: Կորուսեալ գտցես զամենայն, զոր ինչ արտաքոյ Յիսուսի եղեր ՚ի մարդիկ: Մի ապաւինիր և մի յենուր յեղէզն հողմավար. զի ամենայն մարմին խոտ է, և ամենայն փառք մարդոյ իբրև զծաղիկ խոտոյ թօթափեսցի:

Գ. Դիւրաւ խաբիս, եթէ յարտաքին երեոյթ մարդկան միայն հայիս: Զի թէ յայլս խնդրես զքո սփոփանս և զչահ, բազում անգամ տուժիս: Եթէ խնդրես յամենայնի զՅիսուս, այո՛ գտցես զՅիսուս: Ապա եթէ խնդրես զանձն, գտցես և զանձն, բայց ՚ի կորուստ քո: Զի

առաւել վնասակար է մարդ անձին՝
եթէ ոչ խնդրէ զՅիսուս, քան զաչ-
խարհ ամենայն, և քան զամենայն
զիր հակառակորդս :

ԳԼՈՒԽ Ը

Յաղագս մտերիմ սիրելոշքեան
Յիսուսի .

Ա. Յորժամ մերձ է Յիսուս, բար-
ւոք է ամենայն, և չերևի ինչ դը-
ժուարին . այլ ՚ի հեռանալ Յիսուսի,
խիստ է ամենայն ինչ : Յորժամ
Յիսուս ոչ խօսի ՚ի սիրտ, անարգ
է մխիթարութիւնն . ապա եթէ մի
միայն բան խօսի Յիսուս, մեծ մխի-
թարութիւն ՚ի վերայ զայ : Ոչ ա-
պաքէն Մարիամ մազդաղենացի
յարեաւ վաղվազակի ՚ի տեղւոջէն՝
ուր լայր, յորժամ ասաց ցնա Մար-
թա . վարդապետ եկեալ է, և կոչէ
զքեզ : Երանի՛ ժամուն, յորում կո-
չէ Յիսուս յարտասուաց ՚ի խնդու-
թիւն հոգևոր : Քանի՛ ցամաքեալ և

խիստ ես առանց Յիսուսի, քանի
անմիտ և ընդունայն ես, եթէ խնդ-
րես ինչ արտաքոյ Յիսուսի: Ա՛չ
մեծ է մնասոյ, քան եթէ զաշխարհ
ամենայն տուժէիր:

Բ. Ձի՛նչ ձեռնհաս է աշխարհ
տալ քեզ՝ առանց Յիսուսի: Լինել
առանց Յիսուսի՝ ծանր դժոխք են.
և լինել ընդ Յիսուսի՝ քաղցր ար-
քայութիւն: Եթէ ընդ քեզ է Յի-
սուս, ոչինչ ձեռնհաս է թշնամին
մնասել: Արդտանէ զՅիսուս, դտա-
նէ զգանձ բարի, նա՛ զբարի գեր
քան զամենայն բարի: Եւ որ կո-
րուսանէ զՅիսուս, կորուսանէ բա-
զում յոյժ, և առանել քան զաշ-
խարհ ամենայն: Սղբատ է յոյժ, որ
կեայ առանց Յիսուսի. և մեծատուն
յոյժ, որ բարիոք է ընդ Յիսուսի:

Գ. Մեծ արուեստ է, զիտել կե-
նաց կցորդ լինել Յիսուսի. և մեծ
իմաստութիւն՝ զիտել առ իւր ունել
զՅիսուս: Լեր խոնարհ և խաղաղա-
րար, և եղիցի ընդ քեզ Յիսուս:
Լեր ջերմեռանդն և հանդարտ, և
մնասցէ առ քեզ Յիսուս: Վաղվա-

դակի իսկ հնար է հալածել քեզ
 զՅիսուս, և զչնորհս նորա կորու-
 սանել, եթէ յօժարեսցիս յարտա-
 քինս խոտորել: Եւ թէ զնա հալա-
 ծեցեր և կորուսեր, յո՞ դիմեսցես,
 և որո՞յ բարեկամի 'ի խնդիր լինի-
 ցիս: Առանց բարեկամի չէ քեզ
 հնար բարիոք կեալ. և թէ ոչ եղի-
 ցի քեզ Յիսուս առաւել քան զա-
 մենայն բարեկամ, լիցիս տրտում
 յոյժ և լքեալ: Ապա անմտութիւն
 գործես, եթէ յայլ որ ապաւինիս
 կամ ուրախ լինիս: Ընտրեա առա-
 ւել զաշխարհ ամենայն ունել քեզ
 ոսոխ, քան թէ զՅիսուս բարկա-
 ցեալ: Ապա յամենայն սիրելեաց
 միայն Յիսուս լիցի քո հարազատ
 սիրելի:

Դ. Սիրեսջիր զամենայն վասն
 Յիսուսի, այլ զՅիսուս վասն իւր:
 Միայն Յիսուս Քրիստոս զեր 'ի վե-
 րոյ է սիրելի, զի միայն զտանի բա-
 րի և հաւատարիմ քան զամենայն
 բարեկամս: Վասն նորա և 'ի նմա
 սիրելի լիցին քեզ եթէ բարեկամք
 և եթէ թշնամիք. և վասն ամենե-

ցուն սոցա կաց յաղօթս , զի ամենեքին զնա ծանխցեն և սիրեսցեն : Մի ցանկար առանձինն իմն գովեստ կամ սէր ընդունել . զի այդ Աստուծոյ միայն է , որում չիք որ նմանող : Մի յօժարեսցիս , թէ որ առ քեզ ՚ի սրաի իւրում անձուկ ունիցի , և մի դու ընդ ումք անձուկ սիրոյ կալցիս . այլ Յիսուս լիցի ՚ի քեզ , և յամենայն այր բարի :

Ե . Լեր մաքուր և ազատ ՚ի ներքոյ , առանց ինչ ընդ արարածս ողբխառնութեան : Պարտ է քեզ մերկիկ լինել , և սիրտ մաքուր առ Աստուած ունել , եթէ կամիս ժամ առնուլ և տեսանել զի քաղցր է աէր : Եւ արդարեւ ոչ լիցի քեզ այդմ ժամանել , թէ ոչ շնորհ նորա կանխեսցէ և ձգեսցէ գրեզ . զի յամենայնէ թափուր լեալ և զերծ , միայնդ ընդ միայնում միաւորեսցիս : Չի ՚ի դալ շնորհին Աստուծոյ առ մարդ , կարող լինի նա ամենայնի . և ՚ի հնուանալ նորա , չքաւորի և տկարանայ , և որպէս թէ ՚ի տանջանս մատնի : Յայսմ ամենայնի չէ սպարտ նմա

լքանել և յուսահատել . այլ կամացն Աստուծոյ երկայնամտել . և ամենայնի , որ 'ի վերայ զայ , համբերել 'ի զովեսա Յիսուսի Քրիստոսի : Չի յետ ձմերայնի զայ ամառն , յետ գիշերի տիւ , և յետ մրրկի սլարզութիւն օգոյ :

Գ Լ Ո Ւ Խ Թ

Յաղագս պակասոչքեան ամենայն ախտիանաց .

Ե . Չէ ինչ ծանր զմարդկային ախտիանս արհամարհել , յորժամ առընթեր կայ աստուածայինն : Մեծ է և յոյժ մեծ , եթէ 'ի մարդկայնոց և եթէ յաստուածայնոց վրէպ լինել ախտիանաց , և 'ի սլատիւ Աստուծոյ մտաղիւր համբերել վտարանդութեան սրտի , և ոչ յիրս ինչ խնդրել զանձն , և ոչ յիւրն հայել արժանաւորութիւն : Չինչ մեծ է , եթէ զուարթ իցես և փոյթեռանդն 'ի զալ շնորհի . այդ ժամ ամենեցուն

է ըղձալի: Խնդամիտ ճիւղարէ, զոր
չնորհք Աստուծոյ բարձեալ տանին:
Եւ զինչ զարմանք են, թէ չզգայ
ինչ ծանրութիւն, որ բարձեալ բե-
րի յամենակալէն, և որում առաջ-
նորդէ առաջնորդացն առաջնորդ:

Բ. Մտադիր բերիմք 'ի սիո-
փանս, և դժուարին է մարդոյ մեր-
կանալ յանձնէ: Յաղթեաց սուրբ
վկայն Աւրենտիոս աշխարհի, ընդ
իւրում քահանայի. զի զամենայն
զրդանս աշխարհի արհամարհեաց.
և այնմ ևս զի բարձաւ յիւրմէ մեծ
քահանայապետն Աստուծոյ Քսեն-
տոս՝ զոր յոյժ սիրէր, վասն սիրոյն
Քրիստոսի հեղութեամբ տարաւ:
Ապա սիրով արարչին՝ մարդկային
սիրոյ յաղթեաց, և փոխանակ մարդ-
կային սիոփանաց՝ զաստուածային
հաճոյսն ընտրեաց: Ուսիր և զու-
ղկարևոր և զսիրելի քո բարեկամ
վասն Աստուծոյ սիրոյն թողուլ: Եւ
մի ինչ զժգմնեսցիս, յորժամ լքեալ
թողցիս 'ի բարեկամէ, զիտելով թէ
պարտ է ամենեցուն մեզ հուսկ ու-
րեմն մեկնել 'ի միմեանց:

Գ. Պիտոյ է մարդոյ բազումս և ընդերկար պատերազմել յինքեան, մինչև ուսցի լիով յաղթել անձին, և զամենայն զիւր ախորժակս ձգել յԱստուած: Յորժամ զանձինն հոգայ մարդ, զիւրաւ զթէ 'ի մարդկային մխիթարութիւնս: Այլ որ ճշմարիտ սիրողն է Քրիստոսի, և ժրաջան հետամուտ առաքինութեանց, ոչ անձնատուր լինի 'ի մխիթարութիւնս, և ոչ խնդրէ զայդպիսի զգայական քաղցրութիւնս. այլ ձեռնարկէ 'ի մարդս արիականս, և 'ի խստամբեր ձգունս վասն Քրիստոսի:

Դ. Ապա 'ի տալ քեզ Աստուծոյ զհոգևորական մխիթարութիւն, զուհութեամբ ընկալջիր. բայց և 'ի միտ առջիր, թէ 'ի պարզեաց Աստուծոյ է այն, և ոչ 'ի քումմէ արժանաւորութենէ: Մի հպարտանար, մի կարի իմն խնդար, և մի վստահիր 'ի սնոտիս. այլ ըստ պարզելին յեր առաւել ևս խոնարհ և զգուշաւոր և երկիւղած յամենայն 'ի գործս քո: Չի անցանէ ժամն այն,

և զհետ զայ փորձութիւն: Ի բառնիլ մխիթարութեան մի անդէն վաղ վաղակի յուսահատիր, այլ խոնարհութեամբ և երկայնամտութեամբ ալընկալջիր երկնայինն այցելութեան. զի կարող է Աստուած միւս անգամ շնորհել քեզ առաւելագոյն ևս մխիթարութիւն: Չէ ինչ այս նոր և օտար, որոց փորձ են ճանապարհին Աստուծոյ. զի ՚ի մեծամեծ սուրբս և ՚ի նախնի մարգարէս իսկ եղև յաճախ այդպիսոյ փութութեան օրինակ:

Ե. Վասն որոյ ոմն ՚ի զալ շնորհաց՝ ասէր. Ես ասացի ՚ի բարեկենդանութեան իմում, թէ ոչ սասանեցայց յաւիտեան: Իսկ թէ զինչ ՚ի մեկնել շնորհաց զզայր յանձին, ՚ի վերայ բերէ ասելով. Գարձուցեր զերեսս քո յինէն, և ես եղէ խոռվեալ: Սակայն և այնպէս յայսմ ամենայնի ինչ ոչ լքանի, այլ ստէպ աղաչէ զտէր և ասէ. Առ քեզ տէր կարգացի, և առ Աստուած իմ ազազակեցի: Ապա զիւրոց աղօթից պտուղ ընկալեալ, վասն լսելի լի-

նեղոյ իւրոյ վկայէ ասելով. Լուսա
ինձ տէր, և ողորմեցաւ, և տէր եղև
իմ օգնական: Եւ իւ. Գարձոյց, ա-
սէ, զսուգ իմ յուրախութիւն, և
զերծ յինէն դքուրձ, և ինձ զգեցոյց
զուրախութիւն: Արդ եթէ այս անցք
անցին ընդ մեծամեծս 'ի սրբոց, ա-
պա անմարթ է յուսահատել մեզ
տկարացս և աղքատաց, եթէ եր-
բեմն յեռանդեան լինիմք, և երբեմն
'ի հովութեան: Չի հոգին զայ և զը-
նայ ըստ հաճոյից կամաց իւրոց:
Վասն որոյ ասէ երանելին Յոր.
Այց առնես նմա առաւօտու, և ան-
դէն փորձես զնա:

Չ. Իսկ յինչ յուսայցեմ, կամ
յինչ ապաւինիցիմ, բայց միայն
յանբաւ մարդասիրութիւնն Աս-
տուծոյ, և միայն 'ի յոյս երկնային
չնորհաց: Չի թէպէտ և արք բարիք
առ ինև իցեն, թէպէտ և Չերմե-
ռանդն եղբարք կամ մտերիմ բա-
րեկամք, թէպէտ և զիրք սուրբք և
ճառք հոգեպատումք, թէպէտ և
բաղցր երգք և օրհնութիւնք, այդ
ամենայն սակաւ օգտէ ինձ և սա-

կաւ քաղցրանայ, ցորչափ լքեալ
կամ 'ի շնորհաց և թողեալ յիմում
աղքատութեան: Եւ յայնժամ չիք
լաւագոյն հնար քան զերկայնմտու-
թիւն, և քան զանձին 'ի կամս Աս-
տուծոյ յանձնարարութիւն:

Է. Ոչ գտի երբէք զոք այնպէս
կրօնասէր և ջերմեռանդն, որ չու-
նէր երբեմն ցամաքութիւն շնորհաց,
կամ չզգայր նուագումն եռանդեան:
Ոչ որ 'ի սրբոց այնպէս 'ի բարձունս
յափշտակեցաւ և լուսաւորեցաւ, որ
յառաջ կամ զկնի չփորձեցաւ: Չի
չէ արժանի նկատող լինել խորոցն
Աստուծոյ, որոյ չէ առեալ զճաշակ
նեղութեան վասն Աստուծոյ: Քան-
զի յոլովակի հետագայ մխիթարու-
թեան՝ յառաջընթաց փորձութիւնն
է նշան: Իբր զի հանդիսացելոցն 'ի
փորձութիւնս, խոստացեալ լինի
մխիթարութիւնն երկնային: Որ
յաղթէ, ասէ, տաց նմա ուտել 'ի
փայտէն կենաց:

Ը. Իսկ տուեալ լինի մխիթարու-
թիւնն աստուածային, զի առաւել
ևս զօրասցի մարդ 'ի համբերել վըշ-

տայ : Զկնի դայ և փորձութիւն ,
 զի մի մեծամտեսցի ընդ բարին : Ոչ
 ննջէ սատանայ , և չէ մեռեալ դեռ
 մարմինն . վասն այսորիկ մի դա-
 դարեր պատրաստել 'ի պատերազմ .
 զի յաջմէ և յահեկէ թշնամիք կան ,
 որք ոչ երբէք հանգչին :

Գ Լ Ո Ւ Խ Ժ

Յադագս գոհոչքեան առ շնորհս
 Աստուծոյ .

Ա . Զի խնդրես դու հանգիստ ,
 որ ծնար յաշխատութիւն : Տուր
 զանձն 'ի համբերութիւն , և մի 'ի
 մխիթարութիւնս . 'ի խաչակրու-
 թիւնս , և մի յուրախութիւն : Ո՞վ
 որ յաշխարհայնոց ոչ մտադիւր ընդ-
 ունէր զհոգևորականն մխիթարու-
 թիւն և զուրախութիւն , եթէ յա-
 մենայն ժամ կարողանայր 'ի ձեռս
 բերել : Քանզի 'ի վեր են հոգևորա-
 կան մխիթարութիւնք , քան զամե-
 նայն աշխարհական փափկութիւնս

և մարմնական հեշտութիւնս : Զի ամենայն աշխարհային փափկութիւնք և զրգանք՝ կամ սնտոտի են , և կամ զաղբոտի : Միայն հոգևոր զրգանք են բերկրականք և վայելչականք , ծնունդբառաքինութեանց , և աստուածապարզե ձիրք մաքուր մտաց : Բայց յայտոսիկ աստուածաձիր մխիթարութիւնս՝ ոչ որ ըստ կամս իւր յամենայն ժամ վայելել զօրէ . վասն զի ժամանակ փորձութեան ոչ յերկար լուէ :

Բ . Արդ վերնական այցելութեանս յոյժ զիմադարձի սուտ ազատութիւն մտաց , և կարի իմն վստահութիւն յանձն : Բարերար է Աստուած ՚ի տալ զչնորհս մխիթարութեան . բայց ապերախտի մարդ , եթէ ոչ զամենայնն փոխատրէ Աստուծոյ զոհութեամբ : Վասն այտորիկ ոչ զեղուն ՚ի մեզ բարութիւնք շնորհաց , զի ապերախտ եմք տուողին , և ոչ զամենայնն անդրէն հեղումք ՚ի բուն աղբիւր անդր : Զի միշտ շնորհի է արժանի , որ զարժանին մատուցանէ շնորհակալու-

թիւն . և բառնի յամբարտաւանէն ,
որ ինչ խոնարհի շնորհին :

Գ . Ոչ կամիմ՝ զմխիթարութիւն ,
որ բառնայ զիմ զղջութիւն . և ոչ
զխորախորհուրդ միտս , որ ածէ 'ի
բարձրամտութիւն : Չի ոչ ամենայն
բարձր է սուրբ , ոչ ամենայն քաղցր՝
բարի , ոչ ամենայն ցանկութիւն՝
մաքուր , և ոչ ամենայն սիրելի՝ աս-
տուածահաճոյ : Մտազիւր ընդու-
նիմ զայն շնորհ՝ որով յամենայնի
առաւել խոնարհ և երկիրդած գտա-
նիմ , և 'ի չապաւինել յիս լինիմ՝
պատրաստագոյն : Ուսեալն 'ի սլար-
դեէ շնորհաց , և խրատեալն զանիւ
երեսդարձութեան , ոչ իշխէ բարի
ինչ անձին ընծայել . այլ աղքատ և
մերկ զինքն խոստովանի : Տուր Աս-
տուծոյ զԱստուծոյն , և կալ քեզ
գբոյն . այս է , մատո Աստուծոյ շը-
նորհս ընդ շնորհաց . այլ անձին
զյանցուածսդ միայն , և զարժանի
պատիժ յանցուածոցդ պատկանա-
զրեսջիր :

Գ . Կալ քեզ միշտ զստորինն , և
տացի քեզ վերինն . զի առանց ըս-

տորնոյն ոչ կայ վերին : Սուրբք որք մեծ են յաչս Աստուծոյ , փոքր են յաչս անձանց . և որչափ փառաւորագոյն , այնչափ յինքեանս են խոնարհագոյն : Ճոխացեալքն ճշմարտութեամբ և երկնային փառօք՝ չեն սնափառութեան սիրօղբ : Յաստուած հիմնեալք և հաստատեալք , ոչ խիք զխտեն փքանալ : Եւ որք զամենայն զաստուածածիր բարիս Աստուծոյ տան , զփառս 'ի միմեանց ոչ խնդրեն , այլ զփառս զառ 'ի միոյն Աստուծոյ կամին , և զԱստուած յանձինս և յամենայն սուրբս 'ի վեր քան զամենայն օրհնել ըզձանան , և միշտ 'ի նոյն բերին :

Ե . Ապա լեր գոհացող 'ի փոքունս , և զմեծամեծս ընդունելոյ լիցիս արժանի : Եղիցի քեզ փոքրն որպէս մեծ , և գուզնաքեայն որպէս առանձինն իմն սլարգև : Եթէ 'ի մեծութիւն հայիս տուողին , ոչինչ տուրք փոքր են կամ խոտան . զի չեն ինչ փոքր՝ սլարգևք մեծին Աստուծոյ : Թէպէտ և սլատիծս և հարուածս 'ի վերայ ածիցէ , գոհացող լիջիր . զի

միշտ 'ի փրկութիւն մեր գործէ, զոր
ինչ թողացուցանէ զալ 'ի վերայ
մեր: Որ շնորհս Աստուծոյ պինդ
ունել կամի, վասն տուեալ շնորհաց
շնորհ կալցի, և վասն բարձելոցն
երկայնամիտ լիցի: Յաղօթս կաց-
ցէ, զի անդրէն տացի. զգուշաւոր
և խոնարհ լիցի, զի մի կորուսցէ:

ԳԼՈՒԽ ԺԱ.

Յաղագս սակաւուրեան սիրողաց
խաչիև Յիսուսի.

Ա. Ունի Յիսուս արդ բազում սի-
րողս արքայութեան իւրոյ երկնա-
ւորի, այլ բարձողս խաչի իւրոյ սա-
կաւս: Բազումս ունի փափաքողս
մխիթարութեան, այլ նեղութեան՝
սակաւս: Բազումս գտանէ հաղոր-
դրս սեղանոյ, այլ սակաւս պահոց
պնդութեան: Ամենեքին ցանկան
ուրախ լինել ընդ նմա, սակաւք կա-
մին կրել ինչ վասն նորա: Բազումք
զհետ երթան Յիսուսի մինչ 'ի բե-

կումն հացին, բայց սակաւք մինչև
ցարբումն չարչարանաց բաժակին :
Բազումք զսքանչելիս նորա յար-
գեն, սակաւք նախատանաց խաչին
զկնի երթան : Բազումք զՅիսուս
սիրեն, ցորչափ ոչ պատահէ ինչ
նոցա միշտ : Բազումք զովեն զնա
և օրհնեն, ցորչափ մխիթարութիւնս
ինչ 'ի նմանէ ընդունին : Բայց թէ
թաքչի Յիսուս 'ի նոցանէ և առվայր
մի թողու զնոսա, կամ 'ի տրտունջ
լուծանին և կամ 'ի կարի իմն լը-
քումն :

Բ. Բայց որք զՅիսուս վասն Յի-
սուսի, և ոչ վասն իւրեանց մխի-
թարութեանց սիրեն, յամենայն
նեղութիւնս և յանձկութիւնս սրափ
իրբև 'ի մեծի մխիթարութեան օրհ-
նեն զնա : Թէպէտ և չտայր ինչ եր-
բէք նոցա մխիթարութիւն, սակայն
և այնպէս միշտ օրհնէին զնա, և
միշտ զօհանային :

Գ. Ո՛վ, որպէս հզօր է սէրն Յի-
սուսի անապակ և յամենայն զիւ-
րութենէ և 'ի սիրոյ անձին անխառն :
Ո՛չ վարձկանս կոչել արժան իցէ

զամենեսին, որք միշտ 'ի խնդիր են մխիթարութեան: Ո՛չ անձնասէրք իցեն քան քրիստոսասէրք, որք զդիրութիւն և զչաճ անձանց միշտ խորհին: Ո՛ր գտանիցի որ, որ ճրի պաշտիցէ զԱստուած:

Դ. Գուն ուրեք գտանի որ այնպէս հոգևոր, որ յամենայնէ իցէ մերկացեալ: Քանզի զճշմարիտ աղքատն հոգում և զմերկիկն յամենայն արարածոց ո՞վ գտանիցէ: Ի հեռաստանէ և 'ի վերջին սահմանաց է յարդ նորա: Եթէ տացէ մարդ զամենայն զիր ինչս, ահա չէ ինչ: Թէպէտ և արասցէ ապաշխարութիւն մեծ, դեռ սակաւ ինչ է: Թէպէտ և խելամուտ լիցի ամենայն զիտութեանց, դեռ 'ի բացէ է: Թէպէտ և ստասցի առաքինութիւնս մեծամեծս և մեծաբորբոր եռանդն, դեռ բազում ինչ պակաս է նմա. յայտ է թէ ինչ մի, որ մեծապէս պիտոյ է նմա: Եւ ո՞ր իցէ այն: Զի 'ի թողուլ զամենայն՝ թողցէ և զանձրն, և յիրմէ զլիսովին ելցէ արտաքս, և ոչինչ յառանձնական սի-

րոյ կալցի առ իւր : Եւ իբրև արասցէ զամենայն՝ զոր զխտէր թէ պարտ է առնել, համարեսցի թէ չէ ինչ իւր արարեալ :

Ե. Մի մեծ ինչ զրեսցէ, զոր հընար էր մեծ համարել. այլ ճշմարտութեամբ ծառայ անպիտան զանձրն խոստովանեսցի, որպէս և ճշմարտութիւնն ասէ. Յորժամ առնիցէք զամենայն հրամայեալսն ձեզ, ասասջիք եթէ ծառայք անպիտան եմք : Յայնժամ ստուգութեամբ աղքատ և մերկ լիցի հոգւով, և կարող լիցի ընդ մարգարէին ասել. Չի միամօր և աղքատ եմ ես : Սակայն չիք ոք փարթամագոյն, և ոչ զօրագոյն քան զայն, որ զխտէ զինքն և զամենայն թողուլ, և ՚ի յետին նըւաստութիւն զանձն իջուցանել :

ԳԼՈՒԽ ԺԲ

Յադագս արքունի ձանապարհի
արքոյ խաչին .

Ա . Խիստ թուի բազմաց բանս .
Ուրացիր զանձն , առ զխաչ քո , և
եկ զկնի Յիսուսի : Բայց խստագոյն
ևս եղիցի լսել զվերջին զայն բան .
Երթայք յինէն անիծեալք 'ի հուրն
յաւիտենական : Ձի որք արդ մտա-
դիւր լսեն և զհետ երթան ձայնի
խաչին , ոչ երկիցեն յայնժամ 'ի
լրոյ յաւիտենական դատապարտու-
թեան : Այս նշան խաչի երևեսցի
յերկինս , յորժամ եկեսցէ տէր 'ի
դատել : Յայնժամ ամենայն ծառայք
խաչին , որք խաչելոյն խաչակցե-
ցան յաստի կեանս , մատիցեն առ
Քրիստոս դատաւոր բազում հա-
մարձակութեամբ :

Բ . Արդ զի երկնչիս բառնալ ըզ-
խաչն , որով լինի մուտ յարքայու-
թիւնն : Ի խաչի է փրկութիւն , 'ի

խաչի կեանք, 'ի խաչի պաշտպանութիւն 'ի թշնամեաց, 'ի խաչի հեղուն վերնական քաղցրութեան, 'ի խաչի զօրութիւն մտաց, 'ի խաչի խնդութիւն հոգւոյ, 'ի խաչի լրումն առաքինութեան, 'ի խաչի կատարելութիւն սրբութեան: Չիք փրկութիւն հոգւոյ, և ոչ յոյս յաւիտենիցն կենաց, բայց եթէ 'ի խաչի: Ապա բարձ զխաչ քո, և երթ զկնի Յիսուսի, և ժամանեացես 'ի կեանսն յաւիտենից: Յառաջեաց նա՛ բարձեալ զիր խաչն, և մեռա վասն քոյ 'ի խաչի. զի և դու զքոյդ բարձցես զխաչ, և ախորժեսցես մեռանել 'ի խաչի: Չի եթէ ընդ նմա մեռանիս, ընդ նմին և կեցցո՛ս. և թէ կցորդ լինիս տանջանացն, կըցորդ լիցիս և փառացն:

Գ. Ահա 'ի խաչի հաստատեալ է ամենայն, և 'ի մեռելութեան եղեալ կայ ամենայն. և չիք այլ ճանապարհ կենաց և ճշմարիտ ներքին խաղաղութեան, բայց միայն ճանապարհ խաչին, և հանապազօրդ մեռելութեան: Գնա ուր և կամիս, և խնդ-

րեա որչափ և կամիս . ոչ գտցես
բարձրագոյն ճանապարհ՝ ՚ի վեր , և
ապահովագոյն ճանապարհ՝ ՚ի խո-
նարհ , բաց ՚ի ճանապարհէ սրբոյ
խաչին : Տնօրինեա և կարգեա դա-
մենայն ըստ կամս քո , և որպէս
ղիարդ թուի քեզ . և միշտ գտցես
ինչ , որում պարտ է համբերել կա-
մայ կամ ահամայ . և այնպէս միշտ
գտցես զխաչ : Չի կամ ցաւս ՚ի մար-
մնի ունիցիս , և կամ վիշտս ՚ի հոգի :

Դ . Երբեմն առ Սասունոց լքեալ
թողցիս , երբեմն յընկերէն նեղեա-
ցիս . և որ ևսն է , բազում անգամ
անձամբ անձին իսկ ծանրասցիս :
Եւ ոչ ժամանեցես գտանել ինչ
հնար զերծանելոյ , կամ սփոփանս՝
անձին զիւրելոյ . այլ ցորվայր կամք
են Սասունոց՝ մնայ քեզ համբերել :
Չի Սասունոց կամք այս են , ուսա-
նել քեզ՝ անմխիթար տանել նեղու-
թեան , և ամենայնիւ զքեզ նմա հնա-
զանդել , և ՚ի նեղութենէ անտի ա-
ռաւել ևս խոնարհ լինել : Ոչ որ այն-
պէս մորմոքի ՚ի չարչարանս Քրիս-
տոսի , որպէս այն՝ որում հասանէ

զնոյնս չարչարիլ : Ապա յամենայն ժամ 'ի պատրաստի է խաչն , և ամենայն ուրեք քեզ սպասեալ մնայ : Չիք քեզ խուսել 'ի նմանէ , յոր վայր և ընթասցիս . զի ուր և գնաս , գրեզ ընդ քեզ տանիս , և միշտ ըզքեզ գտանես : Գարձիր 'ի վեր , դարձիր 'ի վայր , դարձիր 'ի ներքս , դարձիր արտաքս , և յամենայնի յայտմ գտցես զխաչ . և հարկ է քեզ ամենայն ուրեք համբերութիւն ունել , եթէ կամիս ստանալ զներքին խաղաղութիւն , և արժանի լինել անթառամ սլասկին :

Ե . Թէ մտադիր զխաչն բառնաս , բարձցէ զքեզ և տարցի 'ի վախճան ցանկալի , ուր վախճան լիցի չարակրութեանց . զոր ոչն է տեսանել յաստիս : Եթէ ակամայ բառնաս , բեռն առնես անձին , և զքեզ առաւել ևս ծանրաբեռնես . սակայն և այնպէս մնայ քեզ համբերել : Եթէ մերժես զմի խաչ , անտարակոյս զայլ խաչ գտցես , և թերևս ծանրագոյն :

Զ . Կարծիցես զերժանիլ , յորմէ

ոչ որ 'ի մարդկանէ եղև զերծ : Ո՞
 որ 'ի սրբոց եղև յաշխարհի առանց
 խաչի և նեղութեան : Զի և ոչ տէր
 մեր Յիսուս Քրիստոս եղև ժամ մի
 առանց ցաւոց չարչարանաց , ցոր-
 չափ եկեաց : Պարտ էր , ասէ , Քրիս-
 տոսի չարչարիլ և յառնել 'ի մեռե-
 լոց , և այնպէս մտանել 'ի փառս
 իւր : Եւ զիա՛րդ դու այլ ճանապարհ
 խնդրես քան զարքունի զայս ճա-
 նապարհ սրբոյ խաչին :

Է . Ամենայն կեանք Քրիստոսի
 խաչ էին և մարտիրոսութիւն , և
 դու խնդրես քեզ հանգիստ և խըն-
 դութիւն : Խաբիս , խաբիս , թէ այլ
 ինչ խնդրես , և ոչ զհամբերութիւն
 'ի վիշտս . զի բովանդակ մահկանա-
 ցու այս կեանք լի են թշուառու-
 թեամբք , և շուրջ կնքեալ խաչիւ :
 Եւ որչափ բարձրագոյն որ յառա-
 ջադէմ է ըստ հոգւոյ , այնչափ ծան-
 րագոյնս յուրովակի գտանէ խաչս :
 Զի արսորանաց իւրոց պատիժ ա-
 ռաւելու 'ի սիրոյ :

Ը . Բայց որ այսպէս բազմօրի-
 նակ տառապի , չէ ինչ անմասն 'ի

մխիթարութենէ . զիտելով թէ մե-
ծապէս առաւելու շահ անձին 'ի
համբերութենէ անտի խաչին : Զի
'ի բառնալ զնա յուս իւր յօժարու-
թեամբ , ամենայն բեռն նեղութեան
փոխի 'ի քաջալերութիւն աստուա-
ծային մխիթարութեան : Եւ որչափ
խոշտանգի մարմինն վշտօք , այն-
չափ զօրանայ հոգին ներքին շնոր-
հօք : Եւ երբեմն այնպէս քաջալերի
անձկանօք նեղութեան և վշտաց ,
'ի սակս սիրոյ նմանակցութեան խա-
չին Քրիստոսի , մինչև ոչ են նմա-
կամբ լինել անցաւ և անվիշտ . զի
այնչափ առաւել աստուածահաճոյ
զանձն վարկանի , որչափ բազումս
և զժուարակիրս վասն նորա կրել
յանձն առնու : Ոչ է այս կար զօ-
րութեան մարդոյ , այլ շնորհ Քրիս-
տոսի . որ այնչափ ազդէ և ներզոր-
ծէ 'ի տկար մարմին , մինչև յորմէ
բնապէս յաւէտ խորշի և խուսափէ՝
յայն տարփմամբ սրտի ձեռնարկել
նմա , և սիրել զնա :

Թ . Ոչ ըստ մարդկան է բառնալ
զխաչ , և սիրել զնա , ճնշել զմար-

մինն և ծառայեցուցանել, փախչել
 ՚ի պատուոյ և մտադիր համբերել
 նախատանաց, զանձն արհամար-
 հել և զարհամարհանս ախորժել,
 զամենայն վիշտս վնասուք յանձն
 առնուլ, և ոչինչ յաջողուած յաշ-
 խարհի աստ խնդրել: Եթէ յանձն
 հայիս, և ոչ զմի յայսպիսեաց աս-
 տի քեզէն կարողանաս առնել:
 Բայց թէ ՚ի տէր յուսացեալ ես,
 տացի քեզ յերկնից զօրութիւն. և
 ընդ բռամբ նուաճեսցես զաշխարհ
 և զմարմին: Այլ և ոչ ՚ի բանսար-
 կու թշնամոյն երկիցես, եթէ հա-
 ւատոյ զինուք վառեալ ես, և խա-
 չիւ Քրիստոսի կնքեալ:

Ժ. Ապա զօրացիր որպէս քաջ
 և հաւատարիմ ծառայ Քրիստոսի
 ՚ի բառնալ արիաբար զխաչ տեառն
 քոյ, որ խաչեցաւ՝ վասն սիրոյ քոյ:
 Պատրաստ լեր տանել բազում վըշ-
 տաց և պէսպէս նեղութեանց ՚ի ցա-
 ւալից յաստի կեանս. զի այսպէս
 ընդ քեզ եղիցի, ուր և լինիցիս. և
 ստուգութեամբ գտցես զնա, յոր
 վայր և թարուցեալ իցես: Պարտ է

այսմ' այսպէս լինել . և չիք հնար
 զերծ լինել 'ի չարակրութենէ և 'ի
 ցաւոց , բայց եթէ համբերելով :
 Զբաժակ տեառն ախորժելով արբ-
 ջիր , եթէ բարեկամ ես նորա , և
 մասն ընդ նմա ունել ըղձանաս :
 Զմխիթարութիւնս յԱստուած յան-
 ձըն արա . և արասցէ նա ընդ
 այսպիսիս , որպէս զհարզ առաւել
 հաճոյ իցէ նմա : Այլ դու հաստա-
 տեա զքեզ 'ի համբերութիւն վըչ-
 տաց , և համարեա զնոսա մխիթա-
 րութիւն մեծ : Զի ոչ են արժանի
 չարչարանք ժամանակիս հանդեր-
 ձելոցն փառաց , թէպէտ և անձամբ
 լոկով ամենայնի համբերէիր :

ԺԱ . Իբրև ցայն վայր հասանի-
 ցես մինչև քաղցրանալ քեզ նեղու-
 թեան վասն Քրիստոսի , ծանիր թէ
 յաջողեալ է քեզ . զի գտեր զար-
 քայութիւն յերկրի : Յորչափ ծանր
 է քեզ չարչարիլ , և փախուստ խնդ-
 րես , չէ յաջողեալ քեզ . և զհետ
 եկեսցէ քոյ ամենայն ուրեք նեղու-
 թիւն , յորմէ փախչիս :

ԺԲ . Եթէ սլատրաստ ես 'ի վիշտս

և 'ի մահ՝ որպէս պարտն է , վաղ
 յաջողեսցէ քեզ 'ի բարի , և խաղա-
 ղութիւն գտցես : Թէպէտ և յեր-
 րորդ երկինս յափշտակեսցիս ընդ
 Պօղոսի , սակայն և այնպէս չես ան-
 քոյթ 'ի կրելոյ զհակառակութիւնս .
 զի ասէ Յիսուս . Ես ցուցից որչափ
 պարտ իցէ նմա չարչարիլ վասն ա-
 նուան իմոյ : Ապա կայ մնայ քեզ
 չարչարիլ , եթէ քաղցր է քեզ սի-
 բել զՅիսուս , և հանապաղ նմա ծա-
 ոայել :

ԺԳ . Երանի՛ թէ արժանի լինէիր
 կրել ինչ վասն անուանն Յիսուսի .
 քանի՛ փառք մնային քեզ , քանի՛
 ցնծութիւն լինէր ամենայն սրբոց ,
 և քանի՛ շինութիւն ընկերաց : Քան-
 զի զհամբերութիւն ամենեքին գո-
 վեն , թէպէտև սակաւք համբերել
 կամին : Յիրաւի էր քեզ մտազիւր
 կրել խուն ինչ վասն Քրիստոսի ,
 ուր բազումք ծանունս կրեն վասն
 աշխարհի :

ԺԴ . Քիտելով զիտասջիր , թէ
 պարտ է քեզ կեանս վարել մահա-
 կանս . և որչափ առաւել ոք մեռանի

անձին, այնչափ առաւել կենդանի լինի յԱստուած: Ոչ որ է արժանի հասանել երկնաւորաց, թէ ոչ յանձրն առնու համբերել վասն Քրիստոսի վշտաց: Չիք ինչ առաւել աստուածահաճոյ, չիք ինչ քեզ առաւել փրկական յաշխարհի աստ, որ պէս մտադիւր չարչարիլ վասն Քրիստոսի: Եւ թէ ՚ի ձեռս էր քոյ ընտրել, յաւէտ պարտ էր քեզ փափաքել՝ վասն Քրիստոսի վշտաց համբերել, քան ՚ի բազում մխիթարութիւնս վայելել: Չի Քրիստոսի լինէիր նմանագոյն, և ամենայն սրբոց կերպարանակից: Չի չեն հաստատեալ առաքինութիւնք մեր, և յառաջադիմութիւն վիճակի մերոյ՝ ՚ի բազում քաղցրութիւնս և ՚ի մխիթարութիւնս, այլ յաւէտ ՚ի համբերել մեծամեծ ծանրութեանց և նեղութեանց:

ԺԵ. Թէ արդարև կայր ինչ լաւ և օգտակար փրկութեան մարդկան քան զչարչարիլ, ցուցեալ էր արդեօք Քրիստոսի դայն բանիւ և օրինակաւ: Քանզի և զաշակերտս ուրբ

զհետ չորան նորա , և զամենեսին
 իսկ՝ որք ցանկացան հետևել հետոց
 նորա , յայտնի՛ի խաչարարձութիւն
 հրաւիրեաց , ասելով . Նթէ որ կա-
 մի զկնի իմ զալ , ուրասցի զանձն ,
 և առցէ զխաչ իւր , և եկեսցէ զկնի
 իմ : Ապա զայս ամենայն ընթեր-
 ցեալ և քննեալ , յայս կնքեսցուք
 զբանս . թէ բազում նեղութեամբ
 պարտ է մեզ մտանել յարքայու-
 թիւնն Աստուծոյ :


Կատարեցան խրատք որք ձգևն
 զմեզ ՚ի ներքինս .







ԳԻՐՔ ԵՐՐՈՐԴ



ՅԱՂԱԳՍ ՆԵՐՔԻՆ
Մ Խ Ի Թ Ա Ր Ո Ի Թ Ե Ա Ն



Գ Լ Ո Ի Խ Ա

Յաղագս և նրքիև խօսից Քրիստոսի
առ հաշարացեալ ոգի .

Ա. | ՈՒՅՅ զինչ խօսի ընդ իս
տէր Աստուած : Երանի՛ անձին՝ որ
լսէ տեսուն բարբառելոյ ՚ի նմա , և
՚ի բերանոյ նորա ընդունի զբան մը
խիթարութեան : Երանի՛ ահանջաց,
որք զուղիս աստուածային ազդե-
ցութեան ընդունին , և աշխարհի
բրթմնջանաց ոչինչ միտ զնեն : Ե-
րանի՛ ահանջաց , որք ոչ ունկն զնեն

արտաքին հնչման ձայնի, այլ ներքին ճշմարտութեան որ ուսուցանէ: Երանի՛ աչաց, որք առ արտաքինս փակեալք են, և առ ներքինս յառեալք: Երանի՛, ոյք ՚ի ներքինս ընդմտանեն, և առ իմանալ զերկնային զաղտնիս՝ ևս քան զևս հանապազորդ կրթութեամբ ջանան պատրաստել զանձինս: Երանի՛, ոյք խնդամիտ պատաղին յԱստուած, և զամենայն խոչ աշխարհային յանձանց ՚ի բաց թօթալեն: Ի միտ առ զայս անձն իմ՝ և փակեա զզգայութեանց քոց զրունս, զի կարող լիցիս լսել զինչ խօսի ՚ի քեզ տէր Աստուած քո:

Բ. Այսպէս ասէ սիրելին քո՝ Փրկութիւն քո ես եմ, խաղաղութիւն քո և կեանք քո: Կալ զքեզ առ իս, և խաղաղութիւն զտցես: Թող զամենայն անցաւորս, և խնդրեա զանանցս: Չինչ են ժամանակաւորքս, բայց եթէ պատրողականք. և զինչ օգուտ են քեզ ամենայն արարածք, եթէ լքեալ թողցիս յարարչէդ: Ապա հրաժարեալ

յամենայնէ , արարչի քում լեր հա-
ճոյ և հաւատարիմ , զի ճշմարիտ ե-
րանութեան լինիցիս հասու :

Գ Լ Ո Ւ Խ Բ

Թե՛ ձշմարտութիւնն ներքոստ խօսի
լռեալսն .

Ա . Խօսեաց տէր , զի լուիցէ ծա-
ռայ քո : Մառայ քո եմ ես , իմաս-
տուն արա զիս , զի ծանեայց զվը-
կայութիւնս քո : Խոնարհեցո զսիրտ
իմ՝ ի բանս բերանոյ քոյ . իջցեն որ-
պէս ցօղ պատգամք քո : Ասէին եր-
բեմն որդիքն Իսրայէլի ցՄովսէս .
Խօսեաց դու ընդ մեզ , և լուիցուք .
մի խօսեսցի ընդ մեզ տէր , զուցէ
մեռանիցիմք : Ոչ այսպէս , տէր ,
ոչ այսպէս կամ ես յաղօթս . այլ
ընդ Սամուէլի մարդարէին խոնար-
հութեամբ և անձկանօք հայցեմ .
Խօսեաց տէր , զի լուիցէ ծառայ քո :
Մի խօսեսցի ընդ իս Մովսէս , կամ
՛ի մարդարէից որ . այլ դու ինքնին

խօսեաց տէր, որ ազգիչ և լուսաւորիչդ ես ամենայն մարգարէից . զի դու միայն առանց նոցա կարող ես լիով խելամուտ առնել զիս, բայց նոքա առանց քոյ ինչ ոչ օգտեսցեն :

Բ. Կարող են բարբառել, այլ ազդուութիւն ոչ բերեն : Գեղեցիկս խօսին, այլ ՚ի լռել քո՝ զսիրտս ոչ բորբոքեն : Գիրս աւանդեն, այլ դու բանաս զմիտս : Խորհուրդս քարոզեն, այլ դու յայտնես զիմաստս կնքելոց : Պատուէրս առաջի առնեն, այլ դու օգնես ՚ի կատարումն : Ճանապարհ ցուցանեն, այլ դու զօրացուցանես ՚ի զնացս : Նոքա արտաքոյ միայն զործեն, այլ դու ըզսիրտս իմաստուն առնես և լուսաւորես : Նոքա արտաքոյ ոռոզանեն, այլ դու արգասաւորութիւն չնորհես լսելեաց :

Գ. Ապա մի խօսեսցի ընդ իսՄովսէս . այլ դու տէր Աստուած իմ, ճշմարտութիւն յաւիտենական . զուցէ մեռանիցիմ և անպտուղ լինիցիմ, եթէ արտաքոյ միայն խրաւ

տնայ , և ներքոյ ոչ բորբոքիցիմ . զի մի 'ի դատապարտութիւն լիցի ինձ լսել զբանն և ոչ առնել , ճանաչել և ոչ սիրել , հաւատալ և ոչ պահել : Ապա խօսեաց տէր , զի լուիցէ ծառայ քո . քանզի բանս կենաց յաւիտենականաց ունիս : Խօսեաց ընդ իս՝ անձին իմոյ 'ի միսիթարութիւն , և վարուց իմոց յուղղութիւն , և քեզ 'ի փառս և 'ի գովեստ և 'ի պատիւ յաւերժական :

ԳԼՈՒԽ Գ

Թե՛ զբանս Աստուծոյ խոնարհոչքեամք պարտ է լսել . և թե՛ յագուսք ոչ քննեն զնորս .

Ա . Լուր , որդեակ , իմոց քաղցր բանից , որ 'ի վեր են քան զամենայն զխտութիւն փիլիսոսիայից և իմաստնոց աշխարհիս : Բանք իմ հոգի են և կեանք , և չեն մարդկային մտօք կշռելի : Չէ մարթ ձգել զնորսս 'ի սնտի հաճոյս . այլ լուր .

թեամբ լսել արժան է, և ամենայն
խոնարհութեամբ և մեծափափաք
տենչմամբ ընդունել:

Բ. Եւ ասացի. Երանի՛ մարդոյ՝
զոր խրատես դու տէր, և յօրինաց
քոց ուսուցանես դու նմա. զի ցա-
ծուսցես դու նմա զաւուրս չարու-
թեան, և մի ապականեսցի յերկրի:

Գ. Ես, ասէ տէր, ուսուցի մար-
զարէից՝ ՚ի սկզբանէ, և մինչև ցարդ
ոչ զաղարեմ՝ խօսել առ ամենեսին.
բայց բազումք խոյ են առ ձայն իմ
և խիստ: Բազումք մտադիւր լսեն
աշխարհի՛ քան Աստուծոյ. զիւրա-
զոյն զհետ երթան կամաց մարմնոյ
իւրեանց՝ քան հաճոյիցն Աստուծոյ:
Խոստանայ աշխարհ՝ զժամանակա-
ւորս և զչնչինս, և ծառայեն նմա
տարփմամբ սրտի. խոստանամ ես
զմեծամեծս և զյափտենականս, և
թմրեալ են սիրտք մահկանացուաց:
Ո՛վ այնպէս փութաջան ծառայէ և
հնազանդի ինձ յամենայնի, որպէս
ծառայեն աշխարհի և տեսրց նո-
րա: Յամօթ լեր, Սիդոն, ասէ ծով:
Եւ թէ զվասն էրն հարցանես, լուր:

Վասն դոյզն շահավաճառի՝ երկար
 ճանապարհ հատանի . վասն յաւի-
 տենիցն կենաց՝ բազում անգամ և
 ոչ քայլ ոտին փոխի : Անարգ զինք
 խնդրին , վասն միոյ փողոյ երբեմն
 չարաչար կազեն . վասն սնտոի ի-
 րաց և դոյզն խոստման՝ զցայգ և
 զցերեկ տաժանիլ յանձն առնուն :

Դ. Այլ աւանդ , զի վասն անփո-
 փոխ բարւոյ և վասն անզին հա-
 տուցման , վասն ծայրագոյն պա-
 տուոյ և անզրաւ փառաց , առ սա-
 կաւ մի աշխատութիւն տաղտկան :
 Ապա յամօթ լեր ծառայ հեղզ և
 գանգատաւոր . զի նոքա պատրաս-
 տագոյն գտանին ՚ի կորուստ , քան
 թէ դու ՚ի կեանս : Առաւել խնդան
 նոքա ընդ ունայնութիւն , քան թէ
 դու ընդ ճշմարտութիւն : Այն զի
 նոքա ՚ի յուսոյ իւրեանց երբէք վրէպ
 գտանին . այլ խոստումն իմ ոչ զոք
 խաբէ , և ոչ զյուսացեալս յիս ար-
 ձակէ ունայն : Զոր խոստացայն ,
 տաց . զոր ասացի , լցուցից . միայն
 թէ իսպառ կացցէ մնացէ որ հա-
 տատարիմ ՚ի սէր իմ : Պարզեատու

եմ ես ամենայն բարեաց, և քաջ
հանդիսազիր ամենայն առաքի-
նեաց :

Ե. Գրեա զբանս իմ 'ի սիրտ քո,
և ուշի ուշով խոկա, զի 'ի ժամանա-
կի փորձութեան պիտոյ եղիցին քեզ
յոյժ : Զոր յընթեռնուլդ չիմանաս,
ճանիցես յաւուր այցելութեան :
Արկնակի սովոր եմ այց առնել ի-
մոց սիրելեաց . փորձութեամբ և
մխիթարութեամբ : Եւ երկուս դասս
տամ նոցա զօրհանապագ . մի՛ դախ-
տըս նոցա կշտամբելով, երկրորդ՝
յաճումն առաքինութեանց զնոսա
խրախուսելով : Որ ունի զբանս իմ,
և ոչ սրահէ զնոսա, զոյ՝ որ դատի
զնա յաւուրն յետնում :

Աղօթք 'ի հայցել զշեռնս ևռանկուսն .

Ձ. Տէր Աստուած իմ, դու ես ա-
մենայն բարութիւն իմ : Եւ ո՞ եմ ես,
զի իշխեցից խօսել ընդ քեզ : Ես
աղքատին ծառայ քո եմ և չնչին
որդն, աղքատին և արհամարհ ա-
ռաւել քան զոր զխտումս և համար-

ձակիմս ասել: Այլ դու տէր, յիշեա զի ոչինչ եմ, ոչինչ ունիմ, և ոչինչ իմիք ձեռնհաս եմ: Գու միայն ես բարի, արդար, և սուրբ. դու ամենայնի կարող ես, զամենայն շնորհես, զամենայն լնուս, զմեղաւորս միայն թողեալ թափուրս: Յիշեա զգթութիւնս քո, և լցո զսիրտ իմ շնորհօք քո. զի ոչ կամիս գործոց քոց լինել թափուրս:

Է. Զխորդ կարող իցեմ տանել ինձ յաստի կեանս, թէ ոչ զօրացուցէ զիս ողորմութեան քո շնորհ: Մի դարձուցաներ զերեսս քո յինէն. մի յապաղեր զայցելութիւն քո, և մի ՚ի բացէ առններ զմխիթարութիւն քո. զի մի լիցի քեզ անձն իմ որպէս երկիր անջրղի: Տէր ուսո ինձ առնել զկամս քո. ուսո ինձ առաջի քո արժանապէս և խոնարհութեամբ գնալ. զի իմաստութիւն իմ դու ես, որ ճշմարտութեամբ զիս ձանաչես, և ծանեար յառաջ քան զլինելն աշխարհի, և մինչչև ծնեալ էր իմ յաշխարհ:

Գ Լ Ո Ի Խ Գ

Թե պարտ է ճշմարտոտըեամբ և խո-
նարհոտըեամբ գեալ առաջի Սս-
տուծոյ .

Ա. Որդեակ , զնա առաջի իմ ճըշ-
մարտութեամբ , և միամտութեամբ
սրտի խնդրեա զիս հանապազ : Որ
զնայ առաջի իմ ճշմարտութեամբ ,
անքոյթ լիցի յարշաւանաց չարաց .
և ճշմարտութիւնն ազատեսցէ զնա
'ի մոլորեցուցչաց և 'ի բամբասանաց
անիրաւաց : Եթէ ճշմարտութիւնն
զբեզ ազատեսցէ , ճշմարտ ազատ
լինիցիս . և ոչինչ փոյթ լիցի քեզ
զանտի խօսից մարդկան :

Բ. Ճշմարտիւ այդ այդպէս է տէր-
և ազաչեմ , զի որպէս ասեսդ , նոյն-
պէս եղիցի ընդ իս : Ճշմարտութիւն
քո ուսուցէ զիս . նա զիս պահես-
ցէ , և մինչև 'ի փրկական կատա-
րումն հասուցէ : Նա զիս ապրե-
ցուցէ յամենայն ախորժակաց չա-

բաց , և յանկարգ սիրոյ . և գնացից
ընդ քեզ յանդորր ազատութեան
սրտի :

Գ. Ես ուսուցից քեզ , ասէ ճշշ-
մարտութիւնն , զուղիղն և զհա-
ճոյն առաջի իմ : Չմտաւ ամ ըզ-
մեզս քո բազում թախտութեամբ
և տրամութեամբ . և մի երբէք հա-
մարեսցիս զանձն լինել ինչ 'ի սակս
գործոց բարեաց : Ահա մեղաւոր ես
դու , և բազում կրիւք զգածեալ և
պաշարեալ : Ինքնին միշտ 'ի չքու-
թիւն գնաս . վաղ անկանիս , վաղ-
վաղակի յաղթիս , վաղվաղ խոռ-
վիս , և 'ի նոյն լքեալ լուծանիս :
Չկայ ինչ քո՝ պարծել նովաւ . այլ
բազում ինչ՝ յորմէ պարտիս խո-
նարհել . վասն զի տկար ես առելի
քան զկար իմանալոյ քոյ :

Դ. Ապա մի ինչ քեզ մեծ թուեա-
ցի յամենայնէ գոր առնես : Մի ինչ
պատուական և սքանչելի և արժա-
նայարգ քեզ երևեսցի . մի ինչ բար-
ձրր , մի ինչ արժանագով և ցանկա-
լի , բայց որ անանցն իցէ : Քաղցրաս-
ցի քեզ քան զամենայն՝ ճշմարտու-

թիւնն յախտենական . դառնասցի
 .քեզ հանապազ .քո յետին անար-
 գութիւն : Մի լիցի .քեզ ուստեք այն-
 պէս երկնչել և խորչել և փախչել ,
 որպէս յախտից .քոց և 'ի մեղաց .
 յորոց առաւել պարտ է .քեզ զգու-
 շանալ՝ քան յամենայն վնասուց :
 Են որք ոչ միամտութեամբ գնան
 առաջի իմ , այլ ընդվայրաքննու-
 թեամբ և յանդգնութեամբ կամին
 զգաղանիս իմ զիտել , և զխորս Աւ-
 տուծոյ իմանալ , թողեալ զանձանց
 և զփրկութեան իւրեանց զփոյթ :
 Այսպիսիք բազում անգամ անկա-
 նին 'ի մեծամեծ փորձութիւնս և 'ի
 մեղս , վասն ամբարտաւանութեան
 իւրեանց և ընդվայրաքննութեան ,
 'ի դարձուցանել ինձ զերեսս իմ 'ի
 նոցանէ :

Ե . Երկիր 'ի դատաստանացն Աւ-
 տուծոյ . զարհուրեսցիր 'ի ցասմանէ
 ամենակալին : Մի քններ զգործս
 բարձրելոյն . այլ քննեա զանօրէ-
 նութիւնս .քո , թէ .քանի .քանի յան-
 ցեար և 'ի գործոց բարեաց հեղգա-
 ցար : Ոմանք փոյթեռանդն են միայն

'ի գիրս , ոմանք 'ի պատկերս , և ոմանք յարտաքին նշանս և 'ի ձևս : Ոմանց 'ի շրթունս եմ միայն , այլ ոչ նոյնպէս 'ի սրտի : Են և այլք , որք մտօք լուսաւորեալք և սրտիւ մաքրեալք՝ հանապազ յաւիտենականացն փափաքեն : Մանր է նոցա լսել զերկրաւորաց , և դառն է նոցա կարեաց բնութեան ծառայել . սորա իմանան զինչ հոգին ճշմարտութեան խօսի 'ի նոսա : Ձի ուսուցանէ նոցա զերկրաւորս արհամարհել , և զերկնայինս սիրել . զաշխարհէ անփոյթ լինել , և զցայգ և զցերեկ երկնից արքայութեանն փափաքել :

ԳԼՈՒԽ Ե

Յադագս սքանչելի պտղոյ աստուածային սիրոյ .

Ս . Օրհնեմ զքեզ հայր երկնաւոր , հայր տեառն իմոյ Յիսուսի Քրիստոսի , որ հաճեցար յիշել զիս զառնանկս : Հայր զթութեանց , և Աս-

տուած ամենայն մխիթարութեան ,
 զոհանամ զքէն , զի զիս զանար-
 ժանս ամենայն մխիթարութեան՝
 զօրացուցանես երբեմն մխիթա-
 րութեամբ քո : Օրհնեմ զքեզ միշտ
 և փառաւորեմ ընդ միածնի որդւոյ
 քոյ և ընդ հոգւոյդ սրբոյ մխիթար-
 չի յաւիտեանս յաւիտենից : Եւ արդ
 տէր Աստուած մարդասէր , յեկա-
 ւորել քո ՚ի սիրտ իմ , ցնծասցեն ամենայն
 ոսկերք իմ : Դու փառք իմ ,
 և ցնծութիւն սրտի իմոյ . դու յոյս
 իմ և ապաւէն իմ յաւուր նեղու-
 թեան իմոյ :

Բ . Բայց քանզի դեռ տկար եմ
 ՚ի սէր , և անկատար յառաքինու-
 թեան , հարկ է ինձ ՚ի քէն քաջա-
 լերիլ և մխիթարիլ . վասն այսորիկ
 այց արա ինձ ստէպ , և ուսո ինձ
 իմաստս սուրբս : Ապրեցո զիս յախ-
 տից չարաց , և բժշկեա զսիրտ իմ
 յամենայն անկարգ ըղձից . զի ներ-
 քոյ առողջացեալ և քաջ մաքրեալ ,
 եղէց զիպող ՚ի սիրել , արիացեալ
 ՚ի համբերել , և անվեհեր ՚ի հանա-
 պազորդել :

Գ . Մեծ է սէր , և մեծ բարի , որ միայն թեթևացուցանէ զամենայն ծանրաբեռն , և կրէ հաւասար զամենայն անհաւասար : Զի զբեռնն բառնայ անբեռն , և զամենայն դառն՝ առնէ քաղցր և անոյշ : Ազնուական է սէրն Յիսուսի . խրախուսէ՛ի գործել զմեծամեծս , և յորդորէ միշտ ըղձանալ կատարելագունից : Սէրն կամի՛ի վեր բերիլ , և չառնու յանձն՛ի ստորինս փակիլ : Սէրն կամի ազատ լինել , և յամենայն աշխարհային ախորժակաց օտար . զի մի ներքին նորատեսութիւն խափանեացի , մի անցաւոր ինչ զխրութեամբ թակարթեացի , կամ՝ վշտօք վտանկեացի : Քան զսէր չիք ինչ քաղցր , չիք ինչ դօրաւոր , չիք ինչ վսեմական , չիք ինչ անդորր , չիք ինչ բերկրական , չիք ինչ սլատարուն , չիք ինչ լաքան զնա յերկինս և յերկրի : Զի սէր յԱստուծոյ ծնեալ է , և չիք նրմա հանգչել՝ բայց միայն յԱստուած՛ի վեր քան զամենայն արարածս :

Դ . Ար սիրէն , սլանայ ընթանայ

և խայտայ . ազատ է , և ոչ կալա-
նաւորի : Տայ զամենայն վասն ա-
մենայնի , և ունի զամենայն յամե-
նայնի . զի 'ի մի ինչ զերակայ 'ի
վեր քան զամենայն հանգչի , յորմէ
ամենայն բարութիւն հոսէ և բղխէ :
Ոչ հայի 'ի պարզեա , այլ 'ի պար-
զելիչ անգր բերի քան յամենայն
բարութիւնս : Սէր յոլովակի ոչ զի-
տէ զպայման , այլ քան զամենայն
պայման եռանդազին է : Սէր ոչ
իմանայ ինչ բեռն , ոչ համարի ինչ
զվաստակս . առաւել ձկտի քան
զիւր կար , և ոչ պատճառի ինչ
անհնարութիւն . զի համարի թէ
հնար և օրէն է նմա ամենայն : Ա-
պա բաւական է առ ամենայն , և
բազում ինչ լնու , և ձեռներէց է 'ի
կատարումն . ուր որ ոչն սիրէ , լը-
քանի և անկեալ դնի :

Ե . Սէր արթուն է . 'ի ննջել իւ-
րում ոչ 'ի քուն երթայ : Սչխա-
տեալ՝ ոչ պարտասի , նեղեալ՝ ոչ
տազնապի , զարհուրեալ՝ ոչ խռո-
վի . այլ որպէս բոց բորբոքեալ և
ջահ վառեալ 'ի վեր ցոլանայ . և ան-

վեհեր ընդ ամենայն անցանէ : Եթէ որ սիրէ , իմանայ զինչ այս ձայն հնչէ . մեծ բարբառ յականջս Աստուծոյ է նոյն ինքն վառեալ իղձ սրտի , որ ասէ . Աստուած իմ , սէր իմ . դու իմ ես բոլորովին , և ես քո ամենևին :

2 . Անդորր արա ինձ 'ի սէր . զի ուսայց բերանով սրտի ճաշակել թէ որպէս քաղցր է սիրել , և 'ի սէր անդ հալիլ և լուզիլ : Կալանաւորեցայց սիրով , ելեալ ըստ սահման անձին առ կարի եռանդեան և հիացման : Երգեցից զերգ սիրոյ , զհետ երթայց սիրելոյդ իմոյ 'ի բարձունս , նուազեսցի յօրհնութիւնս քո անձն իմ խանդաղակաթ սիրով : Սիրեցից զքեզ առաւել քան զիս , և զիս՝ միայն վասն քոյ . և զամենեսին 'ի քեզ զճամարտապէս սիրողս քո , որպէս հրամայեն օրէնք սիրոյ առ 'ի քէն ծագեալք :

Է . Արագ է սէր և անկեղծ . բարեպաշտիկ , բերկրական և զուարճալի . զօրաւոր , համբերող , հաւատարիմ , իմաստուն , երկայնամիտ ,

և արիական . որ ոչ երբէք խնդրէ
 դանձն : Չի ուր խնդրէ որ դանձն ,
 անդէն անկանի 'ի սիրոյ : Շրջահայ-
 եաց է սէր , խոնարհ , և ուղիղ . ոչ
 թուլամորթ , ոչ թեթև , և ոչ սնո-
 տիաաէր . այլ զգաստ , ողջախոհ ,
 հաստատուն , հանդարտ , և յամե-
 նայն զգայարանս զգուշաւոր : Սէր
 հլու և հնազանդ է առաջնորդաց .
 յաչս անձին խոտան և արհամարհ ,
 յաչս Աստուծոյ ջերմեռանդն և հա-
 ճոյարար . վստահացեալ և յուսա-
 ցեալ միշտ 'ի նա , թէպէտ և ոչ
 քաղցրացի նմա Աստուած . զի չէ
 ինչ անցաւ , որ կեայ 'ի սէր :

Ը . Որ ոչ է պատրաստ 'ի կրել
 դամենայն , և կալ 'ի կամս սիրել-
 ւոյն , չէ արժանի կոչիլ սիրող :
 Պարտ է սիրողի՝ դամենայն խըս-
 տութիւն և դառնութիւն վասն սի-
 րելւոյն մտադիր յանձն առնուլ ,
 և ոչ առ ճախող պատահարաց խո-
 տորել 'ի նմանէ :

ՔԼՈՒԽ Զ

Յադագս հանդիսի ձշմարիտ սիրողի .

Ա . Որդեակ , չես դու դեռ քաջ և
խոհական սիրող :

Բ . Եւ դիարդ տէր :

Գ . Զի վասն դոյզն ընդդիմու-
թեան ձեռնթափ լինիս 'ի սկսելոց ,
և կարի իմն անձկանօք 'ի խնդիր ես
մխիթարութեան : Քաջ սիրողն
պինդ կայ 'ի փորձութիւնս , և ոչ
հաւատայ խորամանկ հրապուրա-
նաց թշնամոյն : Որպէս հաճեալ է
ընդ իս 'ի յաջողուածս , նոյնպէս
չխոժոռի ընդ իս 'ի ձախորդութիւնս :

Դ . Խոհական սիրող ոչ այնչափ
'ի պարզեն հայի սիրողին , որպէս
'ի սէր տուողին : Առաւել հայի յիդ-
ճըս քան 'ի տուրս , և քան զսի-
րելին 'ի ստոր դասէ զամենայն ըզ-
տուեալս : Ազնուական սիրող ոչ
հանդչի 'ի պարզեն , այլ յիս 'ի վեր
քան զամենայն պարզե : Վասն այ-

սորիկ չէ սպառսպուռ կորուստ, և թէ ուրեք երբէք ոչ որպէս կամէիրն քաղցրանաս յիս, կամ 'ի սուրբս իմ: Ախորժակն այն բարի և քաղցր, զոր երբեմն յանձին զգաս, զործ է այժմու շնորհաց և առհաւատչեայ իմն երկնային գաւառին. յոր չէ մարթ կարի իմն վստահիլ, զի գայ և զնայ: Պատերազմել ընդ չարաչար ամբոխամունս սրտի՝ որք զիպին, և զթելադրութիւնս արհամարհել զբանսարկուին, նշան է առաքինութեան և արժանեաց մեծաց:

Ե. Ապա մի խոռովեսցեն զքեզ օտարոտի ցնորք, որ յինչևիցէ իրաց զան 'ի քեզ: Հաստատուն կալ պառաջադրութիւն քո, և զուղիղ զիտաւորութիւն առ Աստուած: Չեն պատրանք, եթէ երբեմն յանկարծ 'ի հիացումն յափշտակիս, և անդէն վազվազակի 'ի սովորական խակամտութիւն գառնաս. զի գայն ակամայ կրես՝ քան առնես: Եւ ցորչափ անհաւան ես այնմ և զիմազարծիս, 'ի շահ են քեզ և ոչ 'ի կորուստ:

Զ . Չիտասցիր զի հին թշնամին ամենայնիւ հնարի խափանել զցանկութիւն քո 'ի բարին , և յամենայն ջերմեռանդն կրթութենէ վրիպեցուցանել , 'ի սրբոցն պաշտամանէ , յիմոց չարչարանացս յիշատակէ , 'ի մեղաց յօգտակար յիշատակութենէ , 'ի սրտի քոյ պահպանութենէ , և 'ի հաստատուն առաջադրութենէ յառաջագէմ լինելոյ յառաքինութեան : Բազում խորհուրդս չարաչարս 'ի ներքս ամէ , զի զքեզ տաղտկացուցէ և զարհուրեցուցէ . և զի 'ի բաց արասցէ յաղօթից և 'ի սուրբ ընթերցուածոց : Չէ նմա հաճոյ խոնարհ խոստովանութիւն . և թէ հնար էր , 'ի հաղորդութենէ իսկ հրաժարեցուցանէր : Մի հաւատար նմա , և մի ինչ փոյթ լիցի քեզ վասն նորա , թէպէտ և յոյժ վակի որոզայթս լարեսցէ քեզ խաբէութեան :

Նմա գրեսցիր , յորժամ չարիս և պղծութիւնս քեզ յիշեցուցանէ : Սասսցիր . երթ յետս իմ այսդ պիղծ , յամօթ լեր թշուառական . գարչելի

ևս դու յոյժ , որ այդպիսի գարշանս
 յականջս իմ հեղուս : Ի բաց կաց
 յինէն , մոլորեցուցիչդ չար . չիք քո
 ընդ իս մասն , այլ Յիսուս եղիցի
 ընդ իս որպէս քաջ սրատերազմող .
 և դու լիցիս ամաչեցեալ : Առաւել
 ընտրեմ մեռանել , և դամենայն
 պատիժ պատուհասի յանձն առ-
 նուլ , քան զիջանել քեզ 'ի հաւա-
 նութիւն : Առեա և կարկեաց , ոչ
 ևս լսեմ քեզ , թէպէտ և բազում
 աշխատութիւնս ինձ հնարեսցիս :
 Տէր լոյս իմ և կեանք իմ , ես յում-
 մէ երկեայց : Թէ յարիցէ 'ի վերայ
 իմ ճակատամարտ , ոչ երկիցէ սիրտ
 իմ : Տէր օգնական իմ և փրկիչ իմ :

Է . Մարտիր որպէս քաջ զօրա-
 կան . և թէ ուրեք երբէք 'ի տկա-
 րութենէ անկանիս , անդրէն քա-
 ջալերութիւն զգեցիր աւելի քան
 դառաջինն , յուսացեալ յառաւե-
 լութիւն շնորհաց իմոց . և զգոյշ լեր
 յոյժ ի սնտաի հաճոյից , և յամբար-
 տաւանութենէ : Վասն այսորիկ
 բազումք 'ի մոլորութիւն վարին , և
 սահին երբեմն 'ի կուրութիւն իբր

անբժշկական: Այլ քեզ 'ի զգատութիւն լիցի և 'ի հանապազորդ խոնարհութիւն՝ այս կործանումն ամբարտաւանից , որք անմտութեամբ վտտահանան յանձինս :

Գ Լ ՈՒ Խ Է

Յաղագս ծածկելոյ զչնորնս քեզ
պահպանուշքեամբ խոնարհուշքեան .

Ն. Արդեակ լաւ է քեզ և աներկեան ծածկել զչնորհս եռանդան , և չհպարտանալ յանձն . չառնել զնմանէ զրոյց բազում , և ոչ ստէպ մտաբերել . այլ լինել արհամարհ յաչս անձին , և որպէս անարժան այնմ սարգևի՝ երկնչել : Մի կարի ապաւինիր յախորժակ , որ վաղ փոխի 'ի հակառակն : Չմտաւ ամ 'ի շնորհի անդ , քանի թշուառ և չքաւոր լինէիր առանց շնորհաց : Չէ 'ի նմա այնչափ հոգևոր կենաց օգուտ , յորժամ զմխիթարութեան ունիցիս շնորհս . այլ յորժամ խո-

նարհութեամբ և անձին ուրացութեամբ և համբերութեամբ ժուժկալեսցես 'ի բառնալ նորա, մինչև յայնժամ չթուլանալ քեզ 'ի փութոյ աղօթից, և չլքանել ամենեին յայլ սովորական քոյ գործոց. այլ մտադիր 'ի քո կողմանէ առնել՝ որչափինչ ձեռնհաս ես, և ոչ առ ցամաքութեան և նեղսրտութեան քո զոր զդաս՝ ամենեին հեղզալ:

Բ. Քանզի բազումք այնք են, որ յորժամ ոչ յաջողէ նոցա, անդէն կարճամտին և լքանին: Զի ոչ միշտ 'ի ձեռս է մարդոյ ճանապարհ նորա. այլ Աստուծոյ է տալ և մխիթարել երբ կամի, որչափ կամի, և ում կամի, որպէս զիարդ հաճոյ է նմա, և ոչ աւելի: Անզգոյշք ոմանք 'ի սակս շնորհի եռանդան՝ կործանեցին զանձինս. զի զործել կամեցան աւելի քան զկար իւրեանց, ոչինչ հայեցեալ յիւրեանց փանաքութեանն չափ. այլ զհետ երթեալ յաւէտ յօժարութեան սրտի, քան բանին դատաստանի: Եւ զի ձեռնեբէց եղեն 'ի մեծամեծս քան զոր

հաճոյն էր Աստուծոյ , վասն այսո՛րիկ վաղ կորուսին զչնորհս : Եղեն աղքատք և խոտանք և ընկեցիկք՝ որոց եղեալ էր յերկինս զբոյն իւրեանց . զի խոնարհեալք և չքաւորեալք , ուսցին ոչ իւրեանց թևօք թռչել , այլ ՚ի հովանի թևոց իմոց յուսալ : Նորամուտքն և անհմուտք ճանասպարհի տեսուն թէ ոչ խորհրդով խոհականաց առաջնորդին , զիւրաւ պատրին և զգետնին :

Գ . Ապա թէ կամիցին զիւրեանց կարծեաց զհետ երթալ քան հմտացելոց հաւատալ , եղիցին ելք նոցա վտանգաւորք , եթէ չառնուցուն յանձն յիւրեանց մտաց ՚ի բաց հրաժարել : Որք յաչս անձանց են իմաստունք , զժուարաւ խոնարհին ընդ առաջնորդութեամբ այլոց : Լաւ է սակաւ ինչ զիտել խոնարհութեամբ և փոքրիմաց մտօք , քան մեծագանձ ունել զիտութիւն՝ հանդերձ սնտաի հաճութեամբ : Լաւ է թէ սակաւ իցէ քո քան բազում , ուստի մարթ է քեզ ձգիլ յամբարտաւանութիւն : Ոչ իմաստութեամբ զործէ , որ զըլ-

խովին դանձն ուրախութեան տայ , մոռացեալ զառաջին զիւր չքաւորութիւն , և զսուրբ երկիրդ տեառն՝ որ զառեալ շնորհն խիթայ կորուսանել : Չէ և քաջախոհ , որ 'ի ժամանակի նեղութեան և ամենայն ծանրութեան կարի իմն լքանի , և ոչ որպէս արժանն է՝ քաջայոյս է յիս :

Դ . Որ 'ի ժամանակի խաղաղութեան անհոգանայ , յոլովակի 'ի ժամ սրատերազմի կարի իմն լքեալ և վատասիրտ գտանի : Եթէ զիտէիր հանապազ խոնարհ և արհամարհ լինել յաչս անձին , և ոգւոյ քում հանդարտութեամբ առաջնորդել , ոչ այդպէս վաղվաղակի անկանէիր 'ի վտանգ և 'ի խիղճ : Քաջ խորհուրդ է 'ի լինել եռանդան սրաի՝ խորհել քեզ , թէ զինչ լինիցի 'ի հեռանալ լուսոյ : Որ թէ զիպեսցի , զայն խորհեաց թէ կայ հնար վերադարձի լուսոյ , զոր 'ի զգուշաւորութիւն քո և 'ի փառս իմ բարձի առ ժամանակ մի :

Ե . Լաւ է յոլովակի փորձ այդ

պիսի , քան հանապազ 'ի յաջո-
ղուածս լինել ըստ քոյ կամաց : Չի
յարգ առաքինութեանց ոչ ըստ
այնմ ինչ է , թէ որ բազում տե-
սիլս կամ մխիթարութիւնս ունիցի ,
կամ քաջահմուտ զրոյ իցէ , կամ
'ի գերակայ աստիճան տեղի ունի-
ցի . այլ եթէ 'ի խոնարհութեան հաս-
տահիմն իցէ , և աստուածային սի-
րով լցեալ . եթէ զփառս Աստուծոյ
միայն յամենայնի խնդրեսցէ . եթէ
զանձն ոչինչ համարեսցի և ճշմար-
տութեամբ արհամարհեսցէ , և յայ-
լոց ևս զարհամարհանս և զոտնհա-
րութիւն քան զպատիւ խնդամիտ
ընկալցի :

ԳԼՈՒԽ Ը

Յաղագս ևորաստ հաւարման անձիև
առաջի Աստուծոյ .

Ա . Խօսեսցայց ընդ տեառն իմում,
բայց ես հող եմ և մոխիր : Եթէ ա-
ռաւել ինչ զանձն համարեսցայց , ա-

հա ընդդէմ դառնաս դու ինձ . և ճշմարտութեամբ վկայեն անօրէնութիւնք իմ , և չունիմ տալ պատասխանի : Ապա եթէ անարդեցից դիս և արհամարհեցից , և յամենայն պարծանաց անձին կարճեցայց , և (որպէս եմս իսկ) հողոյ հաւասարեցայց , խնայեսցեն յիս շնորհք քո , և ծագեսցէ ՚ի սիրտ իմ լոյս քո . և ամենայն յարգ անձին , թէպէտ և չնչին , ՚ի ձոր չքութեան իմոյ սուղեսցի և կորիցէ իսպառ : Անդ ցուցանես դիս ինձ , զինչ եմ , զինչ էի , և ցոր վայր հասի : Քանզի ոչ ինչ եմ , և ոչ զիտացի : Եթէ թողանամ յիս , ահա ոչինչ եմ և զլսուվին ապիկար . ապա թէ յիս հայիս , անդէն զօրանամ և նոր խնդութիւն զգենում : Եւ զարմանք մեծ այն են , զի այսպէս յանկարծ վերբերիմ , և ՚ի մարդասիրէդ զրկալիւր ողջունիմ , որ իմովս ծանրութեամբ միշտ ՚ի ստոր բերիմ :

Բ . Զայս առնէ սէր քո , ձրի առ իս կանխեալ , և ՚ի բազմադէմ կարիս ինձ ՚ի թիկունս հասեալ , ՚ի ծա

նունց վշտաց զիս ապրեցուցեալ, և յանհամար չարեաց զերծուցեալ: Իբր զի 'ի սիրել զիս չարաչար՝ զանձըն իմ կորուսի. այլ իբրև զքեզ միայն խնդրեցի և սրբութեամբ սիրեցի, զիս և զքեզ միահաղոյն գտի. և 'ի սիրոյ անտի խորագոյն ևս յիմ չքութիւն խոնարհեցայ: Զի դու տէր . քաղցր՝ առնես ընդ իս 'ի վեր . քան զիմ արժանաւորութիւն, և աւելի . քան զոր իշխեմ՝ ակն ունել կամ խնդրել 'ի քէն:

Գ. Օրհնեալ ես տէր. զի թէպէտ և անարժան եմ ես ամենայն բարեաց, բայց . քո առատութիւն և անբաւ բարութիւն ոչ երբէք կասի բարի առնել և ապաշնորհաց, և կարի իմն 'ի քէն օտարացելոց: Դարձո զմեզ առ . քեզ, զի լիցուք հաճոյք խոնարհք և եռանդնոտք. վասն զի դու ես մեր փրկութիւն և զօրութիւն և ամրութիւն:

Գ Լ Ո Ի Խ Թ

Թե զամենայն պարտ է վերաբերել
յՈստոռած իբրև 'ի վերջին փախձան .

Ա. Որդեակ , զիս կալ քո գերա-
կայ և վերջին փախձան, եթէ ճշմար-
տութեամբ ցանկաս լինել երանելի:
Սովին զիտաւորութեամբ մաքրես-
ցի քո իղձ , որ յոլովակի 'ի քեզ և
յարարածս միտէ չարաչար : Զի թէ
զանձն յիմիք խնդրես , անդէն 'ի
քեզ նուազիս և ցամաքիս : Ապա
զամենայն նախ առաջին ինձ ըն-
ծայես՞իր . զի ևս եմ , որ ետու զա-
մենայն : Այսպէս համարես՞իր զմի
մի յայնց՝ որպէս գերակայ բարւոյն
բղիմունս . վասն այսորիկ յիս՝ իբ-
րև 'ի սկիզբն իրեանց վերածել
պարտ է զամենայն :

Բ. Յինէն փոքունք և մեծամեծք ,
աղբատք և մեծատունք , որպէս 'ի
կենդանի աղբերէ առնուն ջուր կեն-
դանի . և որք ինձ կամակար և մտա-

դիւր ծառայեն , շնորհս փոխանակ
 շնորհաց ընկալցին : Իսկ որ առանց
 իմ պարծել կամի , կամ յառանձ-
 նական բարի ինչ բերկրել , մի հաս-
 տատեսցի 'ի ճշմարիտ խնդութեան ,
 և մի 'ի սիրտ իւր ընդարձակեսցի .
 այլ բազմօրինակ խափանեսցի և
 տազնապեսցի : Ապա մի ինչ 'ի բա-
 րեաց՝ անձին գրեսցես , և մի յա-
 ռաքինութեանց ինչ՝ մարդոյ ընծա-
 յեսցես . այլ զամենայն տուր Աս-
 տուծոյ , առանց որոյ ոչինչ ունի
 մարդ : Ես ետու զամենայն , և բո-
 վանդակ գրեզ իմ լինել կամիմ , և
 բազում ճշգիւ շնորհակալութիւն
 պահանջեմ :

Գ . Այս է ճշմարտութիւն , յոր-
 մէ ինքնահալած լինի սնափառու-
 թիւն . և թէ 'ի ներքս մտանէ շնոր-
 հրն երկնային և ճշմարիտ սէր , այ-
 նուհետև ոչ եղիցի ինչ նախանձ , և
 ոչ նեղսրտութիւն և անձնասիրու-
 թիւն ունիցին տեղի : Չի յաղթէ ա-
 մենայնի սոցա աստուածային սէրն ,
 և դիւրէ ամենայն զօրութեանց հոգ-
 ւոյ : Թէ ուղիղ խորհիս , յիս միայն

ուրախ եղիցիս, և յիս միայն յուսասցիս. զի չիք որ բարի, բայց միայն Աստուած. որ քան զամենայն է գովելի, և յամենայնի օրհնեալ:

Գ Լ Ո Ի Խ Ժ

Թե արևամարհողին զաշխարհ՝ քաղցր է ծառայել Աստուծոյ.

Ա. Արդ միւսանգամ խօսեցայց տէր, և ոչ լռեցից. բարբառեցայց յահանջս Աստուծոյ իմոյ, տեառն իմոյ, և թագաւորի իմոյ, որ էն՝ ՚ի բարձունս: Որպէս զի մեծ է օրհնութիւն քաղցրութեան քո տէր, զոր սպհեցեր երկիւղածաց քոց: Չինչ ես սիրողաց քոց, և որոց յամենայն սրտէ ծառայեն քեզ: Ահա անճառելի է ճաշակ քաղցրութեան քո, զոր առատաձեռնես ՚ի սիրելիս քո: Յայսմ առաւելապէս ցուցեր առ իս զքաղցրութիւն սիրոյ քոյ, զի որ ոչն էի՝ արարեր զիս. և որ

օտարացեալն էի 'ի քէն՝ դարձուցեր զիս ծառայել քեզ, և հրամայեցեր ինձ սիրել զքեզ :

Բ . Ո՛վ աղբիւր անսպառ սիրոյ, զի՛նչ ասացից զքէն : Ձիարդ իշխեցից մոռանալ զքեզ, որ հաճեցար յիշել զիս՝ ևս և յորժամ հիւժեալն էի և 'ի կորուստ մատնեալ : Ի վեր քան զամենայն ակնկալութիւն՝ արարեր ընդ ծառայի քում ողորմութիւն, և քան զամենայն արժանաւորութիւն՝ ցուցեր առ իս շնորհ և բարեկամութիւն : Ձի՛նչ տաց քեզ տրիտուր փոխանակ շնորհիս : Ձի ոչ ամենեցուն տուեալ է, թողեալ զամենայն՝ յաշխարհէ հրաժարել, և միանձնական կեանս յանձն առնուլ : Մեծ ինչ իցէ՝ ծառայել ինձ քեզ, որում ամենայն արարածք պարտապան են ծառայել : Ոչ մեծ ինչ թուի ինձ՝ ծառայել քեզ . այլ այն թուի մեծ և զարմանալի, զի զայսպիսի աղքատ և անարժան հաճեցար ընդունել 'ի ծառայութիւն, և սիրելեաց քոց ծառայից զասակցեցեր :

Գ. Ահա քո է ամենայն, զոր ունիմ, և որով քեզն ծառայեմ: Բայց սակայն դու ինձ ծառայես, քան ես քեզ: Ահա երկինք և երկիր, զորս 'ի սպասաւորութիւն մարդկան արարեր, 'ի սլատրաստի կան. և օրըստօրէ դքո հրամայեալսդ կատարեն: Եւ ոչ այսչափ միայն, այլ և զհրեշտակս 'ի սպասաւորութիւն մարդոյ կարգեցեր: Եւ որ վերագոյնն է քան զամենայն, դու ինքն հաճեցար մարդկան ծառայել, և զանձն քո տալ նոցա խոստացար:

Դ. Ձինչ տաց տրիտուր ընդ բիրուց բարեացս: Ո՞ տայր ինձ ծառայել քեզ զամենայն աւուրս կենաց իմոց: Ո՞ տայր ինձ զէթ օր մի արժանի սաշտօն քեզ մատուցանել, որ արժանիդ ես ամենայն սաշտաման և սլատուոյ և անվախճան փառատրութեան: Ընմարտապէս տէր իմ ես դու, և ես քո ջնչին ծառայ, որ յամենայն զօրութենէ սլարտապան եմ քեզ ծառայել, և ոչ երբէք լռել 'ի քումմէ փառատրութենէ: Ընդ այս հաճեալ եմ, և այսմ

ցանկամ . և որ ինչ թերին է , զայն
դու հաճեսցիս ընուլ :

Ե . Մեծ պատիւ և մեծ փառք են՝
քեզ ծառայել , և զամենայն վասն
քոյ արհամարհել : Զի մեծ շնորհս
ստասցին , որք կամակար մտօք՝ քոյ
սուրբ ծառայութեանդ ընդ լծով մը-
տանիցեն : Զքաղցր մխիթարութիւն
սուրբ հոգւոյն գտցեն , որք վասն
սիրոյ քո յամենայն մարմնական
բերկրութեանց ՚ի բաց կացցեն : Եւ
՚ի մեծի ազատութեան մտաց վայել-
եսցեն , որք վասն անուան քո յան-
ձուկ ճանապարհ մտանիցեն , և յա-
մենայն աշխարհային հոգոյ հրա-
ժարեսցին :

Զ . Ո՛վ հաճելի և քաղցր ծա-
ռայութեանն Աստուծոյ , որով լինի
մարդ ճշմարտապէս սուրբ և ազատ :
Ո՛վ սրբանուէր պաշտաման կրօնա-
ւորական կարգի , որ առնէ զմարդ
հրեշտակաց հաւասար , Աստուծոյ
հաճոյ , դիւաց ահաւոր , և ամենայն
հաւատացելոց գովելի : Ո՛վ փարե-
լի և յաւէտ ըղձալի ծառայութեանս ,
որով լինի արժանանալ զերակայ

բարութեան, և ստանալ զանվանւ-
ման խնդութիւն :

Գ Լ Ո Ի Խ Ժ Ա

Թե՛ զիդձս սրտի քննել պարտ է, և
կարգաւորել :

Ա. Որդեակ, պարտ է քեզ դեռ
ուսանել բազում ինչ, զոր չե է քոյ
քաջ ուսեալ :

Բ. Եւ ո՞ր իցեն այնք, տէր :

Գ. Զիդձս քո զլխովին կարգել
ըստ հաճոյից իմոց. և չլինել անձ-
նասէր, այլ կամաց իմոց խնամոտ
նախանձախնդիր: Իդձք յոլովակի
դքեզ բորբոքեն, և բուռն վարեն.
բայց դու տես եթէ վասն փառաց
իմոց յայն բերիս, թէ սակս դի-
րութեան քոյ: Եթէ 'ի սակս իմ,
զոհացող լիջիր, որպէս և կարգի-
ցեմ. ապա եթէ 'ի քոց ըղձանաց
ինչ զօղեալ կայցէ, ահա այն իսկ
է՛ որ խափանէ դքեզ և ծանրացու-
ցանէ :

Դ. Ասլա զգոյշ լեր, մի կարի իմն
 յարել յիղձս որ գան 'ի քեզ, ա-
 ոանց ցիս հարցանելոյ. զուցէ յե-
 տոյ զղջասցիս, կամ ոչ հաճեսցիս,
 որում յառաջն հաճ և հաւան էիր,
 և որպէս լաւագունի իմն նախանձ
 կալար: Զի ոչ ամենայն յօժարու-
 թեան, որ բարւոք թուիցի, իսկ և
 իսկ արժան է երթալ զհետ. և ոչ յա-
 մենայն հակառակաց յօժարութեան՝
 անդէն իսկ խուսել: Աւ և երբեմն
 սանձ արկանել ևս և բարեաց եր-
 կասիրութեանց և ըղձից. զի մի 'ի
 թախանձանս նոցա զբաղեսցին քո
 միտք, և 'ի շփոթելոյ քոյ՝ գայթակ-
 զութիւն յայլս արկանիցես, կամ
 'ի զիմադարձիլ այլոց՝ անդէն խոռ-
 վեսցիս և կործանեսցիս:

Ե. Բայց պարտ և սլատշաճ է եր-
 բեմն բռնանալ, և արիաբար ընդ-
 դէմ դառնալ զգայական բաղձա-
 նաց, և չհայել յայն՝ թէ զինչ կամք
 են մարմնոյ և զինչ ոչ. այլ այսմ
 ջանա, զի և յակամայսն հնազանդ
 իցէ հոգւոյ: Եւ այնչափ ընկճեա
 զնա և 'ի ծառայութիւն նուաճեցո,

մինչև պատրաստ լիցի առ ամենայն,
սակաւութք ուսցի շատանալ, ընդ
անպաճոյճս հաճ լինել, և ընդ ան-
դէպս ինչ ոչ քրթմնջել:

Գ Լ Ո Ւ Խ Ժ Բ

Յադագս օրինակի համբերութեան, և
մարտնչկոյ ընդդէմ ցանկութեանց.

Ա. Տէր տէր, պիտոյ է ինձ յոյժ
համբերութիւն. դի շատք յաստի
կեանս պատահեն հակառակու-
թիւնք: Ձի որպէս և յարդարեցից
դիմ խաղաղութիւն, անհնար է կե-
նաց իմոց լինել անվիշտ և անպա-
տերազմ:

Բ. Այդ այդպէս է, որդեակ:
Բայց կամիմ ոչ զայնպիսի խնդրել
քեզ խաղաղութիւն, յոր ոչ կայցէ
ինչ փորձութիւն, կամ ոչ զզայցես
ինչ հակառակութիւն. այլ և յայն-
ժամ համարես՛իր զանձն վայելել
'ի խաղաղութեան, յորժամ 'ի պէս-
պէս փորձութիւնս հանդիսացեալ

դտանիս, և ՚ի բազմադէմ հակառակութիւնս փորձ: Եթէ ասես, չեմ կարող բազմաց տանիլ վշտաց. իսկ զիամբ հանդուրժեսցես հրոյ քաւարանին: Յերկուց չարեաց՝ յամենայնի փոքրն է ընտրելի: Ապա զի ապրեսցիս ՚ի հանդերձեալ տանջանացն յաւիտենից, աստի չարեաց փոյթ կալջիր վասն Աստուծոյ արիաբար տանել: Թէ համարիցին, թէ աշխարհիկք ոչինչ կամ սակաւ չարչարանս չարչարիցին: Զայդ ոչ գտցես, թէպէտ և ՚ի կարի իսկ փափկակեացս խոյզ և խնդիր առնիցես:

Գ. Բայց վայելեն, ասես, ՚ի բազում զրգանս, և զխրեանց զհետ երթան կամաց. վասն այնորիկ ոչ համարին ինչ զխրեանց նեղութիւնս:

Դ. Դիցուք թէ ունին, որ զինչ և կամին. իսկ ցո՞ր վայր տեսցէ: Ահա որպէս ծուխ պակասեսցին յըզփացեալքն յաշխարհի, և ոչ մնացէ ինչ յիշատակ անցելոց խնդութեանց: Այլ և առ կենդանութեամբ՝

ոչ առանց դառնութեան և տաղա-
կութեան և երկիւղի հանգչին 'ի նո-
սա : Զի ուստի հեշտանան , անտի
պատուհաս ցաւոց յուրվակի յան-
ձինս ընդունին : Կարի յիրաւունս ,
զի որ անկարգ հեշտութեանց 'ի խըն-
դիր են և զհետ երթան , մի առանց
ամօթոյ և դառնութեան զայն վճա-
րեսցեն : Ո՛վ , որպէս սուղ և սնո-
տի , որպէս անկարգ և զարշելի է
ամենայնն : Բայց առ արբեցու-
թեանն և կուրութեան ոչ իմանան .
այլ որպէս անխօս անասուն վասն
դոյզն ասպականացու կենցաղոյս
հեշտութեան , զոզի 'ի մահ մատ-
նեն : Ս՛յլ դու , որդեակ , զհետ ցան-
կութեանց քոց մի գնար . և 'ի կա-
մաց քոց հրաժարեաց : Ժտեա՛ 'ի
տեառնէ , և նա տացէ քեզ զխընդ-
րուածս սրտի քոյ :

Ե . Զի թէ ճշմարտութեամբ կա-
միս 'ի բերկրանս վայելել , և յորդ
միսիթարութիւն յինէն ընդունել ,
ահա յարհամարհութեան ամենայն
աշխարհայնոց , և 'ի հրաժեշտ ամե-
նայն ստորային բերկրութեանց և

զիցի օրհնութիւն քո , և բազում
 մխիթարութիւն տացի քեզ : Եւ որ
 չափ յամենայն արարածական սփո-
 փանաց 'ի բաց կացցես , այնչափ
 առաւել յիս քաղցրագոյն և զօրա-
 գոյն մխիթարութիւն գտցես : Բայց
 'ի սկզբան անդ՝ ոչ առանց ինչ տըրտ-
 մութեան և վաստակոց ճգանց լինի
 քեզ յայդ ժամանել : Ընդդէմ դարձ-
 ցի անընտել սովորութիւնն , այլ 'ի
 լաւ ևս սովորութենէ յազթեսցի :
 Քրթմնջեսցէ մարմինն , այլ եռան-
 դեամբ հոգւոյն սանձեսցի : Զգըր-
 դուեսցէ և դառնացուցէ զքեզ օձն
 հին , այլ աղօթիւք հալածական լի-
 ցի , այլ և վաստակօք պիտանեօք
 խցցի նորա մուտ :

Գ Լ Ո Ի Խ Ժ Գ

Յաղագս հնազանդութեան խոնարհ հր-
պատակի ըստ օրինակիև Յիսուսի
Քրիստոսի .

Ա . Որդեակ , որ ջանայ 'ի բաց
կալ 'ի հնազանդութենէ , անձամբ
զանձն վրիպեցուցանէ 'ի շնորհաց .
և որ խնդրէ ունել զառանձնականս ,
կորուսանէ զհասարակացն : Որ ոչ
մտադիր և կամաւորութեամբ հնա-
զանդի իւրում մեծաւորի , նշան է
թէ մարմինն նորա չև է նմա լիով
հնազանդեալ , այլ բազում անգամ
անկուշէ և քրթմնջէ : Ապա ուսիր
արագ հնազանդել քում մեծաւորի ,
եթէ ցանկաւ զմարմինդ քեզ հնա-
զանդել : Չի դիւրաւ յաղթի արտա-
քին թշնամին , եթէ ներքին մարդն
չէ աւար հարեալ : Չիք դժնդակա-
գոյն և չար թշնամի անձինդ՝ իբրև
զքեզ , յորժամ չես համախոհ ընդ
հոգւոյ : Պարտ է քեզ յամենայնի

ստանալ զճշմարիտ արհամարհութիւն անձին, եթէ կամիս յաղթել մարմնոյ և արեան: Եւ զի դեռ կարի իմն անկարգ բերիս 'ի սէր քո, վասն այնորիկ լիով յանձն լինել 'ի կամս այլոց՝ զանգիտես:

Բ. Բայց զինչ մեծ է, թէ դու հողդ չնչին՝ վասն Ստուծոյ լիցիս մարդկան հպատակ. ուր ես բարձրեալս ամենակալ, որ զամենայն արարի յոչնչէ, վասն քո խոնարհութեամբ եղէ մարդկան հնազանդ: Եղէ քան զամենեսին խոնարհ և ստորին, զի քումդ հպարտութեան իմով խոնարհութեամբ յաղթեսցես: Ուսիր հնազանդել, ուսիր ըզքեզ խոնարհել՝ հող և մոխիր, և ամենեցուն ընդ ոտիք լինել: Ուսիր զքո կամս խորտակել և առ ամենայն հնազանդութիւն լինել անձնատուր:

Գ. Զայրացիր 'ի վերայ քո, և մի թողուր ամբարտաւանութեան տիրել քեզ. այլ այնպէս հնազանդ և կրտսեր զանձն ընծայեցո, մինչև ամենեցուն զնալ 'ի վերայ քո, և

որպէս կաւ զուեհաց կոխել զքեզ :
 Զի է քեզ , չնչինդ դու՝ գանգատել :
 Զիա՛րդ իշխիցես զարշելի մեղաւորդ
 ընդդէմ՝ դառնալ նախատչաց քոց ,
 որ բիւրիցս զՍատուած բարկացու-
 ցեր , և զժոխոց բազում անգամ ե-
 ղեր արժանի : Ս, յլ խնայեաց 'ի քեզ
 ակն իմ , զի պատուական եղև անձն .
 քո յաչս իմ . զի ծանիցես զսէր իմ ,
 և առ երախտիս իմ միշտ գտցիս
 շնորհակալու . և զի ճշմարիտ հնա-
 զանդութեան և խոնարհութեան յա-
 մենայնի տացես զանձն , և համբե-
 րութեամբ տարցիս արհամարհա-
 նաց քոց :

Գ Լ Ո Ի Խ Ժ Գ

Յադագս խոկման գաղտնի դատաւ-
 տանացև Սատուծոյ , զի մի մեծա-
 մտեացոչք ընդ բարոչքիւնս .

Ա . Որոտաս յիս զդատաստանս
 քո , տէր . և ահիւ և զողութեամբ
 սասանեցուցանես զամենայն ոս-

կերս իմ . և զարհուրեալ է անձն իմ՝
յոյժ : Յապուչ հարեալ կամ , ա-
ծեալ զմտաւ՝ զի երկինք ոչ են սուրբ
առաջի քո : Եթէ՛ ՚ի հրեշտակս զտեր
թիւրութիւն , և ոչ խնայեցեր , ընդ
իս զի՛նչ լինիցի : Անկան աստեղք
յերկնից , և ես հոգս յի՛նչ յուսա-
ցեալ իցեմ : Որոց գործք գովելի
թուէին , անկան ՚ի ստորինս . և որք
ուտէին զհաց հրեշտակաց , տեսի՛ զի
քաղցրացան նոցա եղջերք խոզից :

Ի . Ապա չիք ինչ սրբութիւն , թէ
դձեռն քո տէր ամփոփես : Ոչինչ
օգուտ է իմաստութիւն , եթէ յա-
ռաջնորդութենէ կասիս : Ոչինչ օգ-
նէ արիութիւն , եթէ ՚ի պահպանու-
թենէ լուես : Զիք աներկեան ողջա-
խոհութիւն , թէ ոչ այնմ լինիս հո-
վանի : Ոչինչ օգտէ անձին պահ-
պանութիւն , թէ ոչ մերձ կայ քո
սուրբ հսկողութիւն : Զի թէ թո-
ղուս , ընկզմիմք և կորնչիմք . և թէ
այց առնես , կանգնիմք և կենդա-
նանամք : Իբր զի յողողող եմք , այլ
քև հաստատիմք . զաղջանամք , այլ
քև բորբոքիմք :

Գ. Ո՛վ, որպէս պարտ է ինձ խոնարհ և արհամարհ լինել յաչս անձին, և համարել զանձն չնչին, եթէ երևեսցի յիս ինչ բարի: Քանի՛ արժան է ինձ ՚ի խոր խոնարհել ընդ անքննին զատաստանօք քո, տէրուր ոչ այլ ինչ գտանեմ՝ զիս, բայց ոչինչ: Ո՛վ անչափ ծանրութեանս, ո՛վ անսահման ծովուս, ուր ոչինչ գտանեմ՝ յիմոցս՝ բայց զչքութիւն: Իսկ արդ ո՛ւր իցեն խորչք ծածկութեան փառաց, ո՛ւր վստահութիւն ՚ի կարծեցեալ առաքինութիւն: Ընկլան ամենայն սնոտի պարծանք ՚ի խորոց զատաստանաց քոց ՚ի վերայ իմ:

Դ. Չինչ է ամենայն մարմին առաջի քո. միթէ պարծեսցի կառ առաջի բրտի: Չիարդ իշխեսցէ յողն կալ մեծաբանութեամբ, որոյ սիրտ ընդ ձեռամբ է Աստուծոյ՝ ճշմարտութեամբ: Մի հպարտացուցէ զնա աշխարհ ամենայն, զոր ճշմարտութիւնն ընդ բռամբ ունի. և մի յամենայն զովչաց բերանոյ շարժեսցի, որ զամենայն յոյս իւր յԱս-

տուած հաստատեալ իցէ : Քանզի
և որք խօսինն ինչ՝ ամենեին ոչինչ
են , զի ընդ բարբառոյ բանից պա-
կասին : Այլ ճշմարտութիւն տեսան
մնայ յաւիտեան :

ԳԼՈՒԽ ԺԵ

Թե՛ գիւնրոյ պարտ է մեզ կալ և զինչ
ասել յամենայն ցանկալիս .

Ա . Որդեակ , այսպէս ասասջիր
յամենայնի : Տէր եթէ հաճոյ է քեզ ,
այդ այդպէս եղիցի : Տէր , եթէ փառք
են քեզ , եղիցի այդ քանուն քո :
Տէր , եթէ թուի յաչս քո՝ թէ օգուտ
է ինձ և պիտանի , տուր ինձ յայդմ
վայելել ՚ի պատիւ քո : Ապա եթէ
վնասակար ինձ ճանաչես , և փրկ-
կութեան հոգւոյ իմոյ ոչ յօգուտ ,
ի բաց արա յինէն զցանկութիւն
զայդպիսի : Զի ոչ ամենայն ցան-
կութիւն է ՚ի հոգւոյն սրբոյ , թէ-
պէտ և յաչս մարդկան ուղիղ թուի-
ցի և բարի : Դժուարին է ստուգու-

Թեամբ ընտրել, արդեօք յողոյ
բարւոյ թէ յօտարէ է քո բերումն
այսմ կամ այնմ ըղձանալոյ, թէ
բնաւ իսկ ՚ի հողոյ քումնէ: Բա-
ղումք ՚ի կատարածի խաբեցան,
որք յառաջն համարէին զանձինս
՚ի հողոյ բարւոյ առաջնորդեալ:

Բ. Ապա յամենայնի երկիւղիւ
Աստուծոյ և խոնարհութեամբ սրտի
պարտ է ցանկալ և խնդրել, որ ինչ
ցանկալի պատահէ մտաց. նա՛ ՚ի
սեպհական կամաց հրաժարմամբ՝
յիս յանձնել պարտ է զամենայն,
ասելով. Տէր դու զիտես սր լաւ ի-
ցէ. եղիցի ամենայն, որպէս և կա-
միս: Տուր զոր կամիս, և որչափ
կամիս, և յորժամ կամիս: Աքա
ընդ իս որպէս զիտես, և որպէս հա-
ճոյ է քեզ, և առաւելու պատիւ
քո: Դիր զիս ուր և կամիս, և հա-
մարձակ արա ընդ իս յամենայնի.
՚ի ձեռս քո եմ, չրջեա և յածեցո զիս
չուրջանակի: Ահա ծառայ քո եմ
ես, առ ամենայն պատրաստական.
զի ոչ ցանկամ յիս կենդանի լինել,
այլ ՚ի քեզ. և երանի՛ թէ լիով և ար-
ժանապէս:

Աղօրք վասն զհաւանոյսն Աստուծոյ
կատարել .

Գ. Շնորհեա ինձ քաղցրագութ
փրկիչ, զշնորհս քոյ . զի ընդ իս լի-
ցի, ընդ իս զործեսցէ, և ընդ իս մինչ
իսպառ կացցէ մնասցէ : Տո՛ւր ինձ
հանապազ այնմ ցանկալ և փափա-
քել, որ առաւել հաճոյ է քեզ և
ընդունելի : Բո կամք՝ իմ լիցին, և
իմ կամք՝ քոց կամաց միշտ զհետ
երթիցեն, և քաջ ընդ այնմ միա-
բանեսցին : Իմ կամել և չկամել ընդ
քոյդ եղիցի մի . և մի իշխեսցից այլ
ինչ կամել կամ չկամել, բայց զոր
դու կամիս կամ ոչ կամիս :

Գ. Տո՛ւր ինձ մեռանել ամենայ-
նի՛ որ ինչ է յաշխարհի, և վասն
քոյ սիրել զարհամարհանս և զան-
ծանօթն լինել յաստի կեանս : Տուր
ինձ ՚ի վեր քան զամենայն ցանկա-
լիս ՚ի քեզ հանգչել, և զսիրտ իմ ՚ի
քեզ խաղաղել : Բու ճշմարիտ խա-
ղաղութիւն սրտի, դու միայն հան-
զիստ . արտաքոյ քո խիստ է ամե-

նայն և խոտվական: Յայսմ և 'ի սոյն խաղաղութեան, այս է, 'ի քեզ որ միայնդ ես գերակայ բարի անվախճան, ննջեցից և հանգեայց. Ամէն:

Գ Լ Ո Ի Խ Ժ Զ

Թե՛ ձշմարիտ ախոյիսևս խեղրել
սրարտ է միայն յԱստուած .

Ա. Ամենայնի, որում ցանկալ կամ զոր խորհել հնար է ինձ 'ի սփոփանս իմ, ոչ այժմ ինչ ակնունիմ, այլ առ յապայ: Եթէ զամենայն սփոփանս աշխարհի միայն ունէի, և յամենայն զրգանս վայելել 'ի ձեռս էր, յայտ է թէ չտուէին ինչ յերկար: Ասան այսորիկ անհնար է քեզ, անձն իմ, լիով մխիթարիլ և ամենայնիս հանգչել, բայց եթէ յԱստուած որ մխիթարիչն է աղքատաց և ընդունող խոնարհաց: Համբեր վայր մի, ակնկալեալ աստուածային խոստմանն, և գացես

զլիութիւն ամենայն բարեաց յերկինս : Եթէ կարի իմն անձկանօք ՚ի խնդիր լինիս առօրէիցս , կորուսանես զանանցսն և զերկնաւորս : Եղիցին ժամանակաւորքս ՚ի պէտս , այլ ըզձից քոց բերումն եղիցի առանանցս : Անհնար է քեզ անցաւորինչ բարեօք յազենալ . զի ոչ հաստեցար վայելել ՚ի սոսա :

Բ. Թէպէտ և ամենայն ստեղծեալ բարիք քո էին , անհնար էր քեզ լինել երջանիկ և երանեալ . այլ յԱստուած յարարիչն ամենայնի զլիսովին հաստատեալ է քո երանութիւն և երջանկութիւն . ոչ զորպիսի կարծեն անմիտ աշխարհասէրք , այլ որպիսում՝ ակնունին բարեպաշտ Քրիստոսի հաւատացեալք , և զորոյ առնուն երբեմն զճաշակ հոգեսէրքն և սուրբքն սրբաբար , որոց առաքինութիւն յերկինս է : Սնոաի և սուղ են ամենայն մարդկային սփոփանք : Երանաւէտ և ճշմարիտ սփոփումն այն է , զոր ՚ի ներքս ՚ի մեզ ՚ի ճշմարտութենէ ընդունիմք : Այր առաքինի ամե-

նայն ուրեք ընդ իւր ունի զմխիթա-
րիչ իւր Յիսուս, առ որ ասէ. Մերձ
լեր ինձ, տէր Յիսուս, յամենայն
ժամանակի: Այս եղիցի իմ մխի-
թարութիւն, մտազիւր վրէպ լինել
յամենայն մարդկային սփոփանաց:
Եւ եթէ քոյդ պակասեսցի մխիթա-
րութիւն, կամք քո և արդար փորձդ
եղիցին ինձ սփոփումն մեծ: Զի ոչ
խապառ բարկանաս դու տէր, և ոչ
յաւիտեան պահեսս ոխս:

Գ Լ Ո Ի Խ Ժ Է

Թե՛ գամենայն հոգս ընկեևոջ պարտ է
յԱստուած .

Ե. Որդեակ, թող ինձ առնել ընդ
քեզ որպէս և կամիմ. ես գիտեմ,
որ լաւ իցէ քեզ: Գու խորհիս որպէս
մարդ, և խոկաս յոլովակի ըստ
հրապուրելոյ մարդկայինդ ախոր-
ժակի:

Բ. Տէր, ճշմարիտ է զոր ասեսդ.
մեծ է հոգ քո ՚ի վերայ իմ, քան

զամենայն զիմ առ իս հոգ և խնամ: Չի կարի իմն յորողայթի կայ, որ ոչ ընկենու զամենայն հոգս իւր 'ի քեզ: Միայն թէ կամք իմ ուղիղ և հաստատուն առ քեզ կացցեն, աւրա ընդ իս որ ինչ հաճոյ է քեզ: Չի անհնար է անբարի լինել, զինչ և արասցես ընդ իս: Եթէ կամիս լինել ինձ 'ի խաւարի, եղիցիս օրհնեալ. և եթէ կամիս լինել ինձ 'ի լոյս, եղիցիս օրհնեալ: Եթէ հաճիս միսիթարել զիս, եղիցիս օրհնեալ. և եթէ կամիս լինել ինձ 'ի նեղութեան, նոյնպէս յամենայնի եղիցիս օրհնեալ:

Գ. Որդեակ, այսպէս պարտ է քեզ կալ, եթէ կամիս հաճոյ լինել ինձ: Այնպէս պատրաստական պարտ է քեզ լինել 'ի նեղութիւն, որպէս 'ի խնդութիւն. այնպէս յօժարամիտ 'ի չքաւորութիւն և յաղքատութիւն, որպէս 'ի լիութիւն և 'ի մեծութիւն:

Դ. Տէր, մտադիւր յանձն առնում վասն քոյ որ զինչ և կամիս թէ եկեսցէ 'ի վերայ իմ: Անխտիր

կամիմ ընդունել 'ի քոյ ձեռաց ըզբարի և զչար, զքաղցր և զդառն, զուրախականն և զտրամալին, և զոհանալ վասն ամենայնի որ ինձ դիպեսցի: Պահեա զիս յամենայն մեղաց, և ոչ երկեայց 'ի մահուանէ և 'ի դժոխոց: Որ ինչ նեղութիւն գայցէ 'ի վերայ իմ, ինձ ինչ ոչ վընասեսցէ. միայն թէ մի խապառ մերժեսցես զիս, և մի ջնջեսցես ի դպրութենէ կենաց:

Գ Լ Ո Ի Խ Ժ Ը

Թե՛ ժամանակեան քշռառոշրեանց ըստ օրինակին Քրիստոսի պարտ է երկայնամտոշրեանք համբերել .

Ն. Որդեակ, իջի ես յերկնից վասն փրկութեան քոյ. յանձն առի զքո թշուառութիւն, ոչ առ հարկի, այլ 'ի սիրոյ ձգեալ. զի զհամբերութիւն ուսցիս, և ժամանակեան թշուառութեանց մի դժուարակիր գտցիս: Քանզի 'ի ժամէ ծննդեան

իմոյ մինչև 'ի խաչ ելանել՝ ոչ պակասեցին ինձ չարակրութիւնք: Մեծ եղեն իմ կարօտութիւնք, տրտունջըս բազումս բազում անգամ զինէն լուայ, ամօթոյ և նախատանաց քաղցրութեամբ տարայ, փոխանակ երախտեաց՝ ապերախտութիւնս ընկալայ, փոխանակ սքանչելեաց՝ հայհոյութիւնս, և փոխանակ վարդապետութեան՝ կշտամբանս:

Բ. Տէր, վասն զի դու համբերող եղեր 'ի կեանս քո, դովին առաւելապէս կատարելով զսպասուիրան հօր քոյ, արժան է ինձ թշուառացեալ մեղաւորիս ըստ կամաց քոց երկայնմտութեամբ համբերել, և ցորչափ կամիս՝ զբեռն սպականացու կենցաղոյս 'ի փրկութիւն իմ բառնալ: Քանզի թէպէտ և ծանրաբեռն թուին աստի կեանք, բայց շնորհօք քո եղեն յոյժ շահեկանք. և քոյին օրինակաւ և սրբոց քոց չաղօք, տանելիք եղեն տկարաց և սրանծալիք: Այլ և առաւել զուարթարարք քան 'ի նախնումս 'ի հին

օրէնս, յորժամ փակեալ էր դուռն
երկնից, և մթին ևս թուէր ճանա-
պարհ երկնից. յորժամ սակաւք
փոյթ ունէին 'ի խնդիր լինելոյ ար-
քայութեան երկնից: Այն զի և որք
յայնժամ արդարքն էին և փրկու-
թեան պահեալք, յառաջ քան ըզ-
չարչարանս քո և զմահ՝ ոչ ունէին
մուտ յարքայութիւնն երկնից:

Գ. Ո՛վ, քանի պարտապան եմ
զոհանալոյ զքէն. զի ճանապարհ
ուղիղ և բարի ինձ և ամենայն հա-
ւատացելոց ցուցեր՝ յարքայութիւն
քո անվախճան: Քանզի վարք քո
ճանապարհ են մեզ, և սուրբ համ-
բերութեամբ մատչիմք առ քեզ՝ որ
պսակդ ես մեր: Եթէ չէր քո յա-
ռաջեալ և ուսուցեալ մեզ, ո՞ւմ
փոյթ էր զհետ զալ: Բարէ, քանիք
բացական և յետնեալ մնային, թէ
ոչ 'ի քո պանծալի օրինակս հայէին:
Ահա և 'ի լուր քոց այսչափ նշանաց
և վարդապետութեանց զեռ հեղ-
դամք. զինչ անցք ընդ մեզ անցա-
նէին, եթէ յայսպիսոյ լուսոյ զհետ
քո եկաւորութեան լինէաք վրէպ:

Գ Լ ՈՒ Խ Ժ Թ

Յադագս տաներոյ անիրաւոշքեանց , և
ցոյց ձշմարիտ համբերողի .

Ա . Չինչ է զոր խօսիսդ , որդեակ-
լուեա 'ի քրթմնջելոյ , յիմ և յայլոց
սրբոց չարչարանս հայեցեալ : Չև
ևս արեամբ չափ հակառակ կացեր .
թեթև ինչ է զոր դուդ կրես , առ
այնոքիւք՝ որք բազումս կրեցին ,
ուժգին փորձեցան , ծանունս նե-
ղեցան , և բազմօրինակ հանդիսա-
ցան 'ի փորձ : Ապա յուշ լիցին քեզ
այլոց ծանր ծանր չարակրութիւնք ,
զի թեթևագոյն տարցիս քոց փո-
քունց : Եւ թէ ոչ թուին քեզ փո-
քունք , զգոյշ լեր , զուցէ և այդ 'ի
քումմէ կարճատութենէ իցէ : Բայց
թէ մեծ իցեն և թէ փոքր , ջանա
ամենայնի ժուժկալութեամբ համ-
բերել :

Բ . Որչափ քաջ պատրաստիս 'ի
համբերութիւն , այնչափ իմաստու-

Թեամբ գործես, և առաւել վարձուց լինիս արժանի. և դիւրագոյն ես տանիս, եթէ քո սիրտ և գործք 'ի դոյն քաջութեամբ պատրաստեալ իցեն: Մի ասեր թէ չեմ կարող զայդ ամենայն յառնէ այդպիսոյ կրել, և իրք այդպիսի չեն ինձ տանելի, զի վնաս մեծ հասոյց ինձ, և մեզ 'ի վերայ իմ դնէ զոր չիք իմ խորհեալ բնաւ. այլում մտադիւր տարայց որպէս զհարզ տանելի թուիցի: Անմիտ է խորհուրդ այդպիսի, որ 'ի համբերութեանն առաքինութիւն ոչ հայի, և ոչ թէ յումմէ պսակի. այլ զանձինս կշռէ, և զնախատինսն՝ որ 'ի վերայ զան:

Գ. Չէ ճշմարիտ համբերող, որ համբերել ոչ կամի, բայց եթէ որչափ անձին բարեօք թուի, և յումմէ հաճոյ է նմա: Ճշմարիտ համբերողն ոչ հայի թէ վիշտն յումմէ զայ, արդեօք յիւրմէ առաջնորդէ, 'ի հաւասարակցէ, թէ 'ի ստորակայէ. արդեօք 'ի բարի՞ և 'ի սուրբ առնէ, թէ 'ի խեղաբարոյէ և յանարժանէ: Այլ անխտիր յամենայն

արարածոց որչափ և քանիցս անգամ վիշտ ինչ նմա պատահէ, զայն ամենայն 'ի ձեռանէ Աստուծոյ զուսթեամբ ընդունի, և մեծ շահ համարի. վասն զի ոչինչ, թէպէտ և փոքր իցէ՝ բայց վասն Աստուծոյ յանձն առեալ, մնայ առաջի Աստուծոյ անվարձ:

Դ. Ապա պատրաստ լեր 'ի պատերազմ', եթէ կամիս ունել զյաղթութիւն: Առանց մարտի ոչ կարես ժամանել պսակի համբերութեան: Եթէ կրել ինչ ոչ կամիս, 'ի պսակէ հրաժարես: Ապա թէ պսակիլ կամիս, մարտիր արիաբար, և համբեր երկայնատութեամբ: Առանց ձգանց ոչ լինի զիմել 'ի հանգիստ, և ոչ առանց պատերազմի ժամանէ որ յաղթութեան:

Ե. Հնարաւոր լիցի ինձ տէր՝ շնորհօք, որ ինչ անհնար թուի բնութեամբ: Դու զիտես զի տկար եմ 'ի համբերել, և վաղ լքանիմ 'ի յառնել դոյզն վշտաց: Եղիցի ինձ ամենայն վշտակրութիւն վասն անուանքս սիրելի և ըղձալի: Զի կրել և

չարչարիլ վասն քոյ՝ կենսաբեր են
հոգւոյ խնոյ :

Գ Լ Ո Ի Խ Ի

Յադագս խոստովանութեանս ակճիև
տկարութեան . և կենցադոյս քշուա-
ռութեանց .

Ա . խոստովան եղէց զինէն զա-
նիրաւութիւն իմ . խոստովան եղէց
քեզ , տէր , զտկարութիւն իմ : Բա-
զում անգամ խուն ինչ իրք են , որ
նկուն առնեն զիս և տխրեցուցա-
նեն : Առաջադրեմ արիանալ , այլ
'ի զալ զոյզն փորձութեան՝ անձկու-
թիւն մեծ ունի զիս : Ի չնչին իմն ի-
րաց երբեմն ծանր փորձութիւն զայ
'ի վերայ : Եւ 'ի կարծել զիս առ վայր
մի յապահովի , յանկարծ գտանիմ
'ի զոյզն փչմանէ որպէս թէ յաղ-
թեալ :

Բ . Եւ արդ տես , տէր , զխոնար-
հութիւն իմ և զտկարութիւն՝ որում
ամենայնիւ իրազէտդ ես : Ողոր-

մեա , և ապրեցո զիս 'ի կաւոյ , զի մի ընկղայց և մի մնացից անկեալ կործանեալ իսպառ : Այս է որ յուրովակի գանէ զիս , և առաջի քո յամօթ առնէ . զի զիւրասահ եմ , և տկար 'ի կալ հակառակ կրից : Թէպէտ և ոչ զլխովին բերիմ 'ի հաւանութիւն , բայց և վանել զնոսա տաղտկալի է ինձ և ծանր . և ձանձրանամ յոյժ հանապազ լինել ընդ նոսա 'ի կռուի : Եւ յայսմանէ իմանամ զիմ տկարութիւն , զի զլւրազոյն յիս յարձակին զարշ ցնորք քան թէ մեկնին :

Գ . Երանի՛ թէ Աստուածդ իսրայէլի հզօր , որ նախանձաւորդ ես հոգւոց հաւատացելոց , հայէիր 'ի ծառայի քո յաշխատութիւնս և 'ի ցաւս , և օգնէիր սմա յամենայնի՛ յոր վայր և երթայր : Զօրացո զիս երկնաւոր զօրութեամբդ , զի մի մարդն հին՝ տառապեալ մարմինն՝ ոչ լիով հնազանդեալ հոգւոյ , իշխեսցէ տիրել . ընդ որում հարկ լիցի մաքառել , ցորչափ է յիս շունչ 'ի թշուառ կենցաղումս : Բարէ ,

որպիսի ինչ են այս կեանք, ուր ոչ սրակասեն նեղութիւնք և տառապանք, ուր լի է ամենայն որոգայթիւք և թշնամեօք: Չի 'ի մեկնել միոյ նեղութեան կամ փորձութեան՝ միւս այլ 'ի վերայ գայ: Նա՛ 'ի մղել անդ առաջնոյ մարտի, այլք բազումք 'ի վերայ հասանեն յանկարծակի:

Ի. Եւ զիա՛րդ հնար իցէ սիրել զկեանս, որ այսպիսիս ունի դառնութիւնս, և այսչափ չարիք և թըշուառութիւնք են 'ի նմա: Չիա՛րդ կոչիցի և կեանք, որ այսպիսիս ծնանի մահունս և ժանտախտս. բայց սակայն սիրի, և բազումք խնդրեն 'ի գրգանս նորա վայելել: Յանզիմանի յոլովակի աշխարհ, թէ խաբերայ է և սնոտի. բայց ոչ զիւրաւ թողուն զնա, զի ցանկութիւնք մարմնոյ զօրացեալ են յոյժ: Է ինչ 'ի նմա, որ ձգէ 'ի սէր. և է ինչ, որ յարհամարհութիւն: Չգեն 'ի սէր աշխարհի ցանկութիւն մարմնոյ, ցանկութիւն աչաց, և ամբարտաւանութիւն աստի կենաց: Բայց

պատիժք և թշուառութիւնք, որք իրաւամբք զհետ դան այնց, ատելութիւն բերեն աշխարհի և տաղապարտութիւն:

Ե. Այլ ո՛վ աղէտիցս, յաղթէ թիւր հեշտութիւն՝ աշխարհասէր մտաց, և զլինելն ընդ փշովք՝ փափկութիւնս համարի. զի զԱստուծոյ քաղցրութիւն և զներքին առաքինութեանն զուարճութիւն ոչ ետես և ոչ ճաշակեաց: Բայց որք զաշխարհ կատարելապէս արհամարհեն, և ըստ սուրբ խրատու յԱստուած կեալ կամին, այնք զԱստուծոյ քաղցրութիւնն զխոստացեալն ճշմարիտ հրաժարողաց ոչ անզիտանան. և թէ քանի սխալէ աշխարհ և խաբի, յայտնի տեսանեն:

Գ Լ Ո Ի Խ Ի Ա.

Թե պարտ է հանգչել յԱստուած, քան
յամենայն քարոզրիչնս և 'ի պարզես .

Ա. Ի վեր քան զամենայն և յա-
մենայնի հանդիր անձն իմ 'ի տէր
հանապազ, զի նա է անվախճան
հանդիստ սրբոց : Տուր ինձ, քաղցր
և սիրելի փրկիչ իմ, 'ի քեզ հանգ-
չել քան յամենայն արարածս, քան
յամենայն փրկութիւն և զեղեցկու-
թիւն, քան յամենայն փառս և պա-
տիւ, քան յամենայն զօրութիւն և
իշխանութիւն, քան յամենայն զի-
տութիւն և նրբութիւն, քան յա-
մենայն մեծութիւն և ճարտարու-
թիւն, քան յամենայն ուրախու-
թիւն և ցնծութիւն, քան յամենայն
քաղցրութիւն և մխիթարութիւն,
քան յամենայն յոյս և խոստումն,
քան յամենայն արժանաւորութիւն
և ցանկութիւն, քան յամենայն
պարզես և տուրս՝ զոր կարող ես

տալ և հեղուլ, քան յամենայն խընդութիւն և հրճուանս՝ մտաց ըմբընելի և իմանալի, քան ՚ի հրեշտակս ՚ի հրեշտակապետս և յամենայն երկնային զօրութիւնս, քան յամենայն երկելիս և աներևոյթս, և քան յամենայն՝ որ չես դու Աստուած իմ:

Բ. Ձի դու, տէր Աստուած իմ, բարի ես քան զամենայն. դու միայն բարձրեալ, դու միայն ամենազօր, դու միայն ամենաբաւական և ամենալիր, դու միայն անուշակ և զբարթարար, դու միայն ամենազեղեցիկ և ամենասիրելի, դու միայն ազնուական և փառաւորեալ քան զամենայն, յոր ամենայն բարութիւնք միանգամայն լիով կան և միշտ եղեն և եղիցին: Վասն այսորիկ փոքր է և անբաւական, զոր ինչ բաց ՚ի քէն ինձ պարզեսս կամ զքէն յայտնես կամ խոստանաս, ցորչափ չէ իմ զքեզ տեսեալ և ոչ լիով ժառանգեալ: Ձի անհնար է սրտի իմոյ ճշմարտութեամբ հանգչել և գլխովին հաճ լինել, թէ ոչ հանգիցէ ՚ի քեզ, անցեալ զան-

ցեալ զամենայն սրարդևօք և զամենայն արարածովք :

Դ. Ո՛վ սիրելի փեսայդ իմ՝ Յիսուս Քրիստոս, զերամաքուր սիրող, որ տէրդ ես ամենայն արարածոց. ո՞ տայր ինձ թեա ճշմարիտ ազատութեան, թռչել և հանդչել 'ի քեզ: Ե՛րբ լիով տացի ինձ ճաշակել և տեսանել, զի քաղցր ես տէր Աստուած իմ: Ե՛րբ լիով սատրսպարեցայց 'ի քեզ, մինչև վասն սիրոյ քոյ չխորհել ինչ զիս, այլ զքեզ միայն 'ի վեր քան զամենայն միտս, օրինակաւ՝ որ չէ ամենեցուն յայտնի: Աս այժմ՝ ստէպ յոգւոց հանեմ, և թշուառութեան իմում ցաւագին տանիմ. զի բազում չարիք յայսմ հովտի տառապանաց պատահեն, որ զիս յուրվակի խռովեն, տրամեցուցանեն, և մուսյլ զինև արկանեն. բազում անգամ խափանեն և զբաղեցուցանեն, խտտորեցուցանեն և թակարդեն. զի մի ազատ մուտ ունիցիմ առ քեզ, վայելել 'ի քաղցր գրկախառնութիւնսն՝ յոր վայելեն միշտ երանե-

լեացն դաար: Գութ արկցէ 'ի քեզ
հեծութիւն իմ, և բազմադէմ ամա-
յութիւն իմ յերկրի:

Դ. Յիսուս ճառագայթ յաւիտե-
նական փառաց, սփոփութիւն պան-
դըխտեալս հոգւոյ. առ քեզ է բե-
րան իմ անբարբառ, և լուծիւն
իմ խօսի ընդ քեզ: Մինչև ցերբ
յամէ տէր իմ 'ի դալ: Եկեսցէ առ
իս յաղքատիկ իւր, և ուրախ ա-
րասցէ: Չգեսցէ զձեռն իւր, և փըր-
կեսցէ զտառապեալս յամենայն
նեղութենէ: Ե'կ եկ, զի առանց քոյ
չիք ինչ օր կամ ժամ ուրախու-
թեան: Վասն զի դու ես ուրախու-
թիւն իմ, և առանց քո թափուր է
սեղան իմ: Տառապեալ եմ ես, և
որպէս թէ 'ի բանտ արկեալ և յա-
նակապս պնդեալ, մինչև լուսով ե-
րեսաց քոց հանդուսցես զիս, և յա-
զատութիւն հանցես, և զսխրալի
դէմս քո ցուցցես:

Ե. Խնդրեսցեն այլք փոխանակ
քոյ, որ զինչ հաճոյ իցէ նոցա:
Ինձ ոչ է և ոչ եղիցի ինչ հաճոյ,
բայց միայն դու Աստուած իմ, յոյս

իմ և փրկութիւն յաւիտենական :
 Ոչ լուեցից , և ոչ դադարեցից աղա-
 չել , մինչև շնորհ քո դարձցի յիս ,
 և դու ինքնին խօսեսցիս ընդ իս :

Զ. Ահաւասիկ մերձ եմ , աւասիկ
 առ քեզ եմ , զի կոչեցեր զիս : Ար-
 տասուք քո և ցանկութիւն անձին
 քոյ , խոնարհութիւն քո և զղջումն
 սրտի խոնարհեցուցին զիս , և ածին
 առ քեզ :

Է. Եւ ասացի . Տէր կոչեցի ըզ-
 քեզ , և անձկացայ վայելել ՚ի քեզ .
 պատրաստ եմ դամենայն արհա-
 մարհել վասն քոյ : Ձի դու յառաջ
 դարթուցեր զիս ՚ի խնդրել զքեզ :
 Օրհնեալ ես տէր , որ արարեր այս-
 պիսի բարութիւն ընդ ծառայի քում
 ըստ բազում ողորմութեան քում :
 Ձինչ այլ ունիցի ասել ծառայ քո
 առ քեզ , բայց խոնարհել յոյժ ա-
 ռաջի քոյ , յիշելով յաւէտ զիւր ան-
 օրէնութիւն և զզձութիւն : Ձի չիք
 ինչ նման քեզ յամենայն սքանչե-
 լիս երկնի և երկրի . գործք քո բա-
 րի են յոյժ , և դատաստանք քո ճըշ-
 մարիտք , և տեսչութիւն քո դար-

մանէ զամենայն : Քեզ զովութիւն
 և փառք , որ իմաստութիւնդ ես հօր .
 դքեզ զովեսցէ և օրհնեսցէ բերան
 իմ , անձն իմ , և ամենայն արարածք
 միանգամայն :

Գ Լ ՈՒ Խ Ի Բ

Յաղագս յիշատակի բազմապատիկ
 բարերարութեանց Աստուծոյ .

Ա . Բայց տէր զսիրտ իմ յօրէնս
 քո , և ուստ ինձ զնալ 'ի պատուի-
 րանս քո : Տուր ինձ իմանալ զկամս
 քո , և բազում պատկառանօք և
 զգուշաւոր քննութեամբ յիշատա-
 կել զերախտիս քո զհանրականս և
 զառանձնականս . զի կարող եղէց
 յայսմհետէ արժանաւոր զոհութիւն
 քեզ մատուցանել : Գիտեմ և խոս-
 տովան լինիմ , զի և ոչ մասամբ իմն
 բաւական եմ արժանաւոր փառա-
 տրութիւն փոխատրել : Փոքր եմ
 ես քան զամենայն բարութիւն ինձ
 պարզեւալ . և 'ի քո ազնուութիւնդ

նայեցեալ , յերեսաց մեծութեան
քո նուազի հոգի իմ :

Բ . Չամենայն զոր ունիմք 'ի հո-
գի և 'ի մարմին , և զոր ինչ ներքոյ
կամ արտաքոյ բնաւորապէս կամ
գերբնապէս ստացեալ ունիմք , քո
են երախտիք , և գքեզ քարոզեն
բարերար զթած և բարի , յորմէ ըն-
կալաք զամենայն բարութիւն : Թէ-
պէտե ոմն շատ և ոմն սակաւ էառ ,
բայց ամենայնն քո է , և առանց
քո չիք ստանալ և ոչ խուն ինչ :
Որ շատ էառ , մի պարծեսցի յար-
ժանաւորութիւն իւր , մի փքասցի 'ի
վերայ այլոց , և մի մեծաբանեսցէ
'ի վերայ փոքունց : Քանզի նա է
երիցագոյն և լաւագոյն , որ անձին
ինչ ոչ գրէ . և 'ի շնորհակալիս խո-
նարհագոյն է և ջերմագոյն : Եւ որ
քան զամենեսին անարգ զանձն
վարկանի և անարժան համարի ,
նմա է յաջողեալ զմեծամեծս ընդ-
ունել :

Գ . Իսկ որ սակաւ էառ , մի ինչ
տրամեսցի , մի խոժոռեսցի , և մի
բարգաւաճելոյն չարակնեսցէ . այլ

ի քեզ նայեսցի , և դքո բարութիւնդ մեծապէս օրհնեսցէ , որ այնպէս լիաբաշխ ճրի և մտադիւր , առանց ինչ աչառութեան դքո պարզեաց առատաձեռնես : Ի քէն է ամենայն , վասն այսորիկ յամենայնի ես գովելի : Դու զիտես զինչ իւրաքանչիւրում պարզեել լաւ իցէ , և զիւրդ սա սակաւ և նա աւելի ունիցի : Ոչ մեզ , այլ քո է զայս ընտրել , առ որում սահմանեալ է իւրաքանչիւրոց արժանաւորութիւն :

Դ . Վասն այսորիկ և մեծ երախտիս համարիմ , տէր , զչունելն բազում . յորմէ արտաքոյ և ըստ մարդկան գովութիւն և պարծանք ՚ի վեր երեկն . մինչև յաճել ուրուք զմտաւզանձին իւրոյ աղքատութիւն և անարդութիւն , պարտ է նմա փոխանակ ծանրութեան և տրտմութեան և վհատութեան՝ յանձին զգալ մխիթարութիւն և զուարթութիւն յոյժ . զի դու տէր զաղքատս և զխոնարհըս և զարհամարհեալս յաշխարհէ՝ ընտրեցեր քեզ մտերիմս և ընտանիս : Վկայ են քո իսկ առաքեալք ,

զորս իշխանս կացուցեր 'ի վերայ
ամենայն երկրի . սակայն և այնպէս
անարատ քաղաքավարեցան յաշ-
խարհի: Չի խոնարհք եղեն և սար-
գամիտք, առանց ինչ չարութեան
և նենգութեան . մինչ զի և ընդ ա-
նարզիլ իւրեանց՝ խնդային վասն
անուան քո, և յորոց խորչի աշ-
խարհ, նոքա տարվամաք փարէին
դնորօք:

Ե. Ապա ոչինչ այնպէս ուրախ
արասցէ զսիրող քո և զերախտա-
գէտ, որպէս կամք քո 'ի նմա, և
հաճոյք կարգադրութեան քո յաւի-
տենից . ընդ որ այնպէս հաճ և հա-
ւան պարտ է նմա լինել, և մխիթա-
րեալ, մինչև մտադիւր ընտրել նմա
լինել փոքր, որպէս ըղձանայր որ
լինել մեծ . և այնպէս անխռով և
զոհ 'ի յետին տեղւոջ, որպէս յա-
ռաջին բարձին . և այնպէս մտա-
դիւր արհամարհ ընկեցիկ և անուա-
նարկ, որպէս պատուաւոր և մեծ-
արդի յաշխարհի: Չի կամք քո և
սէր պատուոյ քո պարտին անցա-
նել զանցանել քան զամենայն, և

առաւել մխիթարել զնա և հաճոյ լինել նմա, քան զամենայն երախտիս՝ որք տուան կամ տացին նմա :

ԳԼՈՒԽ ԻԳ.

Յադագս չորից, որք ՚ի ներքս ասեն խաղաղութիւն մեծ .

Ա. Արդ ուսուցից քեզ, որդեակ, զճանապարհ խաղաղութեան և ճշմարիտ ազատութեան :

Բ. Արա զոր ասեսդ, տէր. զի քաղցր է ինձ լսել զայդ :

Գ. Ջանա, որդեակ, զայլոց կամս կատարել քան զքոյդ : Ընտրեա յաւէտ սակաւս ունել քան բազումս : Խնդրեա միշտ զյետին տեղին, և ստոր լինել քան զամենեսին : Յանկա հանապազ և աղօթիւք հայցեա, զի կամք Աստուծոյ լիով ՚ի քեզ կատարեսցին : Այր այդպիսի մտանէ ՚ի սահման խաղաղութեան և հանդստեան :

Դ. Տէր, այս բան քո համառօտ

'ի ներքս փակէ զբազում կատարե-
 լութիւն: Սակաւ է ասիւք, այլ լի
 է իմաստիւք և առատ պտղովք:
 Զոր թէ պահէի սրտի մտօք, ոչ
 վազվազակի 'ի վեր երևէին յիս
 խոովութիւնք: Զի քանիցս անգամ
 ամբոխեալ տեսանեմ զանձն և ծան-
 րացեալ, յիմաստից աստի զիս հե-
 ոայեալ գտանեմ: Այլ դու որ ա-
 մենայնի ես կարող, յամենայնի
 զօգուտ հոգւոց սիրես, յաւել յիս
 զչնորհս. զի կարող եղէց զբան քո
 լնուլ, և զիմ փրկութիւն կատարել:

Աղօթք ընդդէմ խորհրդոց չարաց .

Ե. Տէր Աստուած իմ, մի հեռի
 լինիր յինէն. Աստուած յօգնել ինձ
 նայեաց. զի յարեան 'ի վերայ իմ
 պէսպէս խորհուրդք և մեծամեծ
 արհաւիրք, որք նեղեն զանձն իմ:
 Զիա՞րդ անցանիցեմ անվնաս, կամ
 զիա՞րդ լիցի ինձ ցրել զնոսա:

Զ. Ես, ասէ, երթայց առաջի
 քո. և զփառաւորս երկրի խոնար-
 հեցուցից: Բացից զղրունս բանտի,

և զխորս զաղանեաց յայտնի արարից քեզ :

Է . Արա , տէր , որպէս և խօսեցար . և հալածեսցին յերեսաց քոց ամենայն անօրէն խորհուրդք : Այս է յոյս և մի միայն մխիթարութիւն իմ . յամենայն նեղութիւնս առ քեզ զիմել , 'ի քեզ յուսալ , 'ի սրտէ կարգալ , և երկայնատութեամբ մխիթարութեան քում մնալ :

Աղօրք վասն յոշաւորութեան մտաց .

Ը . Պայծառացո զիս , բարերար Յիսուս , պայծառութեամբ ներքին լուսոյ . և փարատեա 'ի սենեկէ սրտիս զամենայն խաւար : Արգել զբազմօրինակ ցնդմունս . և 'ի բաց արա զբունն փորձութիւնս : Մարտիր քաջութեամբ փոխանակ իմ , և 'ի բաց վանեա զչար զազանս , զցանկութեանն ասեմ հրապոյրս . զի եղիցի խաղաղութիւն 'ի զօրութեան քում , և յաճախեսցէ օրհնութիւն քո 'ի զաւիթս սրբութեան 'ի մարութ խիղճ մտաց : Սաստեա

Հողմոց և մրրկաց . ասա ծովու՝ դա-
դարեաց , և հիւսիսոյ՝ թէ մի շնչեր .
և եղիցի խաղաղութիւն մեծ :

Թ . Առաքեալ զլոյս քո և զճշմար-
տութիւն քո , լուսատու լինել յեր-
կիր . զի երկիր եմ ունայն և թա-
փուր , մինչև լուսաւոր արասցես
զիս : Հնդ զառ՝ի վերուստ զչնորհդ .
ցօղեա՝ի սիրտ իմ զցօղդ երկնային .
անձրևեա ջուր եռանդեան՝ ոռոգա-
նել զերեսս երկրի , ՚ի պաղարբերել
զբարին և զլաւն : Ամբարձ զմիտս
իմ ճմլեալ ծանրութեամբ մեղաց ,
և զամենայն իղձս իմ յերկնայինսն
ձկտեցո . զի ճաշակեալ զքաղց-
րութիւն վերնոյն երջանկութեան ,
տաղտկասցի խորհել զերկրաւորս :

Ժ . Յափշտակեա զիս և զերծո
յամենայն անցաւոր մխիթարութե-
նէ արարածոց . զի ոչ ինչ արարած
զիտէ զբաղձանս իմ լիով հանգու-
ցանել և մխիթարել : Միացո զիս
ընդ քեզ անբակ կապանօք սիրոյ .
զի դու միայն շատ ես սիրողին , և
առանց քո սնտոի է ամենայն :

ԳԼՈՒԽ ԻԳ

Յադագս խորշերոյ յընդվայրաքնին
հետազօտութենէ վարուց այլոց .

Ա. Որդեակ , մի լինիր ընդվայրաքնին , և մի պատաղիր 'ի հոգս անուտիս : Չի կայ քոյ և այլոց , դու եկ զկնի իմ : Չի փոյթ է քեզ թէ այն ոք այսպիսի իցէ կամ այնպիսի , կամ այս ոք այսպէս և այնպէս գործիցէ կամ խօսիցի : Ոչ քոյ է տալ պատասխանի վասն այլոց , այլ վասն անձին տալոց ես համարս . ապա զիարդ յայլոց իրս խառնիս : Ահա ես զամենայն ճանաչեմ , և որ ինչ ընդ արեգակամբ լինի՝ տեսանեմ . և զիտեմ զինչ անցք են միոյ միոյ , զինչ խորհի , զինչ կամի , և յինչ վախճան բերի նորա զիտումն : Ապա յիս յանձն արա զամենայն , և դու պահեա զքեզ 'ի բարիոք խազաղութեան . և թող յուզողին յուզել որչափ և կամի : Եկեսցէ 'ի զը-

լուխ նորա, զինչ և արասցէ կամ
ասասցէ. քանզի խաբել զիս ոչ
կարէ:

Բ. Մի փոյթ լիցի բեզ զմեծա-
նունութեան շքոյ, մի զբազմաց ըն-
տանութենէ, և մի զառանձնական
սիրոյ մարդկան: Չի սոքա ցնդմու-
նքս բերեն, և մուայլ 'ի սիրտ ար-
կանեն: Մտադիր խօսէի ընդ բեզ
զիմ բանս, և յայտնէի զխորս, ե-
թէ իմում եկաւորութեան դէտ ակն
կալեալ սպասէիր, և զգուռն սրտիդ
ինձ բանայիր: Լեր յառաջատես,
և կանխես յաղօթս, և խոնարհեցո
զբեզ յամենայնի:

Գ Լ Ո Ի Խ Ի Ե

Թ. Է յինչ հաստատեալ իցե անխոռոյ
խաղաղոքիւն սրտի, և ձշմարխտ
յառաջադիւնոքիւն.

Ա. Որդեակ, խօսեցայ ես և ա-
սեմ. Չխաղաղութիւն թողում ձեզ,
զխաղաղութիւն զիմ տամ ձեզ. ոչ

որպէս աշխարհս տայ, տամ ես ձեզ: Ամենքին ցանկան խաղաղութեան. բայց թէ զինչ պիտի առ ճմարիտ խաղաղութիւն, ոչ ամենքին հոգան: Խաղաղութիւն իմ ընդ խոնարհս է և ընդ հեզս սրտիւ. քո խաղաղութիւն եղիցի՛ի բազում համբերութեան: Թէ ինձ լսես, և ձայնի իմում զհետ դաս, ՚ի բազում խաղաղութեան վայելեսցես:

Բ. Եւ զինչ գործեցից:

Գ. Յամենայնի միտ զիր անձին, թէ զինչ առնես, և զինչ ասես. և զամենայն դիտումն քո յայն ուղղես, զի ինձ միայն հաճոյ լիցիս, և արտաքոյ իմ ինչ ոչ խնդրեսցես և ցանկասցիս: Այլ և զայլոց բանս և զգործս մի յանդուզն դատեր. և որ ինչ ոչ է քեզ յանձն, յայն մի մխիթ. զի այսպէս սակաւ, կամ դուն ուրեմն լիցի քեզ խռովիլ: Բայց ոչինչ խռովութիւն երբէք զզալ և ոչ նեղութիւն ինչ կրել սրբաբի կամ մարմնոյ՝ ոչ այժմու ժամանակիս է, այլ վիճակ յաւիտենից հանգստեան: Ապա մի կարծեր թէ

գտեալ իցէ քո զճշմարիտ խաղաղութիւն, եթէ ոչինչ զգաս ծանրութիւն. և մի, թէ ամենայն իցէ բարի, յորժամ չկայ ինչ քո ոտիս. և մի կատարելութիւն զայն, եթէ ամենայն ինչ լինիցի ըստ ըղձից քոց: Եւ մի մեծ ինչ զրեր զանձն, կամ առանձինն իմն սիրելի, եթէ առաւելուցու քո եռանդն և քաղցրութիւն. զի ոչ սորօք ճանաչի ճըշմարիտ առաքինասէրն, և ոչ ՚ի սոսինն հաստատեալ է յառաջադիմութիւն և կատարելութիւն մարդոյ:

Դ. Իսկ յինչ տէր:

Ե. Յայն՝ զի մատուցես զքեզ յամենայն սրտէ քումմէ կամացն Աստուծոյ, ոչ խնդրելով զքոյն, ոչ ՚ի փոքունս և ոչ ՚ի մեծամեծս, ոչ առ ժամանակ մի և ոչ յաւիտեան. մինչև միօրինակ կալ մնալ քեզ ՚ի գոհութեան՝ եթէ ՚ի յաջողութիւնս և եթէ ՚ի վիշտս, ամենայնի հաւասարաթաթ կչուութեամբ: Եւ եթէ այնչափ արի և քաջայոյս լինիցիս, մինչ և բարձմամբ ներքին մխիթարութեան՝ առաւելագունից ևս համբե-

րելոյ զսիրտ քո պատրաստեսցես . և ոչ զանձն արդարացուցես՝ որպէս թէ չէր արժան քեզ զայդ ամենայն կրել , այլ զիս յամենայն կարգաւորութիւնս արդարացուցես և սուրբ արասցես . յայնժամ ընդ ճշմարիտ և ուղիղ ճանապարհ խաղաղութեան գնաս , և յոյս եղիցի քո աներկեան՝ թէ անդրէն խնդութեամբ զերեսս իմ տեսցես : Ապա եթէ ՚ի կատարեալ արհամարհութիւն անձին ժամանեսցես , զիտասջիր զի յայնժամ ՚ի բազում խաղաղութեան վայելեսցես , ըստ մարթելոյ սկանդիտութեան քոյ :

ԳԼՈՒԽ ԻԶ

Յաղագս փնտնոչքեանս ազատական մըտաց , որոշմ արժանեանսմք առաջել խոնարհական աղօթիչք՝ քան ոչ մամք .

Ա . Տէր , այս գործ է առն կատարելոյ , ոչ երբէք լքանել ՚ի խոկմանէ երկնայնոց , և ընդ բազում

Հոգս անցանել իբր անհոգ . ոչ որպէս թմրեալ որ , այլ վսեմութեամբ իմն ազատական մտաց , ոչ և 'ի մի ինչ յարարածոց անկարգ բերումն ունելով :

Բ . Աղաչեմ զքեզ , մարդասէր տէր , պահեա զիս 'ի Հոգոց կենցաղոյս , զի մի կարի իմն ընկլայց 'ի նոսա . 'ի բազմադէմ կարեաց մարմնոյ , զի մի 'ի հեշտութիւնս ըմբռնեցայց . և յամենայնէ՛ որ ոտնառու է Հոգւոյ , զի մի վաստակարեկ լբայց : Չասեմ յայնց իրաց , զորովք սրտի մտօք փարի աշխարհային ունայնութիւն . այլ յայնց թշուառութեանց , որք զոգի ծառայի քո հասարակաց մեռելութեան անիծադրութեամբ դառն ծանրացուցանեն . և չթողուն նմա մուտ ունել յազատութիւն Հոգւոյ , որչափ կամբ իցեն :

Գ . Աստուած իմ , անճառ քաղցրութիւն , դարձո ինձ 'ի դառնութիւն զամենայն մարմնական միսթարութիւն որ 'ի բաց դարձուցանէ զիս 'ի սիրոյ անանց բարեաց , և

յիկքն շարաշար յանկուցանէ հրապուրանօք կենցաղական հեշտութեանց: Մի յաղթեսցէ ինձ տէր, մարմին և արիւն. մի խաբեսցէ զիս աշխարհ, և սնոտի փառք նորա. մի պատրեսցէ զիս սատանայ, և խորամանկութիւն նորա: Տուր ինձ զօրութիւն ընդդէմ կալոյ, համբերութիւն տանելոյ, արիութիւն հանապազորդելոյ: Տուր փոխանակ ամենայն միսիթարութեանց աշխարհի՛ զհոգւոյ քոյ զանուշակ օծութիւն, և փոխանակ մարմնական սիրոյ՝ հեղ յիս զսէր անուան քո:

Դ. Ս. Հա կերակուր և ըմպելի, ձորձ և այլոց կարեաց մարմնոյ պէտք՝ բռն են ջերմեռանդն հոգւոյ: Ենորհեա այսպիսեօք չափով տածիլ, և մի անչափ ըղձմամբ յայնս պատաղիլ: Չամենայն յանձնէ մերժել չէ արժան, զի պարտ է զբնութեան պէտս մատակարարել. այլ աւելորդացն և հեշտալեաց՝ ի խնդիր լինել՝ արգելուն սուրբ օրէնք. զի մի մարմինն ընդդէմ հոգւոյն լրբեսցի: Յայսմ ամենայնի ձեռն քո ինձ ա-

ուաջնորդեսցէ և ուսուցէ, զի մի
ինչ լիցի աւելագանցութիւն:

Գ Լ Ո Ի Խ Ի Է

Թե առանձնական սերն ՚ի գերագոյն
բարոյ մեծապէս յետս ընկրկէ .

Ա. Արդեակ, պարտ է քեզ տալ
դամենայն փոխանակ ամենայնի,
մինչև չմնալոյ ինչ անձին: Գիտաս-
ջիր, զի սէր անձին առաւել վնասէ
քեզ քան աշխարհի իրք: Ըստ սի-
րոյ և ըստ ըղձման՝ զոր յանձին ու-
նիս, յաւէտ կամ նուազ յարին ՚ի
քեզ իրք: Եթէ սէր քո մաքուր է և
անխառն և կարգաւորեալ, ոչ ՚ի
գերութիւն գրաւիս նոցա: Մի ցան-
կար այնմ՝ զոր չէ արժան ստա-
նալ. և մի ստանար դայն ինչ՝ որ
խոչ է քեզ, և ՚ի ներքին ազատու-
թենէ վրէպ զքեզ կացուցանէ: Չար-
մանք են, զի ոչ յամենայն սրտէ
յիս յանձն լինիս, ամենայնիւ հան-
դերձ՝ որում ցանկալ կամ զոր ըս-
տանալ մարթիս:

Բ . Ձիարդ սնտաի տրամութեամբ հաշիս , զի՞ աւելորդ հոգովք տաժանիս . կա՛լ զհաճոյս իմ , և ոչ ինչ տուժեսցիս : Եթէ՛ զայս ինչ կամ զայն ինչ խնդրես , և աստ կամ անդ լինել կամիս վասն անձին դիրութեան և վասն քոց հաճոյից , ոչ երբէք եղիցիս ՚ի հանգստի , և ոչ զերժ ՚ի հոգոց . զի յամենայնի զըտցի ինչ յոռութիւն , և ամենայն ուրեք լիցի ինչ քեզ դիմադարձ :

Գ . Ապա լաւ է՞ ոչ զամենայն արտաքին՝ որ զինչ և իցէ՛ ստանալ կամ մթերել . այլ արհամարհել և խլել ՚ի սրտէ արմատաքի : Չոր մի իմանար միայն զզանձուց և զմեծութենէ , այլ և զպատուասիրութենէ և զցանկութենէ սնտաի գովութեան , որք համօրէն անցանեն ընդ աշխարհի : Ոչինչ օգնէ տեղին , եթէ՛ չկայ եռանդն հոգւոյ . և ոչինչ յերկար տեւէ խաղաղութիւնն խնդրեալ արտաքոյ , եթէ՛ խարխուլ է հիմն սրբտի . այս է , եթէ՛ ոչ յիս հաստատեալ իցես : Հնար է թէ՛ փոխեսցիս , այլ ոչ ՚ի լաւ անդր : Ձի՛ ՚ի դի-

պել վտանգի , գտցես՝ յորմէ խոր-
շեցար , և աւելի ևս :

Աղօրք յաղագս մարտոշեան սրտի և
երկնային իմաստոշեան .

Դ . Հաստատեա զիս , տէր , շնոր-
հօք սուրբ հոգւոյդ : Տուր զօրու-
թիւն , զօրանալ ինձ ըստ ներքին
մարդոյն . և զսիրտ իմ՝ յամենայն
անպիտան հոգոց և անձկութեանց
դատարկեա , չձգիլ ինձ ՚ի պէսպէս
ցանկութիւնս ամենայնի՝ որ անարգ
իցէ և որ պատուական . այլ յամե-
նայն հայել՝ որպէս յանցաւոր ինչ ,
և յիս իսկ ընդ նոսին անցաւորա-
կից : Զի չիք ինչ մշտամնայ ընդ ա-
րեգակամբ , ուր ամենայն ինչ ու-
նայնութիւն է և տառապանք հոգ-
ւոյ : Ո՛վ որպէս իմաստուն է , որ
զայս խորհի :

Ե . Տուր ինձ , տէր , զիմաստու-
թիւն երկնային , զի ուսայց քան
զամենայն զքեզ խնդրել և գտանել ,
քան զամենայն զքեզ խորհել և սի-
րել , և զայլն ամենայն՝ ըստ կարգի

իմաստութեան քո իմանալ որպէս
և ենն : Տճւր հանճարով խոտորել
'ի մարդելուդաց, և համբերութեամբ
տանել հակառակորդաց . զի մեծ
իմաստութիւն է՝ չտատանել յամե-
նայն հողմոյ բանից, և ոչ ունկն
մատուցանել հրապուրանաց յուշ-
կապարկի : Ընդ ճանապարհ, զոր
այսպէս սկսանիմք, աներկևան զը-
նամք :

Գ Լ ՈՒ Խ Ի Ը

Ընդդէմ շեղուաց բաւքատդաց .

Ա . Որդեակ, մի խոժոռիւր եթէ
ոմանք բրթմնջեն զքէն, և խօսին
ինչ դժուարահաճ : Դու յոռեզոյն
ևս զանճն համարեա, և մի զոր կար-
ծեր քան զքեզ տկար : Եթէ ըստ
ներքնոյն գնաս, ոչ մեծ ինչ գրես
զբանս՝ որք ցնդին ընդ օդս : Ոչ
փոքր իմաստութիւն է՝ լուել 'ի չար
ժամանակի, 'ի սրտէ առ իս դառ-
նալ, և ոչ ընդ մարդկան դատաս-
տան խոռովի :

Բ. Մի լիցի խաղաղութիւն քո
 'ի բերան մարդկան, զի եթէ 'ի բա-
 րին մեկնեն և եթէ 'ի չարն, ոչ
 վասն այդր լինիս այլ մարդ: Ո՛ր
 իցէ ճշմարիտ խաղաղութիւն և ճշ-
 մարիտ պարծանք, ո՛չ ապաքէն
 յիս: Որ ոչ անձկայ մարդկան հա-
 ճոյ լինել, և ոչ երկնչի յաչաց ելա-
 նել, վայելէ 'ի բաղում խաղաղու-
 թեան: Յանկարգ սիրոյ և 'ի սնտօի
 երկիւղէ յառաջ զայ ամենայն աղ-
 մուկ սրտի և ցնդումն մտաց:

Գ Լ Ո Ի Խ Ի Թ

Թե որպէս 'ի նեղութեան սրտու ե կար-
 դալ առ Աստուած, և օրհնել զնա:

Ա. Եղիցի անուն քո տէր օրհ-
 նեալ յաւիտեան, զի թողացուցեր
 այսմ փորձութեան և նեղութեան
 դալ 'ի վերայ իմ: Չեմ բաւական
 զերծանել 'ի նմանէ, այլ հարկ է
 ինձ առ քեզ ապաւինիլ, զի լիցիս
 իմ օգնական, և չրջեսցես ինձ յօ-

դուա: Ահա 'ի վիշտս եմ տէր, և չիք զիւր սրտի իմոյ. այլ նեղեալ եմ յոյժ 'ի կրից աստի: Եւ արդ, Հայր սիրելի, զի՛նչ ասացից. ըմբռնեցայ յանձկութիւնս, ապրեցո զիս 'ի ժամէ աստի յայսմանէ: Այլ վասն այնորիկ եկի ես 'ի ժամս յայս, զի դու փառաւորեսցիս 'ի խոնարհիլ իմում յոյժ, և յելանել իմում քե յազատութիւն: Կամեաց տէր փրկել զիս, զի ես աղքատ յի՛նչ ձեռնհաս եմ, և յով երթայցեմ առանց քոյ: Տուր, տէր, համբերութիւն և յայսմ նուազի. օգնեա ինձ Աստուած իմ, և ես ոչ երկեայց, որչափ և ծանրացայց:

Բ. Եւ արդ զի՛նչ ասացից յայսմ ամենայնի. Տէր, եղիցին կամքքո: Արժանի էի նեղութեան և չարակրութեան. այո՛ սպարտ է ինձ ժուժկալել, և երանի թէ համբերութեամբ, մինչև անցցէ սրբիկս և աջողեսցի: Այլ կարող է ամենազօր ձեռն քո և զայս ևս փորձութիւն բառնալ յինէն, և զբռնութիւն նորա ցածուցանել, զի մի իսպառ վը-

տանկեցայց . որպէս և յառաջն բա-
զում անգամ արարեր ընդ իս ողոր-
մութիւն , Աստուած իմ : Ինձ դը-
ժուարին , այլ քեզ զիւրին է այս
նորոգումն աջոյ բարձրելոյդ :

Գ Լ Ո Ի Խ Լ

Յաղագս խնդրելոյ զօգնականութիւն
Աստուծոյ , և յաղագս յռտոյ վերջս-
տիև ընդունելոյքեան շնորհաց .

Ա . Որդեակ , ես եմ տէր՝ որ զօ-
րացուցանեմ յաւուր նեղութեան :
Ե՛կ առ իս , յորժամ ոչ յաջողէ
քեզ : Այս է , որ մեծապէս խափա-
նէ զմխիթարութիւն զերկնային . զի
յամբ բերիս յաղօթս : Քանզի մինչ-
չև է քո մատուցեալ առ իս յաղերս ,
բազումս խնդրես սփոփանս , և ըզ-
բօսեցուցանես զքեզ յարտաքինս :
Վասն այսորիկ ոչինչ օգտէ քեզ
այն ամենայն , մինչև ՚ի միտ առ-
ցես՝ թէ ես եմ , որ փրկեմ զյուսա-
ցեալս յիս . և արտաքոյ իմ չիք օգ-

նութիւնն զօրաւոր, և ոչ խորհուրդ
պիտանի, և ոչ դեղ հաստատուն:
Այլ արդ ոգի առեալ յետ մրրկի,
զօրացիր 'ի լոյս գթութեանց իմոց.
զի մերձ եմ ես, ասէ տէր, 'ի նո-
րոգել զամենայն, ոչ անթերի միայն,
այլ և լիուլի առաւելութեամբ:

Բ. Եթէ կայցէ՞ ինչ ինձ դժուա-
րին, կամ թէ յայնց իցեմ, որ ա-
սեն և ոչ առնեն: Ո՛ր են հաւատք
քո: Կաց մնա դու հաստատուն
համբերութեամբ: Լեր երկայնա-
միտ և այր զօրութեան. եկեսցէ
հասցէ քեզ մխիթարութիւն յի-
րում ժամանակի: Սպասեա և զար-
ձեալ սպասեա, ես եկից և բժշկե-
ցից զքեզ: Փորձութիւն է, որ չար-
չարէ զքեզ. և ահ սնտոի, որ զար-
հուրեցուցանէ զքեզ: Զինչ օգտեն
քեզ հոգք զապագայից՝ թէ գուցէ
պատահեսցին, բայց զի ունիցիս
տրտմութիւն 'ի տրտմութեան վե-
րայ: Շատ է աւուրն չար իւր. սնո-
տի է և անօգուտ խոռովել կամ խըն-
դալ 'ի վերայ ապագայից, որք գու-
ցէ ոչ երբէք լինիցին:

Գ. Մարդկային իմն է՝ այսպիսի ցնորիւք խաբիլ, և փոքրոգութեան է նշան՝ այդպէս հեշտեալ համոզիլ ՚ի հրապոյրս թշնամւոյն : Քանզի չէ ինչ նմա փոյթ, թէ ստութեամբ կամ ճշմարտութեամբ դքեղ խաբեսցէ. և ոչ, թէ արդեացս սիրով կամ ապագայից ահարկութեամբ՝ յերկիր դքեղ կործանեսցէ : Ապա մի խռովեսցի սիրա քո, և մի զանգիտեսցէ : Հաւատա յիս, և յողորմութիւն իմ յուսա : Ի կարծել քո դքեղ յինէն հեռի, բազում անգամ ես մերձ կամ : Եւ յորժամ համարիս թէ զամենայն կորուսեալ է քո, յայնժամ յոլովակի մեծի հատուցման շահ ՚ի վերայ կայ : Չէ կորուսեալ ամենայնն, յորժամ իրք ոչ ՚ի դէպ յաջողեն : Մի դատեր ըստ այժմու կարծեացդ, և մի զծանրութիւն ինչ՝ ուստի և գայցէ՝ ըստանձներ, որպէս թէ ոչինչ յոյս կայցէ թօթափելոյ :

Դ. Մի համարիր դքեղ իսպառ թողեալ, թէպէտ և առ վայր մի արկանիցեմ դքե նեղութիւն, կամ

՚ի բաց առնուցում՝ զքո ըղձալի մը-
խիթարութիւն . զի ընդ այս է մուտ
յարբայութիւնն երկնից : Եւ այս
անտարակոյս առաւել օգուտ է քեզ
և այլոց իմոց ծառայից , մարդել
ձեզ ՚ի վիշտս քան զամենայն ունել
ըստ հաճոյս : Գիտեմ ես զգաղտնի
խորհուրդս , թէ յոյժ օգուտ է վասն
փրկութեանդ մնալ քեզ վայր մի ա-
ռանց քաղցրութեան . մի գուցէ
փքասցիս ընդ քաջադէպ ելս , և
յաչս անձին բարւոք թուիցիս յայն
ինչ՝ որ ոչ ես : Զոր ետու՝ զիտեմ
բառնալ , և անդրէն շնորհել՝ յոր-
ժամ հաճոյ թուիցի ինձ :

Ե . Եթէ տամ , իմ է . և եթէ ՚ի
բաց առնում , ոչ զքոյդ առնում :
Զի իմ են ամենայն տուրք բարիք ,
և ամենայն սլարդեք կատարեալք :
Թէ ծանրութիւն զքե արկանեմ ,
կամ զինչ և իցէ ձախող սլատա-
հար , մի խոժոռեսցիս և մի լքցի
սիրտ քո : Գիտեմ ես վաղվաղակի
թեթևացուցանել , և զամենայն բեռն
՚ի խնդութիւն փոխարկել : Սակայն
և այնպէս արդար եմ և յոյժ գովե-

լի, զի զայդ այդպէս առնեմ ընդ քեզ:

Զ. թէ ուղիղ խորհիս և՛ի ճշմարտութիւն հայիս, ոչ երբէք պարտ է քեզ ընդ վիշտս սրտաթափ տըխրիլ. այլ առաւել խնդալ և զոհանալ. նա՛ զայն իսկ խնդութիւն համարել, զի՛ի նեղել իմում զքեզ ցաւովք՝ ոչ խնայեմ ՚ի քեզ: Արպէս սիրեաց զիս Հայր, և ես սիրեմ ըզձեզ, ասացի սիրելեաց իմոց աշակերտաց. զորս ոչ առաքեցի յանցաւոր խնդութիւնս, այլ ՚ի մեծամեծ պատերազմունս. ոչ ՚ի պատիւ, այլ յարհամարհանս. ոչ ՚ի դատարկութիւն, այլ յաշխատութիւն. ոչ ՚ի հանգիստ, այլ ՚ի բերել պտուղ յոյժ համբերութեամբ: Յուշ լիցին քեզ, որդեակ իմ, այս բանք:

Գ Լ ՈՒ Խ Լ Ա .

Յադագս զանց սառնելոյ զամենայն ա-
րարածովք, առ գտանելոյ զարա-
րիչն .

Ա . Տէր , առաւելագոյն շնորհի
պէտք են ինձ , առ ցայն վայր հա-
սանելոյ , որ ոչինչ յարարածոց վի-
ցի ինձ խափան : Ձի ցորչաւի յի-
րաց ինչ արգելեալ կամ , չիք ինձ
համարձակ առ քեզ վերանալ : Անձ-
կայր համարձակ 'ի քեզ սլանալ , որ
ասացն . Ո՛ տայր ինձ թեա որպէս
դադանոյ , զի թռչէի վերանայի և
հեռացեալ դադարէի : Ձինչ հա-
մարձակահայեաց քան զակն ա-
ռատ , և զինչ համարձակագոյն
քան զայն՝ որ ոչինչ իմիք ցանկայ
յերկրի : Ապա պարտ է անցանել
զանցանել զամենայն արարածովք ,
և զանձն իսկ զլիտովին լքեալ թո-
ղոյ , և 'ի հիացման լեալ՝ տեսանել
թէ արարչիդ ամենայնի ընդ արա-

րածս չիք ինչ նմանութիւն: Եւ եթէ չէ որ զերծ յամենայն արարածոց, ոչ զօրէ համարձակ նայել յաստուածայինս: Վասն այսորիկ սակաւք գտանին աստուածախոհք, զի սակաւք զիտենն ՚ի կորստականաց և յեղականաց լիով զանձինս ճողոպրել:

Բ. Առ այս պիտին շնորհք մեծ, առ վերացուցանելոյ զողի, և քան զինքն ՚ի վեր յափշտակելոյ: Եւ թէ չէ որ հոգով վերառեալ, և յամենայն արարածոց զերծ, և ընդ Աստուծոյ բոլորովին միաւորեալ, որ զինչ զիտէ, որ զինչ և ունի, չէ ինչ մեծարգի: Փոքր մնայ և ստորաքարչ, որ բաց ՚ի միոյ միայնոյ անչափ և յախտենական բարւոյ՝ համարի ինչ մեծ: Ար ինչ ոչ է Աստուած, ոչինչ է և յոչինչ համարելի: Բազում ինչ ընդ մէջ է իմաստութեան առն լուսաւորելոյ և առաքինւոյ, և զիտութեան ուսումնասէր կղերիկոսի՝ զրոց աշակերտելոյ: Ընտրելագոյն է ուսումն որ ՚ի վերուստ յաստուածային հոսմա-

նէ գայ , քան որ մարդկային երկա-
սիրութեամբ ստացանի :

Գ . Բազումք գտանին փափա-
քողք վերնական խոկման . բայց
զորս պիտին առ այն՝ ոչ ջանան 'ի
զորձ արկանել : Մեծ խոչ այն է ,
զի 'ի նշանս և 'ի զգալիս զկայ առ-
նումք , և զկատարեալ մեռելութենէ
չլք մեր փոյթ : Ոչ զխտեմ զինչ իրք
են , յորմէ հոգւոյ առաջնորդիմք , և
յինչ ձկտիմք մեք՝ որք հոգևոր ա-
նուանեալս եմք . զի այնչափ աչ-
խատութիւն և առաւելագոյն փոյթ
յանձին ունիմք վասն անցաւոր և
չնչին իրաց , իսկ 'ի խոկալ զներքինս
մեր՝ սակաւ երբէք լիով զմիտս ամ-
փոփեմք :

Գ . Բարէ , յետ սակաւ մի զմիտս
ամփոփելոյ՝ անդէն վաղվաղակի 'ի
զուրս յարձակիմք , և զգործս մեր
ոչ անաչառ քննութեամբ կշռեմք :
Թէ յորվայր ձգին մեր ախորժակք ,
միտ ոչ գնեմք . և թէ որպէս ան-
սուրբ է ամենայն ինչ մեր , զայն
ոչ ողբամք : Զի ամենայն մարմին
ապականեալ էր զճանապարհ իւր ,

վասն այնորիկ զհետ դայր ջրհեղեղն ահագին: Եւ քանզի ախորժակ մեր ներքին յոյժ է ապականեալ, հարկ է և զհետ եկեալ գործոյն՝ որ գուշակն է ներքին լուծութեան՝ ապականիլ: Ի մաքուր սրտէ յառաջ դայ պտուղ կենաց բարեաց:

Ե. Թէ որչափ ինչ արար որ, այդմ՝ ՚ի խնդիր լինին. այլ թէ քանի առաքինօրէն, ոչ ժրաջան խորհին: Թէ է հզօր, մեծատուն, զեղեցիկ, աջողաձեռն, կամ քաջ մատենադիր, քաջ երգեցիկ, քաջ վաստակաւոր, դայն զննեն. թէ քանի աղքատ է հոգւով, քանի համբերող և հեզ, քանի փոյթեաւոր և ներանձնաւոր, դայն բազումք լուեն: Բնութիւնն յարտաքինս հայի մարդոյ, այլ շնորհն ՚ի ներքինս ակնարկէ: Նա ստէպ խաբի. սա յԱստուած յուսայ, զի մի պատրեսցի:

ԳԼՈՒԽ ԼԲ

Յադագս ուրանայոյ զանձն, և հրա-
ժարելոյ յամենայն ցանկոտրեակ.

Ա. Որդեակ, ոչ կարես ստանալ
զկատարեալ ազատութիւն, թէ ոչ
բոլորովին ուրանաս զանձն: Ու-
նակապեալ են ամենայն իւրեանցա-
սէրք և անձնասէրք, ցանկացողք,
ընդվայրաքննինք և դատարկաչըր-
ջիկք. որք խնդրեն յամենայնի ըզ-
հեշտալիս, և ոչ զՔրիստոսին.
բայց զայս առնեն յոլովակի կեղ-
ծեօք և սլատճառանօք, որոց չիք
տեղի: Չի կորիցէ ամենայն, որ ոչ
գայ յԱստուծոյ: Կալ յանձին ըզ-
բանն համառօտ և հակիրճ. թո՛ղ
զամենայն, և գտցես զամենայն.
թո՛ղ զցանկութիւն, և գտցես զհան-
զիստ: Այսմ ստէալ լեր մտախորհ.
և իբրև կատարեսցես, 'ի միտ առ-
ցես զամենայն:

Բ. Տէր, ոչ է գործս միոյ աւուր
կամ տղայական խաղալիկ. զի յայս

բան համառօտ փակի ամենայն կատարելութիւն կրօնաւորաց :

Գ. Որդեակ , ոչ է սլարտ քեզ 'ի բաց դառնալ , և ոչ անդէն վաղվադակի լքանիլ 'ի լսել զճանապարհ կատարելոց . այլ առաւել ևս 'ի բարձրագոյնս բերիլ , և դէթ փափաքմամբ այնց անձկալ : Երանիթէ այնպիսի լինէիր , և ցայն վայր ժամանէիր , մինչև չլինել քեզ անձնասէր , այլ հրամանի իմում մնալ և հրամանի հօր իմոյ , զոր քեզն առաջի արարի . յայնժամ ինձ հաճոյ լինէիր յոյժ , և զամենայն կեանս քո խնդութեամբ և խաղաղութեամբ կատարէիր : Գեռ 'ի բազում ինչ իրաց ունիս հրաժարել , զորս թէ ոչ բոլորովին յիս յանձն առնես , ոչ ստասցիս զոր խնդրես : Խրատ տամ քեզ զնել յինէն ոսկի ընտիր , զի ճոխասցիս . զիմաստութիւն աւսեմ զերկնային , որ զստորայինս ամենայն առ ոտն հարկանէ : Արհամարհեա զիմաստութիւն երկրաւոր , և զամենայն զմարդկային և զանձնական հաճոյս :

Գ . Ասացի զնեւ . քեզ զանարգս՝ փոխանակ սլատուականացն և բարձրականաց ՚ի մարդկային իրս . քան զի յոյժ անարգ և զուզնաքեայ և գրեթէ մուացեալ իմն երևի ճշմարիտ իմաստութիւնն երկնային , որ ոչ մեծամեծս խորհի զանձնէ , և ոչ մեծանալ խնդրէ յերկրի . զոր բազումք . քարողել քարողեն բերանով , բայց վարուք օտար են յոյժ : Եւ սակայն սլատուական մարգարիտ է նա՝ ծածկեալ ՚ի բազմաց :

Գ Լ ՈՒ Խ Լ Գ .

Յադագս անհատատոշքեան սրտի , և յադագս փախձանակսն դիտման գոր սյարտ է ունել առ Աստուած .

Ա . Որդեակ , մի հաւատար քում ախորժակի . որ առ այժմ է , և վաղ վաղակի փոխի յայլ : Յորչափ կենդանի ես , ընդ փոփոխութեամբ ես , ևս և ակամայ . մինչև գտանիլ քեզ երբեմն ուրախ , և երբեմն տրտում .

երբեմն հանդարտեալ, և երբեմն խռովեալ. երբեմն փոյթեռանդն, և երբեմն զաղջ. երբեմն ժրաջան, և երբեմն անջան. երբեմն ծանր, և երբեմն թեթև: Այլ յաղթէ փոփոխականացս իմաստունն և հոգէխրատն, ոչինչ հայեցեալ թէ զինչ յանձին զգայ, կամ ուստի շնչէ փոփոխականութեանն հողմ. այլ յայն, զի ամենայն դիտումն մըտաց իւրոց բերիցի ՚ի սպառշածաւոր նպատակն՝ որում անձկայ: Չի այսպէս հնար է նմա կալ մնալ անսասան, յստակահայեաց դիտմանն աչօք յայնչափ բազմադիմի անցս՝ անթարթ յիս յառեալ:

Բ. Արդ որչափ յստակագոյն են դիտմանն աչք, այնչափ անդրդուելի լինին գնացք ընդ պէսպէս ծփանըս: Այլ ՚ի բազումս մթազնին յըստակ դիտմանն աչք, զի անդէն վաղվաղակի ուղղին ՚ի հեշտալի ինչ, որ ելանէ ընդ առաջ. որովհետև գժուարին է թէ գտցի որ բոլորովին զերծ յարատոյ իւրոյին շահասիրութեան: Արպէս հրէայք եկին

երբեմն 'ի Բեթանիա առ Մարթա և Մարիամ . ոչ միայն վասն Յիսուսի , այլ զի և զՂազար տեսցեն : Ապա սրբել պարտ է զդիւմանն աչս , զի յստակատես իցէ և ուղիղ . այլ և առ իս ուղերձել , զանց զայլովք արարեալ միջնորդօք :

ԳԼՈՒԽ ԼԴ

Յադագս բէ սիրողին քաղցր է Ստտուած 'ի վեր քան զամենայն և յամենայնի .

Ա . Ահա Ստտուած իմ , և ամենայն ինչ : Չինչ այլ կամիմ , և որո՞ւմ իմիք լաւագունի ըղձանալ մարթիմ : Ո՛վ անուշակ և քաղցր բան , բայց սիրողին զբանն՝ և ոչ զաշխարհ , և զորս յաշխարհի են : Ստտուած իմ , և ամենայն ինչ : Ի միտ առողին շատ է ասացեալս , և սիրողին քաղցր է ստէպ կըրկնել զայն : Ապաքէն ուր դու կաս , քաղցր է ամենայն , բայց թէ 'ի բացէ

ես, դառն է ամենայն: Գու տաս
 սրտի հանդարտութիւն, մեծ խա-
 դաղութիւն, և ցնծալից ուրախու-
 թիւն: Գու տաս ուղիղ խորհել զա-
 մենայն, և օրհնել զքեզ յամենայ-
 նի. և առանց քո ոչ ինչ հաճոյ թուի
 ընդ երկար. այլ առ հաճոյ լինել
 և քաղցրանալ՝ պարտ է նմա զչնորհ
 քո առնթեր ունել, և համեմիք
 իմաստութեան քո համեմիլ:

Բ. Որում քաղցր ես դու, զինչ
 ոչ քաղցրանայ նմա. և որում չես
 դու քաղցր, զինչ քաղցրասցի նը-
 մա: Բայց վրէպ են իմաստութե-
 նէ քումմէ իմաստունք աշխարհի,
 և որոց քաղցր է մարմին: Չի անդ
 է բազում ունայնութիւն, և աստ
 մահ: Բայց որք արհամարհութեամբ
 աշխարհայնոց և մեռելութեամբ
 մարմնոյ զհետ երթան քոյ, ճշմար-
 տապէս իմաստուն ճանաչին. զի՛ ՚ի
 նանրութենէ ՚ի ճշմարտութիւն, և
 ՚ի մարմնոյ ՚ի հոգի փոխադրին:
 Այսպիսեաց քաղցր է Աստուած.
 և որ ինչ բարութիւն գտանի յարա-
 րածս, զամենայնն ՚ի զովեստ մա-

տուցանեն իւրեանց արարչի : Այլ
աննման և յոյժ աննման է քաղ-
ցրութիւն արարչին և արարածոց ,
յաւիտենից և ժամանակի , լուսոյն
անստեղծի և լուսոյն լուսաւորելոյ :

Գ . Ա՛վ լոյս մշտնջենաւոր , որ 'ի
վերգ ես քան զամենայն լոյս եղա-
կան , փայլեա զփայլատակունս 'ի
բարձանց՝ մտանել 'ի շտեմարանս
սրաի իմոյ : Մաքրեա , ուրախացո ,
պայծառացո , և կենագործեա զհո-
ղի իմ և զգորութիւնս սորա , յա-
րիլ 'ի քեզ հրճուողական հիաց-
մամբ : Ե՛րբ եկեսցէ այն երանա-
ւէտ ժամ ցանկալի , զի տեսլեամբ
քո զիս յազնցուսցես և լիցիս ինձ
ամենայն յամենայնի : Մինչչև է
տուեալ այս , ոչ լինի լիովի խըն-
դութիւն : Բա՛րէ , գեռ կենդանի է
յիս հին մարդն . չև է բոլորովին
խաչելեալ , և ոչ կատարելապէս
մեռեալ : Գեռ բուռն ցանկայ հա-
կառակ հոգւոյ , պատերազմունս
յարուցանէ ներքինս , և չթողու
թագաւորութեան հոգւոյ կալ յան-
դորրու :

Դ. Այլ դու որ տիրես զօրութեան
 ծովու, և զձայն ալեաց նորա ցա-
 ծուցանես, արի, օգնեա՛ ինձ: Յը-
 րուեա զհեթանոսս, որք կամին ընդ
 պատերազմ. խորտակեա զնոսս
 զօրութեամբ քով: Յո՛յց զմեծա-
 մեծս քո, և փառաւորեսցի աջ քո:
 Զի չիք իմ այլ յոյս և ապաւէն,
 բաց ՚ի քէն տէր Աստուած իմ:

Գ Լ Ո Ի Խ Լ Ե

Թե՛ յիք ապահովոչքիւն ՚ի փորձոչքեկե
 յաստի կեանս .

Ա. Որդեակ, չես երբէք ապահով
 յաստի կեանս. այլ ցորչափ կեն-
 դանի ես, հանապազ հեղեորական
 զէնք պիտին քեզ: Ի մէջ թշնա-
 մեաց կաս, և յաջմէ և յահեկէ պա-
 տերազմ մղի. արդ թէ ոչ պատրս-
 պարես զանձն վահանաւ համբե-
 րութեան, ոչ ընդերկար կացցես
 անխոց: Եւ թէ ոչ հաստատես ըզ-
 սիրտ քո յիս, յանձն առեալ համ-

բերել ամենայնի վասն իմ, ոչ կարացես տուլալ այսմ տազնապի, և ոչ երանելեացն յաղթութեան լիցիս ժամանող: Ապա պարտ է քեզ քաջութեամբ անցանել ընդ ամենայն, և հզօր ձեռամբ ՚ի դիմի հարկանիլ ախոյանին: Ձի յաղթողին տուեալ լինի մանանայ, իսկ թմրելոյն մնայ բազում թշուառութիւն:

Բ. Եթէ խնդրես յաստի կեանս հանդիստ, զիա՞րդ յայնժամ ՚ի յաւիտենականն ժամանեսցես: Մի պատրաստեր զանձն բազում հանգրստեան, այլ մեծի համբերութեան: Խնդրեա զճշմարիտ խաղաղութիւն, մի յերկրի, այլ յերկինս. մի ՚ի մարդիկ և մի յայլ արարածս, այլ յԱստուած միայն: Վասն Աստուծոյ սիրոյն մտադիր յանձն առ զամենայն, զաշխատութիւնս, ըզցաւս, զփորձութիւնս, զչարչարանս, զանձկութիւնս, զվիշտս, զհիւանդութիւնս, զզրկանս, զչարախօսութիւնս, զկշտամբանս, ըզկորանս, զամօթ, զյանդիմանութիւնս, և զարհամարհանս: Այս

ամենայն օգնէ առաքինութեան ,
այս ամենայն ընտիր ընծայեցուցա-
նէ զհամբակ Քրիստոսի , այս ա-
մենայն յօրինէ զպսակ երկնային :
Ես հատուցից զվարձս անվախձան
ընդ սուղ վաստակոց , և զփառս
անհանց ընդ անցաւոր ամօթոյ :

Գ . Կարծիցեն յամենայն ժամ
ունել քեզ ըստ կամս քո զմխիթա-
րութիւնս հոգևորս : Սուրբք իմ ոչ
յամենայն ժամ ունէին այդպիսիս .
այլ բազում ծանրութիւնս , և պէս-
պէս փորձութիւնս , և մեծամեծ
լքմունս : Բայց երկայնատութեամբ
տարան ամենայնի , և առաւել յիս
յուսացան քան յանձինս . զի զի-
տէին թէ չեն արժանի չարչարանք
ժամանակիս հանդերձելոցն փա-
ռաց : Եւ դու առ օրին կամիս ու-
նել , զոր բազումք յետ բազում ար-
տասուաց և մեծամեծ ճգանց հազի-
ստացան : Համբեր տեառն , քաջա-
լերեաց և զօրացիր . մի վհատիր ,
մի լքանիք , այլ մարմնով և հոգևով
արիաբար շահատակեա 'ի փառս
իմ : Ես հատուցից լիովի , ես ընդ
քեզ եղէց յամենայն 'ի վիշտս :

ԳԼՈՒԽ ԼԶ

Ի վերայ ունայն դատողութեան
մարդկան .

Ա. Որդեակ , հաստատեա զսիրտ
քո 'ի տէր , և 'ի մարդկային դատողութեանէ մի ինչ զանգիտեր , ուր
անըստգիւտ է քո խիղճ մտաց : Բարւոր է և երանելի կրել ինչ այդպիսի . և չէ ինչ այդ ծանր՝ խոնարհ
սրտի , որ յԱստուած և ոչ յանձն
յուսացեալ իցէ : Բազումք բազում
ինչ խօսին , վասն որոյ և չեն ինչ
արժանահաւատ : Այլ և զամենե
ցուն զմիտս հաճել՝ չէ ինչ հնարաւոր : Թէպէտ և ամենեցուն ջանա
ցաւ Պօղոս հաճոյ լինել 'ի տէր , և
ընդ ամենայնի ամենայն եղև , բայց
և զգատիլն 'ի մարդկանէ՝ ինչ ոչ
համարեցաւ :

Բ. Գուն դորձեաց վասն այլոց
չինութեան և փրկութեան յիւրմէ
կողմանէ ըստ կարի , բայց զգատիլ

և զանգոսնիլ իւր յայլոց՝ չկարաց
 իսպառ խաւիանել: Վասն որոյ զա-
 մենայն յանձն արար Աստուծոյ, որ
 իրազէտն էր ամենայնի. և երկայն-
 մտութեամբ և խոնարհութեամբ՝ ի
 ժանեաց չարախօսաց և նանրախո-
 հից և ըստ հաճոյս իւրեանց սլար-
 ծելոց՝ կորզեաց զանձն: Սակայն
 ձեռն էարկ երբեմն և ՚ի սլատաս-
 խանատուութիւն, զի մի ՚ի տկարս
 ՚ի լռութենէ իւրմէ ծնցի զայթակ-
 դութիւն:

Գ. Ձի է քեզ երկնչել ՚ի մարդոյ
 մահկանացուէ. այսօր է, և վաղիւ
 չերևի: Յաստուծոյ երկիր, և յահէ
 մարդկան մի ինչ զարհուրիր: Ձի՞նչ
 ձեռնհաս է որ ՚ի քեզ բանիւք կամ
 թշնամանօք. անձին վնասէ, և ոչ
 քեզ. և ոչ է կարող ՚ի դատաստա-
 նացն Աստուծոյ զերծանիլ, ո՞ որ և
 իցէ նա: Կա՛լ դու զԱստուած առա-
 ջի աչաց, և մի կապեր զժտութեամբ:
 Ապա եթէ առ ժամն երևիս նկուն
 լինել և զամօթ կրել, որ չէր ար-
 ժան, մի վասն այդր խոժոռիր, և
 մի կարճմտութեամբ նուազեր զքո

պսակդ , այլ յիս հայեաց յերկինս ,
որ կարող եմ զերծուցանել յամե-
նայն ամօթոյ և 'ի նախատանաց ,
և հատուցանել իւրաքանչիւր ըստ
գործս իւր :

Գ Լ ՈՒ Խ Լ Է

Յադագս անխառն և ողջիկ յանձնա-
բարոտրեան անձին , առ ստանալոյ
գազատոտրիւն սրտի .

Ա . Որդեակ , թող զքեզ , և զբա-
ցես զիս : Կայց առանց ինչ խտրա-
նաց և սեպհականութեան , և շա-
հեսցիս միշտ : Ձի յաւելցին քեզ ա-
ռաւել ևս շնորհք , վաղվաղակի
իբրև յիս յանձն լիցիս և ոչ նա-
հանջեսցիս :

Բ . Տէր , երբ յանձն եղէց 'ի քեզ ,
և յորս թողից զիս :

Գ . Միշտ և յամենայն ժամ , եթէ
'ի փոքունս և եթէ 'ի մեծամեծս :
Ձթողում ինչ 'ի դատ . այլ յամե-
նայնի կամիմ լինել քեզ մերկիկ :

Ապա թէ ոչ գիտնող իմ լինիցիս ,
 և ես քոյ , եթէ չլինիս յամենայն
 կամաց քոց ներքոյ և արտաքոյ
 հրաժարեալ : Որչափ վաղազոյն
 դայդ առնես , լաւ ևս լիցիս . և որ-
 չափ լրագոյն և անխառն , այնչափ
 առաւել ինձ հաճոյասցիս , և առա-
 ւել ևս օգտեսցիս :

Դ. Են՝ որք յիս յանձն լինին ,
 բայց և թողուն ինչ անձանց պա-
 հետ . զի ոչ լիով յԱստուած ա-
 պաւինին , վասն այնորիկ անձանց
 հոգատարութեան խնամ ունին : Եւ
 են ևս՝ որք զառաջինն զամենայն
 մատուցանեն , բայց ՚ի բաղխել
 փորձութեան՝ առ իւրեանցն դարձ
 առնեն . վասն այսորիկ ոչինչ յա-
 ռաջադէմ լինին յառաքինութիւնս :
 Այսպիսիք ՚ի ճշմարիտ ազատու-
 թիւն մաքուր սրտի , և ՚ի շնորհս ի-
 մոյ բերկրական ընտանութեան ոչ
 ժամանեն , թէ ոչ նախ առնեն ող-
 ջիկ յանձնարարութիւն և անձանց
 զօրհանապազ զենումն . առանց ո-
 Րոյ չլինի խանդաղակաթ միաւո-
 րութիւն :

Ե . Ասացի քեզ բազում անգամ
 և արդ դարձեալ ասեմ . թող զքեզ ,
 յանձն արա զքեզ , և վայելեսցես
 'ի բազում խաղաղութեան սրտի :
 Տուր դամենայն վասն ամենայնի ,
 մի ինչ խնդրեր , մի ինչ 'ի բաց պա-
 հանջեր : Կաց յիս անդրդուելի , և
 ես եղէց քո . ազատ լիցիս 'ի սրտի ,
 և խաւար զքեզ ոչ ծածկեսցէ :
 Այսմ փոյթ կալ , վասն այսր կաց
 յաղօթս , և այսմ ցանկա , ամենայ-
 նիւ մերկանալ քեզ 'ի քոյոցդ , և
 մերկոյն Յիսուսի մերկ զհետ եր-
 թալ . անձին մեռանել , և յիս յա-
 լիտեան կենդանի լինել : Յայնժամ
 'ի բաց փարատեսցին ամենայն սնո-
 տի ցնորք , անօրէն յոյզք , և աւե-
 լորդ հողք : Յայնժամ 'ի բաց լիցի
 և տարապայման երկիւղ , և մեռցի
 անկարգ սէր :

Գ Լ Ո Ի Խ Լ Ը

Յադագս քաջ կառավարուչեան յարտաքինն, և դիմել առ Ստորագծ 'ի վտանգս .

Ա. Որդեակ, յայն հայեաց սրտի մտօք, զի ամենայն ուրեք և յամենայն արտաքին գործս կամ 'ի ըզբաղմունս, ներքոյ ազատ իցես և ինքնիշխան, և զի ամենայնն ընդքև իցէ, և մի գու ընդ նոքօք: Որպէս զի լիցիս գործոց քոց տէր և առաջնորդ, և մի ծառայ կամ արծաթազին, այլ ազատազղի և ճշմարիտ հեքրայեցի, ժառանգորդ վիճակի և ազատութեան որդւոցն Ստորուծոյ: Որք 'ի վեր են քան դառժամայքս, և զիտեն զյաւիտենականս . որք յանցաւորս ձախոյ ալկամբ հային, և աջոյ ալկամբ յերկնաւորս: Որք ոչ ձգին զհետ երթալ ժամանակաւորաց, այլ ինքեանք ձգեն զնոսա 'ի քաջ արբանեկու-

թիւն , որպէս զիարդ կարգեցան Սասունոյ և հաստատեցան յարարչապետէն , որ ոչինչ անկարդ թողացոյց յիւր արարածս :

Բ. Եւ եթէ յամենայն անցս որ անցանեն՝ պինդ կաս, և ոչ ըստ արտաքին երևութին կամ մարմնոյ աչօք զննես զոր ինչ տեսերն կամ լուար , այլ անդէն յինչ և իցէ դատս ընդ Մովսեսի ՚ի խորանն մտանես հարցանել ՚ի տեսառնէ , լուիցես երբեմն յաստուածակոյս կողմանէ պատասխանի , և դարձցիս յետս՝ տեղեկացեալ բազում ինչ իրաց արդեաց և ապագայից : Զի յամենայնի զիմէր Մովսէս ՚ի խորանն վկայութեան , առ խնդրոց և տարակուսանաց լուծումն , և յաղօթից օգնութիւն էր ապաստան , ՚ի բանալ զվիշտ վտանգի և զմարդկան խեղութիւնս : Նոյնպէս և դու խոյս տուր ՚ի խորան սրտի քոյ , սրտի մտօք կարգալով զաստուածային օգնութիւն : Զի յայս սակս Յեսու և որդիքն Իսրայելի խաբեցան ՚ի զաբաւոնացւոց անտի , վասն զի զբե-

րան տեսուն նախ ոչ հարցին . այլ կարի իմն հաւատացեալ ողոր բանիցն՝ ՚ի սուտ զթութեան պատրանս ըմբռնեցան :

Գ Լ Ո Ի Խ Լ Թ

Թե չէ պարտ մարդոյ տագնապել յիրողութիւնս .

Ա . Որդեակ , յիս յանձն արազամենայն ինչ գրո . ես տնօրինեցից յիւրում ժամանակի : Մնա իմում կարգաւորութեան , և գտցես օգուտ :

Բ . Տէր , մտաղիւր քեզ յանձն առնեմ գամենայն . զի խորհուրդք իմ սակաւ օգտեն : Ո՛ տայր ինձ , չհայել յանցս՝ որ հանդերձեալ են անցանել . այլ ՚ի հաճոյս քո անյապաղ բերիլ :

Գ . Որդեակ , սովոր է մարդ կարի իմն պնդել զհետ իրաց ինչ՝ որում ցանկայ . այլ իբրև յայն հասանէ , սկիզբն առնէ այլազգ խոր-

հել . զի իղձք առ նոյն չեն մնայուն ,
այլ մղեն 'ի միողէ յայլ : Ապա չէ
փոքր և 'ի փոքունս թողուլ զանձն :

Գ . Համարիտ յառաջադիմութիւն
մարդոյ՝ է ուրացութիւն անձին , և
անձնուրացն ազատ է յոյժ և ան-
հոգ : Բայց բարեատեաց հին թշնա-
մին ոչ զազարէ 'ի փորձելոյ , այլ
զցայգ և զցերեկ ծանր ծանր նեն-
գութիւնս մեքենայէ . զի թերևս յո-
րոգայթ պատրանաց արկցէ զանըզ-
գոյշս : Արթուն կացէք և աղօթս ա-
րարէք , ասէ տէր . զի մի մտանի-
ցէք 'ի փորձութիւն :

Գ Լ ՈՒ Խ Խ

Թե մարդ չուցի ինչ բարի յիշումե , և
չե կարող պարծել յիս ինչ .

Ա . Տէր , ո՞վ է մարդ , զի յիշես
դու զնա . կամ որդի մարդոյ , թէ
այց արասցես նմա . զի՞նչ արժանի
է մարդ , թէ զչնորհ քո տացես նը-
մա : Զիսորդ իշխիցեմ զանդատել ,

Եթէ մերժես զիս . կամ զինչ իրաւունք իցեն իմ ժտելոյ, եթէ զոր հայցեմն՝ չչնորհես : Զչմարտութեամբ զայս 'ի դէպ է ինձ խորհել և ասել . Տէր, ոչինչ եմ, ոչինչ իմիք զօրեմ, ոչինչ բարի յինէն ունիմ . այլ յամենայնէ յետնեալ եմ, և միշտ յոչինչ բերիմ : Եւ թէ ոչ 'ի քէն օգնիմ և խելամտիմ, զլխովին զաղջանամ և 'ի ցոփութիւն լուծանիմ :

Բ. Այլ դու, տէր, միշտ նոյն ինքն ես, և կաս և մնաս յաւիտեան միշտ բարի, արդար, և սուրբ . զամենայն բարութեամբ արդարութեամբ և սրբութեամբ առնես, և իմաստութեամբ տնօրինես : Իսկ ես որ 'ի պակասութիւն յաւէտ միտեմ, քան 'ի յառաջադիմութիւն, ոչ միշտ կամ մնամ 'ի նմին կայի, այլ եօթն ժամանակք փոխին 'ի վերայ իմ : Սակայն և այնպէս վաղ յաջողէ ինձ 'ի բարի, յորժամ հաճեսցիս և ձեռն տացես յօգնութիւն : Զի դու միայն առանց մարդկային ձեռնտուութեան կարող ես օգնել, և այնպէս

կազդուրացուցանել , մինչ երեսաց իմոց ոչ ևս աստ անդ տատանիլ , այլ առ քեզ միայն դառնալ սրտի իմոյ և հանգչել :

Գ . Վասն այսորիկ եթէ քաջ զիտէի դամենայն մարդկային մխիթարութիւն մերժել յանձնէ , եթէ վասն եռանդն ստանալոյ , և եթէ վասն հարկի քեզ 'ի խնդիր լինելոյ , առ 'ի չգոյէ այլոյ՝ որ մխիթարիցէ զիս , յայնժամ իշխէի իրաւամբք յուսալ 'ի շնորհս քո , և ընդ պարզե նորոյ մխիթարութեանն ուրախ լինել :

Դ . Շնորհ ունիմ զքէն , յորմէ գայ ամենայն՝ որ ինչ յաջողէ ինձ 'ի բարի : Այլ ես ունայն եմ և չնչին առաջի քո , այր մի յողողող և տըկար : Արդ յինչ պարծիցիմ , կամ զիմորդ ըղձանայցեմ մեծարդի լինել : Թերես ընդ չքութիւն իմ . և ահա ընդունայնութիւն է : Ապաքէն սնափառութիւն ժանտախտ է և ունայնութիւն մեծ . զի 'ի ճշմարիտ փառաց վրիպեցուցանէ , և յերկնային շնորհաց կողոպտէ : Չի

'ի լինել մարդոյ հաճոյ յաչս անձին, անհաճոյ լինի քեզ . և յանձկալ մարդկային գովութեանց՝ զրկի 'ի ճշմարիտ առաքինութեանց :

Ե. Այլ ճշմարիտ պարծանք և ցնծութիւն սուրբ է պարծել 'ի քեզ , և ոչ յանձն . խնդալ յանուն քո , և ոչ յիւր զօրութիւն . և ոչ ուրախ լինել յարարած ինչ , բայց միայն վասն քո : Գովեսցի անուն քո , և ոչ իմ . մեծ եղիցին զործք քո , և ոչ իմ . օրհնեսցի անուն սուրբ քո , և ինձ մի ինչ ընծայեսցի 'ի մարդկային գովութեանց : Գու փառք իմ , զու ցնծութիւն սրտի իմոյ . 'ի քեզ պարծեցայց և ցնծացայց զօրհանապաղ . այլ վասն անձին ինձ ոչ պարծեցայց , բայց եթէ 'ի տկարութիւնս իմ :

Զ. Խնդրեսցեն Հրէայք փառս զառ 'ի միմեանց . ես զփառս խնդրեցից զառ 'ի միոյն Աստուծոյ : Ամենայն փառք մարդկային , ամենայն պատիւ ժամանակեան , ամենայն բարձրութիւն աշխարհական , առ յախտենական քո փառօք՝ ու

նայնութիւն է և անմտութիւն : Ո՛ր
 ճշմարտութիւն և ողորմութիւն խմ,
 Աստուած իմ, երրորդութիւն սուրբ,
 քեզ միայնոյ զովութիւն, պատիւ,
 զօրութիւն և փառք յանսպառ յա-
 լիտեանս յաւիտենից :

Գ Լ Ո Ւ Խ Խ Ա .

Յադագս արհաւարհոշքեան ամենայն
 ժամանակաշոր պատուոյ .

Ա . Որդեակ , մի զժգմնեացիս, տե-
 սեալ թէ այլք պատուին և բարձրա-
 նան , և զու անարդիս և խոնարհիս :
 Ամբարձ զսիրտ քո առ իս յերկինս,
 և ոչ տխրեցուցէ զքեզ արհամար-
 հութիւն մարդկան յերկրի :

Բ . Տէր , ՚ի կուրութեան եմք , և
 յունայնութենէ փութով պատրիմք,
 Եթէ ուղիղ յիս հայիմ , չէ երբէք
 լեալ առ իս անիրաւութիւն յարա-
 րածոց . ուստի և չունիմ իրաւունս
 բողոք ունելոյ առ քեզ : Եւ վասն
 զի բազում անգամ մեծապէս մե-

դուցեալ է իմ առ քեզ, յիրաւի զինին ընդդէմ ինձ ամենայն արարածք: Ապա ինձ յիրաւի վայելեն ամօթ և արհամարհանք. իսկ քեզ դովութիւն պատիւ և փառք: Եւ թէ ոչ պատրաստեմ զանձն իմ, մտադիր յանձն առեալ յամենայն արարածոց անարդիլ, ընդ վայր հարկանիլ, և ամենեին յոչինչ համարիլ, չէ հնար ինձ ներքուստ խաղաղանալ և հաստատուն կալ, և ոչ հոգևորապէս լուսաւորիլ և լիով ընդ քեզ միանալ:

Գ Լ Ո Ի Խ Խ Բ

Թե չե պարտ դնել զխաղաղութիւն
'ի մարդիկ.

Ա. Որդեակ, եթէ դնես զխաղաղութիւն քո 'ի մարդ, վասն համարարոյ և կենակից լինելոյ նորա ընդ քեզ՝ լիցիս 'ի ծովիս և 'ի տոռունս: Այլ թէ զիմես 'ի մշտամնայ ճշմարտութիւնն, ոչ տրամեցուցէ զքեզ

հեռանալ կամ մեռանել բարեկամի : Յիս պարտի դադարել սէր բարեկամիդ . և վասն իմ է սիրելի , որ որ բարւոք թուի քեզ և անձկալի յաստի կեանս : Առանց իմ ոչ զօրէ ինչ և ոչ տեէ բարեկամութիւն . և սէր , զոր իմ չէ յօղեալ , չէ ճրջմարիտ և սուրբ : Այնպէս լիջիր մահացեալ յայսպիսի իղձս սիրելեաց , մինչև 'ի քոյ կողմանէ ըղձանալ քեզ լինելոյ առանց ինչ ընկերութեան մարդկան : Այնչափ առաւել մերձենայ մարդ առ Աստուած , որչափ յամենայն երկրաւոր սփոփանաց հեռանայ : Եւ այնչափ բարձրագոյն ելանէ առ Աստուած , որչափ խորագոյն յինքն իջանէ և յաչս անձին լինի խոտան :

Բ . Այլ որ բարի ինչ անձին ընծայէ , զչնորհացն Աստուծոյ յինքն եկաւորութիւն խափանէ : Չի շնորհ Հոգւոյն սրբոյ՝ միշտ զխօսարհ սիրտ խնդրէ : Եթէ զխօէիր զանձն լիով նանրացուցանել , և յամենայն եղականացս սիրոյ դատարկել , ճոխագոյն և ես հեղուի 'ի քեզ զչնորհս :

Յակնարկել քո յարարածս , բառնի
արարչին 'ի քեզ ակնարկութիւն :
Ուսիր յաղթել քեզ յամենայնի վա-
սըն արարչին . և յայնժամ կարող
լիցիս ժամանել 'ի ճանաչումն աս-
տուածային : Որչափ և փոքր իցէ
ինչ , եթէ անկարգ է քո առ այն
սէր և աչարձակութիւն . խափանէ
'ի գերազունէն և յոռացուցանէ :

Գ Լ Ո Ի Խ Խ Գ

Յաղագս սևոտի և աշխարհային
գիտութեան .

Ա . Որդեակ , մի շարժեսցեն ըզ-
քեզ գեղեցիկ և նուրբ ասացուածք
մարդկան . զի ոչ է արքայութիւնն
Աստուծոյ 'ի զրոյցս , այլ յառաքի-
նութեան : Հայեաց 'ի բանս իմ , զի
վառեն զսիրտս , և լուսաւորեն ըզ-
միաս . բերեն զղջումն , և 'ի ներքս
ածեն պէսպէս մխիթարութիւնս :
Մի յայն սակս երբէք ընթերցցիս
զբանս , զի երևեսցիս զխոնաւոր

կամ խմաստուն : Փոյթ կալ մեռուցման ատից . զի այն առաւել օգուտ է քեզ , քան զժանօթութիւն բազում զժուարին խնդրոց :

Բ . Յընթեռնուլ քո բազում ինչ և յառնուլ 'ի միտ , զամենայն 'ի մի սկիզբն դարձուցիր : Ես եմ որ ուսուցանեմ մարդոյ զգիտութիւն , և տամ տղայոց լուսաւոր հանճար . զոր 'ի մարդոյ ուսանել չէ հնար : Ընդ որում եսն խօսիմ , անդէն իմաստնանայ , և հոգուով օգտի յոյժ : Վայ է նոցա , որք ընդվայրաքնինս 'ի մարդկանէ խնդրեն , և վասն ճանապարհի իմումս ծառայութեան չէ ինչ նոցա փոյթ : Եկեսցէ ժամանակ , յորում յանդիման երեսացի վարդապետն վարդապետաց Քրիստոս և հրեշտակացն տէր , զամենեցուն լսել զգատ . այս է , զմիոյ միոյ քննել զմտացն խիղճ : Եւ յայնժամ քննեսցի Երուսաղէմ ճրագաւ , և յայտնի լիցին գաղտնիք խաւարի , և լռեսցեն ճառատանք լեզուաց :

Գ . Ես եմ որ զխոնարհ միտս առ քթթել ական ամբառնամ , հասու

լինել նմա բազմապատիկ իմաստից
 յաւիտենական ճշմարտութեան ,
 զոր տասնամեայ ժամանակաւ չէր
 հնար ուսանել 'ի դպրոցս : Ես եմ
 որ ուսուցանեմ, ոչ աղաղակաւ բա-
 նից , ոչ շփոթիւք կարծեաց , ոչ
 պերճութեամբ պատուոյ , և ոչ զբժ-
 տութեամբ ձեռնարկութեանց : Ես
 եմ որ ուսուցանեմ զերկրաւորս
 արհամարհել , յաստեացս տաղտ-
 կալ , զյաւիտենականսն խնդրել ,
 զանանցս իմաստասիրել , 'ի պա-
 տուոյ խորշիլ , գայթաղդութեանց
 համբերել , զամենայն յոյս յիս հաս-
 տատել , բաց յինէն ոչինչ իմիւք ցան-
 կալ , և քան զամենայն՝ զիս սրտե-
 ուանդն սիրել :

Դ . Քանզի ոմն 'ի սիրել զիս սրտի
 մտօք , ուսաւ զաստուածայինս , և
 խօսէր զսքանչելիս : Առաւել օգտե-
 ցաւ 'ի թողուլ զամենայն , քան յու-
 սանել զնրբինս : Բայց ոմանց զհա-
 սարակացն խօսիմ , և ոմանց զա-
 ուանձնաւորն : Ոմանց նշանօք և նը-
 մանութեամբ քաղցր երեւիմ , և ո-
 մանց բազում լուսով յայտնեմ ըզ-

խորհուրդս : Մի ձայն է գրոց , բայց ոչ զամենեսին միօրինակ հրահանգէ . զի ներքոյ՝ ես եմ ուսուցիչ ճշմարտութեան , քննող սրտից , զիտակ խորհրդոց , յառաջացուցիչ գործոց , և բաշխող իւրաքանչիւր ումեք՝ որպէս և արժան թուիցի ինձ :

Գ Լ Ո Ւ Խ Խ Գ

Յաղագս չձգելոյ յանձն զարտաքիւն .

Ա . Որդեակ , պարտ է քեզ ՚ի բազումս անզիտող լինել , և համարել զանձն որպէս մեռեալ ՚ի վերայ երկրի , և որում աշխարհ ամենայն ՚ի խաչ ելեալ իցէ : Պարտ է և առ բազում ինչ լինել որպէս խուլ , և զքո խաղաղութենէդ խորհիլ : Լաւ է զաչս յոչ հաճոյից ՚ի բաց դարձուցանել , և իւրաքանչիւրում զիւր կարծիս թողուլ , քան բանակոխի լինել : Եթէ բարւոք ես ընդ Աստուծոյ , և ՚ի դատաստան նորահայիս , զիւրին լիցի քեզ պարտութիւն յանձն առնուլ :

Բ. Տէր, ցորվայր հասեալ է մեր: Ահա գտոյժս ողբամբ զժամանա-
կաւորս. վասն դոյզն շահավաճառի
աշխատիմբ և ընթանամբ, և զհո-
գևոր տոյժս ՚ի մոռացօնս արկեալ՝
հազիւ անազան ուրեմն մտաբե-
րեմբ: Որ սակաւ կամ ոչ ինչ օգ-
տէ, յայն հայիմբ. և զկարի-իմն
սլիտանեօք հեղգութեամբ հարևան-
ցիկ առնեմբ: Ձի բոլորովին մարդ
յարտաքինս հոսի. և թէ ոչ վաղ
զգաստանայ, մտադիւր յարտաքինս
անդ անկեալ մնայ:

Գ Լ Ո Ի Խ Խ Ե

Թե չե պարտ հաշատայ ամենեկոյն, և
յաղագս դիւրասանոքեան ՚ի բանս.

Ա. Տուր ինձ, տէր, օգնութիւն
՚ի նեղութեան. զի ընդունայն է
փրկութիւն մարդոյ: Քանիցս ան-
զամ չգտի հաւատարմութիւն անդ՝
ուր կարծէի գտանել, և քանիցս
անզամ գտի անդ՝ ուր ոչ կարծէի:

Ապա ընդունայն է յուսալ 'ի մարդիկ , և փրկութիւն արդարոց 'ի քէն է տէր : Օրհնեալ ես տէր Աստուած յամենայնի , որ ինչ անցանէ ընդ մեզ : Տկար եմք և յողորմող , վաղվաղակի խաբխմք և փոփոխիմք :

Բ . Ո՛վ է մարդ , որ այնպէս ըզգուշաւոր և աչալուրջ յամենայնի անձնասպահ իցէ , մինչ ոչ երբէք անկանել նմա 'ի սլատրանս ինչ կամ 'ի տարակոյս : Այլ որ 'ի քեզ տէր յուսացեալ է , և միամիտ սրբտիւ զքեզ խնդրէ , ոչ դիւրաւ սահի : Եւ թէ անկանի 'ի նեղութիւն ինչ , թէպէտ և շուրջ պատեալ պաշարեսցի , վաղվաղակի քե փրծանի , կամ մխիթարութիւն 'ի քէն ընդունի . զի ոչ անտես առնես ըզյուսացեալս 'ի քեզ իսպառ : Ո՛ր իցէ մտերիմ բարեկամ , որ յամենայն 'ի վիշտս առ բարեկամի իւրում կացցէ մնասցէ : Դու տէր , դու միայն ես մտերիմ յամենայնի . և բաց 'ի քէն չիք որ այլ :

Գ . Ո՛վ որպէս քաջ իմաստասիրեաց երանելին այն , որ ասաց .

միտք իմ 'ի Քրիստոս հաստատեալ են և հիմնեալ: Եթէ և ինձ լինէր այդմ վիճակիլ, ոչ այդպէս վաղ վաղակի երկիւղ մարդկային զիս տագնապէր, և ոչ սլաքք բանից զիս խռովէին: Ո՞վ բաւական իցէ յառաջատես լինել ամենայնի, և զգուշանալ 'ի չարէ որ հանդերձեալն է զայ: Եթէ և յառաջատես իրք բազում անգամ վնաս մեզ հասուցանեն, որչափ ևս յանկարծադէպք ծանր խոցոտեն: Եւ զիա՞րդ տառապեալս ոչ բարւոք զգուշացայ. զիա՞րդ և այլոց զիւրաւ հաւատացի: Բայց մարդիկ եմք տկարք, թէպէտ և 'ի բազմաց հրեշտակ համարիմք և անուանիմք: Ո՞ւմ հաւատացից, տէր, ո՞ւմ, բաց 'ի քէն: Ճշմարտութիւն ես, որ ոչ խաբես, և ոչ խաբիս: Այն զի ամենայն մարդ սուտ է, տկար և յողողող և զթոտ՝ մանաւանդ 'ի բանս, մինչև ոչ վաղ վաղակի հաւատալ արժան է, թէպէտ և 'ի սկզբան անդ ուղիղ թըւիցի:

Դ. Ո՞րպէս իմաստութեամբ յա

ու ջաղոյն յիշեցուցեր մեզ՝ զգոյշ
 լինել ՚ի մարդկանէ, և թէ թշնամիք
 առն ընտանիք իւր, և թէ մի հա-
 ւատայք՝ եթէ որ ասիցէ ձեզ թէ ա-
 հաւաստիկ աստ է կամ անդ: Ուսայ
 իմովք մնասուք, և երանի թէ առ
 առաւել զգուշաւորութիւն իմ և ոչ
 յանմտութիւն: Չգոյշ լեր, ասաց
 որ ցիս, զգոյշ լեր. պահեա առ
 քեզ, զոր ասեմս: Եւ այն ինչ ես
 լուէի, և ծածկեալ կարծէի, նա ինքն
 ոչ հանդուրժեաց լուել, զոր խնդ-
 րեացն չասել. այլ անդէն զիս և
 զինքն մատնեաց, և դնաց: Յայս-
 պիսի զրուցաց և յանզգոյշ մարդ-
 կանէ ապրեցո զիս, տէր, զի մի ՚ի
 ձեռս անկայց նոցա, և մի այսպիսի
 ինչ գործեցից երբէք: Չբան ճըշ-
 մարիտ և հաստատուն տուր բերա-
 նոյ իմոյ, և զլեզու նենգաւոր ՚ի բաց
 արա յինէն: Չոր ինչ կրել չառ-
 նում յանձն, յայնմանէ ամենայ-
 նի զգուշանալ պարտ է ինձ:

Ե. Ո՛վ ո՞րպէս բարւոք է և խա-
 զաղական զայլոց լուել, ոչ անխտիր
 ամենայնի հաւատալ, ոչ բերանա-

լոյծ 'ի խօսս լինել, սակաւուց զսիրտ
 խր յայտնել, գքեզ գքննողդ սրտից
 յամենայնի խնդրել, և ոչ յամե-
 նայն հոգմոյ բանից տատանիլ, այլ
 զամենայն զներքինս և զարտաքինս
 ըստ հաճոյից կամաց քոց կատա-
 րել: Քանի՛ աներկեան է առ պահ-
 պանութիւն երկնային շնորհաց՝ 'ի
 մարդկայնոց փախչել ցուցակու-
 թեանց, և ոչ հետամուտ լինել ի-
 րաց՝ որք արտաքոյ երեին զարմա-
 նագործութիւնք. այլ փութաջան
 զհետ վարիլ այնց՝ որք ուղղութիւն
 վարուց բերեն և եռանդն: Քանի՛
 վնաս գործեաց բազմաց՝ յայտնու-
 թիւն առաքինութեանց և տարա-
 ժամ հոչակ: Քանի՛ օգտեցին լուե-
 լեայն շնորհք յաղցաւոր կենցա-
 ղումս, որ զլխովին փորձութիւն
 կոչի և պատերազմ:

ԳԼՈՒԽ ԽԶ

Յաղագս սպաշինելոյ յԱստուած, յոր-
ժամ 'ի վերայ յարձակիև սրաքք
բանից .

Ա. Որդեակ, զօրացիր և յուսա
յիս : Զի զի՛նչ են բանք, բայց եթէ
զրոյցք . ընդ օդս թռչին, բայց քա-
րի ինչ ոչ վնասեն : Թէ սլարտաւոր
ես, խորհեա սրտի մտօք ուղղել
զքեզ . թէ ոչինչ զիտես անձին քոյ,
խոկա մտաղիւր վասն Աստուծոյ
այդմ համբերել : Փոքր ինչ է քեզ՝
լոկոյ բանի երբեմն համբերել, որ
սաստիկ զանից չև ևս կարօղ եղեր
տանել : Եւ զի՛ է, զի դոյզն բանք
կարելիէր խոցեն զքեզ . բայց զի
զեռ մարմնաւոր ես, և 'ի մարդկա-
նէ առաւել քան զարժանն ակնա-
ծես : Քանզի երկուցեալ յարհամար-
հանաց՝ յանդիմանիլ վասն յան-
ցուածոց ոչ կամիս, և սլատճառա-
նօք քօղարկութիւն խնդրես :

Բ. Բայց լաւ եւ հայեաց 'ի քեզ ,
 եւ ծանխցես թէ զեռ կենդանի է 'ի
 քեզ աշխարհ , եւ սնտաի սէր հաճոյ
 լինելոյ մարդկան : Զի 'ի խուսա-
 փելզ 'ի կորանաց եւ յամօթոյ որ
 վասն պակասութեանց՝ յայտ է թէ
 ոչ ճշմարիտ խոնարհ ես , եւ ոչ ճըշ-
 մարտապէս մեռեալ աշխարհի , եւ
 չէ աշխարհ քեզ 'ի խաչ ելեալ :
 Այլ զու լուր խնոց բանից , եւ ոչ
 փոյթ լիցի քեզ զբիւրուց բանից
 մարդկան : Եթէ ասէին զքէն զամե-
 նայն՝ խորամանկեալ չարութեամբ ,
 զինչ վնաս էր քեզ , եթէ ստունկա-
 նէիր , եւ չիւզ համարէիր . միթէ կա-
 րո՞ղ ինչ էին զէթ մազ մի խլել 'ի
 քէն :

Գ. Այլ որ ոչ ունի սիրտ ամիտի ,
 եւ ոչ զԱստուած առաջի աչաց , վաղ-
 վաղակի խռովի ընդ բանս նախա-
 տանաց : Իսկ որ յիս յուսացեալ է ,
 եւ ոչ իւրում դատաստանի անսայ ,
 աներկիւզ է 'ի մարդկանէ : Զի ես
 եմ դատաւոր ծածկազէտ ամենայ-
 նի , զիտեմ զիւրո՞ղ զործեցան իրբ ,
 զիտեմ զհարստահարողն եւ զհարբս-

տահարեալն : Յինէն եղև բանդ այդ ,
 իմով թոյլտուութեամբ պատահեաց ,
 զի յայտնեսցին 'ի բազմաց սրտից
 խորհուրդք : Ինձ հասանէ դատել
 զպարտաւորն և զանպարտն . բայց
 զազտնի դատաստանաւ զերկա-
 քանչիւրն յառաջ փորձել կամեցայ :

Գ . Վկայութիւն մարդկան յու-
 վակի խաբէ . իմ դատաստան ճշշ-
 մարիտ է , հաստատուն կայ , և ոչ
 չրջի . ծածկեալ է 'ի բազմաց , և սա-
 կաւուց յայտնի : Բայց սակայն ոչ
 երբէք սխալէ , և ոչ սխալել կարէ .
 թէպէտ և յաչս անդգամաց ոչ ու-
 զիղ թուիցի : Սպա յիս դիմել ար-
 ժան է յամենայն դատս , և ոչ ա-
 պաստանել մարդոյ յիւր կարծիս :
 Ոչ խռովի արդարն , որ ինչ և ե-
 կեսցէ նմա առ յԱստուծոյ : Թէ-
 պէտ և անիրաւութեամբ ինչ խո-
 սեսցին զնմանէ , ինչ ոչ հոգայ .
 այլ և ոչ 'ի սնոտիս ցնծայ , եթէ
 այլք իրաւացի արդարացուցեն
 զնա : Քանզի զիտէ , թէ ես եմ որ
 քննեմ զսիրտս և զերիկամունս . և
 ոչ ըստ աչս դատեմ , կամ ըստ կար-

ծեաց մարդկան : Քանզի յուզակի յաչս իմ գտանի մեղադրելի , որ ըստ մարդկան կարծեաց համարի գովելի :

Ե . Տէր Աստուած դատաւոր արդար հզօր և երկայնամիտ , որ զիտես զմարդկան տկարութիւն և ըզթիւրութիւն . լեր իմ զօրութիւն և յոյս սալաւինի , զի չէ ինձ բաւական խիղճ մտաց իմոց : Գու զիտես զոր ոչն գիտեմ ես . վասն այսորիկ յամենայն յանդիմանութիւնս մնայ ինձ խոնարհել և հեղութեամբ համբերել : Թող ինձ զթութեամբ , թէ ուրեք երբէք չարարի այդպէս . և պարզեա միսանգամ շնորհս առաւելագոյն համբերութեան : Քանզի լաւ է ինձ քո առատ ողորմութիւնդ՝ առ հասանելոյ թողութեան , քան զիմ կարծեցեալ արդարութիւն՝ առ ջատագովութիւն զազտնի խղճի : Թէպէտ և ոչինչ զիտեմ անձին իմոյ , բայց ոչ եթէ այսու արդարանամ : Զի՛ի հեռանալ քո ողորմութեանդ՝ ոչ արդարանայ առաջի քոյ ամենայն կենդանի :

ԳԼՈՒԽ ԽԷ

Թե պարտ է տանել ամենայն ծանուցեց՝
 վասն յաշխոնեիցն կենաց .

Ա. Որդեակ, մի վհատեցուցեն
 զքեզ վաստակք, զորս յանձն ա-
 ուեր վասն իմ. և մի լքուցեն զքեզ
 նեղութիւնք իսպառ : Այլ խոստ-
 մունք իմ յամենայն անցս զօրա-
 ցուցեն զքեզ և մխիթարեսցեն :
 Բաւական եմ ես ՚ի հատուցանել ՚ի
 վեր քան զամենայն սլայման և
 չափ : Ոչ ընդերկար ինչ վաստա-
 կեսցիս յաստիս, և ոչ միշտ ծան-
 րասցիս ցաւօք : Համբեր սակաւ մի,
 և տեսցես զերազահաս վախճան
 չարեաց : Եկեսցէ ժամ, յորում
 լռեսցեն ամենայն վաստակք և խոռ-
 վութիւնք : Խուն ինչ է և սուղ ա-
 մենայն, որ անցանէ ընդ ժամա-
 նակի :

Բ. Արա զոր առնես, աշխատեա
 հաւատարմութեամբ յայզուջ ի-

մում, ես եղէց վարձք քո: Գրեա, ընթերցիր, երդեա, հառաչեա, լռեա, աղօթս արա, և արիաբար համբեր հակառակաց. դի արժանի են այսմ ամենայնի և մեծամեծ ևս ճղանց, կեանք յաւիտենականք: Եկեսցէ օր մի խաղաղութեան յայանի տեառն, ոչ տիւ իցէ և ոչ դիչեր ժամանակեան. այլ լոյս մչտընջենաւոր, պայծառութիւն անվախճան, խաղաղութիւն հաստատուն, և հանդիստ աներկեան: Չասացես յայնժամ. Ո՛վ ապրեցուցէ զիս ՚ի մարմնոյ աստի մահու: Եւ ոչ դոչեսցես. Վայ ինձ, զի ընդերկար եղև պանդխտութիւն իմ: Չի ընկլցի մահ, և եղիցի փրկութիւն աննիազ. անձկութիւն և ոչ մի, զուարճութիւն երանական, ընկերութիւն քաղցր և վայելչական:

Գ. Բարէ, եթէ տեսանէիր զսրբոց յերկինս զանթառամ պսակս, և թէ քանի ցնձան արդ ՚ի փառս, որք յաշխարհի երբեմն համարէին խոտան և կենաց իսկ անարժան, խոնարհէիր արդեօք վազվազակի

մինչ 'ի գետին , և ախորժէիր ընդ
 ոտիք լինել ամենեցուն , քան իշ-
 խել միտմ ումեք . և ոչ կենցաղոյս
 ուրախութեան սուրբ ցանկայիր ,
 այլ վասն Աստուծոյ խնդամիտ նե-
 դութիւն յանձն առնուիր . և զլի-
 նելդ յաչս մարդկան չնչին՝ մեծ շահ
 համարէիր :

Գ . Ո՛վ , եթէ այս ամենայն քեզ
 քաղցրանայր և 'ի սիրտ քո տար-
 րանայր , զիարդ իշխէիր՝ գէթ առ
 անգամ մի քրթմնջել : Ո՛չ վասն
 յաւիտենիցն կենաց՝ ամենայն տար-
 ժանաւորք տանելիք իցեն : Չէ փոքր
 ինչ կորուսանել կամ շահել զար-
 քայութիւնն Աստուծոյ : Ապա ամ-
 բարձ զաչս քո յերկինս : Ահա ես ,
 և ամենայն սուրբք իմ ընդ իս , որք
 յաշխարհի աստ մեծամեծ ճղանց
 տարան . արդ խնդան , արդ մխի-
 թարին , արդ անհոգ են , արդ հանդ-
 չին , և անվախճան ընդիս զարքայ-
 ութիւն հօր իմոյ ժառանգեսցեն :

Գ Լ Ո Ի Խ Խ Ը

Յադագս առոչրև յաշխտենից , և
կենցաղոյս անձկոչրեանց .

Ա. Ո՛վ վերնոյ քաղաքի երանաւ
ւէտ օթեվանացն : Ո՛վ մեծապայ-
ծառ աւուրն յաւխտենից . զոր զի-
չեր ոչ նսեմացուցանէ , այլ գերա-
կայ ճշմարտութիւնն 'ի նմա միշտ
ճառագայթէ . օր մշտագուարճ , միշտ
աներկեան , որոյ ոչ երբէք փոխի
վիճակ 'ի հակառակն : Ո՛ տայր թէ
օրն այն ծագէր , և ժամանակեայքս
ամենայն առնուին վախճան : Լու-
սաւորէ ապաքէն զսուրբս մշտա-
փայլ պայծառութեամբ , այլ զպան-
դրխտեալս յերկրի իբրև 'ի հեռաս-
տանէ և ընդ հայելի :

Բ. Գիտեն երկնաքաղաքացիք ,
քանի՛ զուարթարար է նա : Հեճեն
աքսորեալ որդիք Եւայի , զի դառն
և տաղտկալի է սա : Աւուրք ժա-
մանակիս փոքր են և չար , լի ցա-

ւօք և անձկութեամբ . ուր մարդ 'ի բազում մեղս շաղախի , բազում կրիւք թակարթի , բազում երկիւղիւ ճնշի , բազում հոգովք զբաղնու : Բազում ընդվայրաքննութեամբք ցնդի , բազում ունայնութեամբք պատի , բազում մոլորութեամբք պաշարի , բազում վաստակօք հիւծի , փորձութեամբք ծանրանայ , փափկութեամբք թօշնի , կարօտութեամբ տանջի :

Գ . Ե՞րբ իցէ վախճան չարեացս , երբ ազատեցայց 'ի թշուառ ծառայութենէ ախտից , երբ յիշեցից տէր զբեզ միայն , երբ լիով ուրախ եղէց 'ի քեզ : Ե՞րբ եղէց անարգել 'ի ճշմարիտ ազատութեան , առանց ինչ ծանրութեան մտաց և մարմնոյ : Ե՞րբ եղիցի խաղաղութիւն հաստատուն , խաղաղութիւն անխռով և անքոյթ , խաղաղութիւն ներքին և արտաքին , խաղաղութիւն ամենայնիւ անդրդուելի : Բարերար փրկիչ , երբ յանդիման եղէց տեսանել զբեզ . երբ վայելեցից 'ի փառս արքայութեան քոյ ,

Երբ եղիցիս ինձ ամենայն յամենայնի . երբ եղէց ընդ քեզ յարքայութեան քում, զոր պատրաստեցեր սիրելեաց քոր յաւիտենից : Թողեալ կամ աղքատ և պքսորեալ յերկրի թշնամեաց, ուր հանապազորդ պատերազմունք և աղէտք անհնարինք :

Դ . Մխիթարեա զպքսորանս իմ, մեղմեա զցաւս իմ, զի քեզ անձկայ ամենայն ցանկութիւն իմ : Քանզի բեռն է ինձ ամենայն, զորինչ աշխարհս մատուցանէ 'ի սփոփանս : Յանկամ վայելել 'ի քեզ, այլ ոչ ժամանեմ : Ըղձանամ յարիլ յերկնայինս, այլ ընկճեն զիս անցաւոր իրք և անմեռ կիրք : Մտօք քան զամենայն 'ի վերոյ լինել կամիմ, այլ մարմնով ահամայ ներքոյ լինել բռնադատիմ : Այսպէս տառապեալս ընդ իս մաքառիմ, և անձամբ անձին ծանրանամ, 'ի խնդրել հոգւոյ իմոյ վերանալ, և մարմնոյս վայրաբերիլ :

Ե . Ա՛յլ զխարդ տառապի անձն իմ, յորժամ մտօք զերկնայինս խոր-

հիմ . և 'ի կալ իմում յաղօթս՝ ան-
 դէն յոյզք մարմնական խորհրդոց
 լինին ընդ առաջ : Աստուած իմ , մի
 'ի բացեայ առնիր յինէն . և մի խո-
 տորիր բարկութեամբ 'ի ծառայէ
 քումմէ : Փայլատակեա զփայլա-
 տակունս քո , և ցրուեա զնոսա .
 առաքեա զնետս քո , և խոովեսցին
 ամենայն ցնորք թշնամոյն : Ամիռ-
 փեա զզգայութիւնս իմ 'ի քեզ .
 տուր ինձ մոռանալ զամենայն զաշ-
 խարհայինս , վաղվաղակի 'ի բաց
 թօթափել և մերժել զախտից ցնո-
 րըս : Հաս ինձ 'ի թիկունս , ճմար-
 տութիւնդ յախտենական . զի մի
 զրդուեցուցէ զիս նանրութիւն :
 Արի եկ քաղցրութիւնդ երկնային ,
 և փախիցէ յերեսաց քոց ամենայն
 անմաքրութիւն : Ներեա ինձ և թող
 զթութեամբ , թէ ուրեք երբէք խոր-
 հիմ ինչ յաղօթս բաց 'ի քէն : Խոս-
 տովանիմ ճմարտութեամբ , զի յոյժ
 ցնդեալ զտանիմ 'ի նմա . քանզի
 բազում անգամ չեմ անդ , ուր մար-
 մնով կամ , կամ նստիմ . այլ անդ ,
 ուր խորհրդովք բերիմ : Անդ եմ ,

ուր է խորհուրդ իմ. և անդ է յուր
վակի խորհուրդ իմ, ուր է զոր սի-
րեմն : Այն ինչ վաղագոյն լինի ինձ
ընդառաջ որ 'ի բնէ ախորժ է, կամ
'ի սովորութենէ հաճոյ :

Ձ. Վասն որոյ դու ճշմարտու-
թիւն յայտնի ասացեր. Ուր է զանձ
քո, անդ է և սիրա քո : Եթէ զեր-
կինս սիրեմ, մտադիւր զերկնայնոց
խորհիմ. եթէ զաշխարհ սիրեմ, ընդ
աշխարհի յաջողուածս խնդամ, և
ընդ ձախորդութիւնս նորա արտ-
միմ : Եթէ զմարմին սիրեմ, զմար-
մնոյսն ստէպ խոկամ. եթէ զհոգի
սիրեմ, քաղցրանայ ինձ զհոգեղի-
նաց խորհել : Ձի զոր ինչ սիրեմ,
զայնց մտադիւր խօսիմ և լսեմ. և
զայնպիսեաց պատկեր ընդ իս 'ի
տուն տանիմ : Այլ երանի՛ առն՝ որ
վասն քոյ, տէր, ամենայն արարա-
ծոց հրաժեշտ տայ. որ բնութեան
բուռն առնէ, և զցանկութիւնս
մարմնոյ՝ հոգւոյն եռանդեամբ 'ի
խաչ հանէ. զի ջինջ խղճիւ մտաց՝
մաքուր աղօթս քեզ մատուցէ, և
արժանի լիցի պարակցիլ ընդ հրեշ-

տակս , երկրաւորացս ամենայնի
ներքոյ և արտաքոյ զգուրս ընդդէմ
եղեալ :

Գ Լ Ո Ւ Խ Խ Թ

Յարագս փափաքնան յաշտենական
կենաց , և թէ քանի բարիք խոստա-
ցեալ են պատերազմողաց .

Ա . Որդեակ , իբրև յանձին զգաս
փափաք յաշտենական երանու-
թեան 'ի վերուստ 'ի քեզ հեղեալ ,
և ցանկաս 'ի մարմնոյ աստի ելա-
նել՝ առ վայելելոյ 'ի փառս իմ , յո-
րում չիք շրջելոյ ստուեր , ընդար-
ձակեա զսիրտ քո , և ամենայն ըղձ-
մամբ ընկալ զսուրբ զայս ազդեցու-
թիւն : Մատո բազում շնորհակա-
լութիւն վերնում բարութեան , որ
այսպէս առ քեզ զթասիրէ , զթու-
թեամբ այց առնէ , բորբոքմամբ
զարթուցանէ , հզօրեղասպէս օգնէ ,
զի մի քոյին ծանրութեամբ յերկրա-
ւորս սահեսցիս : Զի ոչ եթէ քոյին

խոկմամբ համ ջանիւ զայդ ընդու-
նիս, այլ լոկով հաճութեամբ վեր-
նական շնորհաց և աստուածայինն
ականարկութեան. զի յառաքինու-
թիւնս և յառաւել ևս խոնարհու-
թիւն յառաջադէմ լիցիս, և ՚ի մըրց-
մունս որ առաջի կան՝ զանձն սլատ-
րաստեսցես. և զի սրտի մտօք յիս
յարիլ, և փոյթեռանդն կամօք ծա-
ռայել՝ փոյթ յանձին կալցիս:

Բ. Որդեակ, բազում անգամ
վարի հուր, այլ ոչ անծուխ վերա-
նայ բոցն: Սոյնպէս և ոմանց ցան-
կութիւնք յերկնայինսն բորբորին,
սակայն ՚ի փորձութենէ մարմնա-
կան ակորժակաց չեն ինչ զերծ:
Վասն այսորիկ և ոչ սոսկ ՚ի սլա-
տիւ Աստուծոյ զործեն, յորժամ
անձկանօք խնդրեն ինչ ՚ի նմանէ:
Այսպիսի է յոլովակի և քոյդ ցան-
կութիւն, զորմէ ասացեր թէ յոյժ
է թախանձական: Ձի չէ ինչ յստակ
և կատարեալ, որ անձին զիւրու-
թեամբ է շաղախեալ:

Գ. Հայցեա, ոչ զայն որ քեզ է
հեշտայի և զիւր, այլ որ ինձ է ըն-

դունելի և 'ի պարծանս : Չի թէ ուղիղ դատիս , պարտ է քեզ զիմ կարգաւորութիւն քան զքոյդ ցանկութիւն և քան զամենայն ցանկալիս վերադասել , և այնմ զհետ երթալ : Գիտեմ զցանկութիւն քո , և լուայ զհեծութիւնս քո անդադարս . այժմէն կամէիր լինել յազատութեան փառաց որդւոցն Աստուծոյ . այժմէն ցանկալի են քեզ յարկքն յաւիտենականք և զաւառն երկնային լի խնդութեամբ : Բայց չե է հասեալ ժամն այն , այլ կայ զեռ ժամանակ . այս է , ժամանակ պատերազմի , ժամանակ վաստակոց և հանդիսի : Ըզձանաս վայելել 'ի զերակայ բարին . այլ չես կարող այլմ հասանել առ այժմ : Ես ինքն եմ . կաց մնա ինձ , ասէ տէր , մինչև և կեսցէ արքայութիւնն Աստուծոյ :

Գ . Մնայ քեզ զեռ փորձիլ յերկրի , և մարդիլ 'ի մարզս բազումս : Տացի քեզ երբեմն մխիթարութիւն այլ ոչ կշտապինդ յազուրդ : Ապա զօրացիր և քաջ լեր 'ի գործել և 'ի կրել զհակառակս բնութեան : Պարտ է

քեզ զգենուլ զնոր մարդն, և փոխիլ յայր յայլ: Պարտ է քեզ յոլովակի առնել զոր ոչ կամիս, և թողուլ զոր կամիս: Այլոց հաճոյք յառաջ երթիցեն, և քոց հաճոյից ոչ յաջողեսցի: Այլոց բանք լսելի լիցին, և քո բանք յոչինչ համարեսցին: Խնդրեսցեն այլք և առնուցուն, դու խնդրեսցես և ոչ ընկալցիս ինչ:

Ե. Եղիցին այլք մեծարոյ 'ի բերան մարդկան, այլ զքէն լուսթիւն լիցի: Այլոց յանձն եղիցի այս ինչ կամ այն ինչ, այլ դու համարեսցիս անպիտան առ ամենայն: Վասն այսորիկ բնութիւնն երբեմն տըխրեսցի. և մեծ իմն է, թէ անմուռնչ տարցիս: Յայսմ ամենայնի և յորս սոցին նման են՝ փորձի հաւատարիմ ծառայ տեառն, եթէ կարող իցէ ուրանալ և մեռուցանել զանձն յամենայնի: Ոչ յիմիք այնպէս պիտոյ է քեզ մահանալ, որպէս 'ի տեսանել և 'ի կրել զհակառակն կամաց քոց. ևս առաւել յորժամ հրամայեալքն քեզ զժպատեհ և անպի-

տան թուիցին : Եւ վասն զի չիչխեսս ընդդէմ կալ բարձրագոյն իչխանու թեան՝ ընդ տէրութեամբ լեալ, վասն այսորիկ խիստ թուի քեզ ըստ հաճոյից այլոց զնալ, և զամենայն զբո կարծիս թողուլ :

Զ. Այլ յուշ լիցի քեզ, որդեակ, վաստակոցդ այդոցիկ պտուղ, և վազահաս վախճան, և հատուցումն մեծ յոյժ. և ոչ լիցի քեզ խոժոռութիւն, այլ համբերութեան քո արիական քաջալերութիւն : Զի և փոխանակ դոյզն այս կամաց՝ յորմէ արդ կամակար հրաժարես, եղիցին միշտ կամք քո յերկինս : Վասն զի անդ գտցես զամենայն՝ զոր կամիս, զամենայն՝ որում ցանկալ զօրես : Անդ եղիցի քեզ ստացութիւն ամենայն բարեաց, առանց ինչ երկիւղի կորուսանելոյ : Անդ կամք քո միաբան միշտ ընդ իմումս, ոչինչ իմիք ըղձանայցէ օտարի կամ առանձնաւորի : Անդ ոչ որ քեզ ընդդէմ դարձցի, ոչ որ զքէն քրթմըն ջեսցէ, ոչ որ խափանեսցէ, ոչինչ խոչ լիցի. այլ ամենայն ցանկալիք

միանգամայն լիցին յանդիման , և զամենայն ախորժակս քո հանգուցեն և լցուցեն իսպառ : Անդ հատուցից փառս՝ փոխանակ արհամարհանաց , հանդերձ պարծանաց՝ փոխանակ տրտմութեան , և փոխանակ յետին տեղւոյն՝ զզահոյս արքայութեան յախտեան : Անդ երևեսցի պտուղ հնազանդութեան , ուրախ եղիցին ճգունք ապաշխարութեան , և խոնարհ հպատակութիւն պսակեսցի փառօք :

Է . Ապա այսուհետև խոնարհեցո զքեզ հլութեամբ ընդ ամենեցուն ձեռամբ . և մի լիցի քեզ փոյթ թէ ո է որ զայս ասէ կամ հրամայէ : Այլ այսմ առաւելապէս փոյթ կալ ջիր , զի եթէ առաջնորդն և եթէ ՚ի կրտսերաց որ կամ ՚ի հաւասարակցաց խնդրեսցէ ինչ ՚ի քէն կամ ակնարկի արասցէ , զամենայն ընկալցիս ՚ի բարի , և միամիտ սրտիւ ջանասցիս կատարել : Խնդրեսցէ որ զայս ինչ , և այլ որ զայն ինչ . պարծեսցի սա յայս ինչ , և նա յայն ինչ , և բիւրք յաճախեսցեն նմա գովու-

Թիւնս : Բայց դու ոչ յայս ինչ և ոչ յայն ինչ , այլ յարհամարհանս քո խնդա , և 'ի հաճոյս և 'ի պատիւ իմ միայն : Այսմ ցանկա , զի եթէ 'ի կեանս և եթէ 'ի մահու միշտ փառաւորեսցի 'ի քեզ Աստուած :

Գ Լ ՈՒ Խ Ծ

Թե՛ որպէս պարտ է լքելոյն՝ առանդել զանձն 'ի ձեռս Աստուծոյ .

Ա . Տէր Աստուած հայր սուրբ , օրհնալ ես այժմ և յաւիտեան . զի որպէս կամիս , նոյնպէս և եղև . և զոր առնես՝ բարի է : Ուրախ լիցի 'ի քեզ ծառայ քո , ոչ յանձն իւր և ոչ յայլ ինչ . զի դու միայն ես ուրախութիւն ճշմարիտ , դու յոյս իմ և պսակ իմ , դու խնդութիւն իմ և պատիւ իմ , տէր : Չինչ ունի ծառայ քո , բայց զոր 'ի քէն էառ , և զայն առանց ինչ իւրոյ արժանաւորութեան : Քո է ամենայն , զոր ետուր և զոր արարեր : Տնանկ և վաստա-

կաւոր եմ ես 'ի մանկութենէ իմմէ,
և տրտմի անձն իմ ստէպ մինչև
ցարտասուս . և երբեմն խռովի իսկ
վասն եկեալ հասեալ կրից :

Բ . Յանկամ խաղաղական խըն-
դութեան . զխաղաղութիւն որդւոց
քոց ժտիմ , որք լուսով մխիթարու-
թեան 'ի քէն հովուին : Եթէ խա-
ղաղութիւն տաս , եթէ խնդութիւն
սուրբ յիս հեղուս , եղիցի անձն ծա-
ռայի քո ցնծալից և ջերմեռանդն
յօրհնութիւնս քո : Ապա եթէ հրա-
ժեշտ տաս , որպէս բազում անգամ
սովորութիւն է քո , ոչ ևս կարող
լինի ընթանալ 'ի ճանապարհս պա-
տուիրանաց քոց : Այլ 'ի բաղխել
զկուրծս՝ ծունկք նորա կթոտին . զի
ոչ է նմա որպէս յերէկն և յեռան-
դըն , յորժամ ճրագ քո լուսատու
էր 'ի վերայ զլիսոյ նորա , և ընդ հո-
վանեալ թևոց քոց ամրանայր 'ի
փորձութեանց 'ի վերայ յարուցելոց :

Գ . Հայր արգար և միշտ գովելի ,
հասեալ է ժամ փորձելոյ ծառայի
քո : Հայր սիրելի , արժան է՝ զի 'ի
ժամուս յայսմիկ ծառայ քո կրեսցէ

ինչ վասն քո : Հայր մշտապատիւ ,
 հասեալ է ժամ՝ զոր յաւիտենից
 դիտէիր թէ զալոց է . զի առ վայր
 մի նկուն եղիցի արտաքոյ ծառայ
 քո , բայց ներքոյ միշտ կեցցէ՛ի քեզ :
 Փոքր մի անարգեսցի , խոնարհեա-
 ցի , և անգոսնեսցի առաջի մարդ-
 կան . կրիւք և ախտիւք խոշտան-
 դեսցի , զի միւսանգամ ընդ քեզ ՚ի
 ծագել նորանշոյլ լուսոյ յարիցէ , և
 յերկնայինսն փառաւորեսցի : Հայր
 սուրբ , դու այսպէս տնօրինեցեր և
 կամեցար , և եղև որպէս և հրամայ-
 եցեր :

Գ . Ձի այս է շնորհ առ քո սիրե-
 լիս , չարչարիլ և նեղիլ յաշխարհի
 վասն սիրոյ քոյ , քանիցս անգամ
 և յումմէ և իցէ թողացուցես
 այդմ լինել : Առանց խորհրդոյ և
 տեսչութեան քո և վայրապար՝ ոչ
 ինչ լինի յերկրի : Բարի է ինձ տէր ,
 զի խոնարհ արարեր զիս , զի ու-
 սայց զարդարութիւնս քո , և՛ի բաց
 արարից յանձնէ զամենայն մեծա-
 մտութիւն և յանձնապաստանու-
 թիւն : Լաւ է ինձ , զի ամօթ ծած-

կեաց զերեսս իմ. զի զքոյդ և ոչ զմարդկան խնդրեցից զմխիթարութիւն : Գովին ուսայ և յանքնին դատաստանաց քոց երկնչել . որ խոշտանգես զարդարն ընդ ամպարըշտի , այլ ոչ առանց իրաւանց և արդարութեան :

Ե. Գոհանամ զքէն , զի ոչ ներեցեր չարեաց իմոց . այլ չարագան մաշեցեր զիս , հարեալ զիս ցաւովք և վարակեալ վշտօք ներքոյ և արտաքոյ : Չիք ինձ մխիթար յամենայնէ որ 'ի ներքոյ երկնից' բաց 'ի քէն , տէր Աստուած իմ , երկնաւոր բժիշկ հոգւոց , որ հարկանես և բժշկես , իջուցանես 'ի դժոխս և հանես : Խրատ քո 'ի վերայ իմ , և գաւազան քո ուսուցէ զիս :

Զ. Ահա , հայր սիրելի , 'ի ձեռս քո եմ ես , խոնարհեալ ընդ գաւազանաւ կշտամբութեան քո : Հար զթիկունս իմ և զպարանոց իմ , զի խոնարհեցից 'ի կամս քո զխեղութիւն իմ : Այրա զիս բարեպաշտօն և խոնարհ աշակերտ , որպէս և սովորութիւն է քո . զի զնացից յամեն

նայն հրամանս քո : Քեզ յանձն առնեմ զիս , և զամենայն որ ինչ է իմ՝ յուղղութիւն . զի լաւ է աստ խրատիլ , քան ՚ի հանդերձեալն : Դու զիտես զամենայն մի ըստ միու ջէ , և չիք ինչ ՚ի քէն՝ ծածկեալ ՚ի խիղճ մտաց մարդկան : Մինչչև են լեալ՝ զիտես որ ինչ լինելոց է առ յապայ . և չէ սլիտոյ , թէ որ սուսցէ քեզ կամ յիշեցուսցէ որ ինչ լինի յերկրի : Դու զիտես որ լաւ իցէ առ յառաջադիմութիւն իմ , և քանի՞ օգուտ իցէ նեղութիւն առ մաքրելոյ զժանգ ախտից : Արա ընդիս ըստ ցանկալի հաճոյից քոց , և մի անտես առներ զմեղսասէր կեանս իմ , որ ոչ ումեք բացերև է որպէս քեզ միայնոյ :

Է . Տուր ինձ , տէր , զիտել զոր զիտել պարտ է , սիրել զոր սիրել արժան է , գովել զայն՝ որ մեծապէս հաճոյ է քեզ , յարգել զայն՝ որ սպասուական թուի քեզ , և անարգել զայն՝ որ խոտան է յաչս քո : Մի թողուր ինձ ըստ տեսութեան աչաց զատել , և մի ըստ լրոյ ականջաց

տղիտաց վճիռ հատանել . այլ ուղիղ դատաստանաւ երևելեաց և իմանալեաց ընտրութիւն առնել , և ՚ի վեր քան զամենայն զհաճոյս կամաց քոց միշտ խնդրել :

Ը . Խաբին յուրվակի խորհուրդք մարդկան ՚ի դատել զդատաստան . խաբին և աշխարհասէրք ՚ի սիրել միայն զերևելիս : Զինչ լաւութիւն իցէ մարդոյ յայնմանէ , զի մեծ համարի ՚ի մարդկանէ : Խաբեբայ զխաբեբայ , սնտաի զսնտաի , կոյր զկոյր , և տկար զտկար խաբէ՝ յորժամ բարձրացուցանէ . և առաւել յամօթ առնէ՝ յորժամ ՚ի սնտաիս զովէ : Զի որչափ ինչ է իւրաքանչիւր ոք յաչս քո , այնչափ է և ոչ աւելի , ասաց խոնարհ սուրբն Փրանկիսկոս :

Գ Լ Ո Ւ Խ Ծ Ա .

Թե պարտ է պատասխել 'ի խոնարհ գործս , յորժամ չեմք ժամանող յարձրագուռնից .

Ա . Որդեակ , չես կարող միշտ փոյթեռանդն ըղձամամբ առաքինութեանց կալ , և ոչ 'ի բարձրագոյն աստիճան խոկման դտեղի առնուլ : Այլ հարկ է քեզ երբեմն վասն սկզբնական ապականութեան 'ի ստորինս վայրաբերիլ , և զբեռն ապականացու կենաց' ևս և աւիամայ և տաղտկանօք' բառնալ : Յորչափ ես 'ի մահկանացու մարմնի , տաղտկութիւն զգաս և ծանրութիւն սրբտի : Ապա պարտ է ստէպ 'ի մարմնի վասն ծանրութեան մարմնոյ հեծել , վասն ոչ զօրելոյ քոյ 'ի հոգևոր փոյթ և յաստուածային խոկումն անդադար պարապել :

Բ . Յայնժամ լաւ է քեզ 'ի խոնարհ և յարտաքին գործս դիմել , և

գործովք բարութեան զքեզ գրօսե-
 ցուցանել, իմում եկաւորութեան և
 վերնական այցելութեան հաստա-
 տուն ապաւինութեամբ սպասել,
 աքսորանաց քոց և ցամաքութեան
 մտաց համբերութեամբ տանել, մին-
 չև միւսանգամ քեզ այց լիցի, և յա-
 մենայն ձանձրութենէ լիցիս զերծ:
 Ձի տաց քեզ զվաստակսդ մոռա-
 նալ, և ՚ի ներքին հանգստեան վայե-
 լել: Պարզեցից առաջի քոյ զղաչ-
 տալայրս սուրբ զրոց, զի անդորր
 սրտիւ սկսցիս ընթանալ զձանա-
 պարհս պատուիրանաց իմոց, և ա-
 սասցես. Ձեն արժանի չարչարանք
 ժամանակիս հանդերձելոցն փա-
 ռաց, որք յայտնելոց են ՚ի մեզ:

ԳԼՈՒԽ ԾԲ

Թե չե պարտ մարդոյ համարել զանձն
արժանի մխիթարութեան, այլ յա-
ռեա պարտաւոր զանից .

Ա. Տէր, չեմ արժանի քումդ մը-
խիթարութեան, և ոչ հոգևոր ինչ
այցելութեան . վասն այսորիկ իրա-
ւամբք գործես ընդ իս, յորժամ զիս
տնանկ և անտերունչ թողուա : Ձի
թէպէտ և ծովու նման արտասուս
հեղուի, սակայն մխիթարութեան
քում չէի արժանի : Վասն այսորիկ
ոչինչ իմիք եմ արժանի, բայց հա-
րուածոց և պատժոց, զի ծանունս
և ստէպ զքեզ բարկացուցի, և բա-
զում իւիք մեծապէս յանցեայ :
Վասն որոյ թէ արդար խորհիմ, և
ոչ զոյզն մխիթարութեան եմ ար-
ժանի : Այլ զու զթաժ և մարդասէր
տէր, որ ոչ կամիս զկորուստ գոր-
ծոց քոց, առ 'ի ցուցանել զմեծու-
թիւն քաղցրութեան քոյ յանօթս

ողորմութեան՝ և առանց իսկ իմոյ արժանաւորութեան յանձն առնուս մխիթարել զժառայ քո առաւել քան զմարդկան եղանակ: Զի քո մխիթարութիւնք չեն իբրև զմարդկան զրոյցս:

Բ. Զինչ գործեցի, տէր, զի չնորհեացես ինձ երկնային ինչ մխիթարութիւն: Ոչ յիշեմ թէ գործեալ է իմ բարի ինչ, այլ միշտ ՚ի մոլութիւնս դիւրամէտ, և առ ուղղութիւն հեղգ լեալ է իմ: Ճշմարիտ է, և ոչ իշխեմ ժխտել. եթէ այլազոյ ինչ ասէի, դու ինքն լինէիր իմ ուսոյս, և չլինէր որ իմ ջատագով: Ի՞մ իմիք արժանացայ վասն իմոց մեղաց, բայց գեհենի և հրոյն յաւիտենից: Ճշմարտութեամբ խոստովանիմ, զի արժանի եմ ամենայն ծաղու և արհամարհութեան, և չեմ արժանի յիշատակիլ ՚ի մէջ ջերմեռանդն քոց ծառայից: Դառն է ինձ զայս լսել, սակայն վասն ճշմարտութեան ես ինձէն յանդիմանեմ զմեղս իմ, զի դիւրաւ արժանացայց ընդունել գքո ողորմութիւնդ:

Գ . Չինչ ասացից ամօթալից մեղապարտս . չունիմ բերան խօսելոյ , բայց զայս եեթ . մեղայ , տէր , մեղայ . ողորմեա ինձ և քաւեա զիս : Թոյլ արա ինձ սակաւ մի կոծել ըզցաւս իմ , մինչչև երթեալ իցեմ յերկիր խաւարին , ուր է մահու մառախուղ : Չինչ այնպէս խնդրես 'ի թըշուառական մեղապարտ անձնէ , բայց զի զղջասցի և խոնարհեսցի վասն իւրոց յանցանաց : Ի ճշմարիտ զղջմանէ և 'ի խոնարհութենէ սրտի ծնանի յոյս թողութեան , հաշտի ամբօխեալ խիղճ մտաց , նորոգին կորուսեալ շնորհք , պահի մարդ 'ի հանդերձեալ բարկութենէ . և ընդ առաջ լինին միմեանց 'ի համբոյր սրբութեան՝ Աստուած և ապաշխարող ոգի :

Դ . Խոնարհ զղջումն մեղաւորաց՝ պատարագ է քեզ , տէր , ընդունելի . անուշահոտ առաջի քո քան ըզբուրումն կնդրկի : Այս է և իւրն այն ազնիւ , որով կամեցար թէ սուրբ ոտք քո օծցին . զի զսիրտ զղջացեալ և խոնարհ ոչ երբէք ար-

Համարհես : Անդ է տեղի ապաւի-
նի յերեսաց բարկութեան թշնամ-
ւոյն . անդ լուացեալ սրբի , որ ինչ
այլուստ աղտեղացաւ :

Գ Լ Ո Ի Խ Ծ Գ

Թե շնորհն Աստուծոյ ոչ խառնի ընդ
այնս՝ որոց քաղցր են երկրաւորք .

Ա . Որդեակ , պատուական է շը-
նորհ իմ , ոչ խառնի ընդ օտարոտի
իրա , և ոչ ընդ երկրաւոր մխիթա-
րութիւնս : Ապա 'ի բաց արա զա-
մենայն արգելս շնորհաց , եթէ ըզ-
ձանաս զհոսումն նորա ընդունիլ :
Խնդրեա քեզ առանձնութիւն , սի-
րեա միայն բնակել ընդ քեզ . մի 'ի
խնդիր լինիր զրուցաց մարդկան ,
այլ ջերմեռանդն մատո աղօթս առ
Աստուած , զի ունիցիս միտս զղջա-
կանս և խիղճ մտաց մաքուր : Զաշ-
խարհ ամենայն արհամարհեա . ըզ-
պարապիլն յԱստուած՝ քան զար-
տաքինս ամենայն վերադասեա : Զի

անհնար է քեզ՝ յիս պատաղիլ , և միանգամայն անցաւորօքս բերկրիլ : Ի ծանօթից և ՚ի սիրելեաց լեր հեռի , և յամենայն ժամանակաւոր արտփանաց ամփոփ կալ զմիտսդ : Որպէս աղաչէ երանելի առաքեալն Պետրոս , լինել հաւատացելոց յաշխարհի աստ որպէս նժդեհս և պանդուխտս :

Բ . Ո՛վ քանի համարձակութիւն է մահկանացուի , զոր ոչինչ իրաց իղձ կապեալ ունի ընդ աշխարհի : Բայց զայսպիսի զատուցեալ սիրտ ունել յամենայնէ՝ խօթամիտն դեռ ոչ իմանայ , և ոչ շնչաւոր մարդ զներքին մարդոյ զազատութիւն : Սակայն եթէ ճշմարտութեամբ հողևոր լինել կամի , հրաժարել պարտ է նմա՝ եթէ ՚ի հեռաւորաց և եթէ ՚ի մերձաւորաց . և ոչ յումեքէ այնպէս անձնապահ լինել , որպէս յիւրմէ : Եթէ անձին կատարելապէս յաղթես , զայլն ամենայն դիւրաւ ընդ բռամբ նուաճեսցես : Ատարեալ յաղթութիւն է ՚ի վերայ անձին յաղթանակել : Զի որ զանձն

Հնազանդեալ ունի, մինչև զգայութեանն անսալ բանի, և բանին լսել ինձ յամենայնի, նա է ճշմարիտ յաղթող անձին և տէր աշխարհի:

Գ. Եթէ յայս զազաթն վերանալ տենչաս, պարտ է քեզ քաջութեամբ ձեռն 'ի գործ առնել, և զտապարն առ արմին դնել, 'ի խլել և 'ի յատակել զգաղտնի զանկարդ միտումն առ անձն քո և առ ամենայն առ անձնաւոր և նիւթական բարի: Զայսմ ախտէ կարի իմն անկարդ ինքնասիրութեան կախեալ կայ զըլխովին ամենայնի իսպառ յաղթանակութիւն: Ընդ յաղթիլ և ընդ նրկուն լինել ախտիս՝ եղիցի նոյնհետայն մեծ խաղաղութիւն և հանդարտութիւն: Բայց քանզի սակաւք ճգնին կատարելապէս մահանալ յանձինս, և ոչ լիով արտաքոյ անձանց բերին, վասն այսորիկ յանձինս սղաչարեալ մնան, և ոչ 'ի վերոյ քան զանձինս հոգւով վերանալ ժամանեն: Այլ որ ազատօրէն ըստ հաճոյս իմ զնալ կամի, հարկ է նմա զամենայն զթիւր և զանկարդ ա-

խորժակս իւր մեռուցանել, և ոչ ումեք 'ի ստեղծուածոց առանձնական սիրով և տարփանօք անձկալ :

ԳԼՈՒԽ ԾԴ

Յադագս այլևայլ շարժմանց բնօրէնս և շնորհաց .

Ը. Արդեակ, զգուշութեամբ զիտեսչիր զշարժմունս բնութեան և շնորհաց . զի յոյժ նուրբ է սոցա ընդ հակառակս շարժումն, զոր հազիւ այր հողեկիր և լուսաւորեալ զիտէ ընտրել : Ամենեքեան բարւոյն բաղձան, և բարի ինչ 'ի բանս կամ 'ի գործս իւրեանց պատճառեն . վասն այսորիկ կերպարանօք բարւոյ բազումք խաբին :

Բ. Բնութիւնն նենգաւոր է, և զբազումս յինքն յանկուցանէ թակարթէ և պատրէ, և յամենայնի զինքն ունի վախճան : Ա.Մ շնորհն պարզմտութեամբ զնայ, յամենայն կերպարանաց չարաց խորչի . ոչ հնարի խաբէութիւնս, և զամենայն

առնէ վասն Աստուծոյ միայն, յորում և իսպառ հանդէի:

Դ. Բնութիւնն ոչ կամի մահանալ, ոչ ճնշիլ, ոչ յաղթահարիլ, ոչ ընդ բռամբ նուաճիլ, և ոչ կամովին ընդ լծով լինել: Այլ շնորհն փութայ ՚ի մեռուցումն անձին, հակառակ կայ զդայութեան, խնդրէ հպատակ կալ, յօժարի յաղթիլ, և ոչ զիւրն կամի վարել զազատութիւն. ընդ առաջնորդութեամբ խըրատտուի սիրէ կալ, և ոչ ախորժէ ումէք տիրել. այլ յամենայնի ընդ ձեռամբ Աստուծոյ լինել, և վասն Աստուծոյ ամենայն մարդկեղէն ստեղծուածոյ պատրաստ է հլութեամբ խոնարհիլ:

Ե. Բնութիւնն առ զիւրութիւն իւր աշխատի, և զինչ շահ յայլմէ կորզիցէ՝ յայն հայի: Իսկ շնորհն՝ ոչ զանձին օգուտ և զզիւրութիւն, այլ զբազմաց օգտակարն խորհի:

Ե. Բնութիւնն մտազիւր պատիւ և յարգ ընդունի: Իսկ շնորհն զամենայն պատիւ և զփառս հաւատարմութեամբ Աստուծոյ ընծայէ:

Զ. Բնութիւնն երկնչի յամօթոյ,
և յարհամարհանաց: Իսկ շնորհն
խնդայ ընդ անարդիլն վասն ա-
նուանն Յիսուսի:

Է. Բնութիւնն սիրէ զգատար-
կութիւն և զհանգիստ մարմնոյ: Իսկ
շնորհն անգործ կալ ոչ զիտէ, այլ
մտադիր զիրկս արկանէ զաշխա-
տութեամբ:

Ը. Բնութիւնն խնդրէ ունել զընդ-
վայրաքնինս և զգեղեցիկս, ատեայ
զանարգս և զխոշորս: Իսկ շնորհն
զուարճանայ ընդ անպաճոյճս և ընդ
խոնարհս. զխոշորս ոչ արհամար-
հէ, և ոչ խորչի ՚ի զգեցելոյ զհան-
դերձս հնոտիս:

Թ. Բնութիւնն հայի ՚ի ժամանա-
կաւորս, խնդայ ընդ շահս երկրա-
ւորս, տխրի ՚ի տոյժս, և բարկա-
նայ ընդ դոյզն նախատինս: Այլ
շնորհն հայի ՚ի յաւիտենականս, ոչ
յարի ՚ի ժամանակաւորս, ոչ ընդ
կորուստ ընչից խռովի, և ոչ ՚ի
խիստ բանից դառնանայ. զի զգանձ
իւր և զխնդութիւն եղ յերկինս, ուր
ոչ կորնչի ինչ:

Ժ. Բնութիւնն շահախնդիր է, և մտադիրագոյն առնու քան տայ. սիրէ դիրսն և զառանձնականս: Իսկ շնորհն զթած է, և զհասարակացն սիրէ. խորշի յառանձնականաց, շատանայ սակաւուք, երանելի ևս համարի զտալն քան զառնուլ:

ԺԱ. Բնութիւնն միտէ 'ի ստեղծուածս, 'ի մարմին իւր, յունայնութիւնս և 'ի դրոյցս: Այլ շնորհն ձգի յԱստուած և յառաքինութիւնս. հրաժարէ 'ի ստեղծուածոց, փախչի յաշխարհէ, ատեայ զցանկութիւնս մարմնոյ, կարճէ զղեղերանս և ամաչէ երևել 'ի հրապարակս:

ԺԲ. Բնութիւնն մտադիր բերի յարտաքին սիրտիանս, յորս բերկրի ըստ զգայութեան: Այլ շնորհն յԱստուած միայն խնդրէ մխիթարիլ, և 'ի գերակայ բարին քան յամենայն երևելիս բերկրիլ:

ԺԳ. Բնութիւնն զամենայն առնէ 'ի շահ և 'ի դիրութիւն անձին. ոչինչ առնէ ձրի, այլ կամ զհաւասարն և կամ զլաւագոյն, կամ զգո-

վութիւն և կամ զնպաստաւորութիւն փոխարէն երախտեացն ընդունել ակն ունի . և կամի թէ մեծարգի իցեն իւր արարք և պարգևք : Իսկ շնորհն ոչինչ ժամանակաւորի լինի 'ի խնդիր . և ոչ այլ ինչ հատուցումն՝ բայց միայն զԱստուած խնդրէ 'ի վարձս : Եւ առօրէից պիտոյից ինչ ոչ ցանկայ , բայց որչափ պիտին նմա առ ստանալոյ զյաւիտենականսն :

ԾԴ. Բնութիւնն խնդայ ընդ բազում բարեկամս և ազգայինս , պարծի ընդ ազնուական տեղի և ընդ ծագումն տոհմի , մտահաճութեամբ զնայ ընդ հզօրս , շողոքորթէ զմեծատունս , գովէ զիւր նմանսն : Իսկ շնորհն և զթշնամիս սիրէ , և ոչ ընդ հոյլս բարեկամաց փքանայ . ոչ համարի ինչ զտեղին և զծագումն տոհմի , բայց ուր առաւելութիւն իցէ առաքինութեան . նպաստէ առաւել աղքատի քան մեծատան , վըշտակից լինի անմեղի քան հզօրի , խնդակից լինի ճշմարտախօսի քան ստասացի , յորդորէ միշտ զբարիս՝

նախանձաւոր լինել շնորհաց որք լաւքն են , և առաքինութեամբք՝ որդւոյն Աստուծոյ լինել նմանող :

ԺԵ . Բնութիւնն ընդ պակասութիւնս և ընդ նեղութիւն վաղվաղ տրտնջէ : Շնորհն արիաբար տանի չքաւորութեան :

ԺԶ . Բնութիւնն զամենայն յինքն ձգէ , վասն իւր զժտի և դիմախօսէ : Իսկ շնորհն զամենայն յԱստուած դարձուցանէ , յորմէ որպէս յաղբերէ բղխէ ամենայն . ոչինչ բարի անձին գրէ , և ոչ յանդուգն վստահի յանձն . ոչ վիճէ , և ոչ զիւր կարծիս քան զայլոցն վերադասէ . այլ յամենայն խորհուրդս և յիմաստս՝ յախտենական իմաստութեան և աստուածային քննութեան ներքոյ արկանէ զանձն :

ԺԷ . Բնութիւնն բաղձայ զիտել զգաղտնիս , և լսել զնորալուրս . կամի արտաքոյ երևիլ , և զբազում իրաց զգայութեամբ առնուլ զչափ . ցանկայ լինել ծանուցեալ , և ձեռնարկել ՚ի գործ ուստի գովեստ և զարմանք քաղին : Այլ շնորհաց չէ

ինչ փոյթ լսել զնորայուրս և զընդ-
 վայրաքնինս . զի այդ ամենայն 'ի
 հնութենէ ապականութեան է ծա-
 գեալ, որովհետև չիք ինչ նոր և
 մշտամնայ 'ի վերայ երկրի: Ապա ու-
 սուցանէ զուսպ ունել զզգայու-
 թիւնս, խորչել յունայն հաճութե-
 նէ և 'ի ցուցամոլութենէ, ծածկել
 խոնարհութեամբ զգովելին և զըս-
 քանչելին, և յամենայն իրողու-
 թիւնս և 'ի գիտութիւնս զպտուղն
 խնդրել զօգտի և զգովութիւն և ըզ-
 փառս Աստուծոյ: Ոչ կամի թէ
 ինքն և որ ինչ իւր է քարոզեսցի,
 այլ անձկայ զի Աստուած 'ի պարզևս
 իւր օրհնեսցի, որ զամենայն 'ի լո-
 կոյ սիրոյ 'ի մեզ առատաձեռնէ:

ԺԸ . Այս շնորհ՝ լոյս է գերբնա-
 կան, և մասնաւոր իմն պարզևս աս-
 տուածաձիր . սեպհական կնիք ընտ-
 րելոց, և առհաւատչեայ փրկու-
 թեան յաւիտենից . որ ամբառնայ
 զմարդ 'ի սիրոյ երկրաւորաց 'ի սի-
 րելութիւն երկնայնոց, և զչնչաւորն
 գործէ հոգևոր: Ապա որչափ առա-
 ւել ճնշի բնութիւնն և յաղթի, այն-

չափ մեծագոյն շնորհ 'ի մեզ հեղա-
նի, և օրըստօրէ նորանոր այցելու-
թեամբք ներքին մարդն ըստ պատ-
կերի Աստուծոյ նորոգի:

Գ Լ Ո Ի Խ Ծ Ե

Յադագս ապականոչքեան քնոչքեան,
և ազդուչքեան աստուածային շը-
նորնաց .

Ա. Տէր Աստուած իմ, որ արա-
րեր զիս ըստ պատկերի քում և ըստ
նմանութեան, շնորհեա ինձ զշնոր-
հքդ զայդ՝ զոր ցուցեր այդչափ մեծ
և հարկաւոր առ փրկութիւն, զի
յաղթեցից իմում ապականեալ բը-
նութեանս՝ որ ձգէ 'ի մեզս և 'ի կո-
րուստ: Զի տեսանեմ 'ի մարմնի ի-
մում զօրէնս մեղաց, որ հակառակ
կայ օրինաց մտաց իմոց, և գերէ
զիս 'ի հնազանդութիւն զգայութեան
'ի բազումս: Եւ ոչ կարեմ ընդդէմ
դառնալ կրից նորա, թէ ոչ օգնէ
ինձ շնորհ քո սուրբ հրածորան հե-
ղեալ 'ի սիրտ իմ:

Բ. Կարօտ եմ շնորհի քոյ, և մեծի շնորհի, առ յաղթելոյ բնութեան՝ որ հաստատեալն է միշտ 'ի խնամս չարին 'ի մանկութենէ իւրմէ: Քանզի 'ի նախամարդն Ադամ սահեալ սորա և յուացեալ մեղօք, այնուհետև յամենայն մարդիկ էջ պատիժ այսր արատոյ. մինչև բուն բնութեանն, որ 'ի քէն բարիօք և ուղիղ հաստեցաւ, յայնմ հետէ դնիլ փոխանակ ախտի և տկարութեան ապականեալ բնութեան. իբր զի 'ի թողուլ 'ի նա զբերումն իւր, ձգէ 'ի չարիս և 'ի ստորինս: Քանզի սակաւ այն զօրութիւն՝ որ մնաց, է որպէս կայծ իմն զօղեալ 'ի գազախի: Այն ինքն է բանն բնական՝ մածեալ մթին մառախլով. յորոյ դեռ 'ի ձեռս է ընտրութիւն բարւոյ և չարի, և որոշումն ճշմարտի 'ի ստոյ. թէպէտ և չէ ձեռնհաս 'ի զործ դնել զամենայն՝ որում հաւանի, և ոչ լիապատար ունի զլոյս ճշմարտութեան, և ոչ քաջառողջ է յախորժակս իւր:

Գ. Վասն այսորիկ հաճեալ եմ,

տէր, ընդ օրէնս քո ըստ ներքին մարդոյն, զիտելով թէ պատուիրանք քո բարի են և արդար և սուրբ, և թէ խորշել պարտ է յամենայն չարէ և 'ի մեղաց: Բայց մարմնով ծառայեմ օրինաց մեղաց, առաւել անսացեալ զգայութեան քան բանի: Ասան այսորիկ կամք առաջիկան ինձ, և առնել զբարին ոչ: Բազում անգամ բազում բարիս առաջադրեմ, բայց առ 'ի չգոյէ շնորհաց օգնել իմումս տկարութեան 'ի դոյզն հակառակութենէ յետս ընկրկիմ և կասիմ: Ասան այսորիկ դէպ լինի, զի զճանապարհ կատարելութեան ճանաչեմ. և թէ զիարդարժան իցէ ինձ զործել, զայն քաջ տեսանեմ. բայց ծանրութեամբ իմոյ ապականութեան ճմլեալ, 'ի կատարելագոյնս անգր ոչ ժամանեմ:

Դ. Ո՛վ որպէս պիտոյ է ինձ տէր շնորհ քո 'ի սկսանել զբարին, 'ի յառաջ վարել, և 'ի կատարել: Ձի առանց նորա ոչ կարեմ առնել ինչ. այլ ամենայնի կարող եմ քե, 'ի զօրացուցանել զիս շնորհաց քոց:

Ո՛վ երկնային շնորհի , առանց որոյ ոչինչ են մեր վաստակք , և ոչ ինչ ձիրք բնութեան են արդոյք : Ոչինչ արուեստ , ոչինչ մեծութիւն , ոչինչ գեղեցկութիւն կամ քաջութիւն , ոչինչ ճարտարութիւն կամ ճոռումութիւն արժեն ինչ առաջի քո , տէր , առանց շնորհաց : Քանզի ձիրք բնութեան՝ բարեաց և չարաց են հասարակք . այլ ընտրելոց սեպահական պարզե է շնորհն և սէր . որով պերճացեալքն արժանի համարին կենացն յաւիտենից : Այնչափ գեր 'ի վերոյ է շնորհս , զի ոչ պարզե մարդարէութեան , ոչ նշանագործութիւն , և ոչ որոց և իցէ խորոց խորհրդածութիւն՝ համարին ինչ առանց սորա : Այլ և ոչ հաւատք , ոչ յոյս , և ոչ այլ առաքինութիւնք ընդունելի են քեզ՝ առանց սիրոյ և շնորհաց :

Ե . Ո՛վ երանաւէտ շնորհ , որ զաղքատն հոգւով ճոխացուցանես առաքինութեամբք , և զճոխացեալն բազում բարեօք՝ խոնարհ առնես սրտի : Ե՛կ էջ առիս , լից զիս յայ-

գուէ միսիթարութեամբ քով, զի մի նուազեսցի 'ի վհատութենէ և 'ի ցամաքութենէ մտաց անձն իմ: Տուր, տէր, գտանել ինձ շնորհս առաջի քոյ. զի շատ է ինձ շնորհ քո, թէ պէտ և ոչինչ ունիցիմ 'ի ցանկալեաց բնութեան: Աթէ փորձեցայց և տառապեցայց վշտօք բազմօք, ոչ երկեսայց 'ի չարէ' 'ի լինել շնորհի քո ընդ իս: Նա է իմ զօրութիւն, նատայ ինձ խորհուրդ և օգնութիւն. քան զամենայն թշնամիս է զօրագոյն, և քան զամենայն իմաստունս իմաստնագոյն:

Զ. Վարդապետ է ճշմարտութեան, ուսուցիչ է խրատու, լոյս սրտի, զիրիչ վշտաց, փարատիչ տրամութեան, վանիչ երկիրդի, սնուցիչ եռանդեան, ծնուցիչ արտասուաց: Զինչ եմ ես առանց նորա, բայց եթէ փայտ չոր և կոճղ անպիտան 'ի բաց ընկեցիկ: Ասա շնորհ քո, տէր, յամենայնի իմ առաջի երթիցէ, և զհետ եկեսցէ. և տացէ ինձ հանապաղ փոյթեռանդն լինել 'ի գործս բարութեան, Քրիստոսի Յիսուսի որդւով քով. ամէն:

ԳԼՈՒԽ ԾԶ

Թե պարտ է մեզ ոչրանայ զանձինս ,
և զհետ երբայ Քրիստոսի 'ի ձեռն
խաչի .

Ա. Որդեակ , որչափ 'ի քէն ելա-
նես , այնչափ յիս փոխաբերիս :
Որպէս ոչինչ իմիք ցանկալն ար-
տաքոյ՝ բերէ զներքին խաղաղու-
թիւն , նոյնպէս ներքուստ հրաժա-
րելն յանձնէ՝ ընդ Աստուծոյ միա-
ւորէ : Կամիմ ուսանել քեզ զկա-
տարեալ յանձնարարութիւն ան-
ձինդ 'ի կամս իմ , առանց ինչ հա-
կառակութեան և տրտնջման : Ե՛կ
զկնի իմ . ես եմ ճանապարհ , ճըշ-
մարտութիւն , և կեանք : Առանց
ճանապարհի ոչ հատանի ուղի , ա-
ռանց ճմարտութեան ոչ ճանաչի
ինչ , և առանց կենաց ոչ լինի կեալ :
Ես եմ ճանապարհ , որում պարտ
է քեզ զհետ երթալ , ճմարտու-
թիւն՝ որում պարտ է քեզ հառա-

տալ, և կեանք՝ յոր ունիս յուսալ :
 Ես եմ՝ ճանապարհ ճանապարհ, ճշմարտութիւն անսուտ, և կեանք անվախճան : Ես եմ՝ ճանապարհ ուղիղ, ճշմարտութիւն գերակայ, կեանք ճշմարիտ, կեանք երանական և կեանք անստեղծ : Եթէ կացցես յիմում՝ ճանապարհի, ծանիցես զճշմարտութիւն. և ճշմարտութիւնն ազատեսցէ զքեզ, և հասցես կենացն յախտենից :

Բ. Եթէ կամիս մտանել՝ի կեանս, պահեա զպատուիրանս : Եթէ կամիս ճանաչել զճշմարտութիւն, հաւատա ինձ : Եթէ կամիս կատարեալ լինել, վաճառեա զամենայն : Եթէ կամիս լինել իմ աշակերտ, ուրացիր զանձն : Եթէ կամիս գերանական կեանս ժառանգել, զաստի կեանս արհամարհեա : Եթէ կամիս վերադաս լինել յերկինս, խոնարհեցո զքեզ յաշխարհի : Եթէ կամիս թագաւորել ընդ իս, բարձ զխաչ ընդ իս : Զի միայն ծառայք խաչին զտանեն զճանապարհ երանութեան և ճշմարիտ լուսոյ :

Դ. Տէր Յիսուս Քրիստոս , քանզի անձուկ էին կեանք քո և արհամարհ աշխարհի , տուր ինձ արհամարհութեամբ աշխարհի՝ լինել քեզ նմանող : Զի ոչ է ծառայ մեծ քան զտէր իւր , և ոչ աշակերտ քան զվարդապետ իւր : Մարդեացի ծառայ քո ՚ի վարս քո , զի անդ է իմ փրկութիւն և ճշմարիտ սրբութիւն : Զոր ինչ արտաքոյ նորա կարգամ կամ լսեմ , ոչ զուարթացուցանէ զիս , և ոչ լիով բերկրեցուցանէ :

Ե. Արդեակ , քանզի զայդ ամենայն զիտես և ընթերցեալ է քո զամենայն , երանելի լինիս՝ եթէ առնիցես զնոսա : Ար ունի զպատուիրանս իմ և պահէ զնոսա , նա է՝ որ սիրէ զիս . և ես սիրեցից զնա , և երևեցուցից նմա զիս . և նստուցից զնա ընդ իս յարքայութեան հօր իմոյ :

Ե. Տէր Յիսուս Քրիստոս , որպէս ասացեր և խոստացար , նոյնպէս և եղիցի . և ինձ ևս վիճակեցի այդմ լինել արժանի : Ընկալայ ընկալայ ՚ի ձեռաց քոց զխաչ . բար-

ձից և բարձից զայն մինչև ցմահ , որպէս և եղեր 'ի վերայ իմ : Ահա բարւոյ արեղայի կեանք խաչ է , որ տանի յարքայութիւն : Սկիզբն արարաք . ոչ յետս ընկրկիլ արժան է , և ոչ թողուլ 'ի ձեռանէ :

Զ . Հանպա , եղբարք , զիմեսցուք միանգամայն , և Յիսուս եղիցի ընդ մեզ : Ասան Յիսուսի յանձն առաք զխաչս , վասն Յիսուսի կացցուք մնասցուք 'ի խաչի . նա եղիցի մեր օգնական , որ առաջնորդ է մեր և կարապետ : Ապա թագաւոր մեր մտանէ առաջի մեր , որ պատերազմի փոխանակ մեր : Արիարար զհետ երթիցուք , մի դք երկիցէ յաչէ . պատրաստ լիցուք մեռանել քաջութեամբ 'ի պատերազմի , և մի խառնեսցուք անուն վատութեան ընդ փառս մեր՝ փախչելով 'ի խաչէ :

ՊԼՈՒԽ ԾԷ

Թե չե պարտ մարդոյ կարի իմն չբա-
 նեղ , յորժամ դիպի նեւս 'ի պակա-
 ստըրիւնս ինչ սահել .

Ա . Որդեակ , առաւել հաճոյ են
 ինձ համբերութիւն և խոնարհու-
 թիւն 'ի վիշտս , քան զբազում մխի-
 թարութիւն և եռանդն 'ի յաջողուա-
 ծրս : Ձի է զի տրամեցուցանէ ըզ-
 քեզ խուն ինչ զրոյց ասացեալ ըզ-
 քէն : Թէ աւելի ևս լինէր , չէր ար-
 ժան քեզ խոռովիլ : Բայց արդ թող
 դու , և զանց արա . չէ առաջին , և
 ոչ նոր ինչ , այլ և ոչ վերջին , եթէ
 կեցցես ընդ երկար : Քաջ ես դու ,
 ցորչափ ոչ դիպի ինչ վիշտ . խոհա-
 կան ես և 'ի խրատել զայլս , և զի-
 տես քաջալերել բանիք . այլ իբրև
 զայ յանկարծակի նեղութիւն առ
 դուրս քո , և 'ի խրատուէ և 'ի քա-
 ջալերութենէ վերջացեալ գտանիս :
 Հայեաց 'ի մեծ տկարութիւնդ , զո-

րոյ ստէպ առնուս զչափ 'ի գոյզն
 դէպս : Բայց առ փրկութիւն քո
 գործին այս ամենայն , և որ սոցին
 նման պատահարք :

Բ. Հան ըստ կարի 'ի սրտէ . և թէ
 երզիծոյց ինչ , մի իսպառ լքուսցէ ,
 և մի ընդ երկար պաշարեսցէ : Գէթ
 համբեր երկայնատութեամբ , թէ ոչ
 կարես խնդութեամբ : Թէպէտ և
 դժուարահաճ ես 'ի լսել , և գայ 'ի
 քեզ ցասումն , դու ժուժեա . և մի
 թողուր թէ անկարգ ինչ ելցէ 'ի բե-
 րանոյ քումմէ , յորմէ գայթակղես-
 ցին փոքունք : Աղղվաղակի զիջցի
 զայրոյթն զրգոեալ , և դառնութիւնն
 ներքին քաղցրասցի 'ի դառնալ շը-
 նորհի : Անդանի եմ ես , ասէ տէր ,
 զի պատրաստ եմ օգնել քեզ , և ա-
 ռաւել քան զսովորականն մխիթա-
 րել , եթէ յիս յուսասցիս , և ջերմ
 առ իս կարգայցես :

Գ. Քաջալերեաց , մենաղինեալ
 'ի մեծագոյն համբերութիւն : Չես
 զլխովին զրաջան , թէ ուրեք եր-
 բէք նեղեալ գտանիս կամ մեծա-
 պէս փորձեալ : Մարդ ես դու , և ոչ

Աստուած . մարմին ես , և ոչ հրեշտակ : Չիմրդ հնար էր քեզ միշտ 'ի նոյն սահման առաքինութեան կալ մնալ . որ ոչ վիճակեցաւ այս՝ ոչ հրեշտակաց յերկինս , և ոչ նախամարդոյն 'ի գրախտի : Ես եմ՝ որ զտրամեալս քաջալերութեամբ կանգնեմ , և զորս ճանաչէն զտկարութիւն իւրեանց՝ յաստուածութիւն իմ վերբերեմ :

Դ. Տէր , օրհնեալ է բան քո , քաղցր 'ի քիմս իմ քան զմեղր և զխորիսիս : Չինչ առնել էր ինձ յայնչափ նեղութիւնս և 'ի վիշտս իմ , թէ ոչ զօրացուցանէին զիս բանք քո սուրբ : Այսուհետև զի փոյթ է , թէ զինչ և որչափ ինչ կրիցեմ . միայն թէ 'ի նաւահանգիստ փրկութեան հասանիցեմ : Տուր վախճան բարի , տուր երջանիկ փոխումն յաշխարհէ աստի : Յիշեա զիս Աստուած իմ , և առաջնորդեա ինձ ընդ ճանապարհ ուղիղ յարքայութիւն քո , ամէն :

Գ Լ Ո Ի Խ Ծ Ը

Յադագս չքննելոյ զբարձրագոյն իրս ,
և զԱստուծոյ գաղտնի դատաստանս .

Ա . Որդեակ , զգոյշ լեր չվիճել
զխորին նիւթոց և զգաղտնի դա-
տաստանացն Աստուծոյ , թէ զիւրդ
այս ոք այդպէս բարձի թողի կայ ,
և այն ոք յայնչափ շնորհս ամբար-
ձեալ է . զիւրդ սա այսչափ տա-
ռապի , և նա այնչափ փառաց 'ի
փառս բարձրանայ : Այդ ամենայն
'ի վեր է քան զհասողութիւն մարդ-
կան , և աստուածային դատաստա-
նաց քննութեան ոչինչ բան կամ
վիճումն զիմակալէ : Ապա յորժամ
այսպիսի ինչ թելադրէ քեզ թշնա-
մին , կամ ընդվայրաքնինք 'ի խոյզ
և 'ի խնդիր արկանեն , դու զմար-
գարէինն ասա . Արդար ես , տէր ,
և ուղիղ են դատաստանք քո : Եւ
թէ՛ Դատաստանք տեառն ճշմարիտ
են , և արդար են 'ի նոյն : Դատաս-

տանք իմ սարսափելի են , և ոչ քննելի . զի մտաց մարդկան են անհասանելի :

Բ . Մի խնդիր առնեք , և մի վիճեր և 'ի վերայ աստիճանի սրբոց , թէ ո՞քան զո՞ սրբազոյն իցէ , կամ ո՞վ մեծ իցէ յարքայութեան երկնից : Խնդիրք այդպիսիք ծնանին յաճախ վէճս և հակառակութիւնս անպիտանս , և տածեն զհպարտութիւն և զսնափառութիւն . յորմէ 'ի վեր երեւին մախանք և երկպառակութիւնք , 'ի ջանալ ումեմն զայս սուրբ՝ և ումեմն զայն սուրբ հպարտութեամբ վերադասել : Ի զիտութիւն և 'ի քննութիւն այդպիսի իրաց ձեռնարկել՝ ոչինչ օգուտ 'ի մէջ բերէ . նա՛ անհաճոյ իսկ է սրբոց : Վասն զի չեմ ես Աստուած խոովութեան , այլ խաղաղութեան . որ առաւել հաստատի 'ի ճշմարիտ խոնարհութեան , քան յինքնապարծ բարձրութեան :

Գ . Են որք նախանձու սիրոյ ձըզին յայս կամ յայն սուրբ յորդազոյն ըզձմամբ . բայց մարդկային

իմն է այն, քան աստուածային :
 Ես եմ ամենայն սրբոց հաստիչ,
 ես պարզեցի նոցա զչնորհս, ես
 ետու նոցա զփառս : Ես ծանեայ
 զմիոյ միոյ 'ի նոցանէ զարժանիս,
 ես ժաման արարի զնոսա յօրհնու-
 թիւն քաղցրութեան իմոյ : Ես յա-
 ուաջագոյն ծանեայ զսիրելիս իմ յա-
 ուաջ քան զյաւիտեանս . ես ընտ-
 րեցի զնոսա յաշխարհէ, և ոչ թէ
 նոքա զիս նախ ընտրեցին : Ես կո-
 չեցի զնոսա շնորհօք, ճգեցի յիս ո-
 զորմութեամբ, և առաջնորդեցի նո-
 ցա ընդ պէսպէս փորձութիւնս : Ես
 հեղի 'ի նոսա մխիթարութիւնս մե-
 ծամեծս, ես ետու նոցա յարատևու-
 թիւն, ես պսակեցի զնոցա համբե-
 րութիւն :

Դ. Ես եմ՝ որ ճանաչեմ զառա-
 ջինն և զյետին, ես ընդ ամենեսին
 անչափ սիրով զրկախառնիմ : Ես
 եմ գովելի յամենայն սուրբս իմ .
 ինձ 'ի վեր քան զամենայն վայելէ
 օրհնութիւն և պատիւ վասն միոյ
 միոյ 'ի նոցանէ, զորս այնպէս փա-
 ոօք մեծացուցի, և յառաջագոյն

սահմանեցի՝ առանց ինչ արժանա-
ւորութեան նոցա կանխելոյ : Ապա
որ որ զմի ՚ի փոքրկանց իմոց ար-
համարհէ , այնպիսին և ոչ զմեծն
մեծարէ . զի զփոքրն և զմեծ ես ա-
րարի : Եւ որ ընդ վայր հարկանէ
զմի ՚ի սրբոց , ընդ վայր հարկանէ
և զիս և զամենայն սուրբս յար-
քայութեան երկնից : Ամենեքին մի
են յօգիւ սիրոյ . զնոյն խորհին ,
զնոյն կամին , և ամենեքին միաբա-
նութեամբ սիրեն զմիմեանս :

Ե . Այն զի , որ բարձրագոյն ևսն
է , առաւել սիրեն զիս քան զին-
քեանս և քան զիւրեանց արժանա-
ւորութիւն : Քանզի յափշտակեալք
՚ի վերոյ քան զանձինս , և ձգեալք
արտաքոյ քան զիւրեանց սէր , զըլ-
խովին ՚ի սէր իմ զիմեն . յոր և ըզ-
մայլմամբ հանդչին : Չիք ինչ որ ՚ի
բաց դարձուցանէ զնոսա , կամ
ճնշէ : Իբր զի յաւիտենական ճրչ-
մարտութեամբ աւլցեալք , վառին
հրով անշէջ սիրոյ : Ապա կարկես-
ցին մարմնաւոր և շնչաւոր մարդիկ
խօսել զգերակայութենէ սրբոց ,

ոյք ոչ զիտեն սիրել, բայց միայն զխրեանց խնդութիւնս: Նուազեն և յաւելուն զփառս նոցա ըստ իւրեանց յօժարութեան, և ոչ ըստ հաճոյս յաւիտենական ճշմարտութեան:

2. Ի բազումս 'ի սոցանէ է տղիտութիւն, մանաւանդ յայնս՝ որոց ազօտ է լոյս, և դուն ուրեք զիտեն սիրել զոր կատարեալ և հոգևոր սիրելութեամբ: Այլ և բնաւոր ախորժմամբ և մարդկային բարեկամութեամբ կարի իմն ձղին յայս որ կամ յայն որ. և որպէս բերին 'ի ստորինս, նոյնպէս կարծեն և զերկնաւորս: Բայց անհամեմատ միջոցատարատրոհին, զոր ինչ անկատարբ խորհին, և զոր ինչ հոգեկիրք վերին յայտնութեամբ խորհրդածեն:

Է. Ապա զգոյշ լեր, որդեակ, չխօսել ընդվայրաքննութեամբ զայն պիտեաց՝ որ 'ի վեր են քան զքո զիտութիւն: Այլ այսմ առաւել փոյթ կալ, և միտ զիր, զի գէթ փոքրիկ յարբայութեանն Աստուծոյ մարթասցիս գտանել: Թէպէտ և զիտէր

որ, թէ ո՞ք քան զո՞ սրբագոյն իցէ կամ մեծագոյն համարիցի յարքայութեան երկնից, զի՞նչ օգուտ էր նմա զհառութիւնս, թէ ոչ ՚ի զհառութենէ աստի առաջի իմ խոնարհէր, և յառաւելագոյն գովեստ անուան իմոյ խրախուսէր: Յոյժ աստուածահաճոյ ինչ գործէ, որ զմեզաց իւրոց մեծութիւն և զառաքինութեանց իւրոց փանաքութիւն խորհի, և թէ քանի՞ հեռի է ՚ի կատարելութենէ սրբոց, քան զայն՝ որ զերիցութենէ կամ զկրսերութենէ նոցա վիճի: Լաւ է ջերմեռանդնաղօթիւք և արտասուօք դսուրբս աղաչել, և զպանծայլի օգնութիւն նոցա խոնարհամիտ հայցել, քան զզաղտնիս նոցա զրախնդիր քննել:

Ը. Քաջ իսկ հաճեալ են նոքա, եթէ ուսցին մարդիկ զգոյշ կալ և զզրախօսութիւն իւրեանց կարճել: Ոչ սլարծին նոքա յիւրեանց արժանաւորութիւն. իբր զի ոչինչ բարի ընծայեն անձանց, այլ զամենայն ինձ. զի զամենայն յանբասիրոյ իմոյ նոցա շնորհեցի: Այն-

չափ լի են սիրով աստուածութեան
 և բազմազեղ խնդութեամբ, մինչև
 չպակասել ինչ նոցա ՚ի փառաց և
 յերանութենէ : Ամենայն սուրբք
 որչափ բարձր են ՚ի փառս՝ այնչափ
 խոնարհ են յինքեանս, և ինձ ա-
 ռուել մերձաւոր և սիրելի : Ասան
 այսորիկ զրեալ է, թէ արկանէին
 զպսակս իւրեանց առաջի Աստու-
 ծոյ . և անկան ՚ի վերայ երեսաց
 իւրեանց առաջի դառինն, և երկիր-
 պազին կենդանւոյն յաւիտեանս յա-
 վտենից :

Թ. Բազումք խնդրեն՝ թէ ո՞վ մեծ
 իցէ յարքայութեանն Աստուծոյ,
 որք ոչ զիտեն՝ թէ արժանասցին
 արդեօք ընդ փոքունս զասիլ : Մեծ
 է փոքր իսկ լինել յերկինս, ուր ա-
 մենեքին են մեծ . զի ամենեքին որ
 զիք Աստուծոյ կոչին և են : Կրտ-
 սերն եղիցի ՚ի հազարս, և մեղա-
 ւորն հարիւրամեայ մեռցի : Քանզի
 ՚ի խնդրել աշակերտաց, թէ ո՞վ մեծ
 իցէ յարքայութեան երկնից, այս-
 պիսի լուան պատասխանի . Եթէ
 ոչ դարձջիք և եղիջիք իբրև զման-

կտի, ոչ մտանիցէք յարքայութիւնն
երկնից: Չի որ խոնարհեցուցանէ
զանձն իբրև զմանուկս զայս, նա
է մեծ յարքայութեանն երկնից:

Ժ. Վայ է նոցա, որք ընդ ման-
կունս կամաւ խոնարհիլ չառնուն
յանձն, զի խոնարհ գուռն արքայ-
ութեան երկնից ոչ տացէ նոցա
մուտ: Վայ և մեծատանց, որք ըն-
կալան աստէն զմխիթարութիւնս
իւրեանց. զի ՚ի մտանել աղքատաց
յարքայութիւնն Աստուծոյ, նորա
արտաքոյ կացեալ կահանաւ լաց-
ցեն: Ուրախ լերուք խոնարհք, և
ցնծացէք աղքատք, զի ձեր է ար-
քայութիւնն Աստուծոյ. սակայն
եթէ ճշմարտութեամբ զնայցէք:

Գ Լ Ո Ի Խ Ծ Թ

Թե զամենայն յոյս մեր և սպառիւնշ-
քիւն յԱստուած միայն պարտ է
հաստատել .

Ա. Տէր, ո՞վ է իմ ապաւինու-
թիւն յաստի կեանս, կամ ո՞ր իցէ
ափովութիւն իմ յամենայն երևեալս
ընդ արեգակամբ : Ո՞չ ապաքէն դու
Աստուած իմ, որոյ ողորմութեանդ
ոչ գոյ բաւ : Ո՞ւր ինձ բարի ինչ եղև
առանց քոյ, կամ նոր չար ինչ պա-
տահեաց՝ ՚ի լինել քո ընդ իս : Առա-
ւել կամ իմ լինել աղքատ վասն քոյ,
քան մեծատուն առանց քոյ : Ընտ-
րեմ մանաւանդ ընդ քեզ յերկրի
պանդխտանալ, քան առանց քո
զերկինս ժառանգել : Ուր դու ես,
անդ են երկինք . և անդ մահ և դը-
ժովք, ուր ոչ ես դու : Գու ես իմ
ցանկալի . վասն այսորիկ հարկ է
ինձ զհետ քո յողոց հանել, աղա-
ղակել, և աղերս արկանել : Եւ չիք

ինձ վստահանալ յոք , որ ձեռնտու իցէ 'ի կարիս 'ի ժամու , բայց 'ի քեզ միայն Աստուած իմ : Գու ես յոյս և ապաւէն իմ , դու մխիթարիչ իմ և մտերիմ յամենայնի :

Բ . Ամենեքին զիւրեանցն խընդրեն . դու զփրկութիւն և զյառաջադիմութիւն իմ միայն կամիս , և զամենայն ինձ 'ի բարի փոխարկես : Թէպէտ և 'ի պէսպէս փորձութիւնս և 'ի վիշտս արկանես , սակայն զամենայն յօգուտ իմ կարգես . որ բիւրօրինակ զիտես փորձել զքո սիրելիս : Յոր հանդէս ոչինչ նուազ արժան է ինձ սիրել զքեզ և օրհնել , քան եթէ երկնային մխիթարութեամբ զիս լնուիր :

Գ . Ապա 'ի քեզ տէր զնեմ զամենայն զյոյս իմ և զապաւինութիւն , 'ի քեզ զամենայն նեղութիւն և զվիշտս իմ հաստատեմ . զի զոր ինչ արտաքոյ քո տեսանեմ , զամենայն տկար և յողողող գտանեմ : Զի ոչինչ օգտեն ինձ բազում բարեկամք , և ոչ օգնել ինչ զօրեն հրդօր օգնականք . ոչ տան պիտանի

պատասխանի խոհական խորհրդականք, և ոչ մխիթարեն իմաստնոց մատեանք. ոչ ընտիր ընտիրք ինչք զիտեն զերծուցանել, և ոչ տեղի անքոյթ և զուարթարար՝ պատըս պարել. թէ ոչ դուինքն մօտ եկեսցես, օգնեսցես, զօրացուսցես, մըխիթարեսցես, ուսուսցես, և պահեսցես:

Դ. Ձի ամենայն որ ինչ խաղաղութեան թուի առիթ և երջանկութեան, առանց քո ոչինչ է, և ոչ ինչ երջանկութիւն ճշմարտութեամբ ՚ի ներքս ածէ: Ապա կատար ամենայն բարեաց, և բարձրութիւն կենաց, և խորութիւն ճարտարութեանց դու ես: Եւ ՚ի քեզ քան յամենայն ինչ յուսալ, արիական սփոփումն է քոց ծառայից: Առ քեզ են աչք իմ, ՚ի քեզ յուսացեալ եմ, Աստուած իմ, հայր ողորմութեանց: Օրհնեա և սրբեա զհոգի իմ երկնաւոր օրհնութեամբ. զի եղիցի քեզ բնակարան սրբութեան, և աթոռ յախտենական փառաց քոց. և ոչ ինչ ՚ի սաճար փառաց քոց զտցի

յաչս աստուածայետութեանդ անհաճոյ : Ըստ մեծի բարութեան քում, և ըստ բազում դժութեանց քոց հայեաց յիս, և լուր աղօթից ծառայի քոյ աղքատի, վտարելոյ յերկիր ստուերաց մահու : Պարբսպեալ սրահեա դանձն ծառայի քոյ 'ի բազմապատիկ վիշտս ապականացու կենցաղոյս, և ուղեկցելով շնորհի քոյ առաջնորդեա ինձ 'ի ճանապարհս խաղաղութեան. Ամէն :

Կատարեցան խրատք որ 'ի վերայ
ներքին մխիթարութեան .







ԳԻՐՔ ՉՈՐՐՈՐԴ

Յ Ա Ղ Ա Գ Ս Խ Ո Ր Հ Ր Դ Ո Յ
Հ Ա Ղ Ո Ր Դ ՈՒ Թ Ե Ա Ն

*Չերվեռուսկոյն հրատէր առ սուրբ
հատորորոշիւնն .*

Չայն Քրիստոսի .

ԵՆՍՅԻ առիս ամենայն աշխատեալք և բեռնաւորք , և ես հանդուցից զձեզ , ասէ տէր : Հացն , զոր ես տաց , մարմինն իմ է . զոր ես տաց վասն կենաց աշխարհի : ասէք կերայք , այս է մարմինն իմ , որ վասն ձեր բաշխի . զայս արարէք առ իմոյ յիշատակի : Որ ուտէ զմարմինն իմ , և ըմպէ զարիւնն իմ ,

յիս բնակեացէ, և ես 'ի նմա : Ըզբանս, զոր ես խօսեցայ ընդ ձեզ, հոգի են և կեանք :

Գ Լ Ո Ի Խ Ա

Թե քանի յարգանօք պարտ ե ընդունել զՔրիստոս .

Չայն աշակերտի .

Ա. Այս բանք են քո, Քրիստոս ճշմարտութիւն յաւիտենական. թէ պէտ և ոչ միահաղոյն ասացան, և ոչ 'ի մի վայր գրեցան : Արդ քանզի քո են և ճշմարիտ, սրտի մտօք և հաւատովք ընդունիմ՝ զամենայնն : Քո են, և դու բարբառեցար. և իմ ես են, զի առ փրկութիւն իմ ասացեր : Մտադիր ընդունիմ ըզնոսա 'ի բերանոյ քումմէ, զի անջինջ տպաւորեցին 'ի սիրտ իմ : Չարթուցանեն զիս զորովալիր այս բանք, որ լի են քաղցրութեամբ և սիրով . բայց զարհուրեցուցանեն զիս յանցանք իմ, և յընդունելութենէ ահաւոր խորհրդոյս յետս

ընկրկէ զիս անմաքուր խիղճ մը տաց : Յորդորէ զիս քաղցրութիւն բանից քոյ . այլ ծանրէ զիս բազմութիւն ախտից իմոց :

Բ. Հրամայես ինձ՝ անվեհեր մատչել առ քեզ , եթէ կամիմ՝ ունել ընդ քեզ մասն , և զանմահականն ճշակել կերակուր , եթէ ցանկամ զյաւիտենականն ընդունել զկեանս և զփառս : Եկայք , ասես , առ իս ամենայն աշխատեալք և բեռնաւորք , և ես հանգուցից զձեզ : Ո՛վ քաղցր և փարելի բարբառոյս յունկըն մեղաւորի . որով դու , տէր , զաղքատն և զտնանկն հրաւիրես ՚ի հաղորդութիւն ամենասուրբ մարմնոյ քոյ : Այլ ո՛վ եմ ես տէր , զի վստահացայց մատչել առ քեզ : Ահա երկինք և երկիր չեն քեզ բաւական . և դու ասես , եկայք առ իս ամենեքեան :

Գ. Ձինչ իցէ զորովական այս զիջումն և զթալիր հրաւեր : Ձիարդ իշխիցեմ գալ , որ ոչինչ բարի զիտեմ անձին իմոյ առ ՚ի կարող վնելոյ վստահանալ : Ձիարդ մուծից

զքեզ 'ի տուն իմ, որ բազում ան-
գամ բարկացուցի զքաղցրիկ երեսս
քո: Պատկառին 'ի քէն հրեշտակք
և հրեշտակապետք, երկնչին սուրբք
և արդարք. և դու ասես, եկայք ա-
ռիս ամենեքեան: Եթէ ոչ քո էր
ասացեալ, ո՞ հաւտտայր լինել ճշշ-
մարիտ. և եթէ ոչ քոյ էր հրամա-
յեալ, ո՞ ձեռնարկէր մատչել:

Դ. Ահա Նոյ այր արդար 'ի շի-
նութիւն տապանին հարիւր ամ աշ-
խատ եղև, զի ապրեսցի ընդ սա-
կաւուց. և ես զխաբդ կարիցեմ 'ի
մի ժամ պատրաստել զանձն՝ առ
ընդունելոյ յարդանօք զաշխարհի
արարչագործդ: Մովսէս մեծ ծա-
ռայ քո և մտերիմ, արար տապա-
նակ յանիւտ փայտից. զոր և պա-
տեաց ոսկւով սրբով, դնել 'ի նմա
զտախտակս օրինաց. և ես փուտ
ստեղծուած իշխիցեմ զօրինագիրդ
և զկենսատուդ այսպէս հեշտեալ
ընդունել: Սողոմոն, իմաստնա-
դոյնն 'ի թագաւորս Իսրայէլի, տա-
ճար շինեաց մեծակառոյց զամս եօ-
թըն 'ի դովեստ անուան քոյ, և ութ

օր նաւակատիս կատարեաց. հազար զոհն խաղաղականս մատոյց, և դատաւանակն ուխտի ձայնիւ փողոյ և հռչակաւ մեծահանդէս զետեղեցոյց՝ ի պատրաստեալ յիւր տեղի. և ես թշուառս և ապիկարս՝ ի մարդկանէ զիաճող մուծից զքեզ ի տուն իմ, որ հազիւ զկէս ժամու անցուցանել զիտեմ՝ եռանդեամբ, և երանի թէ զկէս իսկ առ անգամ մի արժանապէս:

Ե. Բարէ, սրչափ ինչ առնել ջանացան նորա՝ ի հաճոյանալ քեզ, և սրպէս խուն ինչ է՝ զոր եսն առնեմ. սրպէս ՚ի համառօտն փութամ, յորժամ ՚ի հաղորդութիւն պատրաստիմ. հազիւ զմիտս ամփոփեալ, հազիւ հազ յամենայն ցնդմանէ մաքրեալ: Եւ արդարեւ ՚ի կենարար եկաւորութեան աստուածութեանդ չէր արժան անարժան ինչ խորհրդոյ յիս զալ, և ոչ արարածոյ իմիք զիս զբաղել. զի ոչ զհրեշտակ, այլ զհրեշտակացն տէր հանդերձիմ հիւրընկալել:

Զ. Այն զի մեծ խտիր է ՚ի մէջ

տապանակին ուխտի և աւանդիցն որ 'ի նմա, և 'ի մէջ ամենասուրբ մարմնոյ քոյ և անպատում զօրութեանց նորա. 'ի մէջ օրինական զոհից՝ որ նախանկար էին հանդերձելոց, և 'ի մէջ ճշմարիտ մարմնոյ քոյ պատարագի որ ամենայն նախնի զոհից է լրումն:

Է. Իսկարդ զի է, զի ոչ յաւետ բորբոքիմ առ քոյ արդոյ եկաւորութիւն. զիարդ ոչ մեծաջան պատրաստիմ առ ընդունելութիւն քոց սրբութեանց, ուր այն նախնի սուրբ նահապետք և մարդարէք, ևս և թաղաւորք և իշխանք հանդերձ ամենայն ժողովրդեամբ, այսչափ իղձ եռանդեան ցուցին առ պաշտօն աստուածային:

Ը. Կարաւեաց առաքինասէր արքայ Դաւիթ առաջի տապանակին Աստուծոյ ամենայն զօրութեամբ, յիշելով զերախտիսն՝ զոր արար Աստուած երբեմն առ հարս: Արար ազգս ազգս նուազարանաց, յօրինեաց սաղմոսս, և սահմանեաց երգել ուրախութեամբ. նուազէր և

ինքն ստէպ քնարաւ , ազդմամբ
չնորհաց սուրբ Հոգւոյն : Ուսոյց
ժողովրդեանն Իսրայէլի յամենայն
սրտէ դուիել զԱստուած , և միա-
ձայն բարբառով զօրհանապաղ օրհ-
նել զնա և փառաւորել : Եթէ այս-
չափ եռանդն էր յայնժամ , և աս-
տուածային օրհնութեան յիշատակ
առաջի տապանակին վկայութեան ,
ո՞րչափ ևս արդ պարտ է ինձ և ամենայն ժողովրդեան քրիստոնէից՝
ունել յարդ և եռանդն յառաջա-
կայութեան սուրբ խորհրդոյս , և ՚ի
ճաշակել զպատուական մարմին
Քրիստոսի :

Թ . Ընթանան բազումք ՚ի տեղիս
տեղիս յայց նշխարաց սրբոց , և
ռքանչանան ՚ի լսել զվարս նոցա .
հիանան ընդ հոյակապ շինուածս
տաճարաց նոցա , և համբուրեն ըզ-
սուրբ ոսկերս նոցա մետաքսապա-
տրս և ոսկիապատս : Եւ ահա դու
աստ առաջի իմ ես ՚ի վերայ սեղա-
նոյ , Աստուած իմ , սուրբդ սրբոց ,
արարիչ մարդկան և տէր հրեշտա-
կաց : Յոլովակի յայսպիսի այցելու-

թիւնս է հետաքրքրութիւն մարդկան, և նորութիւն անտես իրաց, և սակաւ պտուղ քաղի ուղղութեան. մանաւանդ ուր թեթևութեամբ խոսքն ընթանան՝ առանց ճշմարիտ զղջման : Այլ աստ 'ի խորհրդեան սուրբ սեղանոյ զլխովին ներկայես, Աստուած և մարդ Յիսուս Քրիստոս . ուր և առատ քաղի յախտն նական փրկութեան պտուղ, քանիցս անգամ ւարժանապէս և եռանդեամբ ճաշակիս : Ի սա ոչ ձգէ թեթևութիւն ինչ, և ոչ հետաքրքրութիւն կամ զզայականութիւն . այլ հաստատուն հաւատք, ջերմեռանդըն յոյս, և անկեղծ սէր :

Եւ Ո՛վ անտեսանելի արարիչդ աշխարհի Աստուած, զիարդ սքանչելի են գործք քո առ մեզ . զիարդ մարդասիրապէս առ ընտրեալս քո զթասիրես, որոց զանձն քո 'ի սուրբ խորհրդեանս առաջի դնես 'ի ճաշակել : Քանզի 'ի վեր է այս քան զամենայն միտս, և առանձինն իմն զառաքինեաց զսիրտս ձգէ և զիղձս վառէ : Զի քո ճշմարիտ հաւատա

ցեալք , որք զամենայն կեանս իւրեանց յուղղութիւն կարգեն , յայսմ արգոյ խորհրդոյ մեծ շնորհ եռանդեան և սէր առաքինութեան ստէպ յանձինս ընդունին :

ԺԱ . Ո՛վ սքանչելի և ծածկեալ շնորհի խորհրդոյս , զոր զիտեն միայն Քրիստոսի հաւատացեալք . իսկ անհաւատք և մեղսասէրք ոչ ժամանեն զսորա առնուլ զչափ : Յայսմ խորհրդեան տուեալ լինի հոգևորական շնորհ , վերստին նորոզի յողի առաքինութիւնն կորուսեալ , և դառնայ անդրէն զեղեցկութիւնն՝ մեղօք տղեղացեալ : Այնչափ է երբեմն այս շնորհ , մինչև ՚ի յորդութենէ եռանդեան ոչ միտք միայն՝ այլ և տկար մարմինն առաւել ևս քաջալերութիւն զգենու :

ԺԲ . Այլ աւանդ և եղո՛ւկ յոյժ մերումս զաղջութեան և հեղգութեան , զի ոչ մեծափափաք տենչմամբ բերիմք յընդունիլ զՔրիստոս , յոր հաստատի ամենայն յոյս՝ որոց ակնունին փրկութեան , և արժանաւորութիւն նոցա : Չի նա է սրբութիւն

մեր և փրկութիւն . նա է մխիթարութիւն յաստի կեանս ճանապարհորդելոց , և յաւերժական զմայլումն սրբոց : Ապա յիրաւի է մորմոքիլ յոյժ . զի բազումք այդչափ անփոյթ են զփրկական խորհրդոյս , որ զերկինս ուրախ առնէ , և զաշխարհ ամենայն սրահէ : Աւանդկութեան և խստասրտութեան մարդկան , զի զայսպիսի անպատում սլարդե ոչ որպէս արժան է մտաբերէ , և ՚ի հանապազորդ սովորութենէ ՚ի մոռացօնս իսկ արկանէ :

ԺԳ . Ձի եթէ այս սուրբ խորհուրդ ՚ի միում միայն տեղւոջ , և ՚ի միոջէ միայնոյ քահանայէ կատարէր յաշխարհի , քանի՛ փափաքմամբ այնմ տեղւոյ և այնմ քահանայի Աստուծոյ անձկային մարդիկ , զի զաստուածային խորհրդոյն տեսցեն զկատարումն : Բայց արդ բազում եղեն քահանայք , և ՚ի բազում տեղիս մատչի Քրիստոս , զի սփիւռ տարածութեամբ սուրբ հաղորդութեան ընդ տիեզերս՝ առա-

ւել ևս երևեսցի շնորհ և սէր Աստուծոյ առ մարդիկ : Պահանամ զքէն բարերար փրկիչ , հովիւ յաւիտենական , որ զմեզ զաղքատքս և զաքսորեալքս հաճեցար պատուական մարմնով և արեամբ քո կերակրել . և առ ընդունելութիւն խորհրդոյս՝ ևս և բանիւ բերանոյ քոյ հրաւիրեցեր՝ ասելով . Եկայք առ իսամենայն աշխատեալք և բեռնաւորք , և ես հանգուցից զձեզ :

ԳԼՈՒԽ Բ

Թե՛ մեծ բարութիւն և սէր Աստուծոյ
ի սուրբ խորհրդեան ցուցանի
մարդկան .

Չայն աշակերտի .

Ա . Ի բարութիւն քո , տէր , և ՚ի մեծ ողորմութիւնդ ապաւինեալ՝ մատչիմ տկարս առ կեցուցիչդ , քաղցեալս և սպաքեալս առ աղբիւրդ կենաց , կարօտեալս առ թաղաւորդ երկնից , ծառայս առ տէրդ ,

արարածս առ արարիչդ , և լքեալս
 առ մխիթարիչդ իմ զթած : Այլ ուս-
 տի է ինձ այս , զի եկեսցես առիս :
 Ո՞վ եմ ես , զի զանձն քո ինձ ըն-
 ծայեսցես : Զիա՞րդ իշխեսցէ մեղա-
 ւորն երևել առաջի քո . և դու զիա՞րդ
 յանձն առնուցուս զայլ առ մեղա-
 ւորն : Դու ճանաչես զճառայ քո ,
 և զիտես զի չունի ինչ բարի , թէ
 արասցես նմա զայդ շնորհ : Ապա
 խոստովանիմ զիմ անարգութիւն .
 ճանաչեմ զքո բարութիւնդ . օրհ-
 նեմ զգթութիւնդ , և շնորհ ունիմ
 զքէն վասն մեծի սիրոյդ : Զի վասն
 քոյ զայս առնես , և ոչ վասն իմոյ
 արժանաւորութեան . որպէս զի բա-
 րութիւն քո ինձ առաւել ևս յայտ-
 նեսցի , սէր քո և ևս տալաւորեսցի ,
 և խոնարհութիւն քո կատարելա-
 գոյն զովեսցի : Արդ վասն զի հա-
 ճոյ է քեզ այդ , և այսմ այսպէս
 հրամայեցեր լինել , հաճոյ է և ինձ
 քո զիջումն : Եւ երանի՛ թէ անօրէ-
 նութիւն իմ ոչ զդէմ կալցի :

Բ . Ո՞վ քաղցր և բարերար փրկ-
 կիչ , քանի՛ պատիւ և զոհութիւն հա-

նապագորդ օրհնութեամբ քեզ վա-
յելէ վասն ընդունելութեան սուրբ
մարմնոյ քոյ , զորոյ զյարդ ոչ որ
'ի մարդկանէ կարող է պատմել :
Այլ զինչ խորհիցիմ յայսմ հաղոր-
դութեան 'ի մատչել իմում առ տէրդ
իմ , զոր ըստ արժանեաց պատուել
չեմ բաւական , բայց եռանդեամբ
ընդունել ըղձանամ : Զինչ խորհի-
ցիմ որ լաւ և օգուտ իցէ , բայց
զանձն իմ զլխովին խոնարհեցու-
ցանել առաջի քոյ , և զքո անբաւ
բարութիւնդ բարձրացուցանել 'ի
վերայ իմ : Օրհնեմ զքեզ , Աս-
տուած իմ , և բարձր առնեմ յաւի-
տեան : Արհամարհեմ զանձն իմ ,
և ներքոյ արկանեմ քոյ , 'ի խորս
անարդութեան իմոյ :

Գ . Ահա դու սուրբ ես սրբոց , և
ես ազտեղութիւն մեղաց : Ահա խո-
նարհիս առ իս . որ չեմ արժանի
համբառնալ զաչս իմ առքեզ : Ա-
հա զաս առիս , և կամիս լինել ընդ
իս , և հրաւիրես 'ի կոչունս քո :
Տաս ինձ երկնաւոր կերակուր և հաց
հրեշտակաց 'ի ճաշակումն , ոչ այլ

ինչ՝ բայց զքեզ ինքն զհացդ կեն՝
դանի . որ յերկնից իջեր և կեանս
տաս աշխարհի :

Դ . Ահա , թէ ուստի՞ դայ սէրն ,
և որպիսի՞ ՚ի վեր երևի զիջումն :
Քանի՞ գոհութիւն և փառաբանու-
թիւն քեզ վայելէ վասն ամենայնի
այսորիկ : Քանի՞ փրկաւէտ և պի-
տանի եղև քո հանճար ՚ի սահմա-
նել զսա . քանի՞ քաղցր և զուար-
թարար են կոչունքս ՚ի պարզելել
քո զքեզ ՚ի կերակուր : Ո՛րպէս
սքանչելի են գործք քո տէր , որ-
պէս հզօր քո զօրութիւն , և անպա-
տում քո ճշմարտութիւն : Չի ասա-
ցեր , և եղև ամենայն . և այս եղև ,
զի դու հրամայեցեր :

Ե . Սքանչելի իմն է և արժանա-
հաւատ , բայց մարդկայնոց յաղթէ
մտաց . զի դու տէր իմ , ճշմարիտ
Աստուած և մարդ , ընդ դոյզն տե-
սակաւ հացի և զինոյ ամբողջ կաս ,
և անծախապէս ճաշակիս : Գու տէր
ամենայնի , որ ոչինչ իմիք կարօ-
տիս , կամեցար ՚ի ձեռն սուրբ խոր-
հրդոյս բնակել ՚ի մեզ : Անարատ

պահեա զսիրտ իմ և զմարմին , զի
 զուարթագին և մաքուր խղճիւ մը-
 տաց կարողացայց ստէպ կատարել
 զքո խորհուրդսդ , և ընդունել առ
 իմ մշտնջենաւոր փրկութիւն . զոր
 'ի պատիւ և յանմոռաց յիշատակ
 քո օրինադրեցեր և սահմանեցեր :

Զ . Ուրախ լեր անձն իմ , և զո-
 հացիր զԱստուծոյ վասն այսր ազ-
 նուական պարգևի և մեծի սփոփա-
 նաց՝ որ թողաւ քեզ յայսմ արտա-
 սուաց վայրի : Զի քանիցս անգամ
 զայս խորհուրդ պաշտես , և զՔրիս-
 տոսի մարմին ճաշակես , զփրկու-
 թեան քո զործ զործես , և ամենայն
 արժանեաց Քրիստոսի լինիս բա-
 ժանորդ : Զի սէրն Քրիստոսի ոչ
 երբէք նուազի , և քաւութիւն նորա
 ոչ սպառի երբէք : Վասն այսորիկ
 միշտ նորոգութեամբ մտաց յայս
 պատրաստեսջիր զանձն , և զմեծ
 զայս խորհուրդ փրկութեան մտա-
 դրութեամբ կշռեսջիր : Այնպէս մեծ
 և նոր և զուարճալի քեզ թուեսցի՝
 'ի մատուցանել քո կամ 'ի տեսա-
 նել զպատարսդ , որպէս եթէ յայնմ

աւուր Քրիստոս իջեալ յարգանդ
կուսին մարգանայր, և կամ 'ի խա-
չի բևեռեալ՝ վասն փրկութեան քո
չարչարէր և մեռանէր:

Գ Լ Ո Ի Խ Գ

Յաղագս քե օգտակար է սուեպ
հաղորդիլ .

Չայն աշակերտի .

Ա. Ահա առքեզ դամ, տէր, զի
բարի լիցի ինձ 'ի պարզեաց քոց, և
ուրախ եղէց 'ի սուրբ կոչունս քո .
զոր պատրաստեցեր քաղցրու-
թեամբ քով աղքատի, Աստուած:
Ահա 'ի քեզ է ամենայն, որում ըզ-
ձանալ մարթիմ: Գու կեանք իմ և
փրկութիւն, յոյս և զօրութիւն,
վայելչութիւն և փառք: Ուրախ ա-
րա այսօր դանձն ծառայի քոյ . զի
առ քեզ, տէր Յիսուս, համբարձի
դանձն իմ: Փափաքեմ արդ եռան-
դեամբ և յարգանօք զքեզ ընդունել .
ցանկամ զքեզ 'ի տուն իմ տանել,

զի ընդ Չաքէի արժանացայց 'ի քէն
օրհնիլ , և ընդ որդիս Աբրահամու
համարիլ : Անձն իմ փափաքէ մար-
մնոյ քում , և սիրտ իմ ցանկայ միա-
նալ ընդ քեզ :

Բ . Տուր զքեզ ինձ , և շատ է . զի
բաց 'ի քէն՝ ոչինչ մխիթարութիւն
արժէ ինչ : Առանց քո լինել ոչ կա-
րեմ , և առանց այցելութեան քոյ
կեալ ոչ դօրեմ : Վասն այսորիկ
պիտոյ է ինձ ստէպ առ քեզ մատ-
չել , և 'ի դեղ փրկութեան իմոյ ըզ-
քեզ ընդունել . գուցէ նքթիցիմ 'ի
ճանապարհի , վրէպ գտեալ յերկ-
նային կերակրոյդ : Չի այսպէս դու ,
մարդասէր փրկիչ , 'ի քարոզելդ
ժողովրդեան և 'ի բժշկել զպէսպէս
ախտս նոցա՝ ասացեր երբեմն . Ոչ
կամիմ արձակել զնոսա նօթիս 'ի
տունս իւրեանց , գուցէ նքթիցին
զճանապարհայն : Ապա արա զայդ
և արդ ընդ իս , որ վասն հաւատա-
ցելոյ մխիթարութեան զքեզ 'ի խոր-
հրդեանս մեզ աւանդեցեր : Չի դու
ես քաղցր կերակուր հոգւոյ . և որ
արժանապէս զքեզ ճաշակէ , բա-

ժանորդ և ժառանգ լինի փառացն յափտենականաց: Ինձ, որ յուր վակի զթեմս և մեղանչեմ և վաղ վաղ թմրիմ և նուաղիմ, հարկ է ստէպ աղօթիւք և խոստովանութեամբք և սուրբ մարմնոյ քոյ ընդունելութեամբ նորոզիլ, սրբիլ, և վառիլ. զի մի յերկար հրաժարմամբ՝ յետնեպ գտայց ՚ի սուրբ առաջադրութենէ:

Գ. Ձի դիւրամէտ է զգայութիւն մարդոյ ՚ի չարն ՚ի մանկութենէ իւրմէ. և թէ ոչ օգնէ նմա զեղս աստուածային, արագ զթէ յևս չարագոյնս: Ապա քեցէ ՚ի չարէ սուրբ հաղորդութիւնն, և ՚ի բարին զօրացուցանէ: Իսկ արդ եթէ այժմ որ հաղորդիմս կամ պատարագեմ՝ բազում անգամ հեղղ եմ և զաղջ, զինչ լինէր՝ եթէ զեղ ոչ առնուի, և օգնականութեանս մեծի ոչ լինէի ՚ի խնդիր: Եւ թէպէտ օրըստօրէ ընդունել չեմ բաւական, և ոչ ՚ի պատարագել քաջ պատրաստական, սակայն ջանացայց ՚ի պարզաձ ժամանակի զաստուածայինս

ընդունել խորհուրդ , և մեծի շնորհիս բաժանորդ զանձն ընծայել : Քանզի մեծ մխիթարութիւն է հաւատացեալ հոգւոյ , ցորչափ տարազիր է 'ի քէն 'ի մահկանացու մարմնի , ստէպ յիշատակութեամբ Աստուծոյ իւրոյ՝ զսիրելին իւր եռանդեամբ ընդունել 'ի սիրտ :

Գ . Ո՛վ սքանչելի զիջման զթութեան քո 'ի մեզ տէր . զի որ արարիչդ ես և կենագործող ամենայն հոգւոց՝ յազքատին ողի եկաւորել յանձն առնուս , և բովանդակ աստուածութեամբ քո և մարդկութեամբ զհիւժութիւն նորա պարարեսս : Ո՛վ երջանիկ մտաց և երանելի ոգւոյ , որ զքեզ զտէր Աստուած իւր արժանաւորի եռանդեամբ ընդունել , և 'ի քում ընդունելութեան հոգևորական խնդութեամբ լի լինել : Որպիսի՛ մեծ տէր ընդունի , որպիսի՛ սիրելի հիւրընկալէ , որպիսի՛ զուարթարար ընկեր օթեցուցանէ , որպիսի՛ հաւատարիմ բարեկամ ժողովէ , որպիսի՛ զեղեցիկ և ազնուական փեսայի զիրկս արկա-

նէ, որ սիրելին է քան զամենայն սիրելիս և քան զամենայն ցանկալիս : Լուեսցեն յերեսաց քաղցր սիրելոյդ իմոյ երկինք և երկիր, և ամենայն զարդ նոցա . զի որինչ է 'ի նոսա զովելի և վայելուչ, քո հաճութեան և առատաձեռնութեան են ձիրք, և ոչ 'ի մեծ վայելչութիւն անուան քո ժամանեն, որոյ իմաստութեանդ ոչ զոյ բաւ :

Գ Լ Ո Ի Խ Գ

Յաղագս թէ բազում բարիք պարգևին այնց, որք առանդեամբ հաղորդին .

Չայն աշակերտի .

Ե . Տէր Աստուած իմ, կանխեալ առ ծառայ քո օրհնութեամբ քաղցրութեան քո . զի 'ի քո հրաշափառ խորհուրդ արժանապէս և եռանդեամբ արժանացայց մատչել : Չարթո զսիրտ իմ 'ի քեզ, և 'ի թանձր թմրութենէ սթափեալիս : Այց արա ինձ 'ի փրկութեան քում,

ճաշակել հոգւով զքաղցրութիւնքո, որ յայսմ խորհրդեան որպէս յաղբեր լիուլի ծածկեալ կայ : Լուսաւորեա և զաչս իմ, հայել յայսպիսի անհաւոր խորհուրդ . և զօրացո զիս հաւատալ յայն աներկբայ հաւատով : Զի քո գործ է, և ոչ մարդկային զօրութիւն . քո սուրբ սահմանադրութիւն է, և ոչ մարդկան զիւտ : Քանզի չիք որ իւրև բաւական այսմ ամենայնի հասու լինելոյ և իմանալոյ, որ անցանէ զանցանէ և զհրեշտակական նրբութեամբ : Եւ զիսորդ ես անարժան մեղաւոր, հող և մոխիր, այսպիսի անհաս խորհրդոյ կարող իցեմ խոյզ և խնդիր առնել, և խելամուտ լինել :

Բ . Տէր, միամիտ սրտիւ, հաստատուն հաւատով, և քով հրամանաւ առ քեզ մատչիմ, յուսով և պատկառանօք . և ճշմարտապէս հաւատամ, թէ կաս աստ 'ի խորհրդեանս աստուածութեամբ և մարդկութեամբ : Արդ քո կամք են, ինձ զքեզ ընդունել, և ընդ քեզ սիրով յօղիլ : Վասն որոյ զքո զթու

թիւնդ աղաչեմ, և զայս առանձինն շնորհ ինձ պարգևել հայցեմ, զի գլխովին ՚ի քեզ հալեալ սիրով զեղուցում, և յօտար ինչ մխիթարութիւն այլ մի մխիցիմ: Զի այս զերապանձ խնկելի խորհուրդ փրկութիւն է հոգւոյ և մարմնոյ, զեղ ամենայն հոգևորական ախտից. որով մոլութիւնք իմ բուժին, կիրք սանձահարին, փորձութիւնք վանին կամ նուազին, շնորհք առաւելագոյն հեղանին, առաքինութիւնն սկսեալ՝ սո՛նու աճումն, հաւատք հաստատին, յոյսն զօրանայ, և սէրն բորբոքմամբ արծարծանի:

Գ • Քանզի բազում բարիս առատաձեռնեցեր, և արդ իսկ ստէսլ առատաձեռնես ՚ի խորհրդեանս՝ քոց սիրելեաց եռանդեամբ հաղորդելոց, Աստուած իմ, ընդունող հոգւոյ իմոյ, բուժիչ մարդկան ախտից, և տուող ներքին մխիթարութեան: Զի բազումս հեղուս ՚ի նոսա մխիթարութիւնս ՚ի պէսպէս փորձութիւնս, և ՚ի ստորէ վհատութեան կանգնես ՚ի յոյս քո հովանա-

ւորութեան, և նորոգ շնորհիւ զնո-
սա գորացուցանես և լուսաւորես .
մինչ զի որք յառաջ քան զհաղոր-
դութիւնն նեղեալ էին և անեռանդն,
սպա ճաշակմամբ երկնային կերակ-
րոյս և ըմպելւոյս՝ ՚ի լաւ անդր փո-
խարկեալ գտանեն զանձինս : Չոր
փասն այնորիկ յընտրեալս քո տնօ-
րինես, զի ստուգութեամբ ծանի-
ցեն և յայտնի դչափ առցեն, թէ
քանի տկարութեամբ զգածեալ են,
և որչափ բարութիւն և շնորհ ՚ի քէն
ընդունին : Իբր զի յանձանց ցուրտ
խիստ և անեռանդն են, այլ քե
ջերմ՝ զուարթ և եռանդնոտ արժա-
նաւորին լինել : Չի ո՞վ է, որ առ
աղբիւր քաղցրութեան խոնարհու-
թեամբ մատուցեալ՝ ոչ սակաւ մի
քաղցրութիւն անտի առնուցու-
կամ ո՞վ առ հրով մեծաւ կայցէ, և
ոչ դոյզն ջերմութիւն անտի ընդու-
նիցի : Եւ դու աղբիւր ես մշտալիւր
դեղեալ, և հուր մշտափառ անէջ :

Դ. Վասն այսորիկ եթէ չէ ինձ
արժան հանել ՚ի լրութենէ անտի
աղբերն և ցյազ ըմպել, սակայն

մատուցից զիմ բերան յերկնայինդ
 ծորան, զի զէթ չիթ մի առից անտի
 'ի զովացումն ծարաւոյս, և մի իս-
 պառ պապակեցայց: Եւ թէ չեմ
 ժամանող բոլորովին լինել երկնա-
 ւոր, և իբրև զսերովբէսն և զքերով-
 բէսն հրեղէն, սակայն ջանացայց
 փոյթ ունել եռանդան, և զսիրտ իմ
 պատրաստել, զի զէթ խուն ինչ
 բորբոք յաստուածային հրակիզմա-
 նէ՝ խոնարհական ճաշակմամբ կե-
 նարար խորհրդոյս յանձն ընկա-
 լայց: Իսկ զթերին, բարերար փր-
 կիչ, դու ընդ իմ լցո քաղցրութեամբ
 և զթովբ, որ զամենեսին առ քեզ
 հաճեցար կոչել ասելով. Եկայք առ
 իս ամենայն աշխատեալք և բեռ-
 նաւորք, և ես հանդուցից զձեզ:

Ե. Աշխատիմ ես քրտամբք երե-
 սաց իմոց, և ցաւովք սրտի տան-
 ջիմ. մեղօք ծանրաբեռնեալ եմ,
 փորձութեամբք վտանկիմ, և բա-
 զում չարաչար կրիւք պաշարեալ
 նեղիմ. և չիք ոք որ օգնէ, և ոչ այն՝
 որ ապրեցուցանէ և կեցուցանէ,
 բայց միայն դու, տէր Աստուած

փրկիչ իմ . որում յանձն առնեմ
 զիս և դամենայն ինչ զիմ , զի զիս
 պահեսցես . և առաջնորդեալ հա-
 սուսցես 'ի կեանսն յաւիտենից :
 Ընկալ զիս 'ի փառս և 'ի գովեստ
 անուան քո , որ զմարմին քո և զա-
 րիւն՝ կերակուր և ըմպելի ինձ պատ-
 րաստեցեր : Տուր տէր Աստուած
 փրկիչ իմ , զի յաճախութեամբ
 քումդ խորհրդոյ՝ առաւելցի ախոր-
 ժակ եռանդեան իմոյ :

Գ Լ Ո Ւ Խ Ե

Յաղագս յարգի խորհրդոյս , և քահա-
 նայակսն կարգի .

Չայն սիրեցերոյն :

Ա . Եթէ ունէիր զհրեշտակական
 մարբութիւն , և զսրբոյն Յովհան-
 նու մկրտչի սրբութիւն , չէիր ար-
 ժանի զայս խորհուրդ ընդունել , և
 ոչ յայն մերձենալ : Զի ոչ մարդ-
 կային արժանաւորութեան է քա-
 հանայազործել մարդոյ , և մերձե-

նալ ՚ի խորհուրդ Քրիստոսի, և առնուլ ՚ի կերակուր զհաց հրեշտակաց: Մեծ է խորհուրդս, և մեծ է յարգքահանայից, որոց տուեալ է որ ինչ չէ տուեալ հրեշտակաց: Քանզի քահանայք միայն՝ օրինօք յեկեղեցւոջ ձեռնադրեալք՝ իշխանութիւն ունին պատարագելոյ, և զմարմին Քրիստոսի քահանայադործելոյ: Այո՛ Աստուծոյ պաշտօնեայ է քահանայ, որ զԱստուծոյ բանն ՚ի կիրարկանէ՝ հրամանաւ և օրինադրութեամբ նորա: Բայց Աստուած է անդ զլիսաւոր արարող, և աներևոյթ ներգործիչ. ընդ որոյ ձեռամբ է ամենայն՝ զոր կամի, և որում հնազանդի ամենայն՝ զոր հրամայէ:

Բ. Ապա առաւել հաւատալ պարտ է քեզ՝ Աստուծոյ ամենակալի յայսմ՝ գերահրաշ խորհրդեան, քան քոյին զգայութեան կամ արտաքին ինչ նշանի: Վասն այսորիկ ահիւ և պատկառանօք լիցի քեզ մատչիլ յայս գործ: Հայեաց յանձն քո և տես, ո՞յր պաշտօն քեզ աւանդեցաւ ձեռնադրութեամբ եպիսկոպոսի:

Ահա եղեր քահանայ , և սրբեցար 'ի քահանայազորձել . զգոյշ լերարդ , զի հաւատարմութեամբ և եռանդեամբ յիւրում ժամանակի մատուցես Աստուծոյ զսլատարագ , և դանձն քո անարատ ընծայեցուցես : Ոչ թեթեւացուցեր զքո բեռն , այլ պնդագոյն ևս կապեցար կապանօք խրատու , և մեծ ևս կատարելութեան սրբութեան պարտյանձրն առեր : Պարտ է քահանայի ամենայն առաքինութեամբք լինել զարդարեալ , և բարի վարուց օրինակ ընծայել այլոց : Գնացք նորա լիցին մի ընդ ճանապարհս գուհկաց և սոսկականաց , այլ ընդ հրեշտակաց յերկինս , և ընդ արանց կատարելոց յերկրի :

Գ . Քահանայն զգեցեալ զհանդերձ սրբութեան՝ Քրիստոսի է տեղակալ . զի վասն իւր և վասն ամենայն ժողովրդեան խոնարհական հայցմամբ զԱստուած ազաչեսցէ : Ունի յառաջոյ և 'ի թիկանց զտէրունեան խաչին նշան , առ 'ի յիշատակել հանապազ զՔրիստոսի չար-

չարանսն : Կրէ զնշան խաչի յառա-
 ջոյ . զի զգուշութեամբ հայեսցի 'ի
 շաւիղս Քրիստոսի , և փութոյ պըն-
 տութեամբ ջանասցի երթալ զհետ :
 Խաչանիչ է և 'ի թիկանց , զի ամե-
 նայն վշտաց՝ որ դան յայլոց՝ մտա-
 զիւր վասն Աստուծոյ համբերեսցէ :
 Առաջի իւր կրէ զխաչ , զի զիւր
 մեղս ապաշաւեսցէ . և զկնի իւր ,
 զի և զայլոց մեղս ախտակցաբար
 ողբասցէ . 'ի միտ առցէ՝ թէ միջ-
 նորդ է 'ի մէջ Աստուծոյ և մեղա-
 ւորի , և մի հեղագասցի յաղօթից և
 'ի նուիրագործութենէ , մինչև զչը-
 նորհս և զողորմութիւն ընդունել
 արժանասցի : Քահանայ յորժամ
 պատարագէ , զԱստուած փառաւո-
 ըէ , զհրեշտակս ուրախ առնէ , զե-
 կեղեցի շինէ , կենդանեաց օգնէ ,
 ննջեցելոց հանդիստ շնորհէ , և
 դանձն իւր ամենայն բարեսց առնէ
 բաժանորդ :

ԳԼ ՈՒԽ Զ

Հարցումն 'ի վերայ կրթութեան յառաջ
քան զհարստութիւնն .

Չայն աշակերտի .

Ա. Ի յիշել իմում տէր զքո բարձ-
րութիւն և զիմ անարգութիւն, զար-
հուրիմ յոյժ և խռովի անձն իմ :
Զի թէ ոչ մատչիմ, 'ի կենաց փախ-
չիմ . և թէ անարժան մատչիմ, ըզ-
քեզ բարկացուցանեմ : Արդ զի՞նչ
զործեցից, Աստուած իմ, օգնական
իմ և մխիթար 'ի վիշտս :

Բ. Գու ուսո ինձ ճանապարհ ու-
ղիղ, արա առաջի կրթութիւն ինչ
համառօտ՝ պատշաճօղ սրբոյ հա-
ղորդութեան : Զի օգուտ է զիտել,
սրպէս եռանդեամբ և յարգանօք
պարտ իցէ ինձ պատրաստել քեզ
զսիրտ իմ առ կենսաբեր ընդունե-
լութիւն խորհրդոյ քոյ, ևս և 'ի նուի-
րազործութիւն մեծի և աստուածայ-
ին պատարաղի :

Գ Լ Ո Ի Խ Է

Յադագս քննութեան խղճի մտաց, և
 ուղղութեան առաջադրութեան.

Չայն սիրեցերոյն.

Ա. Ի վեր քան դամենայն, պարտ
 է քահանայի Աստուծոյ մատչել 'ի
 քահանայագործել և յընդունել զայս
 խորհուրդ՝ բազում խոնարհու-
 թեամբ սրտի և ողորական յարգա-
 նօք. լի հաւատով, և բարեպաշտ
 դիտմամբ փառացն Աստուծոյ: Ըզ-
 դուշութեամբ քննեսցիր զխիղճ մը-
 տաց քոց, և ըստ կարի ճշմարիտ
 զղջմամբ և խոնարհ խոստովանու-
 թեամբ մաքրեալ սրբեսցիր, մինչև
 չունել կամ չզտանել 'ի քեզ ծանր
 ինչ, որ ստգտանիցէ զքեզ և չհա-
 մարձակեցուսցէ 'ի մատչել: Ստոր-
 ջասցիր յամենայն մեղաց քոց առ
 հասարակ. և վասն հանապազուրդ
 յանցուածոց առաւել լիցի քո զիղջ
 և հեծութիւն: Եւ եթէ ժամանակն

ներէ, խոստովան լեր առաջի Աստուծոյ 'ի շտեմարանս սրտի զամենայն կրից քոց թշուառութիւնս :

Բ. Հեծեծեա և ողբա, զի դեռ այդպէս մարմնաւոր ես և աշխարհային. այդչափ անմեռ 'ի կիրս. այդչափ լի խլրրտմամբ ցանկութեանց. այդչափ անզգոյշ 'ի զգայութիւնս արտաքինս. այդչափ սնտի ցնորիւք ստէպ պաշարեալ. այդչափ յօժարամիտ առ արտաքինս. այդչափ հեղդասիրտ առ ներքինս. այդչափ թեթե 'ի ծաղր և 'ի ցոփութիւն. այդչափ խիստ 'ի լալիւն և 'ի դղջումն. այդչափ պատրաստական 'ի թուլութիւն, և 'ի մարմնոյ դիւրութիւն. այդչափ պղերդ 'ի ճգունս և յեռանդն. այդչափ ընդվայրաքընին 'ի լսել զնորալուրս, և 'ի գեղոյ աշարձակութիւնս. այդչափ մեղկ ձեռնարկելոյ 'ի խոնարհականս և յանարգս. այդչափ ցանկացող աւելաստացութեան. այդչափ ճիշդ 'ի տալ. այդչափ ուշտ 'ի պահել. այդչափ անխորհուրդ 'ի խօսս. այդչափ անժոյժ 'ի լռել. այդչափ ան-

հեթեթ 'ի վարս . այդչափ դժպա-
 տեհ 'ի գործս . այդչափ զեղխ 'ի կե-
 րակուրս . այդչափ խուլ առ բանն
 Աստուծոյ . այդչափ արագ 'ի հան-
 գիսա . այդչափ յամբ յաշխատու-
 թիւնս . այդչափ արթուն առ ա-
 սասպելս . այդչափ քնէած առ
 սուրբ հսկմունս . այդչափ փութա-
 ցող 'ի կատարածն . այդչափ ապուշ
 'ի մտադրել . այդչափ հեղզ 'ի կա-
 տարել զժամակարգութիւնս . այդ-
 չափ դաղջ 'ի պատարագել . այդ-
 չափ ցամաք 'ի հաղորդիլ . այդչափ
 շոյտ 'ի ցնդել զմիտս . այդչափ դան-
 դաղ 'ի հաւաքել . այդչափ դիւրա-
 շարժ 'ի բարկութիւն . այդչափ վաղ-
 վաղակ 'ի զգուել զայլս . այդչափ
 յօժարամիտ 'ի դատել . այդչափ
 սոպո 'ի յանդիմանել . այդչափ ու-
 բախ 'ի յաջողութիւնս . այդչափ
 տկար 'ի վիշտս . այդչափ ստէպ
 բազում բարիս առաջադրես , և սա-
 կաւս 'ի գործ դնես :

Գ . Զայս ամենայն , և դստցին նը-
 ման քո պակասութիւնս , բազում
 ցաւովք և տկարութեան քո տաղա-

կանօք խոստովանեալ և ողբացեալ, հաստատութեամբ առաջադրեալ յամենայնի ուղղել զվարս քո . և ՚ի լաւ անդր յառաջադէմ լինել : Ապա լիուլի նուիրմամբ և անթերի կամօք մատո զանձն քո ՚ի պատիւ անուան իմոյ՝ ՚ի սեղան սրտի քո հանապազորդ ողջակէզ, զմարմին քո և զհոգի ինձ յանձն արարեալ հաւատարմութեամբ . որպէս զի ըստ արժանեաց արժանասցիս մատչել ՚ի մատուցանել Աստուծոյ զպատարագ, և զխորհուրդ մարմնոյ իմոյ ընդունել ՚ի փրկութիւն :

Դ . Զի չիք նուէր ընտրելագոյն , և մեծ ես հատուցումն ՚ի քաւել ըզմեղս , քան զնուիրել զանձն Աստուծոյ մաքրութեամբ և ամբողջութեամբ ընդ նուիրագործութեան մարմնոյն Քրիստոսի ՚ի պատարագի և ՚ի հաղորդութեան : Եթէ արասցէ մարդ՝ որ ինչ անկ է նմա , և ստուգութեամբ ապաշաւեսցէ , քանիցս անգամ վասն թողութեան և շնորհաց առ իս մատչիցի , կենդանի եմ ես , ասէ տէր , որ ոչ կա-

միմ՝ զմահ մեղաւորին, այլ զդառնալ նորա և զկեալ. զի զմեզս նորա ոչ ևս յիշեցից, այլ ամենայն թողցի նմա:

Գ Լ Ո Ի Խ Ը

Յադագս ևոշիրման Քրիստոսի՝ ի խաչին, և յադագս յանձնարարութեան անձին.

Չայն սիրեցերոյն.

Ե. Որպէս ես զանձն իմ բաղկատարած՝ ի խաչին և մերկամարմին վասն մեղաց քոց հօր Աստուծոյ կամաւ մատուցի, մինչև չմնալոյ ի միք յիս՝ որ ոչ բովանդակ ընծայեցաւ ի պատարագ աստուածային հաշտութեան, նոյնպէս և քեզ պարտ է զանձն քո ինձ մատուցանել կամաւ ի նուէր սուրբ և անարատ՝ զօրհանապաղ ի պատարագի համայն զօրութեամբ և ախորժակօք քո՝ ի սրտէ: Չինչ աւելի ի քէն պահանջեմ, բայց զի փոյթ կալցիս

զքեզ ինձ բովանդակ յանձն առնել : Զինչ և տացես ինձ բաց 'ի քէն , չէ ինչ յաչս իմ . զի ոչ խընդրեմ զտուրս քո , այլ զքեզ :

Բ . Որպէս չէր քեզ բաւական ունել զամենայն բաց յինէն , նոյնպէս և ոչ ինձ հաճոյ է զինչ և տացես , եթէ ոչ զանձն ընծայեսցես : Մատո զքեզ ինձ , և տուր զքեզ բովանդակ վասն Աստուծոյ , և եղիցի նուէրդ ընդունելի : Ահա ես բովանդակ զիս մատուցի հօր վասն քոյ . ետու և բովանդակ զմարմին իմ և զարիւն 'ի կերակուր . զի բովանդակ քո եղէց , և դու իմ : Ապա եթէ 'ի քեզ կացցես , և ոչ կամովին զքեզ կամաց իմոց ընծայեսցես , ոչ լի է նուէրդ , և ոչ անթերի լիցի 'ի մերում միջի միաւորութիւն : Ապա քան զամենայն զործս քո յառաջեսցէ կամաւորական նուիրումն անձին 'ի ձեռս Աստուծոյ , եթէ զազատութիւն ստանալ կամիս և զչընորհս : Քանզի վասն այնորիկ սակաւք լուսաւորին և ազատանան , զի զանձինս բոլորովին ուրանալ

ոչ զիտենն : Հաստատուն է իմ վը-
ճիւ . Եթէ որ ոչ հրաժարեացէ յա-
մենայնէ , ոչ կարէ իմ աշակերտ
լինել : Արդ եթէ ցանկաս դու իմ
աշակերտ լինել , մատո զանձն քո
ինձ հանդերձ ամենայն ախորժա-
կօք քո :

Գ Լ Ո Ի Խ Թ

Թե՛ զմեզ , և զամենայն ինչ զմեր ,
պարտ է մեզ մատուցանել Աստու-
ծոյ , և վասն ամենեցունս ասելի ա-
ղօքս .

Չայն աշակերտի .

Ա . Տէր , ամենայն ինչ քոյ է , որ
ինչ յերկինս և որ ինչ յերկրի :
Յանկամ զանձն իմ քեզ կամաւոր
պատարագ մատուցանել , և քոյ լի-
նել իսպառ : Տէր , սրբութեամբ
սրտի մատուցանեմ զիս քեզ այսօր
'ի մշտնջենաւոր ծառայ , 'ի պաշտօն
և 'ի պատարագ հանապազորդ օրհ-
նութեան : Ընկալ զիս ընդ սուրբ

նուիրանացս պատուական մարմնոյ
քոյ, զոր քեզ այսօր առաջի հրեշ-
տակաց յաներևոյթս յանդիման կա-
ցելոց մատուցանեմ. զի լիցի վասն
իմ, և վասն ամենայն ժողովրդեան
քո՝ ի փրկութիւն :

Բ. Տէր, առաջի առնեմ քեզ զա-
մենայն մեղս և զյանցանս իմ, զոր
զործեցի առաջի քոյ, և սրբոց հրեշ-
տակաց քոց, յօրէ յօրմէ սկիզբն
արարի մեղանչել մինչև ցայսօր, ՚ի
վերայ հաշտարար սեղանոյ քո. զի
առհասարակ զամենայն այրեսցես
և կիզուցուս հրով սիրոյ քոյ, և
ջնջեսցես զամենայն բիծս մեղաց
իմոց. և զխիղճ մտաց իմոց յամե-
նայն յանցուածոց մաքրեսցես. և
դարձուցես յիս զչնորհ քո, զոր
մեղօք կորուսի, ՚ի ներել ինձ լիով
զամենայն և յընդունել զիս մարդա-
սիրապէս ՚ի համբոյր հաշտութեանս :

Գ. Զինչ կարող իցեմ առնել
վասն մեղաց իմոց, բայց խոնար-
հութեամբ խոստովանել և ողբալ,
և զքո ներողութիւնդ անզազար ա-
ղաչել : Պաղատիմ առ քեզ, լուր

ինձ զթութեամբ 'ի կալ իմում առաջի քո, Աստուած իմ: Ամենայն մեղք իմ չար թուին ինձ յոյժ, և այլ ոչ երբէք կամիմ գործել. այլ բըղջացեալ եմ 'ի նոցանէ, և զղջացայց ցորչաւի իցեմ կենդանի. պատրաստ եմ ապաշխարել, և ըստ կարի փոխարինել: Թող ինձ, տէր, թող ինձ զմեղս իմ. վասն անուանդ քում սրբոյ կեցո զհոգի իմ, զոր պատուական արեամբ քո զնեցեր: Ահա յանձն առնեմ զիս ողորմութեան քում, և 'ի ձեռս քո աւանդեմ զիս: Արա ընդ իս ըստ բարութեան քում, և մի ըստ չարութեան և անօրէնութեան իմում:

Դ. Մատուցանեմ քեզ և զամենայն բարիս իմ, թէպէտ և յոյժ սակաւս և անկատարս. զի ուղղեսցես զնոսա և սրբեսցես, և 'ի հաճոյս քեզ ընկալցիս, և միշտ 'ի լաւանդր յառաջեցուցես. և զիս ըզհեղգս և գանպիտանս 'ի գովելի և յերանաւէտ կատարած ժամանեցուցես:

Ե. Մատուցանեմ քեզ և զամե-

նայն բարեպաշտ իղձս առաքինեաց, զկարիս ծնողաց, բարեկամաց, եղբարց, քերց, և ամենայն սիրելեաց խմոց. և այնց՝ որք վասն սիրոյ քոյ՝ ինձ և այլոց բարի արարին. և որք աղօթս և պատարագս վասն իւրեանց, և իւրեանցայնոց մատուցանել յինէն խնդրեցին. եթէ դեռ ՚ի մարմնի կենդանի իցեն, և եթէ յաշխարհէ փոխեալ. զի ամենեքին զօգնութիւն շնորհաց քոց ընկալցին և զնպաստ մխիթարութեան, զպահպանութիւն ՚ի վտանգից և զազատութիւն ՚ի պատժոց. զի զերծեալք յամենայն չարեաց. շնորհս քեզ մատուցեն խնդութեամբ :

Զ. Մատուցանեմ քեզ և զաղաչանս և զհաշտութեան նուէրս առանձինն վասն այնոցիկ, որք իւիք յանցեան յիս և տրամեցուցին կամ անարգեցին, կամ մնաս ինչ և նեղութիւն ինձ հասուցին. այլ և վասն ամենեցուն, զորս ես ինքն երբեմն տրամեցուցի, խռովեցուցի, դառնացուցի և զայթակղեցուցի. բանիւ

կամ գործով, զխտութեամբ կամ
անզխտութեամբ. զի ամենեցուն
մեզ առհասարակ թողցես զմեր
մեղս և զառ միմեանս զայթակղու-
թիւն: Բարձ տէր 'ի սրտից մերոց
զամենայն կասկած, զցասումն, ըզ-
բարկութիւն, և զհակառակութիւն.
և զամենայն որ ինչ վնասակար է
սիրոյ, և նուազէ զեղբայրսիրու-
թիւն: Ողորմես, տէր, ողորմես
խնդրողացս զքո ողորմութիւն.
տուր շնորհ կարօտելոցս, և արժա-
նացո զմեզ վայելել 'ի շնորհս քո,
և ժամանել 'ի կեանսն յաւիտենից,
ամէն:

Գ Լ Ո Խ Խ Ժ

Յաղագս քե 'ի տարբ հաղորդութենէ չե
պարտ 'ի բաց կալ դիշրաւ.

Չայն սիրեցելոյն'.

Ա. Պարտ է քեզ ստէսլ զիմել
յաղբիւր շնորհաց և աստուածային
ողորմութեան, յաղբիւր բարու-

թեան և ամենայն մաքրութեան .
 զի 'ի կրից քոց և յախտից բուժեալ
 ցիս , և ընդդէմ ամենայն փորձու
 թեանց և սլատրանաց բանասար
 կուին զօրագոյն և հսկողագոյն զըա
 ցիս : Քիտելով թշնամոյն՝ թէ մեծ
 պտուղ և դեղ բժշկութեան կայ 'ի
 սուրբ հաղորդութեան , ամենայն
 իրօք և սլատճառանօք ջանայ զհա
 ւատացեալս և զառաքինիս ըստ
 կարի յետս ընկրկել և խափանել
 անտի :

Բ . Քանզի են ոմանք , որք 'ի
 սլատրաստել զանձինս առ սուրբ
 հաղորդութիւն , չար ևս զզան յան
 ձինս զսատանայիներգործութիւնս :
 Ինքնին այսն չար , որպէս զրի 'ի
 դիրս Յոբայ , զայ խառնի ընդ որ
 դիան Աստուծոյ . զի չարութեամբ
 իւրով , որպէս սովորութիւն է նո
 րա , խռովեցուցէ զնոսա կամ կա
 րի իմն երկեցուցէ և 'ի տարակոյս
 արկանիցէ . որպէս զի զախորժակ
 նոցա նուազեցէ , կամ զհաւատս
 նոցա սլատերազմաւ կարճեցէ . զի
 թերևս իսպառ 'ի հաղորդութենէ 'ի

բաց կացցեն, կամ գաղջութեամբ
 յայն մատչիցին: Այլ ոչինչ է պի-
 աոյ հոգալ վասն խորամանկու-
 թեանց նորա և ցնորից, որչափ և
 զազրոտի իցեն և զարշելի: Այլ
 զամենայն ցնորս նորա պարտ է
 շրջել ՚ի նորին զլուխ: Արհամարհել
 պարտ է զեղկելին, և ծիծաղիլ զնո-
 վաւ. և ոչ վասն յարձակմանց նո-
 րա և խռովութեանցն յարուցելոց՝
 ՚ի բաց կալ ՚ի սուրբ հաղորդութենէ:

Գ. Խափանէ յոլովակի և կարի
 իմն հոգ յորդեռանդն լինելոյ, և
 վարանք խոստովանելոյ: Այլ դու-
 արա ըստ խրատու իմաստնոց, և ՚ի
 բաց թօթափեա զվարանս և զխըղ-
 ճահարութիւն. զի խափանարար է
 շնորհին Աստուծոյ, և եղծիչ եռան-
 դեան մտաց: Վասն դոյզն ամբոխ-
 ման կամ ծանրութեան մի թողուր
 զհաղորդութիւնն սուրբ. այլ փու-
 թա խոստովանիլ, և ամենեցուն առ-
 քեզ յանցուցելոց մտաղիւր ներումն
 շնորհեա: Ապա թէ քոյ յանցու-
 ցեալ իցէ առ որ, խոնարհութեամբ
 թողութիւն խնդրեա, և Աստուած
 մտաղիւր ներեսցէ քեզ:

Դ. Ձինչ օգուտ է ընդերկար
 յամեցուցանել զխոստովանութիւն,
 կամ յապաղել զսուրբ հաղորդու-
 թիւնն: Մաքրեա զքեզ փութանա-
 կի, թուք վաղվաղակի արտաքս
 զթոյնն, փութա առնուլ զեղ բժըշ-
 կութեան, և առողջագոյն լիցիս՝
 քան եթէ յապաղէիր ընդերկար:
 Եթէ այսօր վասն այս ինչ իրաց
 թողուս, զուցէ վաղիւ մեծ ևս ինչ
 իրք զիպեսցին: Եւ այսպէս հնար
 է քեզ ընդերկար ՚ի հաղորդութենէ
 ՚ի բաց կալ, և առաւել ևս անար-
 ժան դտանել: Արչափ վաղագոյն
 հնար է՝ յայժմու ծանրութենէ և
 հեղգութենէ սթափեաց, զի ոչ
 ինչ օգուտ է ընդերկար ՚ի վարանս
 լինել և ՚ի ծուփս տատանիլ, և վասն
 օրըստօրէ խափանածոյ՝ յաստուա-
 ծայնոց ՚ի բաց հրաժարել: Նա՛ վը-
 նաս մեծ է ընդերկար ՚ի հաղորդու-
 թենէ ՚ի բաց կալ. քանզի և ծանր
 թմրութիւն զիտէ ածել ՚ի վերայ:
 Ա՛վ աղէտիցս, զի են զաղջք և ցոփք,
 որք մտաղիւր յապաղեն զխոստո-
 վանութիւնն, և զհաղորդութիւնն

սուրբ վասն այնր յամեցուցանել
կամին, զի մի հարկ լիցի նոցա ըզ-
գուշագոյն պահպանութեան ան-
ձանց միտ զնել:

Ե. Յարէ. որպէս սակաւ է սո-
ցա սէր, և որպէս տկար եռանդն,
որք զսուրբ հաղորդութեամբ այդ-
պէս հարեանցիկ առնեն: Քանի՛
երջանիկ է նա և աստուածահաճոյ,
որ այնպէս կեսայ և այնպէս մաքուր
պահէ զիւր խիղճ մտաց, մինչև յա-
մենայն օր հաղորդելոյ պատրաստ
էր և յօժարամիտ, եթէ օրէն էր
նմա, և եթէ անըստգիւտ հնար էր
առնել: Եթէ դք երբեմն հրաժարէ
խոնարհութեան աղաղաւ, և՛ի սակս
օրինաւոր ինչ խաւիանածոյ, զովե-
լի է նորա յարդ. բայց եթէ թմրու-
թիւն ՚ի ներքս սպրդեսցի, այնպիս-
ւոյն սթափել պարտ է, և առնել
որ ինչ հնար է յիւրն կողմանէ. և
տէր զօրավիզն լիցի ըղձման նորա
վասն բարեյօժարութեանն, յոր ա-
ռաւելապէս հայի:

Զ. Իսկ թէ օրինօք խաւիանի,
պինդ կալցի յամենայնի զբարեյօ-

ժարութիւնն և զբարեպաշտ կամս
 հաղորդելոյ . և այնպէս ոչ վրիպես-
 ցի 'ի պտղոյ սուրբ խորհրդոյն : Զի
 մարթ է ամենայնի , որ ջերմեռան-
 դըն իցէ , յամենայն օր և յամենայն
 ժամ 'ի հոգևորական հաղորդու-
 թիւն Քրիստոսի անարգել մատչել
 յօղուտ : Բայց և պարտ է նմա յա-
 ւուրս ինչ և 'ի սահմանաւոր ժա-
 մանակս զմարմին փրկչի իւրոյ ըղ-
 ձակաթ յարգանօք 'ի սուրբ խոր-
 հրրդեանն ճաշակել , և առաւել զո-
 վութեան և փառացն Աստուծոյ
 փոյթ ունել քան զիւր մխիթարու-
 թիւն խնդրել : Քանզի խորհրդա-
 բար հաղորդի և յաներևոյթս կե-
 րակրի , քանիցս անգամ ոք զմար-
 դեղութեանն Քրիստոսի զխորհուրդ
 և զչարչարանս նորա սրտի մտօք
 յիշատակէ , և 'ի սէր նորա բորբոքի :

Է . Որ ոչն պատրաստի , բայց 'ի
 դալ տօնի կամ 'ի ստիպել սովորու-
 թեան , այնպիսին յոլովակի ան-
 պատրաստ դտանի : Երանի՛ այնմ
 որ մատուցանէ տեառն զանձն յող-
 ջակէզ , քանիցս անգամ պատա-

րագէ կամ հաղորդի : Ի պատարա-
գելդ մի լիցիս կարի երկար կամ
արագ . այլ զհասարակաց՝ ընդ որս
գտանիս՝ պահեա զբարիոք սովո-
րութիւն : Մի լիցի քեզ բերել յայլս
ձանձրութիւն և տաղտկութիւն .
այլ զհասարակաց կալ զչաւիղ՝ ըստ
նախնեացն օրինադրութեան . և ա-
ռաւել այլոց օգտի խնամ կալջիր ,
քան քում եռանդան և ախորժակի :

Գ Լ Ո Ի Խ Ժ Ա

Թե մարմինն Քրիստոսի և սոչրք գիրք
յոյժ ևն հարկաւոր ակճիև հառա-
տացելոյ .

Չայն աշակերտի .

Ա . Ո՛վ քաղցր տէր , սրպէս զի
մեծ է քաղցրութիւն ջերմեռանդն
ողոյ ընդ քեզ խրախացելոյ՝ի քում
խրախճանի . ուր ոչ դնի նորա առա-
ջի այլ կերակուր ՚ի ճաշակել , բայց
միայն դու սիրելիդ իւր , քան զա-
մենայն ցանկութիւն սրտի նորա

ցանկալի : Քաղցր լինէր և ինձ 'ի սիրոյ սրտիս հեղուլ առաջի քոյ արտօսը , և ընդ մազղաղենացւոյն դքո դոստ արտասուօք ոռոզանել : Այլ ո՛ւր իցէ այս եռանդն , ո՛ւր սուրբ արտասուաց յորդառատ հեղումն : Ապաքէն առաջի քոյ և սրբոց քոց հրեշտակաց՝ արժան էր սրտի իմոյ գլխովին վառիլ , և 'ի խնդութենէ յարտասուս լուծանիլ : Զի 'ի սուրբ խորհրդեանս ճշմարտապէս ունիմ դքեզ առաջի , թէպէտ և օտար կերպարանօք ծածկեալ :

Բ. Քանզի 'ի քո յաստուածային սրայծառութիւն ակնարկել աչք իմ ոչ հանդուրժէին . և ոչ աշխարհ ամենայն՝ փայլման փառաց մեծ վայելչութեան քո հանդարտէր : Ապա այսուիկ յիմ տկարութիւն զիջեր , զի դքեզ ընդ խորհրդեամբ ծածկեցեր : Ճշմարտապէս առաջի ունիմ , և երկիրպագանեմ , որում երկիրպագեն հրեշտակք 'ի յերկինս : Այլ ես դեռ հաւատովք , և նորա դէմ յանդիման և անպատրուակ : Պարտ է ինձ շատանալ լուսով ճըշ-

մարիտ հաւատոյ, և յայնմ զնալ, մինչև ծագեսցի տիւն մշտնջենաւոր պայծառութեան, և խոնարհեսցին ստուերք նմանութեանց: Այլ յորժամ եկեսցէ կատարեալն, լռեսցեն պէտք խորհրդոց. զի երանելոցն յերկնային փառս ոչ պիտին դեղք խորհրդականք: Զի խնդան անվախճան առաջի Աստուծոյ, զէմ յանդիման տեսեալ զփառս նորա. և ՚ի պայծառութենէ ՚ի պայծառութիւն խորոցն աստուածութեան փոխակերպեալք՝ ճաշակեն զճաշակբանին Աստուծոյ մարմնացելոյ, որ պէս եղևն ՚ի սկզբանէ և մնայ յաւիտեան:

Գ. Ի յիշատակել իմում զսքանչելիքս, տաղտկութիւն է ինձ յոյժևս և որպիսի և իցէ հոգևորական սփոփումն: Զի ցորչափ զտէր իմ յայտնապէս յիւր փառսն ոչ տեսանեմ, ոչինչ համարիմ զամենայն դոր յաշխարհի տեսանեմ և լսեմ: Վկայ ես ինձ դու ինքն տէր, զի ոչինչ կարող է զիս մխիթարել, և ոչ ստեղծուած ինչ հանգուցանել

բաց 'ի քէն տէր, յորում ցանկամ
 վայելել յաւիտեան: Այլ չիք այսմ
 հնար ցորչափ եմ 'ի կենցաղումս.
 վասն այսորիկ պարտ է ինձ ձեռն,
 արկել 'ի մեծ համբերութիւն, և
 զանձն իմ ամենայն ցանկութեամբ
 քեզ հնազանդել: Քանզի և սուրբք
 քո տէր, որք արդ ընդ քեզ ցնծան
 յերկնից արքայութեան, մինչդեռ
 կենդանի էին՝ հաւատով և համբե-
 րութեամբ մեծաւ զալստեան փա-
 ռաց քոց սպասէին: Զոր ինչ նոքա
 հաւատացին, հաւատամ և ես. յոր
 ինչ նոքա յուսացան, յուսամ և
 ես. յոր նոքա հասին, շնորհօք քո
 ակնունիմ հասանիլ և ես: Առ այժմ
 զնացից հաւատովք, քաջալերեալ
 օրինակօք սրբոցն: Ալալայց և զսուրբ
 զիրս ինձ 'ի սփոփանս և 'ի հայելի
 վարուց, և 'ի վերայ ամենայնի ըզ-
 սուրբ մարմին քո 'ի զեզ բժշկու-
 թեան և յամուր ասպաւինի:

Ի. Զի երկու ինչ ինձ յոյժ կա-
 րեոր տեսանեմ յաստի կեանս, ա-
 ռանց որոց անտանելի լինէին ինձ
 այս թշուառ կեանք: Ի բանտի մար-

մնոյս արգելական՝ երկուց խոստովանիմ ունել պիտոյս, կերակրոյ և լուսոյ: Արդ ետուր ինձ տկարիս զսուրբ մարմին քո՝ ի կազդուրումն մտաց և մարմնոյ, և եղեր ճրագ ոտից իմոց զբան քո: Առանց երկոցուն սոցա անհնար է ինձ բարւոք կեալ. զի բանն Աստուծոյ լոյս է հոգւոյ իմոյ, և խորհուրդ քո՝ հաց կենաց: Մարթ է զսոսա կոչել և երկուս սեղանս աստի և անտի եղեալս ի դանձատան սուրբ եկեղեցւոյ: Մին է սեղան սուրբ բեմին, որ ունի զհացն սրբութեան, զմարմին Քրիստոսի պատուական: Երկրորդն է սեղան աստուածային օրինաց, յորում է վարդապետութիւն սուրբ՝ ուսուցիչ ուղիղ հաւատոյ, որ անստերիւր առաջնորդէ ի ներքին կողմն վարագուրին, ուր են սրբութիւնք սրբոց: Գոհանամ ըզքէն տէր Յիսուս, լոյս անվախճան լուսոյ, վասն սրբոյ սեղանոյ վարդապետութեան՝ զոր ի ձեռն ծառայից քոց մարգարէից և առաքելոց և վարդապետաց մեզ մատակարարեցեր:

Ե. Գոհանամ դքէն արարիչ և փրկիչ մարդկան, որ ՚ի ցուցանել ամենայն աշխարհի զսէր քո՝ ընթրիս մեծ պատրաստեցեր. յորում ոչ զգառն օրինակին, այլ զամենասուրբ քո մարմին և արիւն առաջի եղեր ՚ի կերակուր, զուարճացուցեալ զամենայն հաւատացեալս ՚ի սուրբ կոչունսդ, և արբուցեալ նոցա բաժակ փրկութեան, յորում են ամենայն փափկութիւնք դրախտին, և ուր ընդ մեզ սեղանաւորին սուրբ հրեշտակք, բայց առաւելագոյն քաղցրութեամբ:

Զ. Ո՛վ սրպէս մեծ և արգոյ է պաշտօն քահանայից. որոց շնորհեցաւ զտէրն փառաց բանիք սրբութեան քահանայագործել, շրթամբք օրհնաբանել, ձեռօք շօշափել, բերանով ճաշակել, և զնոյն այլոց մատակարարել: Քանի՞ ջինջ լինել պարտին նոցա ձեռք, քանի՞ մաքուր բերանն, քանի՞ սուրբ մարմինն, քանի՞ անարատ սիրտն, յոր ստէպ մտանէ մաքրութեանն արարիչ: Ի բերանոյ քահանային մի

լուիցի ինչ բան, բայց որ սուրբ ի-
ցէ և վայելչական և պիտանի. զի
բազում անգամ զՔրիստոսին ճա-
շակէ խորհուրդ :

Է. Աչք նորա ամբիձք և պար-
կեշտք, զի 'ի մարմին Քրիստոսի
հային : Չեռք նորա մաքուրք ամ-
բարձեալք յերկինս, զի զարարիչն
երկնի և երկրի շօշափենն : Առ քա-
հանայս առանձինն ասի յօրէնս .
Եղերո՞ւք սուրբք, զի սուրբ եմ ես
տէր Աստուած ձեր :

Ը. Օգնեա մեզ շնորհօք քո, ա-
մենակալ տէր. զի որք զպաշտօն
քահանայական յանձն առաք, ար-
ժանապէս և եռանդեամբ քեզ ծա-
ռայեսցուք, ամենայն մաքրութեամբ
և բարիոք խղճիւ : Եւ թէ ոչ ժամա-
նեմք զնալ ամբժութեամբ վարուց՝
որպէս արժանն է, զէթ շնորհեա
մեզ արժանապէս ողբալ զչարիսն՝
զոր զործեցաք : Չի հողուով խոնար-
հութեան և բարեյօժար առաջադ-
րութեամբ յայսմհետէ ջերմագոյնս
քեզ ծառայեսցուք :

Գ Լ ՈՒ Խ Ժ Բ

Թե որ հաղորդելոցն է, բազում զգուշորեամբ պատրաստել պարտի զանձն առ ընդունելուքիսն Քրիստոսի .

Չայն սիրեցելոյն .

Ա. Սիրող եմ ես մաքրութեան, և տուող ամենայն սրբութեան : Սիրտ սուրբ խնդրեմ, և անդ է իմ տեղի հանգստեան : Պատրաստեալինձ վերնատուն մեծ զարդարեալ, և առ քեզ արարից զզատիկ աչակերտօքս հանդերձ : Եթէ կամիս՝ զի առ քեզ եկից և օթեվանս առ քեզ արարից, ՚ի բաց սրբեա զհին խըմորն, և մաքրեա զսրտի քո բնակարան : Ի բաց արա զամենայն զկենցաղականս, և զամենայն ախտից աղմուկ . նիստ որպէս ճնճղուկ միայն ՚ի տանիս, և խոկա զյանցուածս քո ՚ի դառնութեան անձին քոյ : Քանզի ամենայն որ սիրէ, սիրողի խրում սիրեցելում աղնիւ

և գեղեցիկ յարդարէ տեղի . զի այսուիկ ճանաչի սէր ընդունողին զսիրելին :

Բ . Բայց զայն զիտասջիր , թէ անհնար է քեզ յանկ հանել զայս պատրաստութիւն զօրութեամբ ճշգրանց քոց , թէպէտ և ամ մի ողջոյն զանձն պատրաստեսցես , և յայլ ինչ ոչ զբաղեսցիս : Այլ միայն յիմ մէ զթութենէ և 'ի շնորհաց թողացուցանի քեզ մատչել յիմ սեղան . զորօրինակ եթէ մուրօղ որ կոչիր 'ի ճաշ մեծատան , և նա ոչինչ ունէր 'ի հատուցումն երախտեաց նորա , բայց զխոնարհիլն և զշնորհակալել : Արա ըստ կարի , և զիր ջան , մի 'ի սովորութենէ , մի առ հարկի , այլ ահիւ և պատկառանօք և ըղձմամբ ընդունել զմարմին սիրեցելոյ տեառն Աստուծոյ քոյ , որ յանձն առնու զալ առ քեզ : Ես եմ որ կոչեցի և հրամայեցի այսմ այսպէս լինել , և ես լցուցից զքո թերին . եկ , և ընկալ զիս :

Գ . Եթէ տամ շնորհ եռանդեան՝ զոհացիր զԱստուծոյ քումմէ . ոչ

զի արժանի էիր , այլ զի գթացայ՛ի
քեզ : Թէ չունիս եռանդն , այլ ցա-
մաքեալ կաս , կանխեա յաղօթս ,
հառաչեա , բաղխեա և մի դադա-
րեր , մինչև արժանասցիս փշուր մի
կամ շիթ մի կենարար շնորհաց ըն-
դունել : Դու ինձ կարօտ ես , և ոչ
ես քեզ . ոչ դու գաս սրբել զիս ,
այլ ես գամ սրբել և բժշկել զքեզ :
Դու գաս , զի յինէն սրբեսցիս , և
ընդ իս յօղեսցիս . զի նոր շնորհս
ընկալցիս , և նորոգ յուղղութիւն
վարուց բորբոքեսցիս : Մի գանց
առներ զշնորհիւս , այլ պատրաս-
տեա ամենայն փութով զսիրտ քո ,
և մոյծ առ քեզ զսիրելիդ քո :

Դ . Բայց ոչ միայն պիտոյ է քեզ
պատրաստել զանձն յեռանդն յա-
ռաջ քան զհաղորդութիւն , այլ
խնամովք կալ մնալ յայնմ և յետ
ընդունելութեան սուրբ խորհրդոյն :
Եւ ոչ փոքր պահպանութիւն պա-
հանջի զկնի , քան զջերմեռանդն
պատրաստութիւնն՝ որ յառաջն :
Քանզի բարիոք պահպանութիւնն
զհետ եկեալ՝ քաջ պատրաստու-

Թիւն է մեծ ևս շնորհաց հասանելու : Իբր զի յայնմանէ լինի որ յոյժ անպատրաստ , յորժամ անդէն վաղվաղակի կարի իմն զբաղի յարտաքին սիրտիանս : Զգոյշ լեր 'ի շատխօսութենէ , կայ առանձինն , և ուրախ լեր յԱստուած քո : Զի զայն ունիս՝ զոր աշխարհ ամենայն 'ի քէն բառնալ ոչ կարէ : Ես եմ , որում սլարտ է քեզ զլստովին անձնատուր լինիլ որպէս զի ոչ ևս 'ի քեզ , այլ յիս կենդանի լինել քեզ՝ առանց ինչ հոգոց :

Գ Լ Ո Ի Խ Ժ Գ

Թե սրարտ է չերմեռանդն ոգոյ յամենայն սրտե : ախորժել զմիանայն ընդՖրիստոսի 'ի սոչրբ խորհրդեան .

Զայն աշակերտի .

Ա . Ո՞ տացէ ինձ տէր , գտանել զքեզ միայն . բանալ քեզ բովանդակ զսիրտ իմ . և վայելել 'ի քեզ , որպէս վատաքէ անձն իմ . մինչ

զի յայնմհետէ ոչ որ իցէ որ զիս շարժեսցէ, կամ բնաւ իսկ յիս հայեսցի. այլ դու միայն ընդիս խօսեսցիս, և ես ընդ քեզ. զոր օրինակ խօսիցի սիրելին ընդ սիրելւոյ, և կեցցէ բարեկամն ընդ բարեկամի: Զայս աղաչեմ, և այսմ ըղձանամ, զի ընդ քեզ բոլորովին միացայց, և զսիրտ իմ յամենայն արարածոց 'ի բաց դարձուցից. և սուրբ հաղորդութեամբ և ստէպ պատարագմամբ ուսայց ևս քան զես քաղցրանալ յերկնային խոկմունս:

Ն՛րբ, տէր, բոլորովին ընդ քեզ միացայց. և 'ի քեզ ընկլայց, և բնաւին զիս մոռացայց: Շնորհեա, տէր, քեզ յիս լինել և ինձ 'ի քեզ, և այնպէս մնալ մեզ 'ի միասին:

Բ. Գու ես սիրելի իմ, ընտրեալ 'ի բխրուց, յոր հաճեցաւ անձն իմ բնակել զամենայն աւուրս կենաց իմոց: Գու ես իմ խաղաղարար, յորում է ամենակատար խաղաղութիւն և հանդիստ ճշմարիտ. և արտաքոյ նորա վաստակք և ցաւք, և անհնարին թշուառութիւն: Գու

ես Աստուած ծածկեալ , և խորհուրդ քո չէ ընդ ամպարիչտս . այլ ընդ խոնարհս և ընդ պարզամիտս են խօսք քո : Ո՛վ որպէս քաղցր է հողի քո , տէր , որ 'ի ցուցանել ըզքաղցրութիւն քո առ որդիս , անուշակ հացիւ՝ որ իջեալ է յերկնից՝ յանձն առնուս զնոսա կերակրել : Ձիք այլ ազգ այնպէս մեծ , որ ունիցի Աստուածս իւր հպաւորս , որպէս զու Աստուած մեր մերձ ես ամենայն հաւատացելոց քոց . որոց 'ի հանապազորդ սփոփանս , և առ ուղղելոյ զսիրտ նոցա յերկինս , դքեզ ջամբես 'ի կերակուր և 'ի վայելս :

Գ . Ձի որ ազգ է այնպէս ազնուական , որպէս ազգ քրիստոնէից . կամ որ ստեղծուած 'ի ներքոյ երկնից այնպէս սիրելի , որպէս եռանդնոտ ողի . առ որ մտանէ Աստուած կերակրել զնա իւրով պատուական մարմնով : Ո՛վ անճառելի շնորհիս , ո՛վ սքանչելի զիջմանս , ո՛վ անչափ սիրոյս՝ որ ցուցաւ առ մարդիկ : Այլ զի՛նչ տաց տրիտուր

տեսառն ընդ այսր շնորհի և ընդ սիրոյս մեծի : Չունիմ ինչ ընծայել Աստուծոյ իմոյ առաւել հաճոյական , բայց զսրտի իմոյ բոլորապըտուղ նուէր և զսերտ միակցութիւն : Յայնժամ ցնծասցեն ամենայն ոսկերք իմ , յորժամ կատարելապէս ընդ Աստուծոյ միաւորեսցի անձն իմ : Յայնժամ ասասցէ ցիս . Եթէ կամիս դու լինել ընդ իս , և ես կամիմ լինել ընդ քեզ : Եւ ես տայ պատասխանի . Հաճեաց տէր , լինել ընդ իս , և ես մտադիւր եղէց ընդ քեզ . այս է ամենայն ցանկութիւն իմ , յոգիլ սրտի իմոյ ՚ի քեզ :

ԳԼՈՒԽ ԺԴ

Յաղագս վառեալ ըղձի եռանդնորաց
առ մարմին Գրիստոսի .

Չայն աշակերտի .

Ա . Ո՛րպէս զի մեծ է օրհնութիւն
քաղցրութեան քոյ տէր , զոր պահեցեր
երկիւղածաց քոց : Ի յիշել

խնում, տէր, զմատչել եռանդնո-
տաց 'ի սուրբ քո խորհուրդ մեծաւ
եռանդեամբ և ըղձիւք, բազում ան-
գամ ամաչեմ և յամօթ լինիմ. զի
'ի մատուցարան քո և 'ի սուրբ հա-
ղորդութեան սեղան զաղջ և ցուրտ
մատչիմ, ցամաք և անյորդոր գտա-
նիմ: Ոչ բոլորովին վառիմ առաջի
Աստուծոյդ խնոյ, և ոչ կաթոգնիմ.
որպէս էին բազումք յեռանդնո-
տաց, որք կարի իմն տարիմամբ
հաղորդութեան՝ և զգալի իսկ սիրով
սրտի ոչ ժոյժ ունէին արտասուաց.
այլ սրտիւ և բերանով առ քեզ Աս-
տուած, աղբիւրդ կենդանի, անձ-
կանօք յողոց հանէին. ոչ կարա-
ցեալ զքաղց իւրեանց այլազգ զի-
ջուցանել և յագեցուցանել, բայց
զմարմին քո ճաշակելով ամենայն
խնդութեամբ և հոգևորական ըղձ-
մամբ:

Բ. Ո՛վ ճշմարիտ վառեալ հաւա-
տոյ սոցա, որ ցոյց մեծ է լինելոյ
քոյ 'ի խորհրդեան անդ: Քանզի
սոքա ճշմարտապէս ճանաչեն զտէր
իւրեանց 'ի բեկանել հացին, որոց

սիրտ այնպէս ուժգին ճմլի 'ի նոսա վասն զնալոյն Յիսուսի ընդ նոսա : Հեռի է յինէն յուլովակի այդպիսի ակտորժակ և եռանդն , այդպիսի սաստիկ սէր և բորբոքումն : Քաւիչ իմ լեր , բարերար Յիսուս , քաղցր և զթած . և շնորհեա ինձ աղքատ մուրողի քում՝ զէթ խուն ինչ զըղձակաթ սիրոյ քոյ 'ի սուրբ հաղորդութեան առնուլ երբեմն ըզճաշակ : Զի հաւատք իմ և ևս զօրասցին , յոյս իմ 'ի բարութիւն քո առաւելցի , և սէր իմ կատարելապէս վառեալ , և զերկնային մանանայիս առեալ զճաշակ , մի ևս նըւազեսցի :

Գ. Արդ կարող է ողորմութիւն քո զայս ցանկալի շնորհ պարզեել և ինձ . և հոգևով բորբոքման , յորժամ եկեսցէ օրն՝ յորում հաճոյ լիցի քեզ , այց առնել և ինձ զթութեամբ : Զի թէպէտ և ոչ վառիմ ես այսպիսի մեծափափաք տենչմամբ քոց նշանաւոր եռանդնոտաց , սակայն շնորհիւ քո այդմ մեծաբորբոք տենչման փափաքեմ , աղա-

չելով և անձկալով ամենայն այդպիսի յորդեռանդն սիրողաց քոց բաժանորդ զիս առնել, և ՚ի սուրբ վիճակ նոցա համադասել:

Գ Լ Ո Խ Խ Ժ Ե

Թե զշնորհ եռանդեան խոնարհութեամբ և անձիև ոչրացոչքեամբ յիևի ստանալ .

Չայն սիրեցեցոյն .

Ա. Պարտ է քեզ զշնորհ եռանդեան ստէպ խնդրել, փափաքմամբ հայցել, երկայնմտութեամբ և յուսով սպասել, զոհութեամբ ընդունել, խոնարհութեամբ պահել, ժրջան ՚ի զորժ արկանել, և զսահման և զպայման վերնական այցելութեան յԱստուած յանձն առնել, մինչև եկեսցէ: Խոնարհիլ առաւել պարտ է քեզ, յորժամ նուազ կամ ոչինչ եռանդն զզաս յանձին. այլ ոչ կարի իմն լքանիլ, և ոչ տարապայման տրամել: Տայ յուրովակի

Աստուած 'ի վայրկեան ժամանակի, զոր չես ընդ ժամանակս բազումս : Տայ երբեմն 'ի վախճանի, զոր 'ի սկզբան աղօթից յապաղեաց տայ :

Բ . Եթէ հանապազ արագ տրեալ լինէր շնորհ, և զոյգ ընդ խընդրոյն 'ի վերայ հասանէր, տկարութիւն մարդկան ոչ ճանաչէր զյարգնորա : Ասան այսորիկ քաջ յուսով, և խոնարհ երկայնատութեամբ սարտ է սպասել շնորհի եռանդեան : Այլ զու՝ քեզ և մեղաց քոց լեր մեղադիր, յորժամ ոչ տուեալ լինի կամ լուելեայն բնաւ իսկ բանի : Փոքր իմն է երբեմն, որ զշնորհըն խափանէ և ծածկէ . սակայն թէ արժան իցէ փոքր կոչել զայն, և ոչ մանաւանդ մեծ, որ մեծի բարոյ է խափանարար : Եւ թէ զայս փոքր կամ զմեծ 'ի բաց առնես, և 'ի սպառ վանես, լինելով լիցի զոր ինչ խնդրեցեր :

Գ . Զի վաղվաղակի իբրև յամենայն սրտէ 'ի ձեռս Աստուծոյ զքեզ աւանդեսցես, և ոչ այսմ կամ այնմ

ըստ հաճոյից կամաց քոց 'ի խնդիր
 լիցիս, այլ բովանդակ 'ի նա յանձն
 եղիցիս, անդէն ընդ նմա յօղեալ՝
 հանդարտեալ գտցիս. վասն զի ոչ
 ինչ այնուհետև քաղցրասցի քեզ և
 ոչ ինչ հաճոյասցի՝ իբրև զհաճոյս
 կամացն Աստուծոյ: Ապա որ ոք զիր
 կամս միամիտ սրտիւ 'ի վեր առ Աս-
 տուած ամբառնայ, և զինքն յամե-
 նայն անկարգ սիրոյ կամ 'ի չկա-
 մութենէ արարածական իրաց դա-
 տարկէ, եղիցի զիպող ընդունելու-
 թեան շնորհի, և արժանի պարգևի
 եռանդեան: Քանզի անդ տայ տէր
 զիր օրհնութիւն, ուր անօթս գտա-
 նէ դատարկս: Եւ որչափ կատարե-
 լագոյն 'ի ստորայնոց ոք հրաժարէ,
 և արհամարհութեամբ անձին մե-
 ռելութիւն զգենու, այնչափ շնորհն
 վաղագոյն գայ, առատագոյն մտա-
 նէ, և զազատ սիրտ նորա բարձրա-
 գոյն 'ի վեր ամբառնայ:

Դ. Յայնժամ տեսցէ, և խնդաս-
 ցէ, զարմասցի և ընդարձակեսցի
 սիրտ նորա 'ի նմա. զի ձեռն տեսառն
 է ընդ նմա, և ինքն զլխովին եզ

զանձն 'ի ձեռին նորա մինչև յաւիտեան : Ահա այսպէս օրհնեսցի այր, որ խնդրէ զտէր յամենայն սրտէ իւրմէ, և որ ոչ առնու զնանրութիւն յանձն իւր : Սա յընդունելութեան սուրբ հաղորդութեան՝ մեծի արժանաւորի աստուածային միաւորութեան շնորհի . զի ոչ հայի յիւր եռանդն և 'ի մխիթարութիւն, այլ ի վեր քան զամենայն եռանդն և մխիթարութիւն 'ի փառս Աստուծոյ և 'ի պատիւ նորա :

ԳԼՈՒԽ ԺԶ

Թե պարտ է մեզ՝ զկարիս մեր Քրիստոսի յայտնել, և զշնորհ նորա հայցել .

Չայն աշակերտի .

Ա. Ո՛վ քաղցր և մարդասէր տէր, զոր արդ եռանդեամբ ընդունել ցանկամ, դու զիտես զտկարութիւն իմ և զվիշտս զոր կրեմ . յորչափ չարիս և 'ի մոլութիւնս անկեալ դը-

նիմ . որպէս յուրովակի ծանրիմ ,
 փորձիմ , խռովիմ , և ազտեղանամ :
 Ի հնարս բժշկութեան առ քեզ
 մատչիմ . վասն մխիթարութեան
 և օգնականութեան առ քեզ սլա-
 դատիմ : Առ ամենագէտդ բարբա-
 ուիմ , որում յայտնի են ամենայն
 ներքինք իմ , և որ միայն կարողդ
 ես լիով զիս մխիթարել , և իմ լի-
 նել ձեռնկալու : Դու զիտես որոց
 բարեաց առաւելապէս կարօտիմ ,
 և որպէս թափուր եմ յառաքինու-
 թեանց :

Բ . Ահա կամ առաջի քո աղքատ
 և մերկ , զչնորհ քո հայցելով և ո-
 ղորմութիւն խնդրելով : Կերակրեա
 զբաղցեալ մուրացիկ քո , ջեռո
 զցրտութիւն իմ հրով սիրոյ քոյ ,
 լուսաւորեա զկուրութիւն իմ լու-
 սով եկաւորութեան քոյ : Գարձո
 զամենայն երկրաւորս ինձ 'ի դառ-
 նութիւն , զամենայն ծանունս և
 ներհակականս 'ի համբերութիւն ,
 զամենայն ստորինս և արարածա-
 կանս յարհամարհութիւն և 'ի մո-
 ռացումն : Ուղղեա զսիրտ իմ առ

քեզ յերկինս , և մի թողուր ինձ տատանել 'ի վերայ երկրի : Գու միայն քաղցրասցիս ինձ յայսմ հետէ մինչև յաւիտեան . զի դու միայն ես կերակուր և ըմպելի իմ , սէր և խնդութիւն իմ , քաղցրութիւն իմ և ամենայն բարութիւն :

Գ. Երանի՛ թէ յեկաւորութեան քում զլխովին զիս վառէիր , կիզուիր , և 'ի քեզ փոխարկէիր . զի մի լինէի ընդ քեզ հոգով , շնորհօք սերտ միաւորութեան և հալմամբ բորբոքեալ սիրոյ : Մի թողուր ինձ նօթի և սպաքեալ 'ի քէն հեռանալ . այլ արա ընդ իս մարդասիրապէս , զորօրինակ բազում անգամ արարեր ընդ սուրբս քո սքանչելապէս : Զինչ զարմանք են՝ թէ բնաւին քե հրանամ և յիս նուազիմ , հուր գոլով քոյ մշտավառ և աննիազ , սէր սրբարար սրտի և լուսաւորիչ մտաց :

Գ Լ Ո Ի Խ Ժ Է

Յադագս վառեալ սիրոյ, և ըղձակար
փափաքման ընդունելոյ զՔրիստոս .

Չայն աշակերտի .

Ա. Մեծաւ եռանդեամբ և վառեալ սիրով, ախորժմամբ և տարփմամբ սրտի փափաքիմ ընդունել զքեզ, տէր . զորօրինակ բազում սուրբք և առաքինիք 'ի հաղորդել իւրեանց քեզ փափաքեցին, որք մեծապէս սրբութեամբ վարուց քեզ հաճոյացան, և 'ի ջերմ եռանդն վառեցան : Աստուած իմ, սէր յաւիտենական, լրումն բարութեան, երջանկութիւն անգրաւական . ցանկամ ընդունել զքեզ մեծ ևս տարփմամբ և արժանաւոր յարգանօք, քան զոր սուրբք երբէք կալան յանձինս :

Բ. Եւ թէպէտ անարժան եմ զայն ամենայն եռանդն յանձին բերել . սակայն զամենայն զիմոյ սըր-

տի ախորժակ քեզ մատուցանեմ , որպէս եթէ այն ամենայն խանդաղակաթ ըղձից բորբոքք յիս միայն էին : Այլ և զոր ինչ հնար է բարեպաշտ մտաց խորհել և փափաքել , զայն ամենայն մեծաւ յարգանօք և ըղձմամբ սրտի քեզ ընծայեմ և մատուցանեմ : Ոչինչ կամիմ անձին պահել . այլ զիս , և զամենայն որ ինչ է իմ , քեզ կամակար և մտազիւր նուիրեմ : Աստուած իմ , արարիչ իմ , և փրկիչ իմ , այնպիսի ըղձիւ և յարգմամբ , գովութեամբ և պատուով , այնպիսի գոհութեամբ մեծարանօք և սիրով , այնպիսի հաւատով յուսով և մաքրութեամբ անձկամ ընդունել զքեզ այսօր , զոր օրինակ փափաքմամբ ընկալաւ ըղքեզ ամենասուրբ մայր քո փառաւորեալ կոյսն Մարիամ , յորժամ յաւետել նմա հրեշտակին զմարդեղութեանն խորհուրդ՝ խոնարհութեամբ և եռանդեամբ ետ սրատասխանի . Ահաւասիկ կամ աղախին տեառն , եղիցի ինձ ըստ բանի քում :

Գ. Եւ որպէս երանելի կարապետն քո, մեծն 'ի սուրբս Յովհաննէս մկրտիչ՝ առաջի քո խայտալով ցնծացաւ խնդութեամբ հոգւոյն սրբոյ, մինչդեռ փակեալ էր յարգանդի մօրն. և յետ ժամանակաց տեսեալ զքեզ զի զնայիր 'ի մէջ մարդկան, առաւել ևս խոնարհեալ՝ յորդեռանդն ըղձիւ ասէր. Իսկ բարեկամ փեսային, որ կայ և լսէ նմա, ուրախութեամբ ուրախ լինի վասն ձայնի փեսային. նոյնպէս և ես ցանկամ սուրբ ըղձմամբ բորբոքիլ, և յամենայն սրտէ առաջի առնել քեզ զանձն իմ: Վասն որոյ և զամենայն եռանդնոտաց հրճուանքս, զբորբոքեալ իղձս, զմտաւոր զմայլմունս, զգերբնական լուսաւորութիւնս և զառ 'ի յերկնից յայտնութիւնս, հանդերձ ամենայն առաքինութեամբք և զովութեամբք՝ որ յամենայն արարածոց յերկինս և յերկրի քեզ ընծայեալ, մատուցանեմ քեզ և ընծայեմ վասն իմ, և վասն ամենեցուն յազօթս իմ յանձրն եղելոց. զի յամենեցունց ար-

ժանապէս օրհնեսցիս և յաւիտեան
փառաւորեսցիս :

Դ . Ընկալ զուխտս իմ , տէր Աստուած իմ , և զիղծս անչափ օրհնութեան և անբաւ փառատութեան , որ քեզն վայելեն ըստ առաւելութեան անպատում մեծութեան քոյ : Զայս ամենայն քեզ փոխատրել ցանկամ յամենայն աւուրս և 'ի ժամանակս . և հայցմամբ և ըղձմամբ հրաւիրանօք աղերսեմ զամենայն երկնային զօրս , և զամենայն հաւատացեալս 'ի քեզ , փոխատրել քեզ ընդ իս զչնորհս և զզովութիւն :

Ե . Օրհնեսցեն զքեզ ամենայն ազգք և ազիներ և լեզուք , և զսուրբ զանուշակ անուն քո հռչակաւ և վառեալ եռանդեամբ մեծացուցեն : Եւ որք յարդանօք եռանդագին զայս զերահրաչ խորհուրդ քո կատարեն , և լիահաւատ յայն մատչին , զչնորհս և զողորմութիւն առաջի քո զտանել արժանասցին , և վասն իմ մեղաւորիս աղերս մատուցեն : Եւ իբրև յանձկալի յայն

եռանդն և 'ի զմայլեցուցիչ միաւո-
րութիւն հասանիցեն, և քաջ մխի-
թարեալք և մեծահրաշ վայելեալք
'ի սուրբ յերկնային սեղանոյ քոյ
մեկնեսցին, և զիս զտառապեալս
յիշման արժանի արասցեն :

Գ Լ Ո Ի Խ Ժ Ը

Թե չէ պարտ մարդոյ յիկել ընդվայ-
րաքնին խոշարկոշ խորհրդոյս,
այլ խոնարհ հետևող Քրիստոսի,
հնազանդեալ զիշր միտս սրբոյ հա-
շատոյ .

Չայն սիրեցելոյն .

Ե. Զգոյշ լեր յընդվայրաքնին
և յանպիտան հետազօտութենէ խո-
րին խորհրդոյս, եթէ ոչ կամիս
խարդաւանել'ի վիհ երկբայութեան:
Որ քննիչ է մեծվայելչութեան,
մղձկի 'ի փառաց անտի: Բազում
ինչ հնար է Աստուծոյ զօրծել, քան
մարդոյ 'ի միտ առնուլ: Տանելի է
բարեպաշտ և խոնարհ քննութիւն

ճշմարտութեան, որ պատրաստ է միշտ ուսանել, և ջանայ ըստ ողջամիտ իմաստից հարց գնալ:

Բ. Երանի՛ պարզմտութեան, որ զգժուարին խնդրոց ճանապարհ թողու, և ընդ հարթ և հաստատուն շաւիղս պատուիրանացն Աստուծոյ գնայ: Բազումք կորուսին զեռանդրն, ՚ի ձեռնարկել իւրեանց քննել զբարձրագոյնս: Հաւատք ՚ի քէն պահանջին և վարք ամբիժք. ոչ վսեմութիւն մտաց, և ոչ խորք խորհրդոցն Աստուծոյ: Թէ չիմանաս և չտանիս որ ինչ ստոր է քան ըզքեզ, զիարդ հասու լիցիս որոց ՚ի վեր են քան զքեզ: Հնազանդ լեր Աստուծոյ, և խոնարհեցո զմիտս քո հաւատոյ, և տացի քեզ լոյս զիտութեան, որպէս զիարդ օգուտ իցէ քեզ և պիտոյ:

Գ. Ոմանք մեծապէս փորձին ՚ի վերայ հաւատոյ և խորհրդոյ հաղորդութեան. բայց այս ոչ նոցա է մեղ, այլ առաւել թշնամւոյն: Մի հոգար, մի վիճեր ընդ խորհուրդս քո. և մի երկբայութեանց, որ ՚ի

սաղրելոյ սատանայի, տար պատասխանի: Այլ հաւատա բանիցն Աստուծոյ, հաւատա սրբոց նորա և մարգարէից. և թշնամին չար լիցի 'ի քէն հալածական: Բազում անգամ օգուտ մեծ է ծառայի Աստուծոյ՝ այդպիսեաց համբերել: Քանզի ոչ փորձէ նա զանհաւատս և զմեղաւորս, յորս վստահ է թէ իւր են. այլ զջերմեռանդն հաւատացեալս բազմօրինակ փորձէ և չարչարէ:

Դ. Հա՛պա, գնա զհանապարհ քո անկեղծ և աներկբայ հաւատով, և աղօթանուէր յարգանօք մատիր 'ի սուրբ խորհուրդ. և զոր ոչ բաւես իմանալ, Աստուծոյ ամենակալի աներկեան արա յանձն: Ոչ խաբէ գրեզ Աստուած. այլ խաբի՛ որկարի իմն հաւատոյ անձին: Գնայ Աստուած ընդ պարզամիտս, յայտնէ զանձն խոնարհաց, տայ իմաստութիւն տղայոց, բանայ զմիտս մաքրամտաց, և ծածկէ զչնորհս 'ի հետաքրքրաց և յամբարտաւանից: Բանն մարդկային տկար է, և հնար

է թէ խաբեսցի . այլ հաւատք ճշմարիտ՝ է անխաբ :

Ե. Ամենայն բանի և բնաւոր հետազօտութեան պարտ է զհետ երթալ հաւատոյ . ոչ յառաջել , և ոչ միջամուխ լինել : Չի հաւատք և սէր զեր ի վերոյ են յոյժ , և յայսմ ամենասուրբ գերահրաշխորհրդեան ծածկապէս ներգործեն : Աստուած անչափ յախտենական և անբաւազօր առնէ մեծամեծս և անքնինս յերկինս և յերկրի . և չիք զննութիւն սքանչելի գործոց նորա : Եթէ էին նորա գործք՝ մարդկային բանի զիրահաւք , ոչ արդեօք սքանչելի էին և ոչ անպատում :



Յ Ա Ն Կ

Գ Ր Ո Յ Ե Ի Գ Լ Խ Ո Յ

Գ Ի Ր Ք Ա Ռ Ա Ջ Ի Ն

Խորատք առ հոգևոր կեանս պիտանիք.

Գ Լ .

Ա . Յաղագս նմանող լինելոյ Քրիստոսի , և արհամարհել զամենայն ունայնութիւնս աշխարհի 5

Բ . Յաղագս նուաստ համարելոյ զանձն 8

Գ . Յաղագս վարդապետութեան ճշմարտութեան 11

Դ . Յաղագս յառաջատեսութեան 'ի գործս 16

Ե . Յաղագս ընթերցման սուրբ գրոց 17

Զ . Յաղագս անկարգ ախորժակաց 19

Է . Յաղագս խորշելոյ 'ի սնտախյուսոյ , և 'ի մեծամտութիւն 20

Ը .	Յաղագս զգոյշ լինել 'ի կարի իմն ընտանու թեանէ	22
Թ .	Յաղագս հնազանդութեան և հպատակութեան	24
ժ .	Յաղագս խորշէլոյ 'ի դատարկ բանից	26
ժԱ .	Յաղագս ստանալոյ զխաղա- ղութիւն, և յաղագս նա- խանձու յառաջագիմու- թեան	28
ժԲ .	Յաղագս օգտի վշտաց	31
ժԳ .	Յաղագս հակառակ կալոյ փոր- ձութեանց	33
ժԴ .	Յաղագս խորշէլոյ 'ի յանգուգն դատողութեանէ	38
ժԵ .	Յաղագս որ 'ի սիրոյ արարեալ գործք	40
ժԶ .	Յաղագս համբերելոյ պակա- սութեանց այլոց	42
ժԷ .	Յաղագս միանձնական վարուց .	44
ժԸ .	Յաղագս օրինակաց սբց հարց .	46
ժԹ .	Յաղագս կրթութեանց բարւոյ կրօնաւորի	50
Ի .	Յաղագս սիրոյ առանձնութե և լուութեան	55
ԻԱ .	Յաղագս զլջութեան սրտի	61
ԻԲ .	Յաղագս խօսիման մարդկային թշուառութեան	64
ԻԳ .	Յաղագս խօսիման մահու	69

ԻԴ . Յաղագս դատաստանի, և պատ- ժոյց մեղաւորաց	75
ԻԵ . Յաղագս փոյթեռանգն ուղ- ղութեան վարուց մերոց	81

ԳԻՐՔ ԵՐԿՐՈՐԴ

Խորատք, որք ձգեն զմեզ 'ի ներքինս .

ԳԼ .	
Ա . Յաղագս ներքին գնացից	91
Բ . Յաղագս խոնարհ հպատակու- թեան	97
Գ . Յաղագս առն խաղաղարարի	99
Դ . Յաղագս մաքուր մտաց , և միա- միտ դիտաւորութեան	101
Ե . Յաղագս ճանաչելոյ զչափ ան- ձին	103
Զ . Յաղագս ուրախութեան բա- րուք խղճի մտաց	106
Է . Յաղագս սիրոյն Յիսուսի 'ի վեր- քան զամենայն	109
Ը . Յաղագս մտերիմ սիրելութե- Յիսուսի	111
Թ . Յաղագս պակասութեան ա- մենայն սփոփանաց	115
Ժ . Յաղագս գոհութեան առ շը- նորհս Աստուծոյ	121

- ԺԱ. Յաղագս սահաւութեան սիրո-
ղաց խաչին Յիսուսի . . . 125
- ԺԲ. Յաղագս արքունի Ճանապար-
հի նրբոյ խաչին . . . 129

ԳԻՐՔ ԵՐՐՈՐԴ

Յաղագս ներքին մխիթարութեան .

ԴԼ.

- Ա. Յաղագս ներքին խօսից Քրիս-
տոսի առ հաւատացեալ ոգի 141
- Բ. Թէ ճշմարտութիւն ներքուստ
խօսի լռելեայն . . . 143
- Գ. Թէ զբանս Աստուծոյ խոնար-
հութեամբ պարտ է լռել .
և թէ բազումք ոչ քննեն
զնոսա . . . 145
- Դ. Թէ պարտ է ճշմարտութեամբ
և խոնարհութեամբ գնալ
առաջի Աստուծոյ . . . 150
- Ե. Յաղագս սքանչելի պողոյ աս-
տուածային սիրոյ . . . 153
- Զ. Յաղագս հանգիսի ճշմարիտ սի-
րողի . . . 159
- Է. Յաղագս ծածկելոյ զնորհս
ընդ պահպանութեամբ խո-
նարհութեան . . . 163

- Ը • Յաղագս նուաստ համարման
անձին առաջի Աստուծոյ . . . 167
- Թ • Թէ զամենայն պարտ է վերա-
բերել յԱստուած իբրև 'ի
վերջին վախճան 170
- Ժ • Թէ արհամարհողին զաշխարհ
քաղցր է ծառայել Աստու-
ծոյ 172
- ԺԱ • Թէ զիղձս սրտի քննել պարտ
է, և կարգաւորել 176
- ԺԲ • Յաղագս օրինակի համբերու-
թեան, և մարտնչելոյ ընդ-
դէմ ցանկութեանց 178
- ԺԳ • Յաղագս հնազանդութեան խո-
նարհ հպատակի ըստ օրինա-
կին Յիսուսի Քրիստոսի . . . 182
- ԺԴ • Յաղագս խոհման գաղտնի դա-
տաստանացն Աստուծոյ, զի
մի մեծամտեսցուք ընդ բա-
րութիւնս 184
- ԺԵ • Թէ զիսորդ պարտ է մեզ կալ
և զինչ ասել յամենայն ցան-
կալիս 187
- ԺԶ • Թէ ճշմարիտ ակոփանս խըն-
դրել պարտ է միայն յԱս-
տուած 190
- ԺԷ • Թէ զամենայն հոգս ընկենուլ
պարտ է յԱստուած 192
- ԺԸ • Թէ ժամանակեան թշուառու-

- Թեանց ըստ օրինակին Քրիստոսի պարտ է երկայնմուռ-
Թեամբ համբերել 194
- ԺԹ. Յաղագս տանելոյ անիրաւու-
Թեանց, և ցոյց ճշմարիտ
համբերողի 197
- Ի. Յաղագս խոստովանուԹեան
անձին տկարուԹեան, և կեն-
ցաղոյս ԹշուառուԹեանց . 200
- ԻԱ. Թէ պարտ է հանգչել յԱս-
տուած, քան յամենայն բա-
րուԹիւնս և ՚ի պարգևս . . 204
- ԻԲ. Յաղագս յիշատակի բազմա-
պատիկ բարերարուԹեանց
Աստուծոյ 209
- ԻԳ. Յաղագս չորից, որք ՚ի ներքս
ածեն խաղաղուԹիւն մեծ . 213
- ԻԴ. Յաղագս խորշելոյ յընդվայրա-
քնին հետազօտուԹենէ վա-
րուց այլոց 217
- ԻԵ. Թէ յինչ հաստատեալ իցէ
անխռով խաղաղուԹի սրտի,
և ճշմարիտ յառաջագիմու-
Թիւն 218
- ԻԶ. Յաղագս վսեմուԹեան ազա-
տական մտաց, որում արժա-
նանամբ առաւել խոնարհա-
կան աղօթիւք՝ քան ուսմամբ . 221
- ԻԷ. Թէ առանձնական սէրն ՚ի գե-

- բողոքոյն բարւոյ մեծապէս
յեսաս ընկրկէ 224
- ԻԸ . Ընդդէմ լեզուաց բամբասոյ
ղաց 227
- ԻԹ . Թէ որպէս 'ի նեղութեաց պարտ
է կարգալ առ Աստուած , և
օրհնել զնա 228
- Լ . Յաղագս խնդրելոյ զօգնակա
նութիւնն Աստուծոյ , և յա
ղագս յուսոյ վերստին ըն
դունելութեան շնորհաց . 230
- ԼԱ . Յաղագս զանց առնելոյ զամե
նայն արարածովք առ գտա
նելոյ զարարիչն 235
- ԼԲ . Յաղագս ուրանալոյ զանձն , և
հրաժարելոյ յամենայն ցան
կութենէ 239
- ԼԳ . Յաղագս անհաստատութեան
սրտի , և յաղագս վախճա
նական գիտման՝ զոր պաշտ
է ունել առ Աստուած . . . 241
- ԼԴ . Յաղագս թէ սիրողին քաղցր է
Աստուած 'ի վեր քան զա
մենայն և յամենայնի . . . 243
- ԼԵ . Թէ չէք ապահովութիւն 'ի փոր
ձութենէ յաստիկեանս . . . 246
- ԼԶ . Ի վերայ ունայն դատողութե
մարդկան 249
- ԼԷ . Յաղագս անխառն և ողջիկ

- յանձնարարութեան անձին ,
 առ ստանալոյ զազատութեան
 սրտի 251
- ԼԸ . Յաղագս քաջ կառավարութեան
 թեան յարտաքինս , և դիմել
 առ Աստուած 'ի վտանգս 254
- ԼԹ . Թէ չէ պարտ մարդոյ տառնապէս
 յիրողութիւնս 256
- Խ . Թէ մարդ չունի ինչ բարի յիւր
 մէ , և չէ կարող պարծել յիրս
 ինչ 257
- ԽԱ . Յաղագս արհամարհութեան ա-
 մենայն ժամանակաւոր սրտոյ 261
- ԽԲ . Թէ չէ պարտ գնել զխաղաղութիւն
 'ի մարդիկ 262
- ԽԳ . Յաղագս սնտի և աշխարհային
 գիտութեան 264
- ԽԴ . Յաղագս չձգելոյ յանձն զար-
 տաքինս 267
- ԽԵ . Թէ չէ պարտ հաւատալ ամենեցուն ,
 և յաղագս դիւրասահութեան 'ի բանս 268
- ԽԶ . Յաղագս ապաւինելոյ յԱստուած ,
 յորժամ 'ի վերայ յարձակին
 սլաքք բանից 273
- ԽԷ . Թէ պարտ է տանել ամենայն
 ծանունց՝ վասն յաւիտենիցն կենաց
 277

- ԽԸ . Յաղագս աւուրն յաւիտենից ,
և կենցաղոյս անձկութեանց 280
- ԽԹ . Յաղագս փափաքման յաւիտե-
նական կենաց , և թէ քանի
բարիք խոստացեալ են պա-
տերազմողաց 285
- Ծ . Թէ որպէս պարտ է լքելոյն՝
աւանդել զանձն 'ի ձեռս
Աստուծոյ 291
- ԾԱ . Թէ պարտ է պատաղել 'ի խո-
նարհ գործս , յորժամ չեմք
ժամանող բարձրագունից . 297
- ԾԲ . Թէ չէ պարտ մարդոյ համա-
րել զանձն արժանի մխիթա-
րութեան , այլ յաւէտ պար-
տաւոր գանից 299
- ԾԳ . Թէ շնորհն Աստուծոյ ոչ խառ-
նի ընդ այնս՝ որոց քաղցր են
երկրաւորք 302
- ԾԴ . Յաղագս այլևայլ շարժմանց
բնութեան և շնորհաց . . . 305
- ԾԵ . Յաղագս ապականութեան բը-
նութեան , և ազգուութեան
աստուածային շնորհաց . . 312
- ԾԶ . Թէ պարտ է մեզ ուրանալ
զանձինս , և զհետ երթալ
Քրիստոսի 'ի ձեռն խաչի . 317
- ԾԷ . Թէ չէ պարտ մարդոյ կարի իմն
լքանել , յորժամ դիպի նմա

- 'ի սրակասուլթիւնս ինչ սա-
 հել 321
 ԾԸ. Յաղագս չքննելոյ զբարձրա-
 գոյն իրս, և զԱստուծոյ
 գաղանի գատաստանս . . . 324
 ԾԹ. Թէ զամենայն յոյս մեր և ա-
 սրակնուլթիւն յԱստուած
 միայն սարս է հաստատել . 332

ԳԻՐՔ ՉՈՐՐՈՐԳ

Յաղագս խորհրոյ հաղորդութեան .

- Ձերմեռանդն հրաւեր առ սբ
 հաղորդութիւնն 337
 ԳԼ.
 Ա. Թէ քանի՛ յարգանօք սարս է
 ընդունել զՔրիստոս . . . 338
 Բ. Թէ մեծ բարութիւն և սէր Աս-
 տուծոյ՝ ի սուրբ խորհրդեան
 ցուցանի մարդկան 347
 Գ. Յաղագս թէ օգտակար է ըս-
 տէս հաղորդիլ 382
 Դ. Յաղագս թէ բազում բարիք
 պարգևին այնց, որք եռան-
 դեամբ հաղորդին 356
 Ե. Յաղագս յարգի խորհրդոյս, և
 քահանայական կարգի . . . 361

2. Հարցումն 'ի վերայ կրթու-
 թեան յառաջ քան զհաղոր-
 թութիւնն 365
- է. Յաղագս քննութեան խղճի
 մտաց, և ուղղութեան ա-
 ռաջագրութեան 366
- Ը. Յաղագս նուիրման Քրիստոսի
 'ի խաչին, և յաղագս յան-
 ճնարարութեան անձին . . . 370
- Թ. Թէ զմեզ, և զամենայն ինչ ըզ-
 մեր, պարտ է մեզ մատու-
 ցանել Աստուծոյ, և վասն
 ամենեցուն առնել աղօթս . 372
- ժ. Յաղագս թէ 'ի սուրբ հաղոր-
 դութենէ չէ պարտ 'ի բաց
 կալ դիւրաւ 376
- ժԱ. Թէ մարմինն Քրիստոսի և նր
 գիրք յոյժ են հարկաւորան-
 ձին հաւատացելոյ 382
- ժԲ. Թէ որ հաղորդելոցն է, բա-
 զում զգուշութեամբ պատ-
 րաստել պարտի զանձն առ
 ընդունելութի Քրիստոսի . 389
- ժԳ. Թէ պարտ է ջերմեռանդն ու-
 գւոյ յամենայն սրտէ ակոր-
 ժէլ զմիանալն ընդ Քրիս-
 տոսի 'ի սուրբ խորհրդեան . 392
- ժԴ. Յաղագս վառեալ ըզձի եռանդ-
 նոտաց առ մարմին Ք.Ս.Ւ . 395

- 41
- ԺԵ. Թէ զչնորհ եռանդեան՝ խո-
նարհութեամբ և անձին ու-
րացութեամբ լինի ստանալ. 398
- ԺԶ. Թէ պարտ է մեզ զկարիս մեր
Քրիստոսի յայանել, և զչը-
նորհ նորա հայցել . . . 401
- ԺԷ. Յաղագս վառեալ սիրոյ և ըղ-
ձակաթ փափաքման ընդ ու-
նելոյ զՔրիստոս . . . 404
- ԺԸ. Թէ չէ պարտ մարգոյ լինել
ընդ վայրաքնին խուզարկու-
խորհրդոյս, այլ խոնարհ հե-
տևող Քրիստոսի, հնազան-
դեալ զիւր միաս սրբոյ հա-
ւատոյ . . . 408

